

清代傳記叢刊·綜錄類⑦
周 駿 富 輯

國朝耆獻類徵初編

(四三)

卷二九九至
卷三〇九

(清)李桓輯



明文書局印行

May 1982

國朝耆獻類徵初編卷二百九十九目錄

將帥三十九

黃文燦

呂朝龍

烏大經

穆騰額

福敏泰

張承勳

彭之年

善德

沐特恩

劉景昌

眾神保

永甯

薩克丹布

子格布舍

阿哈保

碩雲保

一
二
三
四
五
六
七
八
九
十
十一
十二
十三
十四
十五
十六
十七
十八
十九
二十

國朝耆獻類徵初編卷二百九十九

通奉大夫前署江西巡撫江西布政使司布政使湘陰李桓輯
將帥三十九

黃文燦

黃文燦鑲紅旗漢軍人大學士黃廷桂之曾孫乾隆三十三年由
官學生承襲三等忠勤伯三十六年授三等待衛三十九年兼公
中佐領四十年二月擢散秩大臣三月授鑲白旗漢軍副都統嘉
慶元年授鑲守廣州漢軍副都統 賞戴花翎二月偕總督吉慶
巡撫陳大文等疏言廣東駐防兵丁滿洲八旗向蒙 恩給養育
錢糧惟漢軍未定此例原因各旗孤寡無多該旗官兵於月餉內

勻攤周卹尙易爲力今駐防年久生齒日繁若不籌款調劑於官
兵生計有關查糧道衙門普濟堂經費遞年所收佃租商息放關
分頭四款除普濟堂支銷外每年餘銀八九千兩至一萬餘兩見
積存道庫銀十四萬六千餘兩竊計此項本屬惠養孤貧今漢軍
八旗孤寡請卽於此款經費內每名月給銀一兩以資養贍得
旨照所請行七年惠州博羅縣會匪陳爛屐四等滋事總督吉慶
咨調翼尉佐領各一員雲騎尉職銜章京二員前往勦辦文燦借
將軍書敬副都統善保護守省城 上諭惠州距省祇三百餘里
書敬善保黃文燦閩國家有此匪徒滋事且見管數千人八旗官
兵理宜奏往會同總督迅爲勦辦乃藉稱護守省城殊屬不曉事

體除傳旨申飭外仍著明白回奏尋書敬奏請議處文燦以未奏部議降三級調用 詔改爲革職畱任八年二月得 旨黃文燦人本平庸不勝副都統之任著回京在散秩大臣上行走是年十一月授鑲藍旗漢軍副都統十二月署熱河副都統九年正月卒於任子瑞保襲三等忠勤伯

右 國史館本傳

--	--	--	--	--	--	--	--	--	--

呂朝龍

呂朝龍四川廣元人由行伍洊擢千總隨征兩金川有功乾隆五
十三年巴勒布滋擾西藏朝龍隨成都將軍鄂輝等征剿五十四
年五月經鄂輝等保奏 諭曰據鄂輝等奏四川峽邊營千總呂
朝龍等曾經出師兩金川等處勇往向前諳練營伍此次帶兵赴
藏尤能不避艱險爲標弁中出色之員請旨升用著照所請呂
朝龍以守備升用六月補四川建昌鎮標中營守備五十七年十
二月升右營都司時將軍福康安征廓爾喀賊酋降朝龍趕運軍
餉火藥催雇人夫不辭勞瘁五十八年正月福康安奏請獎勵奉
旨加恩賞戴花翎仍以應升處記名先用十月擢崇化營遊擊六

十年湖南苗匪滋事延及四川界朝龍隨署四川總督大學士孫士毅帶兵攻剿六月賊匪數千於洪安汛對河涉淺分路撲卡朝龍偕參將何元卿帶兵馳擊賊九月賊匪千餘擾李老溪地方朝龍由七架乘夜馳至復痛殲之斃賊二百餘生擒賊匪楊老倫吳四又剿之於苦梨樹斬馘多名嘉慶元年湖北教匪滋事侵擾四川西陽州界五月賊屯踞江巖堡官兵乘夜進剿朝龍密派弁兵抄路將紅巖堡後溪河浮橋拆斷賊赴水竄溺死者甚眾經孫士毅奏入奉 旨呂朝龍著卽行升用先行賞給升銜頂帶六月旗鼓寨賊匪設立木城拒守又分中左右營爲犄角成都將軍觀成督率朝龍等由甘洞橋進繫直抵木城拋擲火彈賊匪半被燒斃

逃出者亦殲斃無遺奏入得旨著咨部議敘十一月攻響溪口賊卡斃賊數十生擒張添相等六名二年正月達州賊匪經官兵奪占馬鞍山後仍復屢次衝突觀成派朝龍偕協領蘇勒芳阿分路衝殺斃賊一百五十六名生擒李有洞等五十二名奪獲槍礮刀矛旗幟甚多賊匪復分路撲冉家壩營卡朝龍等繞赴賊後會官兵兩面夾擊斃賊八十餘生擒十七名張家觀賊首徐添德與豐城賊酋冷倖開入東鄉復踞天橋營卡趨貫山朝龍等奮勇進剿會山左右伏兵齊出賊驚竄斃數十名生擒鮮良生等四名四月升提標中營參將十月賊首陳崇德踞老木園十一月觀成督朝龍從橋頂山進攻於危崖密箐中曲折而行抵老木園山脚兵

勇爭先搶撲飛擲火彈連燒二卡殲斃甚眾復乘夜搶上二層巖轟斃賊十餘名十二月偕千總楊富貴等乘夜從深溝進攻賊匪驚竄截殺三千餘名奪占頭卡三年正月賊匪於雪夜昏霧中潛撲茶園嘴營卡官兵槍箭齊發朝龍等用石塊飛擊並以劈山礮連環攻打賊潰散擊斃五十二名復帶兵競進斃賊四十餘名奪占土地埡石卡二月賊匪二千餘撲九峯埡官兵擊退之朝龍督兵追躡於響水洞周武坪等處斃賊百餘名三月官兵分路由馬桑溪進攻朝龍從小梁子花椒坪攀援而上擊斃多名四月朝龍等復分路由木克埡三道埡攀嶺越坎迤邐直上拋擲火彈奮勇勦殺斃賊四十餘名生擒三名焚燬兩處賊卡尋進攻賊巢賊首

陳崇德滾崖跳澗折竄太平縣境觀成等分路兜剿朝龍等沿途
截殺賊折回水墩子山梁官兵圍攻之五月朝龍首先搶上山梁
各路兵勇攀援競上匪眾殲戮殆盡陳崇德自用矛槍戳斃經總
統勒保奏入 賞給副將職銜遇缺補用十二月龍紹周等股匪
在奉節大甯邊界往來奔竄勒保派朝龍帶兵策應遏其東竄之
路四年三月補浙江湖州協副將仍留軍營駐守巫夔一帶七月
在巴霧河防守川省賊首李淑等衝撲高子河營卡闌入楚疆勒
保逮問 上命署四川總督魁倫查明李淑等股匪本係何人剿
辦是否卽係勒保所派之呂朝龍等縱令入楚一併嚴參治罪十
二月魁倫奏勒保於解京起程時親遞密呈一件內稱本年夏間

密奉 諭旨交查副都統銜福甯前在旗鼓寨殺降一事節次查
詢據候補都司何天標稱此事係副將呂朝龍始終經手當將朝
龍檄至達州面訊據稱嘉慶元年七月十六日福甯於旗鼓寨餘
匪窮蹙乞降者恐其狡詐將男犯誘令入城陸續駢誅約計二千
餘人辦理前數起時朝龍搜查在外惟末後兩起三百餘人係經
手辦理 上以福甯錯謬已極 命革職拏問呂朝龍係福甯使
令殺降非伊之罪於質訊明確後卽令速回本營效用五年三月
調四川阜和協副將四月擢四川松潘鎮總兵六年三月總督勒
保以嘉陵江爲川省西南屏障令朝龍偕總兵張志林就近會哨
互相兼顧嚴密防守十二月賊竄階州一帶勒保飭朝龍在白水

江嚴防八年八月經略額勒登保奏三省餘匪肅清嘉陵江上游
與陝甘毗連不可遽令空虛分撥官兵一千名交朝龍管帶防守
九年二月卒於軍營經勒保奏 聞 諭曰四川松潘鎮總兵呂
朝龍在軍營帶兵有年不辭勞瘁今因病故著加恩照軍營病故
例賜卹子應揚見任四川瀘甯營守備

右 國史館本傳

169-016

169-016

烏大經

烏大經陝西長安人乾隆二十七年武舉人二十八年成進士
殿試授三等待衛三十三年擢山東武定營遊擊三十七年遷德
州營參將三十九年九月逆匪王倫滋事調赴臨清州協防賊乘
夜攻城用牛車拉麻稽縱火焚燒城門大經督率弁兵將拉車賊
人殺斃賊取蜂擁上城槍礮並施斃賊三百餘人賊又潛來城下
挖創地洞大經令兵丁縋城而下殺賊數人拏獲數人賊驚潰乃
令四路徼巡定地會剿以防逃竄事 聞得 旨加升銜俟事竣
後該撫等量其功績奏請升用十月 諭令舒赫德將武靈阿才
具心地與烏大經秉公比較若烏大經較勝卽升補臨清協副將

尋奏烏大經自調赴臨清協勦賊匪初到之日正賊逆攻城該員登城擊斃賊眾會奉 旨加銜一等見令督飭安輯良民復業查擊存畱逆匪並嚴查舊城內有無火藥軍裝被賊搶掠諸事頗能詳審請卽將烏大經升補臨清協副將得 旨允行大經清理街道檢出賊屍五百餘具並稟報回籍民戶共有七千七百七十有零男女大小共四萬零七百名四十年三月奉 命召取來京引見四月 上召見大經詢問上年勦賊情形蒙 恩賞戴花翎並緞二匹 上巡幸山東 駐驛臨清舊城 諭曰賊匪前此攻犯臨清州城計七八日副將烏大經等晝夜設法拒守殺賊保城均屬可嘉乃擢大經爲江西南贛鎮總兵四十八年升廣西提督五

十一年調補雲南提督五十二年十月勅辦安南 上以雲南與安南接壤派烏大經帶兵三千名前進嗣雲貴總督富綱奏請帶兵五千名懇與烏大經一同出關 諭曰富綱與孫士毅同屬督臣事權不能歸一所有調到兵五千名著交烏大經帶領出關並受孫士毅調度節制尋以大兵致討未及一月屢次克捷奉 諭滇粵兩路同時撤兵應飛咨烏大經勿致彼此參差五十六年丁母憂去職五十七年 特命大經起復署理甘肅提督五十八年八月服闋實授甘肅提督嘉慶三年調任雲南提督四年十月邊外野獮滋擾土司夷境總督富綱知會大經帶兵親往查辦奉旨此次獮匪滋擾甚爲可惡該督務與烏大經督鎮道等乘冬晴

瘴退之時相機妥辦復諭前據富綱奏稱土司境內和尚銅登
旬結滋事已令烏大經帶兵勦辦並添派各營官兵一千六百名
前往搜捕烏大經見任提督有奏事之責乃久未奏報殊屬延緩
大經聞命悚惶即自請交部議處因奏言猓黑本有家野之分
邊方野猓常事焚劫近有銅登和尚挾土司不准蓋廟之嫌遂向
旬結起衅延及猛猛蔓入緬甯內地抗不就撫必須埽穴擒渠方
可肅清邊境大經於到緬後即會同鎮臣蘇爾相親督官兵節次
將緬甯所屬之南柯三節石昔木腊南那招露籠土中下甯安腊
東困賽等處百餘里地方盡行克復見已攻克洒河賊匪柵卡官
兵占據山梁緬甯邊界全清賊已漸知畏懼但進勦兵力尙單復

調九龍江土練一千五百餘名以資協剿並添派署臬司屠述濂帶同將備兵練於十二月十三日直赴猛猛一路攻剿三十日攻克南洒河對面山梁賊棚一座并將大蚌山坡賊匪大小棚座攻克又燒燬附南元賊寨四處將大蚌江一帶打通與威遠地方聲息相聯不日九龍江土練到營卽分路夾攻必將首犯擒獲使邊圉甯謐五年正月奏到得旨烏大經在彼出力朕方欲加之獎賞今因奏報遲延請交部議處殊可不必務須同書麟酌量賊情妥協辦理是月官兵連克大蚌伯扎拱十三賊寨及荷莞等大小營卡大經督飭將弁乘勝追擊二月進克伯扎山梁賊寨奏入得旨所辦尙好猥匪經官兵連次攻剿竄逸餘生自易撲滅書麟惟

當與烏大經督率弁兵奮力剿滅尋以焚燬賊棚三道攻破大小賊營五座殲斃賊匪無數奏入得旨嘉獎賞喜字玉扳指一箇鑲玻璃銅盒一箇大荷包一對小荷包二箇七年二月來京陛見時猱猱夷匪滋擾命大經馳赴維西協同總督琅玕辦理四月江外猱匪乘閒竄入威遠廳屬諭令大經卽赴普洱督同總兵書成等搜剿大經馳赴維西督催張玉龍等攻克康普一帶畱駐維西捕附近猱匪六月奏言猱匪滋擾維西雖將康普一帶剿通但首逆恆乍綑尙未就擒且甫經戡定之區恐餘黨未盡復有勾結江外野猱之事必須大員彈壓以資防範至吉尾樹苗等處分股燒搶之賊見仍頑梗未化並未白蒲甸地方聚集二千餘

人盤踞未散亟須藉此兵力逐處洗除乃近來後路魯甸獨村坪
又有賊匪聚集隱匿深林密箐之內暗放藥箭搶劫傷人一聞官
兵往捕卽穿林入箐旣不能兜截又無從跟蹤追剿查該處爲運
糧要路此等兇頑狡詐必須全數搜捕方除後患得 旨該夷匪
如果怙惡不悛抗拒官兵自當嚴行勦殺儻知震懾悔罪投誠卽
可就勢完結毋得遇事株連九月琅玕奏酌撥官兵分別撤回並
設法擒拏首逆奉 旨恆乍綳潛逃江外所有前調官兵未便全
撤著琅玕酌量挑留交與烏大經駐彼督辦尋議將所調兵練酌
留二千餘名餘兵撤回十一月大經奏獐獐探知官兵已撤乘江
水淺洄復行偷渡旬結江內降獐獐搶割稻穀劫奪牲畜奉 旨

維西猓匪前據官兵屢次痛剿畏懼乞降此時官兵甫經裁撤卽敢偷渡過江肆其搶劫若不大加懲創該匪何所忌憚著將前此所撤之兵仍行截回嚴飭將弁兵勇迅速剿辦俾知所懼懾十二月大經督兵進剿獨村坪一帶及康普小維西得勝八年二月大經與琅玕分駐石鼓橋頭二處督催鎮將沿江一帶隨路剿辦十月生擒首逆恆乍綳陸續撤兵九年三月卒於官 諭曰烏大經久膺專閫效力戎行前在山東安南等處屢經出兵打仗殺賊受傷上年維西猓匪滋事之時剿辦亦屬出力茲聞淹逝深爲軫惜著加恩賞給卹典尋 賜卹如例子承緒一品廕生引 見以知州用歷任雲南尋甸州直隸晉州知州

右 國史館本傳

乾隆甲午壽張民王倫作亂孫總兵惟一舉兵勦之眾寡不敵徐中丞績檄合省兵與河督姚立德會勦戰於柳川賊初起事皆烏合眾見官兵甚畏徐故書生紀律頗疏又令將軍器縛載後乘倉卒遇賊士卒皆徒手與敵遂至大潰宗室某首先逃遁徐中丞避兵東昌賊遂猖獗進圍臨清時守將爲葉清故武科子弟善於詩書筆窠字倉卒乘馬傷髀署知州秦震鈞與參將烏公大經任守城責各堞立烽燧造火器及擊木礮石等具嚴察奸謀曉諭居民令其分地而守賊屢次攻之火器驟發斃賊無算賊首王倫對城張黃蓋奏鼓樂指揮其眾公令敢死士數人突出擊之幾獲倫其

黨抵死禦之倉卒奔去後舒文襄公率禁旅救之其圍始解舒公
召公詢其顛末公應對詳明舒薦於朝純皇帝召見奇公貌
曰真將種也公故修耨壟立望之生長云後游擢至提督終於任

右錄宗室昭槤撰

穆騰額

穆騰額陳佳氏滿洲鑲黃旗人乾隆三十一年由健銳營前鋒補前鋒校游擢前鋒參領五十一年授甘肅肅州金塔協副將五十九年六月擢廣東高州鎮總兵嘉慶元年湖南苗匪滋事雲貴總督福康安檄赴軍營五月帶粵兵二千名由辰州瀘溪會同古州鎮總兵袁敏勦賊於大璧流殺賊二百餘名追至河溪渡口淹斃無數燒燬賊匪茅棚百餘間奏入 賞大小荷包尋奪柎木橋攻克黃連坡得勝坡賊卡進偪乾州因後路尙有餘匪窺伺穆騰額畱駐河溪二年湖南軍務告竣撤兵回粵四月內大臣德楞泰檄赴達州東鄉一帶協勦川省教匪六月由黃家寨攻香鑪坪賊巢

又攻於大涼山敗之賊匪竄入界嶺地與湖北巴東歸州相聯道
路叢歧穆騰額帶兵一千畱守巴東七月賊匪焚掠石門大葉牛
口等處穆騰額追殺三百餘名賊竄黑石坡大兵追攻穆騰額同
侍衛法依當阿由閒道上黑石坡後山伏兵破之尋赴宜昌禦賊
八月隨將軍明亮攻賊於羅耳坪敗之殺獲甚眾奏入 賞大小
荷包九月從德楞泰敗賊於均州賊奔孫家灣復敗之於黃龍瀧
賊自竹谿竄入陝省一路焚掠穆騰額繞出獨松寺山前截擊之
殺賊二百餘名生擒十四名奪獲馬騾器械甚夥賊眾折回竹谿
屯聚金竹壩欲偷渡小樹河穆騰額於旗山扼擊之賊不能渡十
月會勦於大樹河大兵截賊五段斬戮生擒無算斃賊目張世虎

等奏入 賞玉扳指大小荷包十一月攻賊於魚洞子追至繖子
坪敗之三年二月敗賊首高均德於張家坪三月隨德楞泰攻賊
首齊王氏姚之富於蓮花池偪至三岔河齊王氏姚之富均投崖
死德楞泰奏稱穆騰額在苗疆出力年餘此次隨同勦賊日在前
敵尙爲奮勇所帶廣東兵丁實爲出力得 旨賞戴花翎並 賞
金鑲松石玉喜字扳指火鐮大小荷包是月帶兵隨明亮圍高均
德於兩岔河殲擒過半九月攻逆匪張漢潮於廣元明亮令穆騰
額設伏平道梁大兵追至丁家嘴伏兵前後攻擊斬獲甚多十月
從德楞泰攻賊首羅其清於箕山克馬鞍山賊卡張漢潮股匪復
由川省大甯竄回界嶺穆騰額帶兵截殺於峽口十一月張逆掠

食大昌追至火食嶺大敗之十二月大兵會勦羅逆於官山穆騰
額從德楞泰由山左衝出賊方梟水偷渡巴河斬獲淹斃無算復
會勦於蔡家梁羅其清就俘四年七月張漢潮股匪翻越秦嶺在
棧道無兵處躲避明亮令穆騰額帶固原延綏兵一千六百名駐
紮五郎往來防堵是年以衰老多病經參贊大臣那彥成奏請休
致得 旨允行九年七月卒

右 國史館本傳

福敏泰

福敏泰蒙古正藍旗人博羅特氏由護軍校於乾隆十三年隨征金川二十年隨征巴里坤屢打仗有功二十五年授直隸山永協右營守備三十二年調泰甯鎮守備三十五年擢四川永甯協右營都司三十六年八月隨征金川十月進攻甲金達山梁十一月帶兵殺賊奪器械二十餘十二月攻資哩寨面受槍矛傷擢四川泰甯協戡邊營遊擊三十七年二月隨參贊大臣五岱由色布色爾一路進兵賊眾乘夜潛來與侍衛三達爾等橫擊之殺賊甚眾生擒二名嗣復帶兵繞至得爾蘇山後占住山梁奪礮卡三五月將軍大學士溫福令福敏泰帶兵五百名裹糧前往接濟進攻各

上官兵十月以攻克路頂宗功列超等奉 旨賞戴花翎十二月
帶兵至達巴溝山梁防範糧運三十八年十月大兵攻克阿喀木
雅等處直抵僧格宗福敏泰生擒賊目按不魯三十九年二月將
軍阿桂以木波係賊人出入要路令福敏泰帶兵駐守五月派駐
喇木山梁賊眾夜圍其卡福敏泰與都司納奇善放槍追殺之賊
敗遁隨各帶兵分爲兩翼下歷時把總楊遇春所守之卡亦被賊
圍福敏泰遂高聲傳號楊遇春在卡內應聲因合力施放連環槍
直下攻撲賊大潰 上以福敏泰於追賊之際奮勇應援擢甘肅
蘭州營城守參將仍駐軍營四十年遷甘肅涼州永昌協副將四
十一年二月大兵攻克噶拉依逆首就擒四月凱旋赴任四十二

年擢山西太原鎮總兵四十九年五月甘肅石峯堡逆回滋擾帶兵二千名赴陝西鳳翔府寶峪山隴州曹家灣等處堵禦六月尙書福康安令會師相機勦賊嗣因賊人經官兵痛加殲戮紛紛乞降上以汧隴一帶無虞賊竄著阿桂福康安酌量就近行知福敏泰令其回本任五十八年山西巡撫蔣兆奎以福敏泰患病奏請回旗調理諭曰福敏泰前在軍營屢次奮勇出力今既患病著准予原品回旗調理俟病痊再行量加錄用六十年病痊奉旨暫在頭等待衛上行走交軍機處記名遇近省總兵缺出題奏嘉慶二年兼公中佐領四年三月上以福敏泰頭面顯露數處傷痕實會奮勉出力賞副都統銜四月署鑲黃旗滿洲副都統

族補授鑲藍旗蒙古副都統六年授泰甯鎮總兵八年五月奉
旨福敏泰著回京另候簡用旋授正黃旗蒙古副都統九年九月
卒子達洪阿原任甘肅甘州參將先是福敏泰於泰甯鎮總兵任
內承辦 萬年吉地工程十三年七月以原辦各員做不如式經
長麟等奏請治罪 諭曰福敏泰見已病故有無子嗣出仕當差
著查明革退十四年十二月 賞護軍校

右 國史館本傳

張承勳

張承勳正黃旗漢軍人原籍江南江浦縣乾隆十三年由閒散襲其高祖張勇軍功所封一等靖逆侯爵十九年補散秩大臣五十七年授正黃旗漢軍副都統五十九年命編入正黃旗漢軍嘉慶四年正月命偕侍郎恆傑赴朝鮮恭頒高宗純皇帝遺詔上面諭如有餽送禮儀不得收受四月使回偕恆傑覆命諭曰據奏該國王接奉遺詔極爲恭謹並備送禮物伊二人堅卻不受該國王復再三懇收並將原奉高宗純皇帝准收正禮諭旨呈閱伊等仍不收受轉令差人將禮物齎隨渡江而於行抵江岸時乃囑令原使帶回所辦殊屬拘泥不曉事體伊等充使時朕

未知 高宗純皇帝降有諭旨是以令其勿受禮物今既據該國王再四懇陳則自可酌量收受以申其恭順之意卽於到京後據實陳明否則一面收受將原奉 高宗純皇帝諭旨恭錄齎呈朕覽亦未爲不可抑或竟不收受亦尙屬正辦豈有徒令彼國差人齎隨煩勞該國驛站種種錯誤著交部議處部議降二級畱任九月 命在乾清門行走五年補鑲白旗漢軍副都統奉 旨不必兼散秩大臣六年因朝陽門外放米於閉城時擠斃人口承勳未能妥辦下部議降一級畱任七年授杭州將軍九年正月 上以承勳年老 命來京仍在散秩大臣上行走三月因病乞假尋以病久未愈陳請退去散秩大臣 上允之十月卒子秉樞襲侯爵

原任廣州副都統緣事褫革孫清襲侯爵見任散秩大臣

右 國史館本傳

三ノ月廿二日

丁

彭之年

彭之年湖南瀏陽人乾隆十八年由武舉挑補兵部學習二十三年遷陝西固原鎮屬守備四十二年擢蘭州城守營參將四十六年遷神木協副將解送軍需羊隻至庫車阿克蘇葉爾羌軍營以軍功議敘署延綏鎮總兵五十年升湖北襄陽鎮總兵五十三年陞見射布靶五發皆中 賞戴花翎五十九年之年揭報襄陽鎮標中營遊擊梁國貞等那移兵餉總督畢沅奏 聞並參之年失察請交部議處 諭曰遊擊梁國貞守備陳嘉謨楊全俱著革職拏問至此案係由總兵彭之年訪聞揭報若一併參處將來遇有此等私那之案該管官員必致迴護處分不肯據實稟報彭之年

失察之咎尙屬可寬著於定案後查明辦理六十年畢沅奏之年
年逾七十不能得力 命以原品休致仍暫畱襄陽辦理本鎮事
務俟新任總兵馬瑀湖南軍務完竣後回任再行回籍嘉慶元年
正月湖北鄂匪滋事賊首聶人傑等踞灌灣腦分夥侵掠當陽縣
屬馬家河遠安縣界之望家山等處之年奉檄帶兵往援二月聶
人傑就擒之年赴南漳保康搜捕零匪三月各股賊匪合陷當陽
縣城戕知縣黃仁踞城堅守之年借副都統成德總兵阿克棟阿
等奮力攻擊殲戮甚眾 賞大小荷包四月 諭借副都統鄂輝
辦理襄陽穀城均州光化賊匪值官兵破賊保康之五虎垵賊竄
七里灣之年在穀城防守聞信率兵迎剿復會將軍恆瑞都統永

保總兵文圖等殲賊於東山長嶺獲旗幟槍礮刀矛多件五月賊由白雲寺竄喇吧洞山頂之年分兵四路派都司王化龍等由北游擊閔煜龍等由西北自領標兵由東南令都司陳戴德等攀援石坎而上同時進擊斃賊千餘擒教頭莊王潮張宗王等六月賊偪鍾祥縣東南自溫浹口西北至千弓壩連營數十里勢張甚之年率參將廣福赴援竭力守禦并截賊下游之路會永保等率兵至擊賊破之之年以守城功 賞玉扳指大小荷包二年仍赴穀城防堵四年 予告回籍九年卒

右 國史館本傳

169-042

VI

善德

善德鑲黃旗滿洲人瓜爾佳氏甯夏駐防乾隆二十年由前鋒補領催旋署前鋒校三十三年補驍騎校三十七年遷防禦三十九年調步營防禦四十年補佐領四十四年遷協領四十六年閏五月甘肅送回蘇四十三滋事帶領甯夏滿兵二十七名隨領侍衛內大臣海蘭察向前衝戰經大學士阿桂陳奏 諭曰據阿桂奏稱甯夏協領善德奮勇打仗並稱善德年六旬有餘大駁中箭急行拔出用手帕纏裹仍領兵罵賊前進實屬可嘉無愧朕之滿洲善德著加恩賞給強健巴圖魯名號副都統銜仍賞戴花翎由阿桂處賞銀一百兩四十七年軍政薦舉卓異四十八年四月引

見 命畱京署正藍旗蒙古副都統旋授滿洲火器營大臣鑲白
旗蒙古副都統仍署正藍旗蒙古副都統九月擢正紅旗護軍統
領十二月授公中佐領調鑲紅旗滿洲副都統四十九年扈 蹕
江南五月石峯堡賊匪滋擾 上命派京城火器營健銳營兵丁
一千名分爲五隊授興復爲參贊大臣帶領頭起官兵所餘四起
授善德爲領隊大臣卽赴京城領帶前往七月賊平善德仍帶領
京兵回京五十年三月署鑲白旗護軍統領五月署鑲紅旗護軍
統領八月補鑲黃旗護軍統領十二月署正藍旗護軍統領五十
一年四月署鑲藍旗護軍統領五月署正白旗護軍統領五十三
年授廣州將軍五十四年署粵海關監督五十五年奏稱該處八

旗陸續出有甲缺一百八十四名除將及歲閒散餘丁挑補尙有孤寡十二戶請改缺六爲養育兵缺十二以資伊等養贍此項養育兵缺出卽行裁汰下軍機大臣議行五十七年遷正紅旗蒙古都統四月補公中佐領五十九年二月授杭州將軍四月奏言杭州乍浦倚靠兵丁度日之女子適人及養育兵娶妻前未支給賞銀請於佐領協領名下追出補給 諭曰善德前係甯夏協領後任廣州將軍若謂應行改正何以今至杭州始行具奏無論此項女子適人有年不便再行補給卽欲憐恤伊等當如吉慶所奏於養贍孤獨空閒牧廠地租項內稍爲增添豈有將數年未給之項著落協領等貼補之理此等善德是否有意沽名固執已見之處

善德著吉慶據實奏聞善德年已衰邁不勝將軍之任著將印務交吉慶暫行署理卽速來京候 旨嗣吉慶以善德邀名拘滯具奏奉 旨善德著以原品休致十月回甯夏嘉慶十年卒

右 國史館本傳

沐特恩

沐特恩烏蘇氏滿洲鑲白旗人乾隆十九年由官學生襲世管佐領二十年充火器營章京二十六年授四川松潘鎮標左營遊擊三十一年升會川營參將三十七年兩金川不靖命將軍溫福等率師聲討調赴南路軍營隨勒三十九年正月大兵進討金川副將軍明亮自南路入沐特恩隸焉七月隨明亮移師北路攻達爾圖山梁克礪城十餘四十年三月隨總兵敖成等攻克甲索連奪得楞諸寨遂自東南下壓破基木期丹當噶以功下部議敘閏十月隨領隊大臣都統奎林等由閒道襲紫烏魯山梁深溝一線夾於兩山之底將士皆蛇行而前直出山頂上賊驚潰盡奪諸礪

卡計功稱最十二月隨攻達撒谷夜攀絕壁而上奪據山梁功列一等時將軍阿桂已進圍噶拉依賊巢明亮乘勝直前連克獨木古乃當諸隘沐特恩均在事有功屢邀議敘四十一年大兵克噶拉依金川底定明亮令暫畱軍營隨辦善後事宜尋升廣西潯州協副將四十三年以母老乞終養 召來京在二等待衛上行走四十七年授湖北廣州協副將四十八年升山西大同鎮總兵五十四年正月調甘肅西甯鎮總兵先是四十八年甘肅逆回田五等私起新教聚眾滋事經官兵勦滅是年六月蘇家堡回匪蘇代原馬應學等復立新教聚眾念經殺頭人蘇氏名馬成美官兵往捕爲賊黨拒傷二人沐特恩派遊擊趙國岳馬榮等帶兵擒勦回

眾乘夜突圍官兵四面攻擊盡殲之。上嘉其辦理妥速下部議。敕七月陝甘總督勒保以沐特恩當回匪滋事時僅派員弁往捕未行親往彈壓致要犯不獲生擒於邊疆要地未能應變決機疏請另行簡用。命來京在頭等待衛上行走五十八年。諭曰本日引見佐領沐特恩原係西甯鎮總兵經勒保奏其於邊疆未能決機是以令其來京行走看其人尙去得且前辦理西甯回匪迅速經勒保具奏降旨議敘其績參之處亦無實據勒保身任總督豈可無容人之量著傳旨申飭嘉慶元年以病解職十年卒子穆成額世管佐領。

右 國史館本傳

劉景昌

劉景昌山西偏關人乾隆四十五年由世襲三等輕車都尉入營學習期滿選補陝西延安營參將四十九年升甘肅安西協副將尋丁母憂五十三年服闋補廣西慶遠協副將五十八年擢江南蘇松鎮總兵五十九年調福建建甯鎮總兵六十年調福甯鎮總兵嘉慶元年盜匪曾自在閩洋行劫客舟景昌坐失察下部議處旋率把總黃耀等帶領舟師探蹤躡緝曾自等三名均置之法二年又以失察洋盜行劫下部議處三年海盜蔡牽糾眾滋事擾及臺灣一帶官兵率師追剿夥匪黃立等竄回閩洋寄旋於金門洋面聯踪同劫官兵偵蹤截擊追至西洋山外洋風浪大作景昌親督

國朝通志卷之三十一
三十一
冒險跟剿擒黃立等十二名餘皆落海溺斃奪獲船隻器械無算
四年署福建水師提督六年二月偵知水澳海邊有盜船游奕景
昌星往追捕賊船潰竄舟師奮勇尾追生擒洋盜曾飛等五名奪
船一獲鐵礮十二七月景昌出營巡緝適俞山洋面有盜船行劫
遂督率舟師乘風駛近俘盜犯陳鏡一名鞠實論如律七年三月
入覲以病請開缺得旨留京調養十一月病痊授直隸宣化
鎮總兵九年因病回籍十年卒子文輝江西吉安府通判

右 國史館本傳

眾神保

眾神保巴雅拉氏滿洲鑲黃旗人乾隆二十九年由護軍補護軍校三十六年遷委護軍參領三十七年揀發四川以都司用三十九年隨大兵進勦金川六月偕遊擊李天貴等分攻達爾圖山梁乘夜潛進擊賊不備及官兵出林賊始知覺拋石迎拒官兵放槍攻擊賊眾在礮卡間死守天明望見礮外隔濠抗拒之賊多被槍箭擊斃眾神保同副將董果直至賊濠拋擲火彈盡力攻擊見木城外有賊救援用排槍擊斃十餘人餘俱遁入礮內濠深廣難越眾神保與董果等俱被槍傷十二月以軍功經將軍明亮保奏補甘肅臨洮營都司四十年四月明亮由達爾圖以下得楞一帶分

兵四路進攻眾神保奉檄從東南斜插山麓領隊衝擊未及平明
官兵奮勇爭先環山上下賊槍礮齊發直至辰刻四面蟻聚官兵
愈奮各將所指之碉先後攻克并奪獲附近石卡數座官兵復上
下夾攻賊奔潰斃賊二百餘人生擒七名割取首級耳計三十件
自得楞以下各碉卡俱被官兵奪獲奏入 上以將弁俱能奮勉
出力下部議敘五月賊眾至茹寨等處搶劫經大兵勦殺俱各逃
竄將軍阿桂等於西路擊柵直至山麓盡處賊眾或由崖礮之下
沿河行走明亮檄令眾神保於對崖築礮臺日夜轟擊隔河賊眾
往來絕迹奏入 上嘉之四十四年升階州營游擊四十七年擢
花馬池參將五十一年遷永固協副將五十二年八月丁父憂回

旗十月補二等侍衛五十四年授前鋒侍衛五十六年擢護軍參
領嘉慶四年五月署理正黃旗滿洲副都統六月授鑲白旗漢軍
副都統九月 命以副都統銜爲英吉沙爾領隊大臣並賞戴花
翎八年七月授鑲白旗蒙古副都統九月管理火器營事務十年
三月卒

右 國史館本傳

永甯

永甯趙氏鑲藍旗滿洲人乾隆三十四年由烏槍護軍授護軍校
隨征緬甸三十九年隨征金川四十一年擢委護軍參領四十三
年補副護軍參領四十九年從大學士阿桂出師石峯堡五十年
補護軍參領五十一年授廣西定廣協副將五十六年擢雲南普
洱鎮總兵嘉慶元年威遠邊外野獮因饑搶掠屯聚牛肩山九月
永甯偕巡撫江蘭率土練攻破之獮匪乞降奏入 賞戴花翎大
小荷包並交部議敘二年四月威遠獮首札杜逃回猛班地方復
糾眾滋事經官兵擒獲雲南總督勒保奏參永甯前次辦理貽誤
此次亦不甚出力奉 旨永甯著交部嚴加議處部議革職 命

留於滇黔二省效力時貴州狃苗滋事賊首王囊仙韋七絡鬚踞洞洒當丈兩處爲巢穴賊目賀阿豆等堅守安有山梁八月勒保督兵攻擊派永甯伏兵山坡下伺賊匪下山圍剿斃賊多名燬安有寨勒保尋分五路進攻洞洒派永甯率同遊擊陳耀光等爲一路會各路官兵合擊連破卡寨直抵賊巢賊固守永甯等毀垣入率兵生擒賊目王囊仙及餘匪甚多其當文賊巢亦經官兵洗蕩擒賊首韋七絡鬚奏入 賞青玉喜字扳指大小荷包以副將卽用尋進兵巴林擒賊首王抱羊賊目王承相等九月苗匪竄屯貴峒永甯偕副將王凱連擊破之並移師殲賊於壩溝壘隱寨壘等處十一月補雲貴督標中軍副將事平擢貴州古州鎮總兵五

年六月調赴四川軍營協勦邪匪七月從總督勒保兜截巴州白
號苟文明鮮大川等賊股於江北八月東鄉白號張子聰劉朝選
湯思蛟等賊股竄陝西洋縣之茅坪永甯等追勦至黃土梁殲獲
甚多復偕副都統溫春等冒雨追躡至倒流水斃賊數百名後起
賊匪由馬鞍山石窩場竄逸永甯率參將田朝貴擊之於桂家灣
尋由馬家坡抄出遇賊與勒保等兩面夾攻敗之擒僞先鋒陳元
等五十六名時張子聰劉朝選湯思蛟俱在太平大甯老林內藏
匿諭交永甯上緊搜捕弗令竄往他處十月追勦湯劉二逆至
核桃壩聞黃白藍三號賊匪及樊人傑股匪由楚省竄至徐家壩
回兵追襲並從勒保屢敗賊於天池壩八臺山等處沿途俱有斬

獲通江藍號王士虎分夥圍攻邱家灣寨永甯擊走之斃賊七八
十名生擒會廷桂等七十四名 上嘉之十一年率游擊桂涵搜
捕東鄉開縣連界之大旺山內零匪斃賊目賀章祿等四十三名
擒梅盛雙等二十名襄陽白號楊開第黃號齊惻謨通江藍號李
炳等五股賊匪合夥窺伺嘉陵江參贊大臣德楞泰督同永甯等
馳剿先斃賊探數十名遂敗之於騎龍寨埡追斬楊開第齊惻謨
奉 旨交部議敘十二月躡剿李炳及楊開第餘黨於通江之烏
林埡賊向平河北竄欲入廣元甯羌老山永甯偕都司田中桂禦
之並從勒保擊走藍白二號楊步青劉朝選等股匪六年正月從
勒保陣斬太平黃號賊目徐萬富於儀隴碑灣寺擒僞先鋒陳上

達斡偽總兵解奇林等奏入奉 旨交部議敘二月藍號陳朝觀
與白號魏棒棒等合夥欲由萬縣竄掠梁山墊江一帶勒保料賊
必來劫營派守備薛陞帶兵設伏賊果夜至伏發永甯出卡接應
殲擒旗首白如桂等百數十名四月督副將田朝貴等禦劉朝選
湯思蛟等賊冒雨馳抵楊柳坪乘閒奪據靈官廟賊卡進偏馬家
營直搗賊巢復追賊由老林山至謝家壩與勒保會合偵知賊向
風竹塘楊柳壩竄走永甯等隨勦隨進至白草壩前後斬獲甚多
復 諭交部議敘五月黃號辛聰及湯思蛟王士虎餘黨王士萬
等合夥以永甯等帶兵馳救賊遁乘勢追殺疊有斬獲尋勦黃號
龍紹周餘黨唐明萬李顯必股匪於楚境竹山縣之柳林店地方

賊竄回川境永甯等隨勒保邀擊之於雲陽三面兜剿斃李顯必
九月督兵防守嘉陵江岸賊不能渡八年因病請假回京十一月
病痊授頭等待衛十年四月卒

右 國史館本傳

薩克丹布 子格布舍

薩克丹布正白旗滿洲人鈕祜祿氏由吉林新滿洲於乾隆四十七年留京爲前鋒四十九年尙書福康安統軍剿逆回於石峯堡薩克丹布以拜唐阿從領侍衛內大臣海蘭察由隆德小路進至底店時賊已占踞山梁薩克丹布督官兵攻撲六次親發火槍擊斃執旗騎馬賊目一人賊遂敗竄奏入授藍翎侍衛五十二年再從參贊大臣海蘭察渡海入臺灣剿逆匪林爽文至八卦山遇賊賊據險迎敵復有賊百餘於山下竹園內擁出抄截我巴圖魯侍衛僅二十人直抵賊寨槍箭並發薩克丹布首斃一賊殲馘無算遂進攻中林斗六門皆克之奉 旨賞給伯奇圖巴圖魯名號擢

三等侍衛臺灣事竣圖畫後三十功臣像於紫光閣薩克丹布與
焉 命詞臣擬贊曰率眾攻堅奮捨驍悍毀柵截途殺賊無算火
燄騰山力窮鼠竄潰彼蟻封資爾勇幹嘉慶元年湖南苗匪滋事
從護軍統領德楞泰督兵撲剿全壁嶺有功又攻克廖貢坡馬鞍
山遷二等侍衛貴魚坡之麓地名石隆寨落甚眾苗匪聚集尤多
偵知爲逆首巢穴都統額勒登保乃督薩克丹布奪徑深入斷其
要路夜半諸路軍會合鼓勇搜剿苗匪勢不能支陣斬逆首石柳
鄧苗疆底定論功晉頭等侍衛二年額勒登保征川楚鄂匪薩克
丹布從戰蜈蚣山進剿芭葉山俱殲賊無遺又由羅雲巖渡五家
河取白果坪路剿紅土溪山嶺賊由帽子山路剿石柱嶺賊在打

子臺截勦攻撲諸神保營卡之賊在天花坪迎勦中路迎拒之賊在鷄公嶺追勦奔竄銅鼓包之賊俱有斬獲大金坪松林之戰擒賊林士偉等十三名懷抱高山梁之戰擒賊二十餘名殲賊百餘名賊於爛泥河躡水渡河先竄至圍子嶺繼竄至蓼葉村薩克丹布督軍蹙之共殲賊五百餘名四年以積勞多病准原品休致十年四月 諭曰頭等侍衛薩克丹布前在軍營出力甚多因伊常病賞假調理今聞病勢漸沈殊堪憫惻著加恩賞給副都統銜令伊樂聞朕旨速愈其疾五月卒 賜卹如副都統例子格布舍見官鑲白旗蒙古副都統

右 國史館本傳

格布舍

格布舍鈕祜祿氏滿洲正白旗人父薩克丹布副都統銜頭等待衛自有傳格布舍乾隆五十四年由前鋒授藍翎侍衛五十五年遷三等待衛六十年遷副護軍參領嘉慶元年正月黔楚逆苗石柳鄧石三保等句結煽亂大兵進討石三保就擒石柳鄧尙竊踞平隴十月格布舍隨領侍衛內大臣額勒登保督兵攻勦克賊人坡大壩角諸卡寨有功 賞庫奇特依巴圖魯名號二年苗匪平會湖北鄂匪滋事延及川陝格布舍仍隨額勒登保移兵勦賊於湖北逆首林之華覃加輝屯踞黃柏山累戰克之斃林之華等四年三月隨經略大臣勒保勦賊於四川東鄉殲首逆冷天祿勒保

上其功 諭曰格布舍係薩克丹布之子烏槍最爲精熟朕所深知今勒保於單內首先列入足見其所保公當格布舍著賞加副都統銜五年四月陝匪楊開甲等竄入雒南謀窺豫省經略大臣額勒登保令格布舍自東面截剿賊於兩岔河備參將楊芳衝入賊隊受矛傷墮馬復登騎力戰賊眾披靡追殺數十里痛殲其眾餘匪向西南潰竄 上嘉其功 賞恩騎尉世職八月賊首伍金柱等股經官兵剿潰由太平河一路遁入老林格布舍偕楊三春等破之於石觀子溝陣斃伍金柱復於兩當縣麻地溝殲賊首宋桐富并賊黨二百餘名時冉學勝冉添泗張添倫李彬等股匪經官兵偏剿於川陝邊界四出逃竄格布舍分投兜剿疊有斬獲類

遊 賞賚六年二月生擒教匪起事首逆王廷詔於陝界之鞍子溝 諭先行交部議敘俟查明再行加恩四月破賊於甯羌州之鐵鎖關生擒首逆高二馬五 上以二逆同時就擒格布舍奮勇可嘉 賞雲騎尉世職十月追剿股匪辛斗於南江縣黑洞溝擒辛斗及偽總兵蘇啟志等下部議敘七年苟文明股匪由川越陝出沒老林中格布舍隨額勒登保剿辦斃苟逆於花石崖復殲賊匪靳士黃陳文海等八年三省賊氛略靖復於川陝邊界搜捕零匪事竣入都授正黃旗漢軍副都統在乾清門行走十一月調鑲藍旗蒙古副都統十二年因誤帶總兵吳廷剛擅入奏事門部議降三級調用 上加恩改爲降四級畱任 賞副都統銜克伊犁

領隊大臣尋授甯夏副都統十七年 召來京授鑲紅旗漢軍副都統十八年九月河南滑縣教匪李文成聚眾滋事 命帶兵隨直隸總督溫承惠往勦將行聞逆犯林清率黨突入 禁城謀亂遂赴 大內偕王大臣等捕賊殲擒淨盡得 旨優獎仍 命馳往河南軍營充領隊大臣時賊匪方踞滑縣分屯道口桃園諸處爲犄角勢欽差大臣那彥成率格布舍等攻破道口進圍滑城格布舍攻東門以雲梯先登既破滑賊日徐安悞潛匿地窖格布舍搜得之餘匪盡戮擢 御前侍衛 賞騎都尉世職十二月授正藍旗護軍統領十九年以失察出征官兵攜帶幼孩部議革職諭曰格布舍上年奉派出兵已束裝起程聞禁城滋事之信卽由

德勝門趕赴大內協同捕賊甚有良心朕實不忍革退著加恩改
爲革職畱任仍給副都統銜以頭等待衛在大門上行走二十一
年 命仍在乾清門行走二十二年 上閱侍衛步射格布舍三
中布靶 賞穿黃馬褂二十四年擢甘肅甯夏將軍道光六年五
月回部逆裔張格爾句結安集延布魯特等入卡滋擾連陷喀什
噶爾等四城 命大學士長齡爲揚威將軍偕陝甘總督楊遇春
等率師進討 上以哈密爲咽喉之地 命格布舍帶兵前往駐
守九月調烏里雅蘇臺將軍仍駐哈密防禦十月移兵駐吐魯番
十二月赴烏里雅蘇臺將軍任八年五月 召來京授正白旗蒙
古都統六月管理健銳營事務十月 賜紫禁城騎馬九年復授

甘肅甯夏將軍十年卒 諭曰格布舍曾在乾清門行走多年復在軍營出力賞給巴圖魯名號茲聞溘逝殊堪軫惜著賞銀三百兩治理喪事所有任內處分悉予開復應得卹典該衙門察例具奏尋 賜祭葬 予諡昭武子秀倫襲騎都尉兼雲騎尉秀俊三等侍衛秀景三等侍衛秀貴刑部筆帖式

右 國史館本傳

同前
卷二十九

四

阿哈保

阿哈保正黃旗滿洲人鄂拉氏由司營護軍於乾隆四十六年擢藍翎侍衛五十二年授三等侍衛福建臺灣逆匪林爽文聚眾猖獗五十三年二月從總督福康安征勦旬日解諸羅圍繼克賊巢生擒林爽文奏入得旨賞給錫特洪阿巴圖魯名號命詞臣擬平定臺灣後三十功臣像贊阿哈保得贊曰賊首窮蹙遁入內山搜捕殫力絕頂躋攀爽文就縛何有茅菅錫巴圖魯壯士增顏五十七年六月從征廓爾喀於擦木地方帶兵涉水援山奪獲礮卡全殲賊眾七月攻克協布嚕殺賊有功八月授二等侍衛六十年湖南苗匪滋事屯聚土空三月隨大學士雲貴總督福康安帶

兵剿捕四月攻克賊寨焚燒十餘處又於滾牛坡奮勇接戰殲斃甚多奏入 諭曰阿哈保著加升一等旋授頭等待衛五月攻小紅巖七月剿土地塘督率官兵擒上山梁斃賊五六百名旋帶領漢土官兵及降苗等前赴河岸設伏九月進攻茶它山沿途痛剿十月攻撲摩手寨時首逆吳半生據高多寨官兵四面圍攻不遺餘力吳半生就俘十一月撲鴨保山賊巢生擒吳八月十二月連次剿捕賊目廖老慕隴老西伏誅嘉慶元年二月 諭賞蟒袍一件三月撲高吉坨賊巢獲賊卡一道斃賊數十名四月福康安奏歷次打仗出力勞績最著得 旨阿哈保賞給副都統職銜五月連克灣溪嶺紫泥山油麻灣茶坳等處渡河迅抵乾州於馬鞍

山馬被槍斃步戰極力復被槍傷手腕猶出隊殺賊奏入得 旨
嘉獎授正黃旗蒙古副都統八月賊匪抗官兵於白蠟坡攻克之
獲卡十餘處旋帶兵分路進剿平隴斃賊不可勝計吳廷義等就
擒苗匪平屢得 賞大小荷包白玉扳指繡火鏢包銀錢銀鏢議
敘者再時湖北川陝三省邪匪滋擾二年七月 命阿哈保帶領
吉林索倫兵丁往襄陽協同景安剿辦八月於獨樹塘夾擊賊眾
披靡四竄官兵追殺二十餘里殲斃五百餘名生擒周明李模等
三十一名又於楓樹埡會剿殺賊七八百名生擒劉發等二十九
名均經廣州將軍明亮奏入得 賞玉扳指大小荷包瑪瑙鼻煙
壺嗣於花石嶺花果園峽口南台寺五郎廟等處督兵截擊十二

月 諭曰賊匪東奔西竄分股逃逸似遷延日久本不應加之恩
賚姑念時屆歲除仍頒年賞以期共迓春禧阿哈保得 賞大小
荷包三年二月於大橋一路設伏兵尋由商州四海坪緊躡賊蹤
五月由東川追擊至小川踊躍爭先斃賊九百餘名七月追賊於
大神山四路接應九月攻插旗山賊卡盡殲之十二月搜捕蔡家
山獲蘇文遠黨人傑等眾八十餘人四年正月勦徐添德大夥於
渠河殲賊一千五六百名淹斃者不計其數擒獲嚴大林等七百
餘名四月賊聚譚家壩西南山梁與官兵相持阿哈保直前追殺
搶上山梁賊潰五月擒吳子來等十二名於竹峪關七月搜捕清
花溪獲任漢志等八十六名十月自碧溪河至龐家壩追滅七八

十里又於雲頂寺殺賊二百餘人頭目解仲元就擒先後經略額勒登保奏入得 旨嘉獎十一月伏官兵於白水礮賊眾銜尾而來橫擊之殲獲其一千餘人墮巖死者甚眾得騾馬刀矛等物以 聞 諭曰阿哈保設伏擊賊甚爲得力著交部議敘五年二月於場院擊賊失利總督魁倫奏曰阿哈保見賊眾兵寡卽時由山梁撤回 諭曰阿哈保帶領馬隊衝圍而出自係敗衄退回本當按軍律治罪見在貴州兵陸續到川著交阿哈保分帶令其戴罪立功以觀後效五月帶兵往龍安策應旋於馬鞍巖馮家河新店前後殺賊多所斬戮十二月賊拒官兵於安仁溪山梁阿哈保帶領馬步兵不避槍石殺賊賊奔迫過大山數重至兩台山約行

二百二三十里自朝至暮沿途殺斃並跌巖死者一千四百名
生擒七百七十三名經過之寨皆下奪獲無算首逆楊開第伏誅
奏入得 旨議敘六年正月由紅山場連夜進兵殲擒二千餘名
諭曰阿哈保著加恩挑爲御前侍衛賞四喜玉扳指鑲碧霞玳帶
頭大小荷包二月勦辦樊人傑等股感冒風寒不能乘騎回營調
養病痊五月四川總督勒保奏阿哈保於馬家營柳林店連次殺
賊有功得 旨嘉獎議敘七月帶兵巴州境內勦青黃藍三號賊
匪分路埋伏連夜進擊賊眾二千人盡殲之奉 旨授正紅旗護
軍統領子阿顏托克托由拜唐阿授藍翎侍衛八月痛勦老林賊
匪於高家營生擒老教堂棍鄧金祥奏入 諭曰阿哈保自帶兵

以來屢次殺賊立功節經升賞茲復率官兵生縛渠逆奮勉出力
著賞給雲騎尉世職屢得 賞玉扳指玉大吉四喜牌大小荷包
八月賊竄大竹官兵連夜兼程馳赴策應合剿十月督兵墊江長
壽江王家坪均斬獲得力尋以患病赴達州調養 上諭川東一
帶有參贊德楞泰等大兵雲集可無須阿哈保一人在彼幫辦七
年正月回京十一月補公中佐領八年閏三月因罪犯陳德由神
武門進內失於防護奉 旨阿哈保著革退御前侍衛護軍統領
副都統加恩畱世職外仍賞給副都統職銜在乾清門行走七月
補正白旗蒙古副都統十月復授正紅旗護軍統領十年四月因
病告假授都統職銜五月卒 諭曰護軍統領阿哈保在御前乾

清門侍衛上行走多年從前曾在軍營奮勉出力聞伊病重卽賞給都統銜冀其速愈今因病故殊堪傷悼凡應得恩賞卹典著該部照依都統之例給發子阿顏托克托襲雲騎尉兼三等待衛

右 國史館本傳

碩雪保

碩雪保滿洲鑲白旗人莫勒特氏乾隆四十年由黑龍江學圍木蘭駐京挑補前鋒四十六年從征撒拉爾逆回有功 賞戴花翎四十七年補前鋒校四十九年從征石峯堡逆回五十年三月積功擢御前侍衛十一月進護軍參領五十二年隨大兵征臺灣力戰陷陣功最多 恩賞錫林巴圖魯名號臺灣平圖像紫光閣命詞臣擬平定臺灣後三十功臣像贊碩雪保得贊曰進兵救援弗避矢石策馬前驅千人辟易軍中著勇霖林逸翮克護軍威壯哉斯役五十三年十一月 賞副都統職銜頭等侍衛爲伊犁領隊大臣五十八年署正藍旗蒙古副都統五十九年四月管理健

既營事務五月兼公中佐領七月補鑲藍旗蒙古副都統六十年
九月 命在乾清門行走嘉慶元年二月授虎槍長九月 命領
健銳營精兵千名赴河南軍營協勦川楚邪匪十一月賊首姚之
富渡滾河謀擾豫境碩雲保隨西安將軍恆瑞等分路擊敗之十
二月賊由光化北竄隨恆瑞率騎迎勦復與都統永保夾擊賊於
張家集賊遁入襄陽 上以賊匪偷渡滾河永保等未能督兵迎
擊及追至蕭家岡後又未能設法攔截致賊復竄回襄陽永保著
卽革職治罪其恆瑞碩雲保等姑令戴罪立功暫緩究辦時賊眾
南北分竄碩雲保率營長七十五等隨恆瑞統兵由北路進攻吳
家集燬賊屯七躡擊至彭家岡賊眾分爲三踞山梁列陣碩雲保

率官兵從旁徑上縱連環槍排擊之賊賊目三大軍三道並攻賊
潰竄聞湖北巡撫惠齡屢戰於山之東北與恆瑞馳往合勦殺賊
七八百殪賊目三窮追至七方圍分騎躡賊偕直隸提督慶成捉
賊於李官橋二年正月事 聞 上嘉獎 賞給大小荷包既官
兵三道分蹙賊碩雲保隨恆瑞率騎兵遇其西翼擊賊於淡家岡
又遇賊東南擊敗之於勝廠二月從恆瑞慶成出開道繞賊後以
連環槍擊敗賊於劉家港後山進圍鮑家畝射獲其賊首劉起榮
械入京 上諭曰此次賊匪被官兵分路圍擊殲斃賊眾數百名
生擒二百餘名並擊獲首逆劉起榮入京所辦甚好惠齡恆瑞慶
成碩雲保等著賞給金盒銀絲盒大小荷包以示獎勵又率騎兵

連破賊於大洪山及石門之會家店復 賞金盒荷包賊遁至洛陽店又大破之三月官兵蹙賊於温峽口碩雪保從惠齡恆瑞夜銜枚疾擊賊驚潰追擊之於馬頭寨賊由大餞溝謀入陝四月同恆瑞率精兵五百裹糧倍道赴官坡遇賊賊折入山陽大兵迎擊賊拒戰碩雪保手弓殪三人始敗竄八月賊由白楊廟小路分三道攻城碩雪保力疾督戰自卯至未殺賊二百餘會派防白沙河知州王嘉猷援兵至城中兵出北門台擊賊大敗斬獲甚眾九月自太平率兵赴竹峪關禦賊十月以積勞得痰迷疾就醫太平三年正月同總兵百祥攻破石壩山賊寨二月由三匯口追擊逸賊於大鼻梁痛殲之 賞玉喜字扳指大小荷包是月四日總督勒

保奏言副都統碩雲保自上年追剿竄匪入川感患痰迷病旋卽就痊節次打仗俱極奮勇昨因追剿竄匪舊疾復發又墜馬傷足請令其回京調理奉 旨回原處養病六年十二月病痊入京奉 旨 給副都統職銜暫爲頭等侍衛在大門上行走七年正月補鑲黃旗蒙古副都統十月授塔爾巴哈台領隊大臣十年七月病復發 命回京調養未離任旋卒奉 上諭碩雲保前在軍營著有勞績今聞伊在新疆病故實屬可憫所有應得卹典著該部照例奏給並賞銀一百兩

右 國史館本傳

מחזור תענית

117

國朝耆獻類徵初編卷三百目錄

將帥四十

永慶

額勒登保

馮元

羅江泰

孫廷璧

蘇甯阿

特克什布

興常

伊勤慎

伊勒圖

補錄

羅江泰

國朝耆獻類徵初編卷三百

通奉大夫前署江西巡撫江西布政使司布政使湘陰李桓輯

將帥四十

永慶

永慶正白旗滿洲人佟佳氏由閒散於乾隆七年授三等侍衛九年襲世管佐領十一年補護軍參領十三年晉襲三等伯十四年授散秩大臣二十二年署正白旗蒙古副都統二十三年因從征準噶爾有功蒙 恩賞雲騎尉二十四年兼本身承襲作爲二等伯二十七年授鑲白旗漢軍副都統三十年調鑲藍旗蒙古副都統二十九年任烏魯木齊副都統四十一年奏籌辦兵糧以資食

用略曰查烏魯木齊提標移駐眷兵科則定爲每年支領四箇月
本色糧石緣食用不敷仍將提庫所存通融銀三萬兩每年於秋
收時發給各營採買市食糧一萬餘石添濟兵食於散餉時按季
扣還此歷年所辦之章程也去年秋仰沐 天恩緣該兵等鹽菜
銀兩旣經裁汰生計不無竭蹶 諭令照安西舊例每石折銀二
兩二錢令其自購食用俾得通融衣履有資此皆我 皇上軫念
民艱 恩施格外但旣不領本色糧石而一歲食用之糧自必倍
於往昔查各處糧價每至秋成糶買易賤值青黃不接價必倍增
若按季領銀聽其自行買食勢必隨價低昂仍與兵丁生計無益
而提庫所存銀兩又不敷其買辦自應預爲調劑以仰副 聖恩

加惠屯兵至意伏查官兵一歲餉銀糧折例於年前秋季差委赴甘肅道庫全領運回交迪化州庫存貯按季領出文武監放此時糧價平賤請將一歲應支糧價銀兩酌定眾兵家屬一年應用糧石銀若干兩覈算提出卽選派委員發給及時採買存貯營倉按月放給務足食用至採買贏餘銀兩同正餉一並交貯州庫仍按季領出給散各兵俾伊等日食足而衣履之資皆能從容不迫矣得旨如所請行四十二年來京在散秩大臣上行走補正藍旗漢軍副都統尋補正紅旗蒙古副都統復調鑲紅旗蒙古副都統四十四年任乍浦副都統五十二年擢江甯將軍因臺灣賊匪林爽文糾眾滋事六月命永慶帶領杭州乍浦駐防滿兵前往剿

辨九月有賊數千從南潭葛松等處前來永慶偕廣東副都統博清額等率兵奮擊賊遁五十三年六月奏言派往之杭州乍浦駐防滿兵回至福建地方內有瑚圖靈阿等五名欲雇轎乘坐恐中途擡夫脫逃不能行走遂私自坐船至青龍灘地方遭風打壞船隻淹斃人口 諭曰滿漢兵丁遇有征調勦捕之事於車輛可通處所尙可准其更替合坐以省足力若遇山路崎嶇車輛不能前進祇應將軍裝行李一切雇人擡送本人卽當步行正可藉此習勞其或一水之使船隻可通亦必須所調之兵普行下船方可准其乘坐若中途私約數人各自下船已屬非是何得復思雇轎乘坐如兵丁可以乘轎坐兜則所調一千卽須預備擡夫二千名況

駐防兵丁出征向俱帶有跟役等亦用轎兜所屬擡夫又當再加一倍且滿兵既可用轎兜則綠營屯練各兵又安能禁其不一體乘用兵貴習勞以不能登涉之兵尙望其衝險長驅破賊有是理乎此次臺灣勦捕賊匪檄調各省之兵不下五萬豈不竟需雇夫十萬以爲應付過兵之用有是理乎從前西北兩路大小金川用兵時從未聞有此事此必該省地方官違例應付以爲將來開銷地步亦未必如數預備不過以備有轎夫一項事後即可借此多爲冒銷之計耳永慶著交部嚴加議處尋議革職 諭曰永慶平日既不能管束兵丁任其懈弛及凱旋領兵撤回又任令私圖安逸違例乘船其咎較重永慶著暫行從寬畱任仍註冊著罰將軍

養廉一年以示懲儆六十年十二月入 覲 諭曰永慶年老無
子著畱京署鑲白旗漢軍副都統嘉慶元年任正藍旗蒙古都統
三年授綏遠城將軍六年五月 諭曰永慶年老著回京授鑲白
旗蒙古都統 命紫禁城騎馬七年調鑲白旗漢軍都統擢禮部
尙書八年以奏 孝淑皇后奉安事儀摺內率依舊彙措語不經
奉 旨革去禮部尙書仍帶革職畱任九年授內大臣十年七月
卒 賜卹如例 予諡敬僖十一年十月以前在綏遠城將軍任
內受賊事覺 命奪其諡子豐昇額襲世管佐領兼二等昭毅伯

右 國史館本傳

額勒登保

額勒登保瓜爾佳氏滿洲正黃旗人世居吉林烏拉乾隆三十三年以馬甲隨征緬甸三十八年隨征金川三十九年以功授藍翎侍衛四十年擢三等侍衛四十一年二月金川平追敘攻取噶拉依功 賜和隆武巴圖魯名號移駐京師四十八年 命在乾清門行走四十九年五月隨尙書福康安領侍衛內大臣海蘭察攻逆回田五等於石峯堡六月至隆德海蘭察率之偵進兵路徑擒牧放牲畜賊回四獲馬牛刀矛無數旋以攻復底店賊巢功授二等侍衛事定回京五十年隨 駕射鵠中的 賜黃馬褂五十二年授頭等侍衛隨福康安海蘭察征臺灣逆匪林爽文援嘉義解

其圍賊退據大埔林中林大埔尾三莊其剽悍者多據中林海蘭
察率額勒登保攻克之餘賊潰福康安奏令押解賊目蔣挺等回
京五十三年二月俘林爽文臺灣平圖形紫光閣列後三十功臣
中 命儒臣製贊曰中林效績健捷過人星馳飛鏃操刺罕倫直
前披擊衝壘奮身龍驤備衛是謂虎臣遷 御前侍衛以奏對錯
誤降二等侍衛五十六年廓爾喀賊匪擾後藏 命爲頭等侍衛
馳赴軍營會駐藏大臣舒濂病卒四川總督鄂輝奏令額勒登保
駐前藏攝其事 上嘉鄂輝爲知人五十七年五月隨福康安海
蘭察攻克擦木賊寨七戰七勝直抵帕朗古河 賞加副都統銜
賊酋納款撤師福康安等奏以額勒登保督兵殿後十月又先令

回京面奏軍營事宜圖形紫光閣列前十五功臣中 御製贊曰
石礪木柵鱗疊賊防勢如捲簾捷似頽牆將軍所示無不領略率
領精兵埋根卓鑠尋授鑲紅旗蒙古副都統五十八年授鑲白旗
護軍統領調鑲黃旗護軍統領五十九年調正藍旗滿洲副都統
六十年正月擢鑲藍旗蒙古都統黔苗石柳鄧叛於松桃應楚苗
石三保叛於永綏廳陷乾州 上命雲貴總督福康安督兵因奏
以額勒登保及護軍統領德楞額率巴圖魯侍衛往二月抵辰州
單騎馳赴大營 上嘉之時福康安先已解松桃圍石柳鄧逸入
石三保黃瓜寨中額勒登保由松桃迤西進攻三月解永綏圍四
月克黃瓜寨又攻克首逆吳半生蘇麻寨吳半生遁踞西梁寨石

三保等遁踞鴨保寨爲援額勒登保設伏敗賊於雷公山克西梁
五月賊退守大烏草河水漲軍不得渡先攻沿河各賊寨克之七
月福康安令額勒登保等以計渡河乘勝克苗寨無數九月破高
多寨獲吳半生下部優敘十月與德楞泰同授內大臣又獲乾州
起事賊日吳八月於臥盤寨計將收復乾州賊踞平隴阻遏官兵
福康安令額勒登保等奪鴨窩頭坡驛馬峒各山梁以破平隴門
戶嘉慶元年三月賊伺我兵采入由窩頭坡抄截後路我兵擊敗
之進抵長青山安營未定賊苗數千撲營額勒登保身自擊退均
得 旨嘉賞五月福康安病卒軍務統於四川總督和琳時石三
保就擒石柳鄧及賊日吳廷義方踞平隴六月和琳奏平隴險固

請先趨乾州賊踞河堅守額勒登保率兵渡河先登直入乾州復其城 賞戴雙眼花翎 命署領侍衛內大臣八月屢克險要苗寨未至平隴和琳卒於軍額勒登保亦染瘴病薨 上命移駐辰州調攝九月以病痊帶兵奏入 上喜慰並嘉其遇事鎮靜合機宜疊加 賞賚是時統兵大員惟額勒登保及內大臣德楞額泰湖南巡撫姜晟三人 上因命將軍明亮提督鄂輝馳往接辦十月偕明亮等攻克平隴石柳鄧遁踞養牛塘山梁分兵克之 命補授鑲黃旗領侍衛內大臣 賞銀一千兩是月連克馬頭山餘錦坡各寨十二月梟石柳鄧於貴魚坡 諭曰額勒登保自用兵以來首先帶兵殺賊此次賊從山溝衝突而出復經痛加截殺殲戮

無算尤爲奮勇可嘉額勒登保著封爲威勇侯賞銀一萬兩二年正月降苗縛送賊目吳廷義並石柳鄧石三保等家屬分兵搜捕餘匪疏通鎮草保靖永綏等處道路大功告成先是元年春湖北邪匪滋事延及川陝各省額勒登保以苗疆軍務未之赴也至是命由鎮草趨襄陽偕湖廣總督福凝勦林之華覃加耀二逆於長陽縣黃柏山賊據四方臺恃險負嵎三月額勒登保馳至軍攻克之追賊至芭葉山賊於入山之大壙口二壙口築卡掘濠固拒六月克大壙口賊竄宣恩建始等縣分兵三路追捕十月始斃林之華於長陽縣之大茅田覃加耀仍未就擒十一月賊復由黃柏山回踞朱里寨屢奉 嚴旨申飭十二月賊踞歸州終報寨 上以

終報寨周圍十餘里，覃加耀夥黨不過百餘，額勒登保統兵四五千，兼以鄉勇，不能立就蕩平。降三等伯爵戴單眼花翎。三年正月，擒覃加耀。上責其不能早竣，不但無功，而且有過褫爵。予副都統銜。是時賊匪有青黃藍白線等號，又設掌樞元帥先鋒總兵等偽稱。上命赴陝協剿襄陽白號高均德、黃號姚之富、齊王氏、股匪會賊目李全、張添文、自盤屋至藍田，欲與高齊、股匪合。額勒登保率兵截擊之。姚之富、齊王氏失援，遂爲副都統銜明亮、德楞泰所殲。三月，偕明亮追剿高均德於鳳凰嘴，兩岔河賊南竄商州、鎮安一帶。四月，襄陽藍號首逆張漢潮由川被剿入楚。命帶吉林、黑龍江兵赴荊州會剿。五月，賊欲潛渡漢江及竹山之官渡河。

我兵擊卻之六月追賊入陝境平利縣又由陝追入川境太平縣
上以任賊奔竄蹈尾追結習降 旨切責七月奏感患暑溼留太
平醫治時巴州白號首逆羅其清踞營山縣之箕山卡寨林立曉
夜鼓角與大營相對諸賊多恃爲聲援九月尙書惠齡副都統銜
德楞泰攻破箕山會額勒登保病起自太平至廣元追剿高均德
李全股匪聞張公橋有賊迎擊之大捷生擒張漢潮之子正瀝與
惠齡等合兵十月羅其清退踞大鵬山分遣賊眾伺劫軍餉額勒
登保先督兵疏通儀隴巴州運道十一月合兵圍剿大鵬山克之
殲羅其清之父從國其清遁入巴州方山坪額勒登保分兵兜剿
七晝夜生擒其清並其弟其書其秀子泳福等 賞還花翎十二

月馳赴合州追剿達州青號徐添德東鄉白號冷天祿股匪四年正月 上以前此軍營事權不一致蒞功需時 特命四川總督勒保爲經略大臣額勒登保與明亮同授副都統爲參贊大臣二月涪州有賊詐稱良民投入鶴遊坪難民寨中爲內應賊大夥踵入額勒登保偕德楞泰擊散之寨民得全三月雲陽藍號賊首蕭占國張長更等復由閬州回擾營山賊眾八九千額勒登保力疾轉戰盡殲賊眾於譚家山斬蕭張二逆 恩賞二等男爵世職時冷添祿方踞岳池額勒登保乘勝由閒道冒雨進剿追至廣安州石頭堰殲斃餘匪千人於石筍河奏入 諭曰額勒登保旬日之內殲除三股賊匪實爲奮勇可嘉著晉加一等男爵從前各路帶

兵大員祇圖擒拏首逆仍任餘匪竄逸以致一股未平一股復起迄無竣事之期今於旬日內連辦三股賊匪不留餘孽從此剏淨一股卽肅清一處可望成功朕佇盼捷音踵至也四月畱川追剿東鄉白號張子聰收匪於雲陽縣蒲家山子聰句合襄陽黃號樊人傑太平黃號龔建等逆抗拒其分股賊目蕭焜又合奉節線號卜三聘龔文玉等逆奔竄我兵疊敗之於塞水壩楊家山譚家壩等處賊稍解散五月張子聰復與通江藍號冉添元合欲犯陝境我兵由老官山等處兜截偏回南江六月張子聰竄通江追敗之於苟家坪敗冉添元於木老壩 諭曰額勒登保每遇打仗奮勇爭先冒險進擊故所向克捷朕心實爲欣慰適據勒保奏稱額勒

登保深得眾心雖疲乏之兵歸入伊隊卽能齊心奮勇兵弁無不樂從賊匪俱知畏懼但伊前任領隊侍衛時先登陷陣奮不顧身固所當然今職司參贊乃國家倚重之大臣所關緊要嗣後凡遇擊賊宜加慎重愛身相機指示不可仍前爭先冒險奮勇而輕於視敵此爲至要七月再添元竄鎮龍關欲與達州青號王登廷合登廷屯馬鞍寨遣賊黨阻我後路糧運額勒登保率兵敗之於王家壩克馬鞍寨窮追賊眾於大竹鄰水東鄉各縣境值齊家營別股賊匪竄至立分兵擊殺二千餘生擒一千餘仍緊躡登廷不予以暇上嘉之八月湖廣總督倭什布以川省賊匪李淑徐添德等眾犯楚飛章告警上遽經略勒保入都參贊明亮亦被逮

特授額勒登保爲經略大臣加都統銜以德楞泰爲參贊大臣先是湖北糧員胡齊崙餽送事發額勒登保獨無所受又慎重支餉偶遇缺乏卽自行籌辦從不諉咎糧員 諭曰額勒登保忠勇清公實爲難得經略之任舍伊誰屬卽不識漢字亦何難以清字繕奏朕亦降清字諭旨指示又 諭曰民間聞額勒登保經過皆知其能愛護百姓無不傾心悅服地方官餽送分毫無取東三省人奮勇者多似此樹立端方實所罕見見已授爲經略大臣奮勉勇往之中還當以國事慎重爲念九月奏李淑徐添德股匪經楚境官兵勦潰折回川東勢已殘敗而王登廷一股見與冉添元鮮大川苟文明合又有襄樊首先起事之阮正澆竄至廣元覬覦入陝

見在賊勢川北爲重臣未便再往川東臣向來祇係一路偏師茲奉 恩命授爲經略大臣自當查明各路實情通籌全局孰緩孰急妥爲趕辦旋率總兵楊遇春等殲阮正滌等於雲霧山授正白旗漢軍都統十月奏各路出力人員應隨時鼓勵令領兵大員自行保奏以免往返咨送稽延 上嘉其公又奏陝西邊界大半皆臣勦賊周歷之地俱有險要可扼然督兵之員分駐一處株守營卡竟置經過之賊於不問及賊已竄出轉以地方遼闊賊來眾多爲詞掩其堵禦不力之咎請令陝省各大員嗣後於各營卡預備出敵官兵聞有賊警一面嚴防一面迎擊蓋賊匪之奔逸卽或突然而來亦不過一路兩路官兵營卡聲勢如果聯絡彼此出而迎

追互相策應賊匪既難飛越何至更有蔓延所謂以堵爲勦事半功倍又奏軍中馬隊最爲得力請於四川雲貴三省購馬千五百匹到營應用 上從之十一月賊首王登廷徐添德冉添元樊人傑等股會合抗拒額勒登保躍馬督陣破之於巴州何家院及東君壩擒僞總兵賈正舉王用奇等追賊於蒼溪貓兒壩賊冒死突入我營將弁兵勇多有損失王登廷逸去尋爲南江縣團勇盤獲奏入 諭曰額勒登保此次盤獲王登廷與所奏貓兒壩一帶官兵挫折之事相隔僅一日若從前軍營統兵之人必將官兵失利之處壓攔不奏轉將首犯王登廷作爲打仗擒獲掩敗爲功其陣亡多員分作數次含混入奏以爲支飾之計今額勒登保據實直

陳並不稍存諱飾而於王登廷盤獲情節一並明白聲敘並不攘
爲己功似此方不愧經略之任朕之所以嘉予額勒登保而加之
賞賚者實在於此 命補領侍衛內大臣十二月賊匪高戴馬羅
各股由潘家山老林突入陝境城固南鄭等處肆擾額勒登保聞
警督兵赴陝以川省軍務移交總督魁倫接辦五年正月川北賊
匪乘虛由定遠搶渡嘉陵江分擾川西州縣魁倫退保潼河 上
以額勒登保不知通盤籌畫冒昧離川飭之二月追陝賊至甘境
與參贊那彥成合兵旋因病暫駐秦州 上遣其姪富忠阿帶御
醫馳視病起屢殲賊眾於甯遠伏羌岷州階州各處擒僞元帥陳
正甲詹世貴等 上嘉額勒登保與那彥成同心合力連次克捷

優加賞賚三月襄陽白號賊首楊開甲等股復由甘省南折入陝其藍號賊首張漢潮先斃於陝境餘匪仍四出紛擾潼河時亦失守 上逮問魁倫起勒保權成都將軍與德楞泰勦辦川賊專責額勒登保與那彥成勦辦陝賊因請添調直省兵一萬三千名從之四月陝賊大股直竄鎮安商州雒南一帶 上以額勒登保等不知東面爲重有驅賊入豫之勢革去花翎 召那彥成還京額勒登保尋率總兵楊遇春馳抵商雒賊七百又追至兩岔河殲擒千餘名緊扼龍駒寨遏賊東驅盧氏大路 賞還花翎賊西南奔洵陽之大小中溪設伏擒斬襄陽藍號賊首劉允恭劉開玉及偽元帥王洪儒等於是張漢潮餘匪之在陝者淨盡 恩旨晉

封三等子五月追勦襄陽黃號股匪伍金柱等於漢陰廳銅錢窖
斬賊首龐洪勝楊六燕老教頭王者子等殲賊五千分飭將弁追
斬楊開甲於洋縣之茅坪下部優敘六月陝賊全竄甘肅徽縣兩
當各境而襄陽藍號賊目陳傑仍偷越棧道欲奔南山七月分飭
將弁生擒陳傑並獲僞元帥曹印斬馘三千餘八月槍斃伍金柱
於成縣之峽溝屢奉 旨嘉獎賊被勦回竄陝境額勒登保移師
西鄉居中督辦而賊匪不據城池惟往來川陝楚交界萬山層疊
密林深溝之處潛掠村市裹脅難民狡竄疾馳趨向無定十一月
賊由西鄉漁壩竄過漢江以北者額勒登保帶兵渡江迎擊奏言
臣勦辦賊匪入秋以後南山業經肅清甘省漸就甯謐賊匪紛紛

敗竄悉徧歸漢江以南滿擬就此次第勦除或遊入川境聚而殲
旃不料賊蹤飄忽又復竄過漢江以北是甫有頭緒仍形散漫實
堪痛恨辦賊之法不外防勦二端川陝楚邊界遼闊在在有路可
通江水縣長處處有險可涉勢不能逐處安設重兵賊匪猝然而
來雖有接應之兵率皆鞭長莫及防之不足恃如此至於帶兵勦
賊既須跟追又須攔截窮數日方及其蹤官員尙有馬可乘兵丁
則徒步莫及官雖至而兵未至兵甫至而賊又逃近來賊勢敗殘
其潛匿多在老林之中其奔走更在無路之處追逐倍形艱苦況
殺一頭目又添一頭目殺賊數人又裹脅數人官兵正辦此股他
股又從旁路而來正在擊西其東面又復接踵而至各匪正聚一

處一經剿殺又分股逃遁前後左右皆受牽綴我兵稍不愼密往
往墮其術中剿賊之情如此至臣有總統師干之責功之所在悉
皆第其等差以次遷擢過之所在亦必權其輕重以示創懲臣一
切奏牘未敢稍涉虛誣卽各路軍營報到亦必察其虛實從未敢
以不實之情上干 宸聽臣之辦事如此而事機不順堵剿均無
速效惟有請 旨將臣嚴加治罪以昭儆戒奏入 上溫旨慰勞
之十二月奏前此到處設防以冀攔賊去蹤便於痛剿乃所設營
卡疊遭衝突雖治罪累累總以地廣兵單難於兼顧今請將各處
防堵之兵除江防外悉撥入剿兵之內又大兵至某州縣剿賊卽
將該處鄉勇之壯健者挑選一二千隨同協剿大兵過境仍留本

處防堵至堅壁清野實爲制賊要著見在川省寨堡結實賊匪不敢深入此其明驗陝楚兩省結寨寥寥是以賊匪東遁西逃仍有人可擄有食可掠儻各邊界層層俱有寨堡則糧食悉歸存儲賊匪無可擄掠且可備官兵猝入勦賊支給之用賊則飢餓難行官兵則飽騰可戰斷無不克捷之理 上可其奏以勦捕責諸將以防堵責疆吏並 申諭各疆吏鼓勵團勇撫卹難民賊眾竄近武關意圖入豫額勒登保督兵截勦偪回西南六年正月勦襄陽賊首王廷詔白號賊首高二馬五等股於漢陰南山馘賊千餘生擒八百 諭曰新正以來額勒登保遞到兩次捷報官兵於冰雪互寒之時乘夜進發累日奔馳不遑炊爨艱苦備嘗是進勦不爲不

力殺賊不爲不多朕亦不忍再加督責但未能殲獲渠魁辦完一股於大局仍無裨益向來各路帶兵大員勦辦股匪勢已殘敗本可一鼓殄除或因他股賊匪從旁路突至不能不就近接勦以致被逃之賊沿途裹脅又成大股與未經勦殺何異此五年以來軍營通病見在高二馬五王廷詔皆係著名兇悍首逆官兵已獲勝仗卽須專注此股賊匪併力勦辦不可舍而之他致令逃竄大股除盡小股不攻而自破矣二月奏請增設甯陝一鎮爲南山一帶屏障 上韙之 諭將安營設汛事宜速籌妥辦是月飭提督楊遇春追勦賊眾擒王廷詔於川陝邊界鞍子溝俘至京師奉 旨交部議敘三月高二馬五又與賊首王凌高竄入南鄭我兵追至

百雄關先擒王凌高及老教首張什尋督楊遇春追高二馬五於甯羌州鐵鎖關擒之上嘉其調度有方晉二等子爵賞戴雙眼花翎時逆首最著名者陝省則冉學勝伍懷志等楚省則徐添德荀文明等川省則樊人傑冉添泗王士虎等尙不下十餘股冉學勝北擾甘境額勒登保督兵由漢中入棧兜剿四月偏退冉逆於渭河南岸又蹙之於漢江南岸賊遁平利而洵陽復有白號首逆張添倫等五股合夥屯高塘嶺劉家河一帶勢甚張額勒登保分飭楊遇春等冒雨剿捕殺賊二千生擒一千投出被脅難民數百獲騾馬旗幟刀矛鳥槍無數生擒張添倫六月飭提督穆克登布擒伍懷志於秦嶺七月飭楊遇春擒冉添泗王士虎於通江報

曉堽均得 旨嘉賞其起事最久之徐添德及冉學勝亦被楚蜀官兵殲擒而姚之富之子馨佐及襄陽白號首逆高見奇辛斗等方擾甯羌額勒登保督兵西剿偪入川北九月飭諸將格布舍楊芳等生擒辛斗於南江倒水峒十月飭豐伸桑吉斯塔爾等生擒高見奇於紫陽三星寨又追剿李彬股匪於達州境獲其妻子及僞元帥冉添璜僞副帥朱印阮添浩等於是僞總兵李元受老教首閻天明及賊夥龔榮忠韓文進等各率眾數百人投首奏奉恩旨免死安插賊勢日就窮蹙因條奏軍務戡定情形及搜捕餘匪各事宜 諭曰所奏皆與朕每日指示軍機大臣等意旨不謀而合具見額勒登保曾有把握籌畫全局悉中肯綮深堪嘉獎著

加恩晉封三等伯並賞給黃面貂皮馬褂十一月巴州白號首逆
苟文明潛與高冉各股勦敗殘匪合由廣元偷渡漢江竄入甘境
階州裹脅二三千人旋由階州回竄廣元 上嚴飭額勒登保逮
問逗遛縱賊之四川提督七十五額勒登保檄德楞泰馳抵廣元
協勦十二月賊竄通江殲之於瓦山溪獲苟文明之姪偽元帥苟
明獻及其弟苟文舉等賊竄開縣大甯七年正月分兵擒斬襄陽
黃號賊首辛聰於南江五寶山苟逆俄率賊眾由西鄉七星壩搶
船偷渡漢江北岸額勒登保馳奏請罪 上以七星壩一帶本有
防兵額勒登保前因賊氛已遠遽行撤去致賊偷渡罪有應得念
其屢著勞績從寬降一等男爵單眼花翎旋奉 旨以川省股匪

交德楞泰勒保辦理額勒登保以經略大臣兼西安將軍專辦陝賊二月奏言川陝楚三省邊界賊匪合計不過五六千人無如賊勢愈窮狡詐愈甚晝則伏而不出凡溝渠林箐隨在皆可藏身夜閒潛地奔逃雖寨峒民人亦莫測其蹤跡或遇道路民人潛出剽掠或擄得男婦向寨峒換易衣履食物百姓等顧惜人口不得不遂其所欲迫我軍帶兵遙往賊早遠颺往往窮日奔馳徒勞無益臣以多兵追剿未能得力是以分派將備酌帶勁兵或數千人爲一路或數百人亦爲一路或奮力直前攻其無備或乘夜進擊使不及防較之大隊官兵逐北追奔轉爲有益是月苟文明被剿竄入南山與他股賊首宋應伏劉永受合三月賊詐爲官軍紅黃旗

幟豎沙壩山頂計陷我兵額勒登保親率將弁等徒步入山搜剿而狹路險阻賊勢盛則隨地抗拒或偷撲營卡被剿窮迫則翻越陡壁藏匿老林且多分股數倏東倏西爲牽綴官兵之計五月上以額勒登保任賊奔竄南山老師糜餉革職暫予畱任六月痛剿賊眾於龔家灣苟文明僅以三百餘人脫去擒其妻子並搜斬峒民之通賊者賊目劉永受亦以被剿潛逃爲村民所殲奉旨開復革職畱任處分苟逆由川塘河東竄額勒登保親率官兵抄擊疊有斬獲並因探聞德楞泰於楚境殲除首逆樊人傑曾芝秀等撥解賞需銀七千兩分犒兵勇諭曰額勒登保冒暑進兵無分雨夜可謂不遺餘力朕心深爲廕注又奏撥賞需銀兩解送德

榜奉軍營一節額勒登保不獨無忌功之念且酌分賞項獎勵成
勞足見爲國公忠深得大臣之體七月殲苟文明於甯陝廳花石
巖 恩旨晉封一等伯 賞還雙眼花翎以所兼西安將軍缺改
授興奎額勒登保奏軍務不日告竣減撤東三省及直隸廣東廣
西官兵又奉 命籌撤節年召募遠來之寨勇鄉勇請派員分起
資送回籍並給價收繳兵械其願入伍者仍分隸各營備補兵額
均報 可八月窮搜南山餘匪擒苟文明之弟文齊殲斃賊目張
芳卽督兵取道平利與德楞泰會勦大股楚匪凡五戰擒斬過半
九月移師安康紫陽一帶東顧楚境西策川界十月殲達州青號
首逆熊方青於邊界王家莊並於竹谿境內盡殲擂鼓臺老林股

匪投鑲藍旗蒙古都統十一月 上念額勒登保衝寒帶兵不避
風雪 特賞貂皮馬褂一件是月督飭穆克登布追勦黃藍線白
各號股匪於通江鐵鐙臺生擒首逆景英掌櫃蒲添香偽總兵賴
大祥並獲楚省老教賊目崔連樂晉 封三等侯爵時著名首逆
率就殲擒餘匪分竄老林者或百餘人爲一起或數十人爲一起
不復成股乃以十二月偕參贊大臣德楞泰總督勒保惠齡吳熊
光等馳報成功 諭曰額勒登保總統師干公忠懋著謀勇兼優
前此平定苗匪時卽經賞給侯爵嗣因勦辦邪匪遲延暫予降黜
自膺經略重任運籌決勝悉中機宜躬親行陣與士卒同勞苦用
能屢獲渠魁掃除苞孽業經節次加恩晉封三等侯爵茲三省全

奏底平厥功殊偉著晉封一等侯世襲罔替並授爲御前大臣加太子太保銜賞用紫韁以彰殊錫餘亦論功行賞有差八年正月額勒登保畱陝搜捕未盡零匪疊次殲擒首逆姚馨佐陳文海宋應伏等於紫陽縣境閏二月提督穆克登布以追剿宋應伏餘匪至南江亮埡子遇伏陣亡因言賊數愈少而賊情愈爲狡悍請發帑興築城營制賊奔竄並借此收養遊民以工代賑奏入 諭曰見在雲星散竄之賊不過在深山老林潛匿奔逃此時即使擇要興築賊匪早經繞道遠避安能制其死命況將附近寨砦百姓遷徙入城是直以民田廬舍委之賊匪賊蹤所至無人抵禦更得來往自如乃轉稱賊匪不敢由彼奔突乎至以工代賑一節地方見

有興作遊民得藉此謀生設將來工程完竣亦難保遊民不仍散
爲賊額勒登保又將如何安置乎又據稱川陝兩省城營各工約
需銀四十萬兩如蒙恩給發督撫趕辦並可就近查覈督催等語
額勒登保總統師于自應以戢暴安良爲己任乃不思辦賊轉欲
監工豈經略重任僅在監督工程乎七年以來所奏之摺從無似
此次不通事體之至至稱三省軍餉每月需銀三十四五萬兩懇
恩鑒覈一節軍營餉項朕先事預籌源源接濟從未令有缺乏額
勒登保豈不知之猶以此爲藉口乎額勒登保殊負委任著革去
御前大臣並紫韁仍授御前侍衛並傳旨嚴行申飭尋以督兵殲
斃賊目齊國典靳思慶等於太平廳境奉 旨額勒登保自經訓

飭以來甚知感奮將緊要賊日盡數殲除著賞選御前大臣並紫
韉用昭優獎六月移兵入川生擒戕害穆克登布之賊目熊老八
於大甯縣廟梁子又擒僞元帥趙金友奏言酌擬留防搜捕善後
各章程一請全撤外省客兵及東三省馬隊以節糜費而示體恤
一請酌留四川本省兵勇一萬二千名分布川東川北一帶湖北
本省兵勇一萬名分布歸巴興房二竹一帶陝省兵勇一萬五千
名分布營卡常川會哨以絕川楚餘匪竄陝之路一請將隨征鄉
勇有家業者聽其回家安業外其無家業願歸營者照新兵例各
給守糧一分俟制兵缺出撥補約一二年即可補竣守糧亦可裁
盡於安插鄉勇之法萬全無弊一請川陝楚三省分駐大員統率

一請俟奏報肅清後申繳經略參贊印信 諭暫畱東三省馬隊官兵並止其繳還經略印信統俟善後事竣親齎入都餘俱如所議行七月額勒登保偕德楞泰勒保馳奏三省餘匪肅清蒙 恩賞資並下部優敘 命德楞泰先行回京展覲額勒登保暫畱川省經理善後八月奏言川陝楚三省地勢犬牙相錯東至巴巫西至廣甯二千餘里交界盡係大山向屬姦宄潛蹤之地既不可稍畱遺孽又不可久稽大兵請就三省分段各派鎮將梭巡會哨使賊匪無地潛匿並圖各州縣營汛地界以 聞報 可是月移師陝楚查閱營卡續獲苟文明之弟文渠南山零匪搜捕殆盡惟苟逆餘黨潛結土賊數百人由鎮安偷渡漢江竄及鄖西復折而入

川十月 上命德楞泰回川督勅額勒登保振凱還京 特派御
前侍衛珠爾杭阿迎赴前途頒給賞項十二月額勒登保至京行
抱見禮於養心殿 御製詩曰喜見良臣面感思望捷詩誠心不
矜伐抱膝益傷悲事滯予多咎功高汝有爲 裕陵亟叩謁庶慰
在天慈加 賞銀五千兩大緞六十匹派爲後扈大臣 賜紫禁
城騎馬 命謁 裕陵九年正月 上念額勒登保前此勅賊緊
要時母訃不獲守制今已早逾二十七月 特令於慶賀新年禮
成後補穿孝服二月兵部奏請 簡派大員輪閱湖北陝西營伍
上命額勒登保馳驛前往兼頒欽差大臣關防入川偕德楞泰協
捕零匪並籌辦裁撤兵勇安設邊防各事宜時賊眾輾轉奔竄入

夏後伺我兵阻雨乘閒襲脅賊數屢勦屢增 嚴旨切責降戴單
眼花翎革去紫韁七月我兵痛勦賊眾於鳳凰寨殲擒僞元帥羅
思蘭僞總管王宗福等多名 恩旨賞還雙眼花翎並紫韁額勒
登保自陳精力驟減力疾帶兵情形 上命德楞泰爲欽差大臣
兼成都將軍勦辦餘匪 諭額勒登保回陝調理緩程進京餘匪
尋亦全數堵蕩十年三月署鑲藍旗滿洲都統 命總理行營事
務四月充方略館總裁官七月授崇文門正監督八月 上巡幸
盛京恭謁 三陵禮成 諭曰額勒登保此次因積勞抱病不克
扈從前來朕升香 列聖賜酌元勳言念蓋臣宜膺殊錫著加恩
晉封爲三等公是月額勒登保卒於京師年五十八奏至 行在

諭曰額勒登保秉志忠誠夙嫻韜略從前朕在藩邸時充詣達有
年小心勤恪曾出師緬甸金川石峯堡臺灣廓爾喀等處久經行
陣累立戰功嗣又平定苗疆蒙 高宗純皇帝錫封侯爵旋因教
匪滋事簡畀戎行始以遲緩獲愆終能奮勇克捷自朕授爲經略
大臣實力督師屢閱寒暑身經百戰艱險備嘗將數萬兇渠埽除
淨盡三省地方咸臻安輯實能爲國宣勞且其宅心公正力矢清
操中外滿漢臣工及外藩蒙古等卽素不相識者亦人無閒言尤
爲不可多得是以疊加恩獎仍錫爵通侯授以御前大臣晉加宮
保並賜雙眼花翎紫韁用昭殊錫此次感患病證卽因積勞所致
月前啟蹕時伊正當乞假不克扈從前來朕懷日切縈塵屢命畱

京辦事王大臣等往看病狀諭令安心調養並親解佩囊寄京賞給昨謁 陵禮成特晉封爲三等公復命乾清門侍衛慶惠馳往看視齋賜荷囊玉韞鹿雉等件方冀日就全愈長被恩光今據奏於月之二十一日溘逝披覽遺章實深震悼念其一生忠盡不禁涕泗交集允宜寵錫飾終以示酬庸至意除賞給陀羅經被外著成親王帶領侍衛十員前往奠醊並賞給廣儲司庫銀五千兩著派總管內務府大臣廣興爲之經理喪事所有歷任降革罰俸處分悉予開復應得卹典仍著該部照三等公例察覈具奏九月
上回鑾 親臨賜奠 御製述悲詩曰家國棟梁痛摧折積勞成疾不言功一腔心血全予願三爵椒漿酬汝忠封晉上公答勞績

祠開京邑表恩崇孤兒襁抱尤珍惜淚灑空階悲鬱衷 命將軍
秀林修理額勒登保吉林祖墓並爲立碑 命步軍統領祿康於
地安門外建立專祠 賜名曰褒忠歲時致祭 予諡忠毅子謀
爾賡額禔祿襲爵尋殤以姪哈朗阿嗣承襲一等威勇侯官 御
前侍衛正白旗蒙古副都統

右 國史館本傳

甯古塔以東沿混同江兩岸之人皆獲戶貂戶珠戶隸打牲烏拉
總管專司采捕之事不編入滿洲佐領康熙中曾調其壯丁一千
征準噶爾自後始設額兵千名世食糧缺而額勒登保起家珠軒
戶乾隆中以騎射挑入侍衛隨征廓爾喀臺灣屢立戰功嘉慶初

年平定苗疆經略三省教匪封威勇侯功績已著於前尙有奏牘
所不能詳者會聞諸楊果勇侯芳曰額侯耿介嚴毅笑比河清其
追覃加耀林之華於湖北之黃柏山芭蕉山朱履寨終報寨皆萬
山之中地險糧足圍攻輒月餘購降賊乘晦霧破之而賊又他遁
一載中力撲窮追賊聚兵分賊逸兵勞終以曠日老師被議削爵
及三年圍羅其清於大鵬寨官兵立營山腹賊黨羅其書眾數千
截我後路扼餉運額侯分兵回擊賊據堡力拒忽援賊五百餘由
後山繞襲麾下額侯勒馬橫立一矢洞賊胷背率親兵百人齊壓
退賊次日擊走羅其書通餉運合圍大鵬寨賊犯總兵朱射斗營
開壁大戰殺賊二千賊走據青岡山樹柵據險侯有鑑於黃柏山

芭蕉山故轍偏棚急以使賊不得修備持久侯距棚不及一矢席地而坐總兵楊遇春督官兵囊土立營冒賊槍礮死者死生者生壘立就諸營繼之連夜攻擊賊不能支復竄遂風寨據廢堡死拒無水無糧參贊德榜泰亦至會攻勢在垂克不然亦必飢渴而死薄暮侯忽傳令撤圍初更賊傾巢潰遁侯遲至黎明始督兵馳追未三十里及賊逃竄過半追殺三十餘里至方山坪賊盡解散遂獲羅其清於石穴其竄散萬眾三日閒盡爲兵民禽獻是役也賊趨絕地咸謂可坐待其斃侯以困獸猶關黑夜中萬眾死突我兵豈免受創旣遠近無他賊故開網縱之候其解散飢疲就縛如探囊中物雖武侯七擒七縱不是過也旣而德參贊往擊徐添德惟

侯馳擊包正洪扶病冒雨殺賊千計旋探知蕭占國張長庚二賊
萬餘據黃土坪其地南臨大江北倚觀音山蜿蜒百餘里東出三
十里爲城隍廟西退六十里爲雞猴寨侯命朱總兵繞雞猴寨截
其走路而自率楊遇春以大兵襲攻城隍廟賊果敗走朱總兵據
險邀之左右懸巖賊走無路每二三亡命衝突出者積至千百復
回攻及大軍追至夾擊遂斬賊大半賊先後逃出三四千下山越
溝喘息時已薄暮侯下令曰賊憊且飢不及此滅之夜必狂奔又
勞追勦我軍雖勞能買餘勇者受上賞軍士皆奮夜圍賊於石岡
偏下懸巖生擒四十餘眾斬張長庚蕭占國亦有薙髮冒難民以
免者數百投入冷天祿賊黨訴額侯兵威之可畏冷天祿曰我屯

安樂坪曾破勒經略兵數萬誰敢正眼窺我旣額參贊軍不遠我
正選先鋒八百往生擒之遂行額侯令楊遇春潛繞出其後而穆
克登布兵二千據人頭堰以待自率大隊攻其中路以索倫勁騎
旁衝之賊眾驍騎決死戰冷天祿斃於箭次日復追及其大隊萬
餘於石筍河破斬大半旬日連殄三賊遂奉 旨授經略五年勦
楊開甲大隊於洋縣之茅坪賊據山巔勢險峻侯先遣兵繞出賊
營左右而大兵三路進攻繼率大隊挈大礮步步爲營策應而進
其三路之兵誘賊至大隊前五百步外大礮擊之五七十步外銃
矢合擊之戰方酣旁山伏兵已繞出賊後乘高下壓前後夾擊禽
斬千餘楊開甲授首嘗謂諸將曰我兵條條生路惟拚命進戰是

一死路賊條條死路惟拚命鏖戰是一生路欲以我之長擊賊之短惟有出其不意攻其不備之一法故凡追躡必窮所向不使賊得憩息距賊二三十里稍休兵力夜半馳進黎明掩擊如賊知兵追集隊拒敵則繞道邀之迎面遇賊則設伏擊之師行整隊嚴備常如臨敵故或倉卒遇賊後隊未集即以前鋒突擊不使賊有成列之暇如箐谷限於地勢則分隊迭入層層接應高山峻嶺則分路旁攻前後布置每宿必四路哨探以備不虞又有楊公遇春朱公射斗為左右翼用能所向克捷其設伏夾擊之戰如黃土場羅其清百里趨利之戰如雲臺鋪與參贊大臣德榜泰夾攻徐添德取勢之戰如石筍河冷逆繞擊之戰如人頭堰冷天嚴備之戰如大安槽徐添德即使

萬不得已如平井鋪徐添德之倉卒遇敵亦布置整暇有備無患不能盡述

右記魏源撰

額經略勒登保吉林人少以侍衛從福文襄王征臺灣廓爾喀苗疆諸部落有功洊至護軍統領楚苗之役公受瘴得疾時福文襄和宣勇相繼卒亦有傳公已故者其家已爲之設位祭久之始知其譌嘉慶己未冬授經略督辦三省教匪公雖武人爲富尙書德甥故夙知兵法待下過嚴厲然遇有功者必親爲撫視又延胡學士思顯爲幕客凡出師皆請其參酌故每戰必勝賊皆畏懼聞慶總憲溥言公行師川楚時如數日不遇賊則抑鬱不樂鞭撻士卒

不已聞擊聲卽踊躍據鞍指揮三軍欣然從事及凱師歸公必命
烹肥羊呼眾將士至酌以同食公親持刀爲之割削視諸將如骨
肉言語質樸如違其制則當筵謾罵初不少貸一日游總兵雲棟
違公節制敗虜公罵之曰汝何畜產乃敢違乃公令以致敗辱如
楊遇春小兒斷不致若此時楊在坐而公初不顧忌其眞率也若
此故人皆爲之用甲子春歸朝任 御前大臣余於朝廊遇之高
不逾中人性和睦初不意其勇烈若此也乙丑秋病篤時 上遣
莊親王往視王嘉其勲績公瞪目曰吾有何功可計殊愧死矣其
謙沖又如此然性好殺戮擒賊至無論老稚盡皆殲滅嘗曰毋畱
此賊種致他日更生事變也故卒無嗣人皆爲之惜云

右錄宗室昭榘撰

川楚用兵以忠毅公額勒登保爲經略奏帶郎中胡思顯代具奏
藁每有小劾直陳不諱 仁宗嘉公不欺並加胡思顯三品卿銜
然後知名臣幕府未可參佐非人

威身公額勒登保討白蓮教時繼福文襄爲經略賊甚畏之每戰
張左右翼以降賊居左張紅旗鄉勇居右張白旗皆爲前鋒賊望
見紅白二旗則羣相驚曰額爺兵至矣皆奔公旣善用兵尤喜以
身先士卒臨陣輒以兩人肩竹兜乘之銃礮矢石常從肩耳過左
右失色公不少避督戰益力尤嚴操守賞士不惜萬金而不以一
錢自奉督撫饋遺一無所受用兵歲久諸將無不蓄貲財凱旋遇

盧溝橋雖名將如德侯亦輜重纍纍公獨蕭然行李一騎負一襪被而已

額威勇初有一子爲侍衛卒公方治軍得書不言亦無戚容中夜歸帳乃哀明日治事如故回京後復生一子上賜之名甫數月而公薨上親臨奠取公子置諸膝卽命襲封逾歲亦卒康祺竊謂仁宗之於公恩誼綢繆直不啻家庭骨肉公歿無子未免益九闡之軫悼然以公忠貞果毅誠貫天人清廟分配享之榮專祠有遣官之祭豈若馬醫夏畦之鬼必待子孫薦食哉或曰公久在行間誅戮太過其然豈其然乎

額經略征教匪時獲賊男女付有司訊供由翼長過堂聞單呈經

略初分三等定罪賊目以上凌遲持械拒敵官軍者斬被擄者釋
遣而愚民被脅者大抵嘗拒敵居多經略悉誅之不赦諸將屢哀
之始下令從賊不及三月免死遂多全活然亦有曲爲開諭而自
甘就戮者不少蓋爲邪說所中竟無術活之也其頑可憤其愚抑
可憫已

嘉慶癸亥三省軍務告竣方方伯積由蜀臬入 覲 睿皇帝垂
問軍務甚悉並 諭朕親政初宮中祈卜占者云三人同心方奏
膚功殆應經略額勒登保參贊大臣德楞泰總督勒保也見定遠
方士淦蔗餘偶筆方伯蓋其族人云

右紀聞陳康祺撰

馮元

馮元雲南平彝人乾隆六十年一甲三名武進士授二等侍衛在
乾清門行走嘉慶元年四月請假回籍二年正月因貴州南籠狃
苗滋事呈請自備資斧赴軍營效力五月隨雲貴總督勒保克水
煙坪隘卡八月進剿洞洒勒保督令策應將賊巢全行洗蕩經勒
保以打仗奮勉奏請畱黔升用得旨二等侍衛馮元准其畱於
貴州以參遊補用三年三月雲貴總督鄂輝派領黔省官兵赴川
剿捕邪匪五月補授貴州台拱營參將七月隨四川總督勒保圍
攻東鄉白號王三槐冷天祿股匪於安樂坪四年正月剿通江藍
號冉文儔股匪於麻家壩三月剿雲陽月藍號包正洪股匪於甘

玉坪隨參贊大臣額勒登保剿斃冷天祿於譚家山屢有功五年
三月奉節線號陳得俸通江藍號冉添元經參贊大臣德楞泰殲
斃後其餘黨向劍川奔竄署四川總督魁倫派員偕建昌道劉清
等防守潼川七月襄陽黃號樊人傑股匪竄至鄰水境元隨四川
總督七十五等衝擊斃賊數十名六年二月官兵擊通江藍號陳
朝觀股匪於竹園坪賊奔土地壩我兵乘勝追殺賊分兩股從左
右山溝趨山梁七十五督同元等分三路攻之斃賊多名四月東
鄉白號湯思蛟等股由大了口野龍池一帶奔竄元隨七十五等
隨探隨進行抵雙龍峒偵得亮壩子有賊匪屯踞我兵進攻至板
廠溝遇賊由菁林突出元偕遊擊李光晟等迎擊奔竄入右手深

溝我兵並力勦殺賊潰八月巴州白號苟文明及樊人傑股匪竄至開縣譚家灣元隨侍衛武隆阿等分路進勦馳至溫湯井賊匪千餘由山上譟呼而下我兵仰面迎擊斃賊二百餘名生擒苟文泰等百數十名七年七月川省藍黃白三號賊匪合夥蒲添寶爲首竄入竹山黎子坪經官兵擊退賊復乘霧雨分股來撲我兵分路迎截元隨武隆阿等由左擊之賊復聚六七百眾蜂擁至後路賊匪又由老林突出撲至半山我兵奮勇下壓槍箭齊發殲斃多名賊仍向老林遁逸八年正月在南老林搜捕另匪屢有擒獲二月各股另匪合竄至烏梢灘小水溪一帶元隨總兵達自祥由草壩場抄截九月勒保派領黔省官兵凱撤回營十年五月升上江

協副將閏六月擢古州鎮總兵八月卒

右 國史館本傳

三

羅江泰

嘉慶十年九月乙丑浙江定海鎮總兵羅公勦洋盜蔡牽於浙海之盡山歿於風 仁宗皇帝軫念勤勞賜白金七鎰 予葬祭祀昭忠祠給騎都尉世職道光五年襲騎都尉浙江昌石都司羅君建勳攝定海鎮遊擊余隨從兄令定海得交焉羅君謂予曰先公以死勤事越十六年埏道之文未備敢以爲請余固辭不獲乃就公歷官所著功與定人所能言者而敘次之公諱江泰字靜波其先海甯州人曾祖漢誠黃巖守備因家焉公少好學家貧太夫人令習賈公憮然曰昂然七尺軀不能爲國家干城衣食胡爲也乃投營伍九年授外委又七年至遊擊皆在浙由參將歷副將在閩

總兵又在浙在浙前後多與壯烈伯李忠毅公左右而在閩功特顯嘉慶初浙閩多海寇北界山東西連廣東中閒數千里皆盜出沒而蔡牽尤不可制時李忠毅公總兵定海爲 朝廷倚重而公爲中營遊擊閩內之事悉以屬公故忠毅得專意外洋先是賊船高大我師仰攻失利忠毅與巡撫阮公元議造大船凌賊船上命公治之名曰霆船忠毅用霆船大困蔡牽牽懼南走福建六年八月公遷督標參將十一月升副將十二月擊賊黨於白犬洋敗之七年二月敗賊於四礮三月追至嶼頭碎其船又敗於東礮擒賊目徐業軍聲大振四月蔡牽逃竄南下時公護海壇總兵遂赴南洋合金門總兵何定江截賊去路橫擊於銅山追至烏邱八月追

至浮鷹洋會賊船衝礁走匿山上公搜山擒賊目王朱十月遇賊黨於仰月橫山擲火器焚其船賊皆墮水死公之在福建也止逾年凡十擊賊俘百千人奪船數十獲礮械無算號敢死軍自是賊見公師輒引去總督請以公爲總兵攝鎮金門九年八月移鎮定海當是時蔡牽方遠竄臺灣忠毅公以浙江提督總閩浙水軍公固忠毅舊部同心戮力誓殺蔡牽明年九月癸亥蔡牽船泊道頭忽遁去公從甌洋會八總兵追之至盡山失牽所在時秋暑酷甚黑雲起海上急下令移港風驟至白波山立羣舟相擊觸頃刻破碎公所御大船帆重不可舉舉才及尺船遽去不知所終年四十四有公熟悉海道號令嚴賞罰信自偏裨而卒伍無不願爲公死

者由定海遷閩安百姓送者萬計多泣下至今言水師良將咸以
公伯仲忠毅也公卒後二年忠毅戰歿又二年副將王得祿邱良
功殲蔡牽於黑水洋洋盜平盡山之役 朝廷命浙江福建廣東
諸海口探訪甚急久之卒無得者子建勳襲官葬公衣冠於黃巖
銘曰
氣薄蒼穹炳爲日星魂兮歸來海氛已平海水浩浩公騎長鯨于
億萬年魚龍不腥

右神道碑銘陳在謙撰

孫廷璧

孫廷璧順天大興人乾隆二十五年一甲第三名武進士授二等侍衛三十年補湖北荊州城守營參將三十三年荆門州逆匪孫大有等私造旗幟聚眾擄掠廷璧會同荊州府知府蘇長齡率守備知縣等帶兵勦捕逆匪持械格拒廷璧督兵奮殺斃賊四十餘生擒孫大有及何佩玉孫國治等數十人事定得 旨議敘旋升湖南永順協副將三十四年擢浙江黃巖鎮總兵三十七年正月以所屬遊擊婁加貴等玩誤巡緝賄匿盜案總督鍾音奏廷璧近在同城毫無覺察請 旨交部嚴議 命廷璧解任來京引 見四月奉 旨孫廷璧著加恩發往四川軍營以遊擊用令其奮勉

出力以觀後效時大兵征兩金川八月廷璧抵南路達烏軍營隨侍衛明亮進攻甲爾木山梁十二月隨參贊大臣阿桂攻取美諾三十八年阿桂爲定西將軍廷璧奉委經營軍需火藥隨克納占山梁三十九年正月隨克絨布寨卡卡腳等處三月隨克穆當噶爾得礪一石卡三九月補湖南九谿營遊擊仍留軍營率領楚兵派由金川河以南進攻布咱爾里克石卡二十四年三月調赴北路官喜軍營由達爾山梁進攻四月攻克得楞一帶礪卡尋克茹寨六月克石真噶山包七月克沙爾泥寨先後經將軍等保列軍功超等得旨議敘者三十月偕翼長全保搜約木底一帶溝箐十二月克獨古木卡並甲咱各寨直抵獨松等處四十一年二月

克噶拉依賊巢金川平大兵凱旋廷璧因辦理善後報銷事宜畱
駐軍營四十三年事竣九月回九谿營任五十四年十月升江南
葦蕩營參將以葦蕩營缺經本省揀員題補廷璧赴部引見奉
旨孫廷璧發往江南以參將補用疊署鎮江池州金山安慶參遊
副將卽六十年六月補鎮江城守營參將嘉慶三年正月升太湖
副將八年五月擢狼山鎮總兵十月調蘇松鎮總兵十年五月遷
浙江提督六月諭曰浙江提督水師事務較爲緊要孫廷璧係
由陸路出身不甚相宜著另候簡用八月調湖北提督十月卒

右 國史館本傳

國朝音韻考卷之三十一

三十一

蘇甯阿

蘇甯阿蒙古正白旗人伊普楚特氏乾隆十九年由監生 恩賞
藍翎侍衛二十九年遷三等待衛三十年隨將軍明瑞剿辦烏什
回匪打仗受傷經參贊大臣永貴等保奏引 見奉 旨著應升
處列名三十五年補授副護軍參領三十六年補直隸昌平營參
將三十八年調紫荆關參將四十九年遷通州協副將五十二年
調督標中軍副將五十四年擢正定鎮總兵旋調天津鎮總兵五
十六年因失察窩匪鑄二級畱任五十九年三月 上巡幸淀津
於趙北口 召見垂詢前在烏什軍營打仗受傷 賞戴花翎旋
奏馳赴山東查看甲馬營水勢並見在築壩蓄水添雇撥船挑挖

淤淺俾幫船安速北上得 旨所辦尙好嘉慶四年擢甘肅提督
是年九月有阿郎村番賊二百餘人從巴爾兔地方出搶孳生馬
四羣蘇甯阿派委游擊王璽帶兵先赴該處緝孳旋經全數追獲
蘇甯阿仍親赴馬廠查勘道路情形派兵緝捕先後奏入奉 諭
辦理甚是惟據該提督奏稱已派遊擊王璽等帶領弁兵三百名
前往追拏如此項兵丁足資緝捕正犯全獲則已或兵力稍有不
敷蘇甯阿即可一面奏聞一面咨商松筠台布酌量調派兵力以
助軍威十月奏稱到野馬川牧廠番賊業已遠遁躡探無蹤惟附
近遊牧之處蒙古素畏番賊因將帶來兵三百名令署遊擊倭里
布帶領駐守以資彈壓防護並將牧廠情形繪圖呈覽 上以所

進圍據野馬川牧廠地面荒寒所留兵丁攜帶口糧自屬無多何以宿飽當此天氣凝寒又豈能日久露處且留駐該處何時始能撤回著傳諭松筠會同蘇甯阿妥協辦理於事方爲有益至蘇甯阿駐劄處所距該廠較遠而廠弁於所搶馬匹已經全數追獲著加恩免其嚴議仍交部議銷去紀錄一次五年擢甯夏將軍六年樊人傑股匪經官兵痛勦後由武關西溝竄入黑河蘇甯阿帶兵赴省彈壓以防其竄入甘省七年 諭曰蘇甯阿見已年老該處地方亦屬緊要著將賽沖阿調補甯夏將軍賽沖阿見尙帶兵勦賊一時未能抵任仍著蘇甯阿暫行署理俟賽沖阿辦賊完竣赴任後蘇甯阿再行來京另候簡用尋奉 命專署甘肅提督印務

侯楊遇春勦賊完竣赴提督之任卽行交代來京八年補鑲黃旗
蒙古都統十年十一月卒子額騰伊見任戶部員外郎

右 國史館本傳

特克什布

特克什布滿洲正黃旗人瑚錫哈哩氏由烏槍藍翎長果遷副護軍參領乾隆四十八年發閩浙以參將試用五十年授福建泉州營參將五十一年臺灣逆匪林爽文聚眾滋事隨閩浙總督常青往勦五十二年三月賊犯臺灣城特克什布偕遊擊蔡攀龍等督兵力戰斃賊五六百人賊繼進四面環攻特克什布復與諸將領奮力截殺有陣降賊目莊錫舍反戈橫擊特克什布率官兵乘之賊遂驚潰六月賊犯大營特克什布率官兵梁朝柱等擊敗之會參將瑚圖禮都司邵振綱自山豬毛督官兵及廣東義民由間道翻山攻南潭賊巢常青令特克什布率所部往應至瀘山下值瑚

圖禮等兵至賊併力抵禦特克什布擊退之九月賊乘霧攻請羅
四門特克什布率官兵往來力戰斃賊甚眾時林逆遣謀糾其從
兄林觀賜僧應瑞約以十五六日舉火爲內應經柴大紀擒獲正
法十五日賊果以眾萬餘來攻特克什布奮勇向前併力鏖戰相
持一晝夜殲賊千餘名賊以諸路援兵未至攻益力特克什布乘
閒出擊又敗之奪其僞幟二暨軍械無算十一月 諭曰特克什
布於賊匪攻犯營盤時往來督戰殺賊甚多著交福康安於軍營
遇有副將缺出奏明升用五十二年授延平城副將五十六年調
臺灣北路副將五十九年擢海壇鎮總兵嘉慶元年十二月以總
督魁倫奏特克什布不習水師 諭曰閩省洋盜未能緝捕淨盡

水師總兵督率檢拏關係緊要似此不能出洋豈尙堪水師之任
特克什布於所屬沿海口岸尙能勤慎巡防著以陸路總兵用交
軍機處存記遇缺補授二年調建甯鎮總兵十年十一月以病乞
休解任 命回旗調理尋卒

右 國史館本傳

--	--	--	--	--	--	--	--	--	--

興常

興常鈕祜祿氏鑲黃旗滿洲人祖協辦大學士果毅公阿里衮自有傳興常於乾隆四十一年由官學生補授鑾儀衛整儀尉四十三年升治儀正四十九年授乾清門三等侍衛五十一年兼公中佐領嘉慶四年洊擢頭等侍衛五年七月河南巡撫馬慧裕奏葉縣知縣廖寅拏獲首逆劉之協上命興常隨同侍郎高杞馳驛前往嚴行審訊尋奉旨劉之協交高杞興常同豫省原解兵丁小心接解來京十月授正紅旗漢軍副都統六年三月授東陵總管內務府大臣兼馬蘭鎮總兵五月奏盤山東北圍牆外生有松蟲見率弁兵捕捉上以田家有無妨害命直隸總督姜晟

查明具奏不可諱飾旋據姜晟覆奏 諭曰此等松蟲雖於田家無妨亦須早爲捕捉該省大吏何不隨時具奏設地方偶有蝗蝻竟漫無覺察乎七月興常奏薊州鶴門及盤山以南閒有蝗蝻禾稼聞被殘蝕 上以薊州知州未聞呈報豈地方蝗蝻爲災武職畱心而文職隱匿不報乎 命總督熊枚將該州知州查參具奏並派員會同興常督令村民自行撲打毋致蔓延又奏標下各營兵丁應支秋季餉銀例由直隸藩庫領解因沿途水深車重難行請將本處內務府籌備庫並永濟庫見存銀內通融借給以資接濟俟餉到卽行歸款 從之八月 諭曰前據明安奏宛平民人冷成業呈請在牆子路地方斫伐入官山場木交官備用今查明

係老龍背纏連而下與 陵寢重地風水相關自當加意慎重著
傳諭興常敬謹守護禁止斫伐七年三月因清明大祭應進各
陵供獻寶花存貯藥王廟被火焚燬將承辦司員善福奏參並自
請議處議上奉 旨興常削去紀錄一次九月 上閱古北口官
兵興常射中地球 命於例賞外加賞宮用緞一聯十二月承襲
一等果毅繼勇公九年五月調秦甯鎮總兵十一月奉 旨興常
患病已久精力不能支持不勝總兵之任著回京在散秩大臣上
行走十二月因前在秦甯鎮總兵任內總管內務府大臣盛住准
令石商在紅椿內開採山石興常不行查奏交部嚴加議處部議
降三級 上從寬改爲革職畱任十年十二月卒子和色寶見任

國史館本傳

三等侍衛

右 國史館本傳

三

伊勤慎

佟襄毅伯伊勤慎爲忠毅公巴篤理嗣乾隆中任領侍衛內大臣
典宿禁者數十年先恭王與之交最契嘗言公雖無赫赫名然馭
下最嚴肅每早朝黎明公獨正襟坐中左門將入直侍衛按簿呼
唱朝服佩刀率之以入有遲至者令其次日自負襪被出以辱之
景運隆宗二禁門內非奏事入待 旨及 上所宣召者雖王公
大臣不許私入故當時禁鑰嚴警有終身列部曹而不識乾清門
者自公故後日漸廢弛至有侍衛曠班累日不至每夏日當直宿
者長衫羽扇誼譁嬉笑至圓明園諸宮門乃竟日裸體酣臥宮門
之前余任散秩大臣時曾告當事者當事者笑曰使其裸背者俱

全已爲厚幸君尙何苛責哉其玩愒也若此故追思曩昔老成之人實有益於國也

右錄宗室昭榘撰

伊勒圖

伊將軍勒圖少貧糶幾不能舉餐充侍衛嘗代人持豹尾槍以食其賃賫人爭賤之從征西域有功阿文成公嘗與論伊犁疆域公言其要隘某某處如聚米爲山狀阿文成異其人及歸卽薦公代其任公撫絕域先後二十餘年駕馭得宜撫卹番夷輒以至誠詭其天良番夷感激用命外藩如安集延哈薩克等處皆畏威懷德至呼爲父公性廉潔饋羊至十數卽不收取而賞賚倍優渥又定開屯田練士卒犒夷眾諸制至今遵之 純皇帝喜其守邊寧謐嘗 賜詩比之趙充國班定遠焉後卒於任番夷悲慟至有顰面文身者 上悼惜之封其子爲一等伯以旌之

右錄宗室昭榘撰

國朝耆獻類徵初編卷三百補錄

將帥四十

羅江泰

羅江泰浙江黃巖人由行伍於乾隆五十四年拔黃巖左營外委五十五年擢把總五十六年升千總五十八年遷鎮海水師營守備六十年升瑞安協左營都司嘉慶二年升定海鎮標中營遊擊六年升閩浙督標水師營參將七年署福建閩安協水師副將八年保舉引見得旨交軍機處記名七月升浙江定海鎮總兵十年率領兵船追剿蔡牽幫匪於盡山洋遭風漂沒時冬十月也先是九月隨營學習雲騎尉蔡興福黃巖鎮標左營千總施大發

在盡山洋擊賊遇風溺於水是月署乍浦營參將劉成業亦追擊
蔡牽於盡山洋遇風淹沒嗣是十二年署温州鎮標中營千總徐
大鏞署左營把總王福追捕竄匪至廣東惠來縣田心礁外洋遭
風溺於水定海鎮標左營把總張大鯨先於十年隨羅江泰於漁
山洋攻擊盜船屢受重傷至是十二年奮勇追盜至粵洋力戰陣
亡先後事 聞得 旨羅江泰著照陣亡例給予卹典 賞騎都
尉世職餘 賜卹如例成業大鯨 賞雲騎尉世職襲次完時均
以恩騎尉世襲罔替江泰子建勳襲成業子炳日襲大鯨子鶴鳴
襲興福廕衛千總大發大鏞廕把總興福弟興仁襲大發子必顯
襲大鏞子印章襲福照馬兵例 賞卹成業浙江鎮海人由行伍

拔外委歷升定海鎮標左營把總中營千總乍浦右營守備超擢
温州鎮標中營遊擊旋署是職興福大鯨大發俱定海人興福以
父榮恩任千總於羊山洋傷亡廕是職大鏞永嘉人福樂清人

右 國史館本傳

按國史本傳羅公名傳鈔作江
太茲據前刊陳在謙撰碑作江秦

國朝耆獻類徵初編卷三百一目錄

將帥四十一

寶璜

永明

倪定得

慶霖

楊奎猷

陳杰

珠爾杭阿

春甯

海興阿

杜魁光

德英額

福昌

穆克登阿

盛住

國朝耆獻類徵初編卷三百一

通奉大夫前署江西巡撫江西布政使司布政使湘陰李桓輯
將帥四十一

寶瓚

寶瓚山西平定州人乾隆七年武進士授藍翎侍衛十二年遷江西瑞州營都司十六年調鉛山營都司十九年遷福建陸路提標後營游擊二十年調雲霄營游擊二十四年遷同安營參將二十八年調臺灣城守營參將二十九年遷浙江紹興協副將三十四年擢山東登州鎮總兵三十六年四月奏稱登州水師一營分爲三汛向例每年均演習水操一次北汛係總兵親驗東南二汛委

副將就近查閱竊恐同寅瞻徇情面難以認真不若俱行親查更爲嚴密除北汛就近操驗外其東南二汛請照陸路通行親查之例前往閱看並請將火箭火罐噴筒等項照備貯藥引出陳易新之例輪製如法每年隨操試演 上從之三十八年調貴州古州鎮總兵兼署提督 諭曰前古州總兵出缺令寶瓚調補仍兼署貴州提督古州爲苗疆要缺一切控馭撫綏必須大員妥爲經理至見在川省軍營尙有添調黔兵之事提督一缺亦關緊要著寶瓚卽速赴古州新任三十九年六月疏稱黔省各營兵丁內有本姓張而頂食姓李名糧者遇有事故牽混難查槩令更正各將備嗣後召募新兵必須實在姓名方准挑驗虛冒參處再查營中利

器槍礮弓箭皆能致遠一遇衝鋒面敵籐牌實不可少驗看籐牌
便於短接每百名調取五名今進攻金川復需籐牌擋石奪礮是
籐牌仍宜復舊請按照福建跳舞對打之法用真實鐵器勤加教
練每兵百名復設籐牌七名 上允之四十年五月 諭曰貴州
調赴川省之兵在軍營最爲得力是以明降恩旨格外優賞但該
省地方係苗疆恐營中存兵較少不足以資彈壓寶瓊見署提督
苗疆重任乃其專責不可不加意經理苗民久遵王化果能駕馭
得宜自皆甯帖至附近苗疆防守兵丁俱行選補足額仍宜隨時
訓練嚴飭兵役勿稍需索滋擾則苗眾自各相安仍以此次加賞
赴川兵眷錢之事曉諭在營各兵使倍知觀感鼓舞該提督辦理

此事尤宜不動聲色勿稍輕露整飭防閑之迹十二月奏查下江營僻處邊疆城外官建礮臺十座內八座設於近城山上其二座在隔河山上且近苗寨請將隔河之礮臺拆毀其近城之礮臺俱宜安設礮位查下江營見有溢額之綠依依威遠靖蠻等礮可以撥赴派撥弁兵輪流看守每年冬月演放一二次以免鏽壞而壯邊威 上是之是月以辦理赴川官兵妥速得 旨議敘四十一年三月擢貴州提督十二月入 覲賞戴花翎四十二年二月調湖廣提督尋奏言湖廣六協營均係水師向用槍礮操演在於船上擺列行陣請做照閩浙水操練習泛水之技又出師川省損失軍械內惟腰刀較多詢之官兵僉稱軍營鐵斧係每兵五名一柄不

數分用多用腰刀斫木劈柵以致殘缺請乘製造軍裝之便每名
添配加鋼鐵斧一柄工料無多遇有用處以省腰刀之利器 上
嘉其畱心四十四年丁憂回籍四十五年 諭曰廣東提督員缺
寶瓚尙屬結實著卽前往署理俟服闋後再行實授四十六年二
月奏稱崖州樂安地黎匪聚集多人在德霞等村放火劫殺將巡
檢黃彬射死臣聞報星馳前往相機嚴密查辦再督臣巴延三業
已馳往臣一切會商妥辦 上嘉之三月借總督巴延三奏臣等
抵瓊據鎮道稟報帶兵搜捕已將射死巡檢之黎匪那岸擒獲訊
係官坊村頭人那回爲首緣上年秋冬各州屬短雨今春糧貴那
回糾約村黎搶劫實在兇匪不及百人見已生擒四十餘名槍斃

三十餘名臣等查附和者不止此數見在馳赴樂安督同鎮府逐一搜拏盡法懲治四月又奏有頭塘等村頭人將首逆那回縛送到營督兵覆行搜捕擒獲那翦等多名實那回等於法事詳巴延三傳四十七年正月入 觀五十年正月預干叟家五十一年十月因失察左翼鎮標弁兵私賣軍火得 旨交部嚴加議處尋諭日前據孫士毅奏拏獲外洋盜匪譚華瑞等究出外委兵有將火器火藥得錢租賣與盜犯行使之事已明降諭旨令從重究擬將提督寶瓚交部嚴加議處矣本日寶瓚具摺檢舉先將認真緝匪及此案上緊購線躡拏正賊正賊等虛文作為由伊訪出者然累累聲敘希圖掩飾其意甚屬取巧提督為專闡大員該管弁兵

平日不能緝匪安良轉將火器火藥租賣與盜犯行使此與藉寇
兵而齎盜糧何異寶瓚旣失察於前又復飾詞取巧於後難膺專
閫之任何必更俟部議雲南開化鎮總兵員缺著加恩以寶瓚降
補仍帶革職畱任處分八年無過方准開復十月調鶴麗鎮總兵
五十二年九月疏言營中外委及弓箭馬步兵餘箭皆照額存貯
而總兵將備等均不備貯餘箭竊思總兵將備爲弁兵表率俱應
以身先之見照額補製輪換抽出演練免致桿彎翎落又施放鳥
槍若有牛皮擋牌在前一遇賊匪人在牌內而槍遞牌外左右接
連放槍殺賊愈有膽氣報 聞五十三年署雲南提督十月調昭
通鎮總兵五十六年復署提督五十七年十月仍授廣東提督五

十九年四月入 覲 諭曰本日召見寶瓚兩耳重聽年力衰邁
廣東係屬海疆地方緊要恐致貽誤著以原品休致嘉慶元年預
千叟宴六年重預鷹揚宴七年重預會武宴十一年卒

右 國史館本傳

永明

永明博爾吉特氏正黃旗滿洲人乾隆三十九年由烏槍護軍擢
藍翎長四十九年洊升烏槍護軍參領尋授甘肅游擊嘉慶元年
川楚邪匪滋事延及陝境永明奉調隨總督宜縣征勦賊踞興安
府屬之將軍山恃險抗拒十二月官兵分四路進擊永明偕佐領
西林布等由北路攻破箭垞山殺賊百餘會兵奮擊破斃賊首馮
得仕趙可徵二年正月賊匪龍通智謝克福黃自榮等分竄川省
太平縣踞通天觀高家寨南津關爲犄角勢參將姜敏功等先破
通天觀其勦敗餘匪逃至高家寨永明率眾擊散之復以破燬其
寨斃賊無數游擊哈三保亦攻燬南津關三路悉平斬黃自榮擒

龍通智謝克幅得 旨賞戴花翎三月賊踞金峩寺倚雞爪嶺爲
要隘又於棋盤石安設槍礮防守甚力永明偕總兵索費英阿分
路攻取棋盤石賊雞爪嶺勢孤併下之四月升濟木薩營參將八
月同游擊謝開先堵截太平竄匪保護縣治賊偪城下永明射殪
騎馬賊目一人勦兵督戰賊退 命交部議敘四年擢直隸山永
協副將五年三月護軍餉至川十一月擊敗鮮大川諸賊於龍場
升巴里坤總兵十二月賊首高二等由安康五塊石及洵陽大棧
溪偷渡漢江六年正月提督慶成派令赴白沔峽防勦并兼管已
革總兵關騰所遺防兵五月冉學勝股匪南竄洋縣渡江永明率
游擊愛星阿等馳抵官東山守護西鄉縣城垣擊斬賊十餘人追

躡二十餘里仍至白沔峽一帶防堵八月高二餘匪突廣元之兩
會寺清家園等處永明與總兵辭大烈入川追及夾擊破之九月
高見奇魏棒棒等股匪越竄甯羌板倉壩永明星馳入陝從南鄭
沔縣大路截擊以保陝境西北一帶十一月賊首苟文明合高冉
餘匪潛渡嘉陵江竄甘境之梅子園慶成檄令迅由陝省棧道協
勦十二月賊復由張家山越卡竄入陝境副都統慶溥帶兵追擊
永明兼管元壩子古城山谷要隘七年二月通江股匪竄甯羌之
映水壩永明飭都司德忠擊敗之賊復分股竄陳家壩秦家壩等
處永明先後派守備黃林游擊米章截勦賊敗竄鐵索關永明親
往迎擊擒斬甚眾三月宋應伏張添倫魏洪陞等後股賊匪竄過

甯羌州屬之關口壩慶成以永明係防守之員未經具報奏參
上命經略大臣額勒登保會同慶成詳查覆奏嗣奏賊由參將李
殿元汎地逸出並非永明防守界內至竄出關口壩之後永明實
久已臥病故未具報懇 恩免議 從之六月宋應伏股匪竄乾
溝紙房壩等處永明從大石埡急追至廟壩賊已繞道竄過城牆
巖纏縣溝而去經額勒登保奏參奉 旨拔去花翎降爲都司畱
營效力八月隨將軍興奎仍在陝甘接壤一帶地方防勦並經理
裁撤鄉勇事宜九月賊股由大竹渠縣竄徧陝境永明堵禦賊不
得入復有賊數百在川境松坪游奕徧近陝界之花石梁永明督
兵擊退之並搜拏五塊石潛匿零匪八年賊平授陝西固原城守

營游擊十一年卒

右 國史館本傳

國史館本傳 卷一百一十一 營游擊 十一

倪定得

倪定得江蘇吳縣人乾隆三十九年由行伍拔補蘇松鎮標中營把總四十年升千總四十六年遷奇兵營守備五十七年升右營都司六十年升狼山鎮標水師右營游擊嘉慶三年擢浙江乍浦營參將四年擢福建閩安協副將五年五月閩浙總督王德遵旨保舉定得堪勝總兵之任六月升海壇鎮總兵七月蔡牽盜船由浙竄閩定得率舟師於百丈洋擊之沈船一套船一擒侯塗等十四人餘西北竄定得追至蠟場洋適颶風起盜船覆溺甚多閒有泅水登岸者官兵水陸並擒之俘九十餘人獲鐵礮三十六刀械六十餘六年二月定得於門扇洋獲吳恩等十一人鐵礮十四

刀械無算又偕金門鎮總兵何定江獲林四等三人五月定得及定江等均例應入 覲玉德以南風盛發正防安南夷匪竄入之時定得等帶領舟師督率將弁兵丁分布堵緝且水師各副將堪署鎮篆者亦甚難其人奏請分年輪班入 覲 從之七年擢福建水師提督尋因廈門遺失礮位部議降一級畱任 上以定得是日甫經到任尙非不能先事防範所致加恩寬免九年五月來京 陛見射中布靶 賞戴花翎九月有 旨詢定得是否得力玉德奏稱定得前在副將總兵各任內帶領兵船終年出洋緝捕共獲盜犯一百二十餘人今雖年逾六旬精力強健調度合宜堪爲各鎮領袖疏入報 聞十年以病乞休 上允之十一年卒

右 國史館本傳

國史館本傳
卷之十一
九

--	--	--	--	--	--	--	--	--

五十年來中國經濟史

5

慶霖

慶霖章佳氏鑲黃旗滿洲人祖尹泰父尹繼善俱官至大學士自有傳慶霖於乾隆二十九年由拜唐阿授藍翎侍衛洊擢頭等待衛四十三年授黑龍江副都統四十九年調青州副都統五十九年奏請動撥前駐青州蒙古回人等絕嗣繳完立產銀兩滋生利息以爲養贍青州德州駐防孤寡之資奏入得旨允行十二月調甯古塔副都統嘉慶三年擢江甯將軍四年三月調福州將軍七月慶霖呈進閩海關土貢諭曰朕憶向年萬壽聖節方有此貢因命軍機大臣檢查奏事處檔案歷年均係七月後呈進八月開並未另有貢件是慶霖竟係循照年例冒昧呈進實屬非是除

將貢物擲還外著交部嚴加議處部議革職 諭曰慶霖呈進土
貢殊屬冒昧卽照議以違制例革職實屬罪所應得姑念慶霖由
侍衛出身擢任將軍心地糊塗於體制不能諳悉且因兼管閩海
關務所進祇係土物又屬初次著從寬改爲革職畱任惟是此次
慶霖得邀寬宥或外閒無識之徒妄以前次飭禁雖奉有明諭而
違例呈進其革職處分仍可邀恩畱任又視爲具文遂僥倖嘗試
冀開進奉之門此則有意測探大非朕此次施恩之意此次朕之
所以寬恕慶霖者實因伊武職糊塗所進祇係方物其咎不過冒
昧尙非欲倡爲此舉首先嘗試是以姑免革職八月奏請將福州
將軍衙門原畱差遣之綠營把總四員官兵二十名仍歸該督撫

營伍 諭曰前因各省將軍大臣常備兵丁在署差遺夙習最惡
節次降旨訓飭今慶霖到任未久卽奏請將將軍衙門差遺綠營
官兵駁回原營所奏甚是著通諭各省將軍大臣等一體遵行十
年正月因病奏請開缺 命賞給都統職銜開缺調理十一年正
月卒子福申六品廕生禮部額外主事福綏候補筆帖式福臻候
補內閣中書

右 國史館本傳

國朝通志卷之三十一

--	--	--	--	--	--	--	--	--	--

楊奎猷

楊奎猷廣東嘉應人乾隆四十五年武進士授藍翎侍衛五十一年授廣西南甯城守營都司五十三年調右江鎮標左營都司五十六年升右江鎮中營游擊嘉慶元年帶領官兵隨閩浙總督福康安四川總督和琳勦湖南苗匪三月攻克結石岡城有功奉旨咨部議敘二年九月廣州將軍明亮等奏升增城營參將時川陝楚三省教匪滋事派隨明亮內大臣德楞泰征勦三年三月追偏賊首齊王氏姚之富股匪於湖北鄖陽府之三岔河偕官兵四面圍攻齊姚二逆投崖斃命全股賊匪勦盡經德楞泰奏入 恩賞扳指八月賊首張漢潮股匪竄至陝西南鄉界內迎擊之於西

河口殲斃多名九月隨總兵長春扼賊於白林灣設伏從山梁壓
下賊潰四年二月擊賊於馬家坪山梁張逆欲走豫省奎猷隨長
春乘夜由山陽商州大道繞出賊前於泉村地方追殺四十餘里
殲斃百餘名五月於樂莊西溝一帶冒雨追剿兩晝夜將賊匪逼
回陝境 上以楊奎猷實屬勇往 賞戴花翎八月派同侍衛富
蘭等於大山埡設伏擊斃賊匪多名九月張逆遁入老林奎猷等
由中路追剿斃賊百餘名擒吳廷璧等六名五年五月隨經略額
勒登保擊伍金柱股匪於手板崖旋升直隸河屯協副將七月偕
總兵穆克登布由化嶺迎擊張逆斃二百餘名八月升甘肅涼州
鎮總兵尋於黑河追剿楊開甲餘匪復於蔡壩會官兵夾擊之斃

賊四十餘名擒十一名十二月追擊餘匪於元壩子一帶辛聰股匪竄向油扎坪大沙河雪山坪一帶奎猷與游擊李殿魁守備王殿甲分三路抄截賊匪折回燕子崖追擒大旗頭目劉鳳仙斃餘賊數名六年正月駐劄綢廠專管河南地方營卡尋派帶兵勇於華山陽入山探勦肉學勝賊蹤復由鐘坪追截胡滄海餘匪斃賊二十餘名三月冉逆由高橋溝東竄玉皇廟折向高家臺奎猷催兵疾馳與參將羅全亮候補協領和興額分兵三路搶占柳川溝左右兩山乘勢壓下立斃賊百餘名戮斃僞元帥張姓賊匪翻上山岡坪老林占據山梁抗拒奎猷等衝冒槍石奮力仰攻分路擁上又斃賊四百餘名生擒百餘名餘匪向武關河竄逸奏入奉

旨嘉獎交部議敘冉逆復哨聚雷壩屬之大壩一帶奎猷等分兵
兩路進剿賊匪屯聚深溝奎猷等搶上山頂察看虛實和興額率
馬隊衝下溝內撲之奎猷慮兵失利催令步隊一齊撲下賊於山
灣密林設伏衝撲和興額陣亡兵勇退出溝外搶占山梁割駐

上以楊奎猷無能已極 命額勒登保查參冉逆屯紮王家河奎
猷乘夜進剿潛蹤疾走設伏誘賊擊斃百餘名擒六十餘名賊匪
分路抄撲奎猷馳至山梁岔口堵截復擊賊於草白峪搶上西面
山梁四月額勒登保奏楊奎猷前在大壩地方打仗失利奎猷身
爲統領乃不料賊詭計又不能審度地勢冒昧輕進且於失利後
遲至數日始行呈報請將奎猷革職枷號奉 旨楊奎猷著革職

枷號軍營侯大功告竣後再行奏明釋枷發往伊犁十月額勒登保奏請將楊奎猷枷號釋放畱營效力 諭曰楊奎猷勦辦冉遊股匪冒昧輕進其罪係過於貪功非臨陣畏葸者可比既據額勒登保奏稱該革員深知愧悔著加恩釋放枷號作爲兵丁畱於軍營差遣七年七月截擊川省零匪於通江巴州交界之營地垣殲擒五十餘名又攔截竄匪於蘆子坪殲斃三十餘名川省太平縣境餘匪由西鄉竄入紫陽壩奎猷勦於九滾坪殲擒三十餘名八月堵截川省零匪於滾龍坡十月於星子山觀音堂小河扼要迎擊由川省竄陝之賊額勒登保奏請加 恩 諭曰據奏楊奎猷一載以來奮勉勤慎此次截勦各號股匪不致深入陝境著加

恩以游擊補用十二月補廣東湖州鎮中營游擊八年調提標右
營游擊十一年正月卒

右 國史館本傳

陳杰

陳杰漢軍正白旗人乾隆七年武進士十三年經步軍統領舒赫德保題南營守備十五年調補圓明園樹村汛守備十八年軍政卓異加升銜調河南歸德營守備引 見自陳願畱京效力 允之二十一年升南營游擊二十二年奉 旨發往浙江以參將委用尋補提標參將二十七年升樂清協副將三十一年擢江南壽春鎮總兵三十四年調蘇松鎮總兵三十六年調廣東左翼鎮總兵旋改右翼鎮總兵八月以母老奏請改近 上從之仍調江南壽春鎮總兵四十一年授江南提督四十二年十月兩江總督高晉奏參陳杰性情偏執器小易盈舉劾任意均欠公允 諭曰陳

日吉... 卷之三十一
三
杰辦理營務既未能公明允妥江南提督緊要且係專駐之缺不
便畱其在彼致滋貽誤但念尙無大過著調補烏魯木齊提督仍
帶革職畱任以觀後效四十三年四月丁母憂回旗十月授正白
旗漢軍副都統尋以江南提督任內失察提標左營游擊楊宗豹
等年力就衰部議革任 上加恩賞巡捕營守備四十六年游歷
北營參將四十九年升巡捕中營副將五十一年擢狼山鎮總兵
賞戴花翎五十二年正月奏參漕屬及通州等營歲需硝磺存貯
缺額 諭曰所奏實屬可嘉各營火藥爲兵操演之需最關緊要
自應照數實貯以資儲備況該省沿海地方甚多尤應隨時查察
乃陳杰到任未幾卽查出漕屬及通州等營歲需硝磺俱不能按

期到營以致借動儲備可見該省營務廢弛殊不可問命兩江總督李世傑等詳查覆奏尋奏硝磺缺額實由採運稽遲請將四十六年以後之歷任江甯江蘇各藩司嚴議上以陳杰據實直奏交部議敘三月授江南提督時閩省臺匪林爽文等滋事鳳山縣失守杰請帶兵勦賊上斥其輕率徵調交部嚴議部議革職諭曰陳杰不揆事宜率擬前往臺灣進勦實屬冒昧但念究屬急公與心存規避者有閒著革職從寬畱任五十四年調浙江提督五十五年八月奏浙省各標協營千把外委等缺出例送總督考拔但總督遠駐閩省弁兵艱於盤費往往裹足不前以致不能得人請令提督總兵就近自行考拔上可其奏並下其議於他省

十一月奏參瑞安洋面盜匪拒傷官兵劫掠軍器護副將王愈安商同備弁裝點捏報希圖卸罪 命將王愈安等革職拏問交陳杰會同巡撫福崧嚴擬審定五十六年偕福崧奏沿海水師宜汰去老弱另募壯丁訓練並請嗣後巡哨弁兵遇盜退縮應將原派不愼之將備等官嚴議並該管總兵亦應議處 上題之五十七年七月因所委巡洋署守備林鳳鳴等聽從民人賄囑幫爭析地放槍滋事奉 旨革去翎頂仍革職畱任五十八年四月失察玉環廳之石板殿山嶼匪徒放火搶劫 命來京聽候部議尋 賞巡捕營守備累遷南營游擊嘉慶六年六月步軍統領明安查勘水災至南營汎杰隨行經明安奏參革職勒令回旗十一年十月

卒孫夢熊見任直隸提督中軍參將

右 國史館本傳

乾隆己巳 上命工部侍郎三和修理靜漪園別館中有複道可通西苑 上幾暇之餘嘗乘小輿率內侍數人由複道往監工外庭殊未知也時陳提督杰爲中營千總日夕危坐宮門側督率工匠締構初無怠容 上心識其人 諭傅文忠曰汝中營有偉髯千總其人勤樸可任事因詢其名姓 命文忠保薦之不數載遂至專閫云

右錄宗室昭棟撰

								1
--	--	--	--	--	--	--	--	---

珠爾杭阿

珠爾杭阿顏扎氏正黃旗滿洲人由前鋒於乾隆三十年授藍翎侍衛四十六年四月擢三等侍衛十月升二等侍衛四十九年六月隨征討肅石峯堡逆回超眾奮勉經陝西總督福康安奏入

賞錫利圖巴圖魯名號五十六年九月廓爾喀賊匪擾後藏上命成都將軍成德四川總督鄂輝往剿諭珠爾杭阿赴軍營聽候差遣五十七年二月駐藏大臣鄂輝因第里浪古地方係四通八達之區而窩浪卡尤爲絨轄要路令珠爾杭阿查看地勢其安卡放哨處所俱撥兵防範旋偕侍衛承德等攻克聶拉木寨賊匪賞大緞一匹五月隨將軍福康安自宗喀進剿擦木與參贊大臣

海蘭察等爲一隊由正路直攻賊寨克之 賞大小荷包復同頭
等侍衛阿滿泰等克復濟隴官寨六月擢頭等侍衛七月隨海蘭
察進攻雅爾賽拉博爾東拉一路折燬木城石卡殲斃甚眾又擊
賊於瑪木拉敗之八月福康安等敘功入奏 賞加副都統銜尋
進攻噶勒拉堆補木大山官兵分爲三路珠爾杭阿偕三等侍衛
阿哈保等由右路夾擊奪據石卡焚燬木城均有功復由橫河上
游搭橋渡河進攻奪木集殲殺甚多旋因軍營帶兵乏人 命爲
領隊尋廓爾喀賊酋拉特納巴圖魯投誠乞降福康安令護送廓
爾喀貢使來京圖像紫光閣 命詞臣製贊五十八年九月授鑲
黃旗蒙古副都統五十九年授伊犁領隊大臣嘉慶六年三月擢

御前侍衛正白旗護軍統領調正紅旗滿洲副都統六月補公中
佐領授上駟院卿七年正月調武備院卿八年閏二月因於神武
門拏獲逆犯陳德 賞給騎都尉世職十一年五月授正黃旗漢
軍都統十一月因開放兵米米色平常又失察車夫勒索得贓交
部議處部議降一級調用得 旨降補副都統十二月補鑲黃旗
蒙古副都統是月卒子布彥泰見任二等侍衛伊犁領隊大臣

右 國史館本傳

皇朝通志卷一百一十一

三

春甯

春甯滿洲正黃旗人赫舍哩氏都統銜扎拉豐阿之子扎拉豐阿自有傳春甯由閒散於乾隆二十九年補藍翎侍衛三十二年承襲父扎拉豐阿一等男爵 命在乾清門行走補三等待衛三十四年二月擢 御前侍衛三月 命在奏事處領班行走十月升正白旗漢軍副都統三十六年補放善騎射三十七年授奉宸苑卿十月補放十五善射三十八年升正紅旗護軍統領 命往金川定邊將軍溫福副將軍阿桂軍營查看打仗情形嗣以賊番斷官兵後路 諭令會同總督富勒渾前往救援隨交阿桂酌令帶兵行走復與富勒渾查辦木果木軍營潰逃兵丁九月授管理火

器營大臣三十九年七月刑部侍郎高樸奏太監高雲從洩漏記
載一案 諭曰奏事處向派有御前侍衛一員管理原以查察各
項弊竇今春甯在奏事處於此等情事不能稽察所管何事春甯
不必管理奏事處之事仍交御前大臣等議罪尋議罰俸三年九
月山東逆匪王倫滋事隨大學士舒赫德帶吉林索倫官兵往剿
在塔灣截擊斃賊甚眾奏入 諭曰此次往剿山東逆匪王倫護
軍統領春甯奮勉出力其從前罰俸三年之案著寬免四十年授
公中佐領四十一年五月調正黃旗護軍統領七月授伊犁領隊
大臣四十五年調補塔爾巴哈臺領隊大臣四十八年五月來京
九月 諭曰春甯進班坐更任意誼譁殊無法紀著革職監禁念

伊父勞績將所襲男爵著伊子福勒洪阿承襲四十九年五月廿
肅回匪滋事經大學士公阿桂奏春甯向於行陣勇往見在監禁
懇 恩釋放隨往軍營效力得 旨春甯著賞給藍翎侍衛隨往
打仗效力贖罪七月官兵攻圍石峯堡賊巢隨同福康安占得西
南東北兩處山角分兵進擊復於石峯堡四圍埋伏賊匪撲出奮
力剿殺 諭曰據阿桂福康安奏春甯在甘肅軍營竭力奮勉等
語春甯年幼無知尙無不法之事是以賞給藍翎侍衛發往甘肅
效力今既能竭力奮勉著加恩補授二等侍衛五十二年八月隨
同將軍福康安征剿臺灣逆匪林爽文十一月赴援嘉義縣帶兵
堵剿打通崙仔頂莊等處越過溪河得 旨優獎十一月官兵進

勦斗六門同參贊海蘭察攻克中林殺賊甚眾收復斗六門 賞
給費揚阿巴圖魯名號五十三年三月擢頭等侍衛臺灣平圖後
三十功臣像於紫光閣春甯輿焉 命詞臣爲之贊五月 命在
乾清門行走五十四年三月授上駟院卿五月補正藍旗蒙古副
都統五十八年授伊犁領隊大臣嘉慶四年五月來京授管理圓
明園八旗包衣三旗官兵事務大臣六月補鑲紅旗滿洲副都統
正紅旗護軍統領七月 命在四川軍營隨同明亮勦辦邪匪經
署四川總督魁倫奏派駐守廣元十一月帶金川屯兵隨經略額
勒登保進勦徐添德股匪由巴平口石窩場進兵三清碕一帶殲
獲八十餘人復由馬板灘過河抄截搶上何家院半山督兵力擊

骹被矛傷跌下坡坎損及胯骨奏入 諭曰春甯等俱因奮勇勦賊受傷而春甯受傷尤重聞之淚下其右骹被刺傷馬致跌卽與臨陣受傷者無異著照例賞給並授爲御前侍衛五年因傷重命回旗調理八月調補鑲黃旗護軍統領十一月授公中佐領六年授武備院卿八月擢鑲藍旗蒙古都統管理圓明園事務大臣九月授綏遠城將軍十二年卒於任奉 旨賞給一品卹典賜諡壯勇子福勒洪阿見襲一等男爵兼二等侍衛葉爾羌辦事大臣

右 國史館本傳

空しくし人々を苦しむは
天の罰なり

--	--	--	--	--	--	--	--

海興阿

海興阿馬佳氏滿洲鑲黃旗人福州駐防乾隆三十年由領催補鑲黃旗驍騎校四十六年洊升正白旗協領五十二年七月隨總督常青將軍恆瑞勦臺灣逆匪林爽文賊從北路攻擾諸羅分遣賊梁莊大田由南路占據南潭中洲等處海興阿隨侍衛烏什哈達等專攻南路由沙岡嵌腳北勢三路進抵南潭賊向藉叢竹密箐爲伏莽計官兵往往爲所抄截海興阿等悉除道路林箐賊無可匿因率兵奮擊追賊至車路干賊負險於康厝洋結隊抗拒海興阿等用排槍破賊前隊賊大潰官兵直抵南潭焚其藪數百處斬賊百餘擒賊高深楊老等奪獲礮械多件捷聞賞戴花翎

八月常清派將弁等分四路哨探海興阿隨總兵梁朝桂帶兵往
十三里莊巡哨有賊三四千來拒卽會各路巡兵四面邀擊斃賊
甚夥得與 賞賚五十二年帶福州駐防兵凱撤回任五十七年
調水師旗營協領六十年擢右衛城守尉嘉慶二年授荊州副都
統時教匪林之華倡亂布黨蔓延湖北巡撫汪新檄令海興阿帶
兵赴歸宜一帶防勦賊由歸州分竄興山東湖保康三屬直逼遠
安南漳等境海興阿馳至當陽駐守賊竄距當陽七十餘里海興
阿駐劄長坂坡賊首張漢潮劉成棟等豎僞號旗幟騎馬指揮率
羣賊來犯海興阿率協領富清等奮力迎擊賊東竄河溶海興阿
帶兵追擊斃賊三百餘名生擒劉應舉等三十四名四月至石牌

遇賊接戰因兵少不克仍回荊州防守賊至當陽之積山寺窺伺郡城海與阿嚴禦賊不敢近八年賊平調補廣州副都統十年因軍營受槍傷發奏請回籍調理得旨原品休致賞給全俸以養餘年十二年卒子懷塔布江甯副都統希霖布鑲白旗驍騎校

右 國史館本傳

日本橋区立第一中学校 生徒名簿	学年 昭和二十二年	学号											

杜魁光

杜魁光江蘇阜甯人由武舉清標效力拔補千總乾隆五十七年擢福建營守備六十年擢狼山鎮左營都司嘉慶三年擢劉河營辦學五年擢浙江玉環廳營參將六年擢福建閩安協副將九月授南澳鎮總兵七年帶領米艇兵船赴閩洋協緝洋匪蔡牽五月命於閩粵各洋面交界處所督飭營汛不分畛域一體巡緝八年三月由牌角上洋追竄匪於詔安縣之布袋澳拏獲戕害海門營參將陳名魁之匪犯謝鳳等十三名並搜獲子母礮腰刀等件九年八月因洋面商船被劫澄海協副將魏成德並不出洋巡捕魁光亦不督催經兩廣總督倭什布奏參請將魏成德革職魁光交

部議處部議降二級調用上改爲降三級畱任十一月閩省土盜朱漬竄入銅山洋面魁光率兵往捕賊遠竄十年三月率游擊黃通等出洋巡緝至澄海縣之樟林港洋面追捕匪船一隻各匪棄賊梟水逃竄弁兵拏獲匪犯吳亞善等四名閩浙總督玉德奏粵洋艇匪八九十號竄至閩洋之懸鐘澳游奕旋有五十餘隻搶進海口經官兵擊退南竄查閩省之懸鐘澳係南澳鎮所轄前據總兵杜魁光稟報該鎮所轄之粵東甲子洋面有艇匪在洋伺劫經兩廣督臣飭調該鎮帶領兵船會合粵省舟師前往剿捕今艇匪竄入閩洋杜魁光未將在粵剿捕情形稟報亦並未追捕過閩諭曰杜魁光係兩廣總督飭帶兵船剿捕艇匪之員乃不能就地

圍剿任令匪船逸入閩洋面該鎮亦未追捕亦未將在粵剿捕情形具稟恐不免有逗遛避賊情事著玉德詳細查訪如該鎮實有督捕不力之處卽當據實奏參四月玉德奏廣東會匪首李崇玉句連艇匪烏石二等在粵洋搶劫滋擾於三月內竄過閩洋又奏拏獲艇匪陳陽得等訊據供稱艇匪共有四幫一係烏石二爲首一係鄭一爲首一係總兵寶爲首一係林阿發爲首其船二百多號見來福建洋面有八十多船係林阿發總兵寶二幫連土盜朱瀆附和之船共一百多號廣東會匪首李崇玉見在林阿發幫內諭曰那彥成等前此摺內會稱先派署左翼鎮林國良南澳鎮杜魁光二員帶領舟師在甲子司港口堵截當李崇玉見竄過下海

之時該二員何以毫無聞見及該逆向通艇匪竄過閩洋該二鎮兵船又何以不跟蹤追捕杜魁光本係南澳鎮總兵原以捕務緊要暫令在粵幫辦今粵省李崇玉已遁入浙洋夥同盜匪林阿發總兵寶幫船一同肆竄正在該鎮所管地方該鎮豈得輒置不顧著那彥成速飭杜魁光帶領所轄舟師赴閩省追剿五月兩廣總督那彥成等奏拏獲夥匪訊據供詞並地方官稟報俱稱李崇玉一犯已於聞拏之日卽落海隨同盜匪朱瀆總兵寶等逃往閩省諭曰前此孫玉庭查辦李逆時先經飭調林國良杜魁光二員帶領舟師於甲子司港口堵截今李崇玉竄逸下洋所謂堵截者果安在那彥成等應卽查明該犯究由何路下洋竄逸得上盜船將

疎玩之員據實參辦玉德奏粵東艇匪經閩省舟師追擊逃回粵洋蔡逆匪船由淡水仍從東大洋竄回內地 上命玉德轉飭李長庚並傳諭許松年杜魁光蔡國安等將勦捕蔡牽一事責成伊等四人又 諭李長庚傳知杜魁光等乘蔡逆窮蹙竄回內地之時探明竄往何處設法圍擒剋期弋獲儻該鎮將等並不認真出力卽著指名嚴參時土盜朱瀆經官兵追捕遠竄粵洋提督李長庚派令魁光偕副將蔡安國等在銅山廈門一帶巡緝防其折回尋因蔡牽匪船竄入澎湖馬官澳李長庚放洋過臺追勦玉德奏該匪狡誘異常目下正值南風司令恐該匪又復竄回內洋飭杜魁光等帶領兵船專防南洋一帶九月巡至南澳長山尾洋擊沈

盜船數隻淹斃盜匪多名斬盜首楊宿颺頭目吳阿林劉阿連等
十名生擒匪夥王元順等三十四名十一年二月蔡牽幫船逃回
內洋玉德派魁光偕參將丁紹奉分兵帶船於湄洲崇武一帶堵
截三月朱濟匪船自粵竄入閩洋玉德飭魁光等馳往圍捕尋因
蔡牽匪船竄惠安縣之尖峯洋面玉德飭魁光督兵追之上命
兩廣總督吳熊光添派總兵孫全謀帶領水師官兵赴洋幫同杜
魁光等一面追捕朱濟一面截擊蔡牽防其會合旬結蔡牽在興
化洋面游奕玉德飭李長庚魁光趕緊回捕三月蔡逆匪船由湄
洲竿塘一帶洋面北竄魁光追蹤過北蔡牽聯合朱濟七嫂等幫
匪船竄近浙洋 上命玉德速催李長庚及杜魁光孫文剛等名

統舟師速赴浙洋會合兜剿八月在浙省漁山洋面追擊蔡逆匪船偕總兵定江黃飛鵬等擊斃盜匪無數燒燬盜船一隻擊沈一隻擒賊七名九月蔡牽匪船竄至竿塘李長庚追及之賊匪返篷抵拒魁光偕護總兵李景會圍攻之連放大礮擊沈盜船一隻賊匪全行落海又擊破蔡逆之姪蔡添來座船蔡添來被礮穿胷落海餘匪落海者無數生擒六十七名馘首五復於竿塘山洞搜獲三十七名十月蔡逆又從外洋南竄魁光偕李長庚等進兵攻剿擊沈盜船二隻擒獲一隻淹斃蔡逆股頭目周添秀及夥匪百數十名生擒賊首李來及餘匪七十名十一月在南洋一帶剿捕朱潰匪船十二年正月朱潰幫竄往粵洋蔡逆竄銅山之布袋澳洋

面復至閩省交界之古雷外洋游奕魁光等由鎮海往銅山洋面
追捕賊竄東南海洋閩浙總督阿林保令魁光偕水師提督張見
陞畱在銅山洋面防堵不使禁逆折回及朱瀆入閩三月在洋面
患病經阿林保奏請解任得旨准其解任回籍調理四月卒

右 國史館本傳

德英額

德英額賽必勒氏鑲白旗滿洲人乾隆四十二年由烏槍護軍擢藍翎長四十四年授烏槍護軍校四十九年升委烏槍護軍參領五十一年二月補副烏槍護軍參領五月授四川會州營參將五十九年擢阜和協副將六十年隨雲貴總督福康安征勦湖南苗匪四月賊首吳半生石三保等踞蘇麻寨德英額偕侍衛富蘭等帶兵由喇耳柳瓦等山進勦將清水黑土高坡掠水井等寨焚燒賊眾竄逸經福康安奏入 賞戴花翎嘉慶元年六月升雲南鶴鹿鎮總兵二年正月南籠狃苗滋事領侍衛內大臣額勒登保令德英額帶滇黔兵二千名協勦時鎮甯至坡貢一路爲滇黔孔道

在在爲賊梗阻三月德英額等帶兵將黃果樹賊匪殲淨沿途剿
殺攻達坡貢適入林橋賊匪竄至復痛截之殲斃甚多經雲貴總
督勒保奏入 諭曰總兵德英額等將坡貢一帶苗匪殲戮滇黔
大路已通所辦甚好著咨部議敘賊擾平彝縣之黃泥河副將劉
文忠知府慶玉等在黃草壩城被圍勒保以德英額熟練戎行令
其帶兵往平彝羅平查看官兵相機勦辦 上以黃泥河一路慶
保勢難兼顧卽交德英額等專心勦辦四月以羅平州之以得馬
街等處擊潰苗匪焚燬賊營一處賊寨七處奪獲器械牛馬米糧
無數進至金雞山將屯擾苗匪擊敗燒寨二百餘間五月各路川
匪糾結二千餘人屢撲金雞山營卡德英額出擊殲斃偽號仙姑

一名仙達三名並苗匪無數六月率游擊雙林都司張浚等分路
進剿焚燬法郎布宗六冲等寨斃賊甚眾 恩賞玉喜字扳指大
小荷包先是捧鮓城亦被賊圍至是副將施縉等解黃草壩圍德
英額借總兵扎郎阿由羅平之板橋清水河進擊捧鮓城賊匪沿
途攻破賊卡殲殺多人奏入 上嘉之 賞玉喜牌青玉扳指大
小荷包七月由布魯革山梁擊卡進解捧鮓城圍得 旨德英額
扎郎阿等率將弁分路進攻將苗匪痛加殲戮乘勝追擊苗匪潰
散圍城已解深爲可嘉著各賞玉喜字扳指及大荷包一對小荷
包四箇裝鉛子魚袋一箇八月由捧鮓一路進剿所向皆捷 恩
賞大小荷包尋因捧鮓至黃草壩一路全行洗蕩 諭交部議敘

三年調征川省教匪五月總統勒保令德英額帶兵由長壽直赴萬縣相機截剿東鄉白號賊首冷天祿踞祖師觀恃險固守九月德英額設礮轟擊拋擲火彈賊懼躍出我兵擊殺無算十月偕侍衛觀成分路環攻斃賊多名賊向水磨河逃竄四年正月襄陽黃號王光祖股匪由石竹坪奔逸德英額偕參將薛大烈分投抄截馳至亮風埡防冷天祿股匪折竄梁山之路時襄陽白號張添倫等與奉節綠號龔建卜三聘等合夥在夔州屯聚德英額帶兵馳至與提督七十五等協同剿辦二月馳赴巫山剿辦各股竄匪不使闌入楚境三月仍駐夔巫一路防守六月在界嶺巴霧河堵截張添倫等竄大甯之老林潛匿八月經略勒保派令德英額馳至

房縣會同總兵王凱勦辦張添倫股匪偵得達州青號徐添德等
股衝過羅平偏近界嶺德英額馳往迎擊賊匪折回巫山九月在
夔巫一帶迎勦襄陽黃號辛聰股匪五年二月由界嶺移駐黃羅
傘龍泉寺設卡防守四月楚省賊匪二三千由相思嶺竄入巫山
大甯境內滋擾欲直取夔關德英額偕副將明善等合力勦之六
月太平黃號徐萬富股匪竄至巫山界內德英額馳赴水口王家
河堵截遇賊接仗受傷二處兵勇衝散經參贊大臣德楞泰奏入
上以德英額所受各傷會否全愈 命德楞泰查明具奏又 諭
曰水口王家河一帶既有總兵在彼駐守所帶兵勇諒必不少營
卡自應嚴密何以賊匪猝至卽被衝散並著德楞泰詳查據實奏

明九月德楞泰奏賊匪竄至王家河經游擊蔡天章擊退午刻賊匪齊至眾寡不敵將兵勇衝散德英額馳至水口賊匪正分兩股順河竄來該鎮督兵迎擊左肩猝中鏢傷尙能催兵將賊壓退因又有一股賊匪自山竄下槍子埽過該鎮右額角賊卽蜂擁而來不能抵禦旋即退回山梁賊向太昌奔竄 諭曰德英額在兩河口紮營此次黃號徐萬富股匪衝出兩河口由八石坪竄往楚省卽係該督所管營卡雖德英額馳赴水口迎擊左肩猝中鏢傷本不甚重其槍亦僅埽過額角乃該鎮旋即退回山梁以致賊向太昌奔竄徑趨楚省其縱賊貽誤之罪不可不嚴辦示懲著德楞泰卽傳旨將德英額革職拏至軍營會同嚴審並將所報傷痕親自

查驗據實奏明按律問擬候降諭旨十一月經德楊泰查明覆奏
諭曰德英額疎防之咎固屬難辭但委因賊眾兵單兼身受兩傷
尙非有心貽誤且其歷次出師著有勞績德英額著加恩賞給游
擊職銜仍留軍營帶兵自贖以觀後效十二月襄陽白號高二股
匪在乾溝地方經官兵勦敗四竄德英額等帶兵尾追六年二月
川匪數股屯聚文彩溝又於隔河山梁設伏德英額偕副將李應
貴抄出賊後奮擊殲獲甚多又由一梳泉老林追擊太平黃號龍
紹周股匪與大兵會合斃賊三百餘名生擒二百餘名三月逆匪
屯聚馬鞍山爲負嵎計我軍分三路進擊德英額由大團包車盆
寨繞出賊右冒險進攻殲擒無算四月擊徐添德股匪於黃石板

賊狂竄欲走耶西德英額等馳赴鍾家坡遏其竄向東北之路是
月諭曰原任總兵見任游擊銜德英額遇缺卽行補用五月補
雲南提標右營游擊八年二月因病原品休致十二年五月卒

右 國史館本傳

福昌

福昌蘇完瓜爾佳氏正白旗滿洲人乾隆二十七年由護軍襲其祖雲騎尉殷達洪軍功所得世職三十三年授印務章京三十七年四月兼公中佐領十月授副參領四十年授圓明園正黃旗營總四十二年授印務營總五十三年授鑲黃旗蒙古副都統五十二年二月授公中佐領三月調密雲副都統 恩賞花翎八月調熱河副都統 恩賞黃馬褂五十六年授荊州將軍五十七年調廣州將軍嘉慶元年調福州將軍暫留署廣州將軍二年十月以廣東駐防內漢軍八旗原未定有養育兵之例從前因各旗孤寡無多俱係該旗官兵於月餉內自行勻攤周卹今駐防年久生齒

日繁見查得漢軍八旗之鰥寡孤獨廢疾人等共二百九十八名
應籌款調劑會同總督吉慶等商酌奏請於糧道衙門普濟堂經
費餘銀內每名月給銀一兩以資養贍奏入如所請行三年 命
兼署閩浙總督事務四年三月調江甯將軍尋因奏參浦城縣知
縣孫學會及已故知縣王致禮負欠官項違期不交委員分赴任
所抄估變抵並各於原籍查變完繳 上以所辦過當又於摺內
沿用雖但字樣尤屬深刻無謂著傳旨申飭所有浦城縣知縣孫
學會著革職與已故知縣王致禮之孫王元濤一並監追其查出
各員財產卽著照數給還八年五月 上以福昌年老 命回京
另候簡用七月管理圓明園八旗內務府五旗事務八月授正紅

旗漢軍都統十年因失察義學教習不識漢字經內務府大臣廣
興奏參奉旨福昌著原品休致仍留雲騎尉世職十二年八月
卒子鳴盛一品廕生見充儀親王府長史孫恆祥襲雲騎尉世職

右 國史館本傳

穆克登阿

穆克登阿董鄂氏鑲紅旗滿洲人由烏槍護軍於乾隆二十九年補烏槍藍翎長三十三年擢烏槍護軍校三十五年升委護軍參領三十六年補副護軍參領三十七年揀發四川以游擊用三十八年赴金川軍營隨四川總督富勒渾於明郭宗要隘堵禦有功賞戴花翎授四川重慶鎮標中營游擊四十一年擢城守營參將四十二年升江西袁州協副將旋丁母憂四十三年四月 命在二等侍衛上行走五月署廣西慶遠協副將十二月署廣東右翼鎮總兵四十四年服闋實授四十九年調四川松潘鎮總兵五十二年臺灣逆匪林爽文滋擾嘉義縣城四川總督鄂輝檄調四川

屯練降番赴閩以穆克登阿熟諳軍旅奏令統率屯練降番二千名前赴臺灣十一月行抵元長莊隨將軍福康安等分隊進發一路焚斫竹園草蕘進至牛稠山官兵搶上山梁賊大潰遂由斗六門進攻大里杙賊巢奏入 飭部優敘斗六門有賊萬餘分據大埔林中林大埔尾三莊阻截道路時賊中剽悍多聚中林官兵分路進攻穆克登阿偕參贊大臣海蘭察等專攻中林大克之官兵收復斗六門林爽文勢窮踞集集埔自 並於北山草嶺安設賊卡十二月福康安等將集集埔勦洗穆克登阿等攻克草嶺賊遁入內山官兵扼隘圍剿五十三年正月於老衢崎地方擒獲林爽文及賊目何有忠等又於瑯嶠地方擒獲賊目莊大田等四十餘

名及餘匪八百餘名臺灣平 賞給穆克登阿奮圖禮巴圖魯名
號並交部從優議敘圖像紫光閣 御製贊曰斗六里杙排竹爲
城直斫而入大敗賊兵隴種鹿埕內山遁形搜擒首惡林林眾英
七月調建昌鎮總兵五十六年七月廓爾喀滋擾西藏踞聶拉木
成都將軍成德奏令穆克登阿帶領屯練官兵赴藏相機勦辦十
二月 上以穆克登阿行走濡遲屢飭之尋偕成德率領弁兵由
拍甲嶺乘夜進剿斃賊二百餘人又生擒七名奪獲器械米糧無
算奏入 賞大小荷包五十七年正月圍攻聶拉木寨穆克登阿
等帶兵分路截殺斃賊甚眾復四面攻之拋擲火彈燒燬賊巢逃
竄者悉被殲誅五月賊於德親鼎山前築卡三處下木薩橋前安

設木柵抵拒穆克登阿等進據德親鼎山攻破頭卡焚燒木柵斃賊多名生擒乃勒興等七名六月由交柰山進攻克多洛卡及隴岡等處先是駐藏大臣巴忠與廓爾喀說和私許銀兩廓爾喀頭人有呈送穆克登阿及總兵張芝元公信一封白布二匹存巴勒布商頭巴特巴第家至是工部尙書和琳查出奏 聞 諭曰穆克登阿張芝元係前赴邊界之人於許銀說和之事斷難諉爲不知姑念伊二人係巴忠等差遣前往聽從辦理非弼意者可比此時亦不復深究是年廓爾喀歸順圖像紫光閣 命儒臣製贊五十八年授四川提督六十年二月黔省松桃廳苗匪竄入陝省秀山縣境穆克登阿率領將弁由巴家汛抄截賊匪後路偕四川總

督和琳前後夾攻槍斃苗匪六十餘名閏二月勦賊於石隄司復由紅巖洞牛角山一路隨勦進追至湖南邊界前與雲貴總督福康安和琳協勦永綏一帶苗匪四月由黃瓜寨進勦燒燬太平山木城攻克下染新寨時葫蘆坪馬鞍山附近諸寨均有逆苗出入嘉慶元年四月福康安飭穆克登阿等迎頭勦捕連用槍礮轟擊斃賊無算八月駐劄永綏一路招集鄉勇二千餘名攻補林及碕口等寨焚賊巢二十餘戶十月由脂夷坪分路攻勦擊斃苗匪二百餘名生擒麻老江等十一名十一月進據崖板寨山梁桐木等寨苗楊巖有等率所管苗人四十五戶投誠二年正月進勦大小柵苗目麻季三麻滿東等節次率椿木麻臘等三十餘寨苗民乞降

二月官兵疏通永綏道路將張坪董馬等處營卡安置穆克登阿
借內大臣德楞額泰傳集各戶寨百長曉以利害羣苗感服穆克登
阿自協勦苗疆以來疊奉 恩賞大小荷包蟒袍喜字玉扳指等
件八次時川楚教匪滋事領侍衛內大臣額勒登保等奏令穆克
登阿馳赴達州會勦四月由柰家巖進攻冉家垭燒燬金峩寺賊
寨賊首王三槐欲竄新甯復經穆克登阿等邀擊之殲斃及落水
者數百人王三槐竄重石子與香鑪坪賊相首尾東茨菇梁西富
成寨賊皆踞險設卡穆克登阿等由羅江口進勦茨菇梁富成寨
均克之賊欲襲羅江口潛出四千餘人撲鐵釘壩穆克登阿用大
礮轟擊並密派將弁設伏截其後路官兵三面圍擊斃賊殲擒無

算五月賊匪潛赴花潭子欲偷渡竄入新甯經防守東林河副將
王承勳追擊穆克登阿等聞槍礮聲帶兵截圍殲斃多名尋由黃
家寨進攻香鑪坪射入火箭焚之寨內賊無倖免賊竄陳家壩於
附近之汪家山安子坪等處分隊屯劄六月穆克登阿等擊安子
坪生擒賊目陳明彩等二十七名進抵苦草壩汪家山賊退屯精
忠寺山包偕德楞泰等分路攻之斃賊二千餘名生擒男婦三百
餘名並獲偽總兵熊永明亢作倖及賊首徐添德之母徐王氏王
三槐之母王楊氏 上以其奮勇嘉之穆克登阿自勦辦教匪以
來疊奉 恩賞扳指金盒喜字牌大小荷包四次楚匪竄至中河
穆克登阿追擊至固軍壩盡殲之閏六月勦溫湯井賊匪擒斬二

百餘名時萬縣之董家營開縣之白巖山等處俱有新起賊匪陝
甘總督宜縣派穆克登阿等勦辦由萬縣進攻董家營殲斃多名
生擒唐泳等四十四名八月進攻白巖山賊首林亮功分立卡座
抗拒我兵未能徑上奉 旨申飭九月奪據張家背千層巖賊卡
進攻鴨子坪 上以未能直搗賊巢嚴飭之十二月偕護軍統領
舒亮奏白巖山屯聚賊眾計有萬餘臣等疊次仰攻勢難得手見
在設法勦辦 上以其遲緩無能責之二月總統勒保奏王三槐
等先於正月遣人赴白巖山勾結林亮功等全夥萬餘人陸續竄
出合夥尋卽攻撲該縣城池竄赴臨江市屯聚查此股賊匪係專
交穆克登阿等辦理伊等駐劄韓彭坳所帶官兵不下六千餘名

而株守半年一籌莫展應請治罪奉 旨革職作爲兵丁畱軍營
效力贖罪並將家產查抄示警王三槐屯踞安樂坪七月勒保率
穆克登阿等分路進攻克之王三槐就縛奏入 上嘉之十二月
奉 旨署四川松潘鎮總兵協勦冷天祿股匪四年七月協攻張
添倫股匪於八石坪龔文玉股匪於大禾田皆克之五年二月因
患目疾奉 旨原品休致十二年九月卒子慶昌見任湖南衡州
協副將慶麟戶部員外郎

右 國史館本傳

皇朝通志卷一百一十一

四

盛住

盛住喜塔臘氏正白旗滿洲人由監生考取中書乾隆三十四年遷侍讀三十六年五月授直隸大名道九月調霸昌道四十三年調通永道四十六年正月調浙江杭嘉湖道十二月擢浙江布政使尋兼管杭州織造並南北稅務與閩浙總督陳輝祖兼辦海塘修築事四十七年四月諭曰盛住奏趕辦魚鱗石塘及查勘柴石各工情形海塘改建石工爲一勞永逸之計較之柴塘足資抵禦著於海塘歲功之後將歲修柴塘卽行停止又稱東塘尖山等處較前陰沙增寬增長於海塘最爲有益且柴塘各工爲外塘層層擁護將來工程尤資穩固殊爲欣慰五月奏海塘頭圍開濬引

河江潮暢順得 旨交部議敘六月奏言浙江通省額貯常平倉
穀二百七十八萬餘石內出糶穀四十七萬六千一百餘石上年
秋成後買補二十四萬七千九百九十餘石尙未補二十二萬八
千一百石零恐各州縣以貯穀不無折耗藉口價昂希冀延緩該
管知府於所屬買補遲延向無處分請嗣後各州縣春閒平糶之
後卽責成飭屬買補務令一律買補上倉盤驗結報如實有災歉
價昂不敷情形由府覈實結報不難通融籌辦儻再遲延請定以
處分報 聞會總督陳輝祖籍沒巡撫王直望多有不實 諭令
察訪遂廉得轉換隱匿狀以 聞 上命大學士阿桂暨戶部侍
郎福長安按其事得衢州府知府王士澣供估冊互異緣由入奏

十一月 諭曰阿桂等審擬陳輝祖查抄王亶望資財私行抵換
內估冊二分前後互異據王士澣供初造估冊係照底冊繕寫因
國棟嫌價輕加添是以回明盛住減銀另造前盛住奏稱估冊互
異不能覺察請交部嚴議今閱此供情弊顯然安得諉爲不知況
朕降旨令盛住密行訪查何以初次覆奏並無一語提及至續奏
查出王站住所造底冊與進呈冊不符仍未將刪減之處聲敘及
阿桂等徹底查出始以不能覺察爲詞徇隱於前又復有心取巧
姑念此案由伊查出端倪始行敗露是以未加嚴譴著降旨嚴行
申飭旋經部議革職 命改革職畱任五十年以旱災南北關課
入秋頗歉奏請議罰 諭曰盛住奏關稅短少原可加恩寬免但

於地方旱災不及早爲陳奏竟存膜視所有此項虧缺盈餘銀兩令照數賠償以示懲儆五十一年二月以奏銷新建魚鱗石塘各工不實部議革任 命免革任仍註冊先是總督富勒渾以浙省倉庫虧缺於四十八年奏明勒限彌補至是幾四年巡撫福崧猶以數多未易全補懇請展限 命尙書曹文植侍郎姜晟伊齡阿查奏尋奏從前開報一百三四十萬兩除已彌補者見未完三十三萬二千兩有奇三月 諭曰盛住身爲藩司錢糧是其專責不能督飭所屬依限全完不可仍畱藩司之任著革去藩司畱內務府郎中專辦織造事務適學政寶光薦奏浙省倉庫虧缺甚多並奏盛住上年進京攜資過豐外閒頗有煩言得 旨解盛住任

命大學士阿桂會同曹文植等查訊尋訊明覆奏 諭曰據阿桂
奏寶光所稱盛住上年進京攜帶過豐面訊該學政不能指實
傳訊盛住則因上年進京時有應繳淺價銀三萬九千餘兩赴廣
儲司兌交有案是盛住攜帶銀兩係屬官物豈可指爲贓私之證
至盛住所稱進京時並無給送十五阿哥物件阿哥亦從不許其
幫助等語阿哥等素常謹慎宮中廩給亦優本無需伊等幫助之
處盛住所言似屬可信朕閱之深爲嘉悅盛住尋回織造任時光
庸績劾平陽縣知縣黃梅貪贖款蹟復 命阿桂會同江蘇巡撫
閔鶚元查辦得實九月 諭曰黃梅貪贖營私歷任上司毫無覺
察實難辭咎前任藩司盛住在任最久置若罔聞姑容闕宥不應

仍畱織造著卽革去翎頂來京候旨旋奉 旨賞給主事銜令自備資斧前往伊犁充當糧餉章京五十二年十二月擢塔爾巴哈臺領隊大臣五十三年十月調庫爾哈喇烏蘇辦事大臣五十四年七月 諭令回京九月以頭等待衛銜授熱河總管五十六年十月授粵海關監督五十七年三月會同兩廣總督郭世勳奏大黃一項爲英吉利等國療疾所需請令照常買運免其限五百斤定數 從之五十八年五月調淮關監督六十年查驗糧船過嚴爲漕督管幹貞所劾三月 諭曰漕船當催趨緊要之時豈可過於畱難況京城百貨全賴漕船攜帶前來旗丁亦藉以稍霑餘潤若不能如期而至不獨有誤回空且市價必致騰貴旣非所以便

民卹丁而關口過嚴商販亦必聞風裹足轉致徵收短少盛住前任藩司緣事革職復經加恩錄用今於監督事務又復過於嚴刻實難辭咎著卽革職來京交部嚴加議處部議革職五月 恩賞圓明園拜唐阿效力贖罪八月經淮關監督劉樸覆奏前事 諭曰盛住在淮關如有例外徵收侵蝕入己等弊自應從重治罪今查明祇因短稅辦理稍嚴其咎尙輕加恩賞給內務府佐領職銜管理暢春園三山事務九月擢總管內務府大臣嘉慶元年正月賞襲一等承恩侯三年四月 賞戴花翎七月授鑲藍旗漢軍副都統十一月以監修 乾清宮工程交部議敘四年正月授工部右侍郎旋署工部尙書管理 御茶膳房太醫院 御藥房事務

署崇文門監督尋授崇文門副監督二月罷內務府大臣督辦

萬年吉地工程帶管印鑰四月 諭曰元年正月十一日曾欽奉

高宗純皇帝敕旨將孝淑皇后之兄盛住著封爲侯爵並奉有將
來晉封公爵之 諭本日值吏部具題 孝儀純皇后推封外戚

一本已依議行因思孝淑皇后業經薨逝其母族昆弟應照從前
敕旨一例推恩盛住著晉封三等承恩公五月調戶部右侍郎正
藍旗滿洲副都統九月擢正紅旗漢軍都統十月授內務府大臣
賜紫禁城騎馬五年閏四月內務府請售庫貯器物並將玉寶進
呈 諭曰內務府大臣等將庫貯珠玉瓷器等件奏請變價節經
呈覽朕皆不准甚至本日將玉寶亦列入進呈尤屬大謬此項玉

實何人敢用今軍機大臣傳訊盛住據稱本係奏明星覽請旨分別辦理並不敢擬以發售更屬巧辨伊等既冒昧於前又復狡飾於後盛住沾沾言利已非一次此事自係伊一人倡議卽本日飾詞分別亦係盛住主見朕在藩邸時深悉其人器小貪利今又屢次獲咎不可不加之懲戒伊所得公爵係 皇考所封免其斥去其餘各項職任全行革退著以公爵授爲 西陵總管內務府大臣辦理 萬年吉地工程若能改過自新安靜妥協俟 孝淑皇后奉安後再加恩內用六年十一月復請將 萬年吉地方城臨清甄券改用清白石券 諭曰陵工應用工石均有定制豈容輕爲更易從前 泰陵方城旣用臨清甄券自應恪遵辦理節省尙

不可況以石易孰需費甚多盛住係在工專辦之人此必欲爲浮
銷地步伊自承辦工程總以例價不敷爲詞此奏尤爲不合著交
部議處八年以 萬年吉地工程堅固 賞戴雙眼花翎並交部
議敘九年五月奉 上諭泰甯鎮總兵著與長調補其總管內務
府大臣事務仍著盛住管理六月署泰甯鎮總兵十二月爲 西
陵贊禮郎清安泰列款具控 命侍郎英和戴均元前往履勘先
行拔去花翎解任嚴訊旋訊得實 諭曰盛住爲總管大臣於朝
望拈香典禮自應敬謹親往卽因病不能行禮亦當知會守 陵
之員勒貝子公等代爲拈香乃竟私行委員前往褻怠已甚至
陵寢重地風水攸關白椿以外青椿以內如有設窯燒炭放火燒

山取土取石均干例禁盛住擅准開採實膽大妄爲卽此二款其罪甚重革去公爵及總管內務府大臣鎖擊來京按律定擬經軍機大臣問擬斬決奉 諭曰盛住係孝淑皇后之兄朕斷不宥稍存姑息亦不宥有意從嚴惟斟酌情理權衡定罪則 陵寢重地界限甚嚴如果盛住在紅椿以內開採山石則法無可貸今在白椿以外其間本有行宮廟宇營房及居民田舍與切近禁地者查乾隆四十二年馬蘭鎮總兵滿斗於五花嶺峯口拆開石牆乘馬往來意圖自便曾經問擬斬決猶蒙 皇考高宗純皇帝鑒其法重情輕特降諭旨引唐書權善才等誤斧昭陵柏一事改爲斬候今盛住所採山石係辦理營房所用較之滿斗又有公私之別自當

量予原減著加恩免死發往烏魯木齊效力贖罪十年七月復授
三等侍衛古城領隊大臣尋改葉爾羌辦事大臣十二年三月擢
頭等侍衛仍畱葉爾羌辦事十月擢鑲黃旗蒙古副都統尋卒
諡曰盛住簡任中外宣力有年前因獲咎發往新疆等處辦事均
屬妥協著加恩賞給副都統卹典十三年六月經甄商孫興控告
筆帖式雙福等侵冒 萬年吉地工程銀兩 命軍機大臣會同
刑部審訊得盛住前後侵用狀 諡曰盛住屢經獲咎皆格外保
全應加倍敬謹小心今所爲如此豈能曲爲寬宥旣已身故無可
追論著將前賞副都統銜斥革並追回所給卹典所遺家產嚴密
查抄伊子吏部郎中達林整儀尉慶林候補筆帖式豐林孫候補

筆帖式崇恩崇喜著一並革職交刑部歸案問擬尋諭曰萬年
吉地係朕卽位之初仰蒙高宗純皇帝所賜朕於親政後簡派
盛住專司其事盛住渥承皇考厚恩加封侯爵朕又特沛恩施
晉封公爵伊果具有天良應如何實力實心勉圖報稱詎意辦理
草率侵蝕官項入己至九萬兩之多骫法營私首先舞弊以致工
員相率效尤罔知顧忌實屬喪心昧良使其身尙存朕必親加廷
訊立予刑誅若係承修先朝陵寢有此不法情事必剖棺戮屍
追正其罪今係吉地工程爲日方長正可從容修理是以稍從末
減伊之所以侵用帑金任意借扣者總緣雙福鶴齡愆惠舞弊狼
狽爲奸各供認分明用正項帑銀三千兩其未經查明私肥入己

者正不知凡幾著刑部提雙福加以刑夾鶴齡重責三十板令盛
住之子及孫環跪閱視以昭炯戒是月發遣達林崇喜崇恩往黑
龍江慶林豐林往吉林嗣奉 恩旨先後釋回

右 國史館本傳

國朝耆獻類徵初編卷三百二目錄

將帥四十二

愛新泰

珠勒亨

德昌

觀成

七格

劉惠

達自祥

希當阿

德福

何定江

林起鳳

達勒精阿

李天林

皇朝通志卷一百一十一

國朝耆獻類徵初編卷三百二

通奉大夫前署江西巡撫江西布政使司布政使湘陰李桓輯
將帥四十二

愛新泰

愛新泰伊爾根覺羅氏滿洲正白旗人由健銳營前鋒於乾隆三
十八年隨征金川以功 賞戴藍翎四十年授前鋒校攻大薩谷
木柵礮卡克之 賞換花翎四十二年授委前鋒參領四十四年
授副前鋒參領揀發江西以遊擊補用四十八年補建昌營遊擊
五十二年升浙江甯海營參將五十六年擢嘉興營副將五十八
年丁憂回旗奉 旨著在頭等待衛上行走六十年授福建延平

協副將嘉慶三年擢江蘇蘇松鎮總兵四年三月調福建臺灣鎮
總兵十二月奏稱臺灣鎮向有經營地方事務前鎮臣奎林係
特派來臺整飭哈當阿係提督兼鎮臣較之分位懸殊若仍照舊
辦章程遇事參辦轉似越分擅專若竟視爲事非所屬不卽陳奏
設由此釀成事端卽治臣以應得之罪已於公事無濟請 旨遵
行 諭曰朕詳閱摺內情節顯係欲求加提督職銜大屬非是著
傳旨嚴行申飭仍交部議處五年閏四月嘉義縣匪徒陳錫宗等
滋事乘夜入佳里興官署巡檢姜文炳被戕並焚擾鹽水港汛防
愛新泰督兵勦捕殲斃陳錫宗等事 聞 諭曰此案陳錫宗等
冀圖謀逆愛新泰連夜出城追捕親臨前隊坐馬後胯被賊斫傷

督戰益力辦理迅速實屬可嘉著加提督銜並賞給恩騎尉世職仍加軍功二級五月奏續獲鹽水港滋事匪徒上嘉之十一月艇匪竄入內洋行劫愛新泰督兵堵拏獲盜首黃勝長及賊目六十餘名得旨嘉獎九年蔡牽匪船竄鹿仔港洋面愛新泰由陸路帶兵往緝匪船至鹿耳門口外北汕襲殺官兵噉臺失守遊擊武克勤守備王維光死之愛新泰自請嚴議諭曰蔡牽匪船在鹿耳門北汕搶奪噉臺官兵失事非尋常疎防可比愛新泰職司統轄未能率屬嚴防獲咎甚重著先交部嚴加議處尋議革職諭曰愛新泰不能預爲防範本應革職姑念在臺年久於該處情形尙爲熟悉愛新泰之咎祇係調度失宜尙無諉卸退避情事著

革去提督銜並拔去花翎從寬改爲革職畱任十年閩浙總督王德奏舟師已抵臺洋夾攻蔡牽愛新泰督捕甚屬勇往十一年三月攻克洲仔尾賊巢及剿破桶盤棧等處奏入 諭曰愛新泰守城本屬有功茲復督兵打仗連次克捷著先交部議敘續奏帶兵進剿南路賊匪克復鳳山縣城 諭曰鳳山縣城被賊屯聚八十餘日愛新泰督同將弁分路進剿縣城克復實屬可嘉自應渥沛恩施示獎愛新泰守城本屬有功今復督兵肅清南路克復鳳山勞績尤著加恩賞給雲騎尉世職五月福州將軍賽冲阿奏當蔡逆匪船進口之時李長庚在鹿耳門招外寄旋愛新泰慶保與之約信會合用計火攻焚燒賊船七十餘隻餘匪逃竄 諭曰蔡逆

不能久伺臺灣實愛新泰夾攻之力餘匪搜捕將淨全境救甯愛
新泰著再加恩賞給騎都尉世職又奉 特旨賞還花翎十二年
十月在艋舺軍營病卒 諭曰愛新泰自簡任專閩以來董飭營
伍認真巡防平日於滋事匪徒均能實力查辦近因朱瀆匪船竄
至北路伺擊又復親往尾雞籠一帶晝夜巡防不辭勞瘁因此感
受寒溼遂至不起深爲軫惜愛新泰著照提督軍營病故例賞給
卹典十三年 予諡壯勇子額勒亨布襲騎都尉世職三等侍衛
額勒和布二品廕生官參將

右 國史館本傳

珠勒亨

珠勒亨烏雅氏正黃旗滿洲人原名珠隆阿由都察院筆帖式於乾隆四十二年京察一等調步軍統領衙門筆帖式四十四年揀發直隸以理事同知通判試用四十六年補獨石口理事同知調平泉理事同知管知州事四十七年服闋在步軍統領衙門主事上行走洊升員外郎五十八年調吏部員外郎是年授公中佐領嘉慶四年調步軍統領衙門員外郎八月授安徽廬鳳道兼管鳳陽關稅務七年擢安徽按察使十二月宿州邪匪王潮名戕官滋事珠隆阿聞報馳赴宿州令鳳陽府知府楊廷瑛督率義民鄉勇分投堵禦自率守備劉連陞等由西門進攻賊匪拒捕珠隆阿頭

面兩手均被刀傷仍併力勦殺殲擒賊匪十數名生擒許添杰等
六名逆首王潮名中槍斃餘匪旋經總兵王集勦淨兩江總督費
淳奏入 諭曰珠隆阿首先帶領兵勇圍擊匪徒迅就擒獲且手
面被傷甚屬奮勇著加恩賞戴花翎交部從優議敘並賞玉扳指
一箇大荷包一箇小荷包二箇八年三月 陛見 諭曰昨珠隆
阿到京陛見朕見其身受多傷殊堪憐憫復命軍機大臣詳細詢
問據稱彼時猝被兜圍以致頭面手足共受傷十六處似此奮不
顧身勇往殺賊卽在軍營將弁中亦屬難得況珠隆阿身係文員
尤堪嘉尙著再加賞法福哩巴圖魯名號於例賞銀一百兩外再
加賞銀一百兩並賞給琥珀朝珠一盤大緞二匹以示優獎十一

月總督陳大文劾珠隆阿任性喜事士民頗有怨言 上特令巡撫阿林保密察阿林保尋奏珠隆阿辦理案件過於嚴刻尙無營私情弊 諭曰珠隆阿係提督衙門司員出身性情粗率朕所素悉看來珠隆阿爲人勇幹是其所長惟地方事件未能細心講求於外任殊不相宜著來京以五品京堂補用九年補光祿寺少卿旋奉 命巡視長蘆鹽政九月遷通政司副使仍留鹽政任十月命籌議山東鹽務因奏請山東十年十一年應交原分二限帶完之八年緩徵課銀及第三限歷年緩徵課銀歸入從前原分十五限歷年緩徵課銀之內與城工准本等七款通計均勻牽平自十年起至二十三年埽數全完商力自可漸次從容得 旨如所請

行十二年三月遷太僕寺卿五月擢內閣學士九月授鑲黃旗蒙古副都統因與鑲藍旗蒙古副都統珠隆阿同名奉旨改名珠勒亨十一月授密雲副都統是月卒於任子慶增見任甘肅蘭州城守營守備

右 國史館本傳

德昌

德昌鑲藍旗滿洲人那拉氏乾隆四十一年由烏槍藍翎長補親軍校四十六年擢委護軍參領四十九年從征石峯堡逆回授副護軍參領五十三年擢循化營參將五十四年調蘭州城守營參將九月引見記名旋發廣東以副將用嘉慶元年八月補三江協副將十一月調廣州協副將時粵西苗匪滋事西隆州所屬村寨多被勾結二年四月駐守八渡一卡之遊擊特通額禦賊受傷總督吉慶令德昌率兵往援擊走之遂於舊州駐營防守五月勦賊苗於凌雲縣之百樂隘分兵合撲焚其寨一十九黔省永豐州苗日以所管十三寨三百十四戶及百樂隔江苗頭以所管十五

寨二百六十戶詣營乞降經吉慶奏入 上命撫之六月攻淶莪平望諸寨夜設伏渡江越陡坡數重由寨後撲之斬僞稱仙達仙姑二人及餘匪數百人焚寨六寨入得 旨咨部議敘旋擢右江鎮總兵八月紅水江對岸賊匪恃險負嶠德昌密備船筏隨吉慶偕副都統和星額等率兵過江繞越山梁從後剿擊隨攻隨進殲賊二千餘人 賜玉喜字扳指大小荷包五年奉調率粵西兵二千粵東兵五百赴楚進剿邪匪六月青號股匪由荆門逸入仙居一帶領隊大臣明亮巡撫倭什布派弁躡襲并令德昌率廣兵由大道抄截前進遏其旁竄之路賊首徐添德等向房縣西南竄走川陝德昌與總兵孫清元追擊之於分水嶺至桃源又擊其舟匪

於雷家河擒斬多名八月由洋坪進至蔡家灣突遇賊匪自溝衝出者千餘人自山岡下壓者二千餘人德昌偕孫清元督兵奮擊會侍衛富翰守備王占鼇等協力攻勦大敗之追殺四百餘人擒僞先鋒廖黑兒及徐世萬等九十餘人經明亮奏入 諭曰孫清元德昌在蔡家灣地方遇竄出馬步賊匪奮力攻擊斃賊四百餘人將僞先鋒廖黑兒及徐世萬等擒獲所辦尙好著明亮於拏獲首逆徐添德後一併奏請加恩九月明亮令德昌至穀城收集粵兵 上諭卽交德昌帶領幫同在楚境堵禦宜昌鎮總兵長齡奏令駐守黃龍灘六年三月調赴大營進勦四月由竹山田家壩截賊至鐙子灣踰山梁數重斬獲數百人白號賊匪於郭家洲瓦房

坪黃白二號賊匪張萬林王國賢等東竄太平寨官兵追至檀口賊匪躡過溪河占山梁憑高下壓德昌與長齡分兵夾擊斃僞軍師王貴僞先鋒齊傑王東福三人窮追一百三十里復擊之於大壩斬獲共千餘人五月與明亮合隊防堵川陝楚邊界攻逆冉學勝寨於秦家坪山梁與富翰等前後夾擊之斃賊四百餘人六月追擊竄匪自啞口至葛藤埡又自鵝坪至三分溝斬獲甚眾擒李魁楊天貴等一百餘人又由雙竹園石板河東擒斬青號藍號及戴家營零股賊匪多名馳赴曹家坡殺三百餘賊圍朝陽洞寨馳解其圍擒張成玉等四十三人九月擊賊於隆興觀會陝境賊匪偏近楚界攔擊之於釘鈿溝十二月追擊青藍等號餘匪於譚家

堽七年正月截擊各號餘匪於油坊坪斬鍾昌卓等二十一人又於生長溝抄擊青號餘匪擒殺多名復因各匪竄集巫巴之間德昌由興山赴巴東與川師會剿二月解松柏寨之圍又與總兵王懋賞侍衛塔津保等分三路兵攻賊於馬鬣嶺復與塔津保兩路會擊賊退占延旺壁陡崖又偕黑龍江水手營四品銜霍隆武衝擊之賊潰追殺二百餘人箭斃賊首崔宗和之叔崔貴擒偽先鋒鄧文華大旗手徐貴黃修齊等經長齡奏入 上嘉之交部議敘三月擊竄匪於瓦房溝六月截剿於香溪溝之器山等處皆多所斬獲七月因勦逆匪樊人傑時所統兵丁乘雨逃回房縣參贊德楞奏奏參奉 旨交部嚴加議處部議降二級調用 上命從寬

暫停開缺畱於軍營效力俟事竣之日該督出具考語送部引見
八月勦黃號賊匪於茵扒老林至唐家坪截蒲添寶逆股於蔣池
溝分兵設伏擊斃多名擒偽總兵田大秀偽千總唐宗格及蔣仲
先等三十八人九月勦熊翠餘匪於廖家溝賊伏陝楚界之小南
溝夜擊之德昌前後在楚防堵於房縣二竹興山豐溪吉陽關諸
隘偵擊搜勦殲擒賊匪奪獲軍器礮位騾馬旗幟甚多身受槍傷
三處蒙 特恩賞給銀兩十年俸滿 陸見 上以德昌凱旋回
任並不遵照前旨稟請總督出考給咨輒於俸滿後來京陸見實
屬不合著卽照原議降二級調用無庸再行議處旋 賞頭等侍
衛在大門上行走十一年 命爲巴里坤領隊大臣仍帶頭等侍

衛銜十二年調烏魯木齊領隊大臣十三年二月卒子烏朗阿二品廕生見任太僕寺主事

右 國史館本傳

增補蒙古源流及方略 卷三十三 一將帥四十二 乙

皇朝通志卷之三十一

七

觀成

觀成富察氏鑲白旗滿洲人由護軍於乾隆二十七年隨征烏什受槍箭傷各一處凱旋升前鋒校三十三年隨副將軍阿桂征緬甸擢委護軍參領三十六年隨將軍溫福征小金川三十九年隨將軍阿桂征大金川洊擢副參領護軍參領四十一年正月授湖南長沙協副將三月調山西蒲州協副將八月擢河南河北鎮總兵四十九年調江南壽春鎮總兵五十三年七月遷浙江提督尋命署四川提督五十四年調江南提督五十五年六月 陸見以母老陳請畱京得 旨授鑲紅旗蒙古副都統十月授四川提督五十六年八月辦理廓爾喀軍務奏揀調屯練降番二千名前往

策應十一月兼署成都將軍五十七年七月督兵赴裏塘一帶防堵十月奏參派赴裏塘查拏夾壩之遊擊李勝連令兵丁斫木蓋房售賣圖利各劣款請革職遣戍 上以所擬尙失輕縱傳旨申飭五十八年授成都將軍六十年閏二月黔楚逆苗滋事擾及四川秀山縣境觀成率兵偕總督孫士毅堵剿駐劄邑梅防守後路尋以官兵攻克土空 上獎其妥協六月總督福康安檄調由松桃廳馳赴鎮筸策應七月督剿巖門石羊哨兩處賊匪九月屢攻馬腦寨巖板井各寨落克之首逆吳半生遁踞高多寨隨福康安督兵分路直抵賊巢擒吳半生 恩予議敘復由龍角峒進剿生禽賊目先後疊奉 恩賞大小荷包四次嘉慶元年正月攻克禽

頭坡騾馬峒等處進據吉吉寨兩面山梁撲連雲山克巖峒寨二月諭賞蟒袍俾益加鼓勵迅勉成功三月湖北匪徒滋事擾及川境督兵駐平塊防守後路七月偕總督福甯分帶兵勇勦旗鼓寨賊匪賊於寨外設木城窆濠拒守督兵直抵木城拋擲火彈我兵擁入賊惶遽焚戮各半逃者亦殲斃無遺奏入 優旨嘉獎恩予議敘八月復攻克旗鼓寨賊匪於高岡小木城生擒首犯田敦谷等 賞加太子少保銜又追勦逸賊於三堡嶺黃柏園盡殲之九月偕福甯攻勦宣恩縣之龍馬山賊匪擒首逆李登敖餘黨投誠計男婦四千餘人奏入 上嘉之十月督兵由勸農廳攻勦榔坪賊匪奪寨十殲賊無算進據秀峯橋卡隘攻小峯埡克之時

楚匪句煽川匪希圖牽制官兵 上以觀成係成都將軍久歷戎
行應先酌帶兵丁迅赴達州會同英善實力速辦十一月奏督兵
搜勦黃柏山賊匪 諭曰觀成俟辦竣黃柏山賊匪酌量情形移
師川省協勦旋與福甯等三路進勦於天池口左右設伏殺賊甚
多又偕福甯奏黃柏山地勢寬廣見在分路進攻連奪賊卡難保
賊匪不乘隙欲逃尤應四面兜擒臣有萬難遠離之勢不敢拘泥
遷就卽回川省 上是之尋以攻克壽溪口筆架山九州等處緊
要賊卡 賞御用黑狐冠十二月奏達州賊匪肆行不法戕害官
弁兵單賊眾臣未敢拘泥前奏卽酌帶官兵五百名迅速赴川
諭曰觀成因係成都將軍本省地方匪徒滋擾星回勦辦所見亦

是二年正月至峩城山遇賊匪攻撲冉家壩營卡卽督弁兵馳往接應賊始退奏入 諭曰英善等勦賊時適值觀成帶兵到彼會合夾攻殲賊甚多所辦尙好又奏賊匪因周家河一帶官兵防堵遂撲磐市鋪卡隘經兵勇擊退又以賊匪復犯東鄉官兵眾寡不敵奏入 諭曰觀成帶兵迎勦殲賊甚少且該處兵力尙單宜縣卽赴東鄉與觀成會合勦辦二月督兵由馬鞍山至三墩坡攻克張家觀收復東鄉時賊匪屯聚清溪場金峩寺兩處 諭令觀成倍加奮勉上緊勦辦三月攻克冉家壩及大團包賊卡乘雨馳至清溪口奪取姚家壩要卡生擒冉文傑破雞爪嶺等處賊卡四月分兵駐達州東鄉要隘稽查後路尋督兵自東鄉攻克清溪場南

賊寨燬金峩寺賊巢 上嘉之復由鐵丁埡進兵協勦王家寨克之五月賊匪由羅江口窺伺達州派將弁於達州後山由鳳凰嘴壓下截勦賊大潰進勦火石嶺痛殲之復追至花潭子賊率眾撲營督兵堵禦殺賊甚多先後疊奉 恩賞牌盒扳指火鑱大小荷包十有五次尋經陝甘總督宜縣奏令帶兵勦大甯陳崇德股匪六月攻九龍池賊巢督兵三路合攻斃賊無數餘匪逃逸官兵分路追勦二十餘里賊匪搶上老木園山頂抵禦奏入 諭曰觀成奏攻克九龍池賊巢所辦雖好而賊首陳崇德又逃往老木園地方不值卽加賞資觀成務當上緊勦辦毋任再有竄逸並加意嚴防勿使與楚匪勾結合夥尋攻大竹谿飛沙嶺派兵於蜈蚣嶺山

腳密箐內設伏內外夾擊奪占蜈蚣嶺賊卡派兵駐劄奏入 諭
曰此次觀成將蜈蚣嶺賊卡二座搶占卽於該處劄營未進抵老
木園賊巢擒擊首逆未爲滿意閏六月大甯青莊坪等處賊匪欲
與老木園會合先於涼水井竹園坪縱火焚掠 上命原任提督
劉君輔總兵馬瑀赴大甯堵剿觀成督兵截殺殲賊五六百生擒
賊目二名餘匪逃逸隨飭將弁分割卡隘防堵適賊百餘結隊下
山直衝卡隘兵勇奮力抵禦斬獲首級三十四顆擒賊二名奏入
諭曰觀成在老木園勦辦多時卽稱已將賊匪圍住自應上緊進
攻擒擊首逆况今又添劉君輔所帶之兵軍威不爲不壯何以摺
內稱賊匪百餘人結隊下山直衝卡隘經官兵抵禦僅斬獲首級

三十餘顆餘賊復竄回巢穴豈有賊匪能直衝下山而我兵轉不能搶上之理觀成祇知在彼困守日久與賊相持竟似防守地方者然殊負委任觀成著傳旨申飭七月老木園賊匪知大甯新起賊匪已至急圖竄合連日衝撲營卡密派將弁夜襲之殲賊數十奪占賊卡 諭曰大甯等處新起教匪欲與老木園賊匪會合分擾青莊坪等處營卡俱經官兵擊敗而老木園之賊外援既絕勢益窮蹙自不至有東竄但觀成等所辦祇係奪占賊卡見在惠齡帶兵已至大甯務卽奮力進攻擒拏首逆尋從蜈蚣嶺督兵乘昏夜霧雨中分路進攻搶上箐林口及柏樹巖斃賊數十名奏入 諭曰觀成等自攻圍老木園以來已經數月今據奏到情形仍不

過奪據箐林口賊巢而所殺賊匪爲數亦屬無幾殊不滿意見在賊匪要隘已經官兵奪占賊卡僅餘三處賊數不過千餘觀成等豈尙不能奮勇進剿剋期蕪事耶八月自箐林口進攻奪據後山要卡賊匪乘雨分路撲營督兵擊之九月進攻轄頂山鎮臣馬瑀受傷落崖身故奏入屢奉 旨嚴飭十月攻獲轄頂山城卡 諭曰老木園賊匪困守日久今僅將轄頂山城卡奪獲未能攻克賊巢擒獲首逆仍屬延緩觀成等務須知愧知奮速擒渠逆尋奏賊匪乘雪夜嚴寒窺伺營卡官兵擊退又攻勒老木園官兵多有受傷賊匪死守抗拒及分兵堵截馬家壩各情形 上以所奏多有不實復嚴飭之十一月賊匪乘雪撲營密飭將弁設伏勒斃三十

餘名奏入 諭曰老木園賊匪勢已窮蹙儻再曠日持久坐候他
路前來協勦必將伊從重治罪三年正月分兵進攻老木園賊匪
將深溝等處賊卡奪占二月官兵由茶園嘴後進偏賊匪見險要
已失復添築木城石卡屢乘雪霧昏黑潛撲我營官兵痛加勦殺
分路競進將土地埡石卡奪占而賊匪於對面懸巖之上密紮隘
卡安排木石使我兵仰攻不能舒展奏入奉 旨嚴行申飭時開
縣竄匪杜啟鳳歸併王三槐一夥由僻路翻山進老木園欲援陳
崇德尋由鹹水壩撲九峯埡營卡督兵截擊不使竄合 諭曰開
縣勦散賊匪均與老木園賊匪合夥此時觀成等若稍不嚴密任
令陳崇德衝出營卡又有滋蔓自思當得何罪不可不倍加儆惕

也三月奉 旨觀成勦辦老木園賊匪已閱年餘迄未蕝事實屬
玩誤遷延著卽革職仍畱該處帶兵贖罪其從前玩誤遲延之處
著勒保卽行查明據實奏參四月奏勦敗大甯之白雲觀雞頭壩
賊匪及進攻馬桑溪等處賊卡又奏賊匪分路撲營冀圖勾結外
匪經官兵實力防堵並攻克木克壩三道壩等咽喉徑路 上以
所奏敷衍塞責仍著勒保據實奏參尋據四川總督勒保奏言觀
成督兵由三道壩進攻老木園賊巢賊抗拒愈力槍石如雨官兵
奮勇躍入賊卡斫斃多名首逆陳崇德知勢不能支率眾連夜折
竄太平縣境經觀成三路兜勦匪眾無路可奔殲截殆盡首逆陳
崇德自用槍矛截傷斃命查觀成等勦辦老木園賊匪日久未能

肅功奉 旨革職令其帶兵贖罪茲連日奮勇趕剿冒雨攻圍已將此股賊匪全數撲滅 諭曰觀成能將賊巢攻克尙爲奮勉著加恩賞給頭等待衛銜仍賞大小荷包並著勒保畱心察看此時帶兵如果始終奮勉遇有總兵副將缺出酌量奏補五月勒保令觀成移兵駐溫湯井並於大甯奉節一帶迎截開縣竄匪六月賊首徐添德竄至大甯中岡嶺觀成撥兵於分水河堵截賊不得越均經勒保奏入 諭曰觀成尙屬奮勇出力著加恩補授西安副都統九月隨勒保追剿冷添祿股匪分兵攻祖師觀賊寨十二月督兵焚五層臺賊卡復由鹽渠山魚鱗口攻剿焚老鶴嘴卡隘殲賊無算冷添祿奔竄四年正月觀成於祖師觀搜捕餘匪淨盡卽

帶原兵馳赴夔州堵剿二月堵截蓮花池賊匪頗有斬獲 上嘉
之旋赴西安副都統任兼署西安將軍五年九月因耳聾奏請解
任得 旨來京調養全愈之日再行奏請差使十月回旗十三年
三月卒奉 旨照二品例賞給卹典子貴慶見任奉天府尹

右 國史館本傳

11 11 11 11 11 11 11 11 11 11

11

七格

七格富勒瑚氏鑲藍旗滿洲人乾隆三十二年由前鋒翎長遷前鋒校洵擢三等待衛三十九年隨副將軍明亮征金川攻破木克什賊碉有功四十年補廣東潮州鎮標左營遊擊四十七年遷提標中軍參將四十九年遷廣西慶遠協副將五十年調鎮安協副將五十三年擢貴州威甯鎮總兵嘉慶二年二月南籠狝苗不靖隨巡撫馮光熊進勦安姑賊匪三月攻獲排沙口山梁四月賊由年場寨四出焚掠欲至廖箕箐燒劫糧臺七格隨總督勒保帶兵追殺殲斃無數生擒二十四名奪獲烏槍刀矛一百二十餘件連燬賊卡進攻新城勝之賊之據新城也以其地爲進攻南籠必由

之道設卡堅密屯踞尤眾山勢懸互要隘極多值連日陰雨我兵
攻至下山塘坡高泥瀟未能直上因以雨夜潛赴山腰埋伏七格
隨帶兵仰撲山梁賊併力相拒我兵佯退誘賊下山伏兵齊發山
下官兵回擊殺獲甚眾又攻賊於海河橋河勢甚寬石橋被賊拆
斷賊眾萬餘屯守橋東我兵於水淺處潛渡搶上山梁下攻賊人
之背賊蒼黃失措七格率領弁兵向前直擊賊四散逃竄我兵分
路追殺燒城外賊卡殆盡遂解新城之圍奏入 賞青玉喜字扳
指火鏹荷包等物是月又攻賊於碧峯山克之先是攻克新城之
後賊匪日聚數萬人奮力抗拒並在離城五六里路自捧鮮至黃
草壩俱爲賊巢而補路尤踞山臨溪形勢僻阻我兵分爲三路乘

天色未明進攻之焚其寨又將壩郁暗峒等處一併焚斲前後擒獲賊目賊夥黃成龍等一千三百四十餘名斬馘不計其數捧解黃草壩一路肅清奉 旨交部議敘三年正月雲貴總督鄂輝奏辦善後事宜七格畱黔搜撫九年四月調直隸正定鎮總兵因其子克什布將屆當差之期不自行奏請畱於任所傳 旨申飭十一月得 旨來京賞副都統銜在頭等侍衛上行走十年閏六月因威甯鎮總兵任內違例借給都司靈毓廉俸銀銷去副都統銜降爲三等侍衛十三年六月卒

右 國史館本傳

日本書紀卷之三十一

三

劉惠

劉惠貴州遵義人由武舉分發雲南以千總補用乾隆三十一年
緬匪滋事惠押解軍裝赴永昌軍營卽往猛卯各處臺站接運軍
糧三十二年在猛育江監造木筏接渡糧食二月運糧赴木邦一
帶並隨營支放十二月隨將軍明瑞進軍蠻結及布濟地方所向
多捷三十三年正月連戰進抵猛之猛育等處並有斬獲五月補
鎮雄營千總三十四年五月由騰越進軍新街十月隨遊擊烏爾
滾德剿賊於沙州等處並攻圍老官屯身先撲寨均以功議敘三
十七年隨征金川十月官兵由黑龍溝進攻奪占甲爾木山梁破
木城碉卡二十餘座惠與有功經定邊右副將軍阿桂奏升雲南

曲尋協左營守備三十八年正月隨攻當噶拉山梁由泥壘一路
克復里達西等處三十九年正月攻克馬奈拉窠及格六古卡七
月從副將軍明亮由北路攻破達爾圖山梁第四礮奪獲大佑礮
一座 賞戴藍翎又隨攻木克什達爾圖礮卡及日旁山腳正面
礮卡破之四十年正月進克拉窠埡口四郭落及帶石山梁又連
獲得楞等處礮卡寨落俱因帶兵先登殺賊奮勇得 旨賞換花
翎升署雲南臨元鎮標右營都司五月攻額爾替克之閏十月攻
割烏古山頂由正面搶獲礮卡數座十二月攻獨古木山梁又克
甲雜並後路巴布里一帶又搶占獨松隘口會擣噶拉依地方前
後屢因受傷奉 旨賞給銀兩四十一年三月凱旋回滇四十五

年投龍陵協中軍都司四十七年升提標右營遊擊五十二年擢
鎮雄營參將五十五年押解緬甸進貢花象赴熱河 行在 賞
大緞二匹五十九年二月升龍陵協副將六十年二月總督福康
安派赴滇省勦辦苗匪閏二月在太元山及曾溪屯等處勦賊三
月獲漢奸楊雙元楊老六二名四月獲苗匪彭秀雲吳老二等五
月進勦大溪口六月駐兵桃映鄉賊匪數百突來撲營惠擊退之
生擒賊首吳半生之姪孫吳老華經福康安奏入 諭以總兵升
用十一月投貴州鎮遠鎮總兵招撫四十八溪降苗嘉慶元年二
月 恩旨頒賞帶兵出力大員 賜劉惠蟒袍一領五年十月雲
貴總督書麟奏參校閱鎮遠等處營伍槍箭中靶不及分數陣式

三十一

三

亦不整齊奉 旨該管鎮將實難辭咎劉惠著勒令休致十三年

七月卒

右 國史館本傳

達自祥

達自祥四川成都人由行伍於乾隆三十六年隨征金川有功受槍石傷二處四十年正月 賞給千總頂帶六月拔補督標左營外委四十三年升把總五十三年升千總五十七年四月隨征廓爾喀八月事竣撤回六十年黔楚苗匪滋事自祥帶領新疆屯兵隨雲貴總督福康安進剿五月攻克大烏草河苗寨 賞戴藍翎十月升四川潼縣營守備尋因攻克鴨保寨 賞換花翎十二月進攻地良坡搶占對面高斗山梁斃賊多名嘉慶元年升秦甯營都司十二月官兵攻克石隆苗寨斬梟賊首石柳鄧並擒其子石老喬敘功交部從優議敘是年川陝楚教匪滋事達州賊首徐添

德東鄉賊首王三槐豐戒賊首冷倅等屯聚張家觀焚掠村莊成
都將軍觀成等派自祥偕守備馬廷相等於山左右設伏夾擊追
殺數十名生擒鮮良生等四名二年正月賊匪分路撲犯達州大
營自祥隨總兵艾如文等分投迎擊殲斃數十名三月賊退踞金
峩寺於雞爪嶺密布卡座抗拒官兵自祥隨艾如文由王家巖繞
出雞公嶺北自上壓下偕官兵三面攻之焚其卡柵殲賊多名追
至蝙蝠洞復擊斃二百餘名四月攻清溪場賊巢自祥身受槍傷
奉 旨以應升之缺升用六月官兵攻奪王家寨等處賊寨陝甘
總督宜絲以奮勉各員奏請獎勵奉 旨達自祥著賞給捷勇巴
圖魯名號九月升雲南昭通鎮中營遊擊三年正月襄陽白號高

均德股匪竄至陝西大河壩分路藏匿自祥偕遊擊蒲尙佐等沿
村搜捕擒百餘名十一月擊巴州白號賊首羅其清於官山十二
月隨副都統銜德楞泰等圍剿通江藍號冉文儔股匪於麻壩寨
屢有殲擒四年七月奉節綠號賊首卜三聘龔文玉等屯踞大甯
巫山交界之八石坪自祥隨德楞泰擊之身受石傷八月擊賊於
風玉坪五年正月升貴州朗洞營參將二月通江藍號冉添元達
州青號徐添德奉節綠號陳得俸等賊匪屯聚新店子官兵分路
進攻自祥隨副都統銜溫春深入被圍參贊大臣德楞泰馳救內
外衝擊生擒陳得俸槍斃冉添恆三月賊屯馬蹶岡於火石埡一
帶設伏自祥等偕官兵分四路進攻賊敗竄冉添元就擒疊奉

恩旨敘功頒賞尋隨德楞泰等剿東鄉白號張子聰度向瑤等股於新店子乘賊不備衝入賊潰竄四月馳擊之於黃鹿鎮復由麻柳場進剿又擊之於九亭場六月進攻汪家坪沿嘉陵江追剿四十餘里多有斬獲八月通江藍號再添士分股賊匪李炳陳朝觀等占踞陡坎子山梁官兵分三路衝擊自祥偕副將托雲泰由石邊山溝進剿斃賊多名是月調四川越嶲營參將九月官兵圍攻達州青號趙麻花股匪於石虎嶺賊於大壩口衝撲三次均經自祥等擊退十月升阜和協副將十一月襄陽藍號齊國謨等股竄至儀隴縣之觀音河自祥隨德楞泰由梨山場馳剿斃賊二百餘名六年正月襄陽白號高二股匪由洵陽渡江北竄折至山陽縣

乾溝屯聚自祥隨德楞泰由五里鋪向西北追剿會官兵兩面夾擊賊潰竄偕副將蒲尙佐尾追復乘夜冒雪抄至野豬坪擊之高二就戮奉 旨交部議敘二月擊太平黃號龍紹周等股賊匪於掃箕寨追過和岡溪賊進溝竄分夥設伏老林德楞泰慮其抄出我兵後路令自祥帶領兵勇在溝口扼要堵截官兵進溝剿殺伏賊由一椀泉出我兵後自祥與賊接仗溫春等馳至夾擊之賊四竄三月賊屯馬鞍山自祥由大團包車盆寨抄出賊右會官兵擊之四月追徐添德等股賊匪於紅花塚偕副將李應貴等左右夾擊德楞泰等居中衝殺賊潰散復分股圍攻天保萬安兩寨自祥偕溫春等分赴救援賊遁追剿百餘里殺賊甚多五月賊向紫陽

東竄自祥等由上七里梨樹埡抄徑邊之八月由通城磨刀溪取道黎子坪羅漢洞兜勦張添貴股匪九月勦陳朝觀餘黨於黃白巖抄截由陝入川之青號餘匪於銅罐溝十月偕侍衛法依當阿等迎勦青號王山股匪於大禾田與千總高文星等夾擊之斃賊百餘生擒李尙文等二十五名十一月隨德楞泰等追勦張添倫楊開甲餘匪於汪家河等處斃賊數十名生擒魯學貴等百二十一名十二月擊巴州白號苟文明股匪於王家埡賊竄屯劉家壩官兵分兩路進勦自祥隨德楞泰等相繼進槍礮齊發立斃十餘名賊竄入深溝復由小路抄截斃賊多名七年正月攻陳朝觀餘匪於張家峒斃賊三十餘名生擒項朝富等十七名四月扼襄陽

黃號樊人傑等股於雞公梁左右山溝隨即進剿溝內伏賊殲斃五十餘名生擒張光雲等三十七名五月賊竄至馬鹿坪經官兵痛剿自祥隨副都統溫春等蹙之於漁沱等處樊人傑淹斃奉旨交部議敘並諭記名以總兵簡用六月在平河口附近一帶搜捕竄匪九月隨德楞泰等剿襄陽藍號戴世傑崔宗和胡明遠股匪於朱家溝斃賊四十餘名生擒三十餘名尋剿零匪於清風溝躡蹤進山十月偕總兵馬瑜等迎剿另股賊匪於油榨溝前後夾擊斃賊二十三名生擒牟尙太等四十二名抄截青黃兩號餘匪於中子洋坪擒斬多名又剿達州青號陳侍學股匪於巫山巴東交界之黃泡池自祥隨德楞泰等由三溪河至火風口三會鋪

抄截沿途殺賊二十餘名生擒四十餘名十一月授川北鎮總兵
十二月由鹽場一帶排搜大甯山內藏匿餘匪復於官渡灣滾龍
坡截剿折竄大竹河之賊八年二月貓兒洞搜捕零匪閏二月偕
副將羅聲皋等剿辦由甯羌竄來之賊三月羅聲皋追賊至南江
白祥帶兵向東夾擊在平溪壩擊獲王倅等十四名板橋口擊獲
彭正貴等十名四月迎截斬姓賊匪於走碑壩五月搜獲僞總兵
邱國科旗手王小夥二名尋於梓潼溝雙河口搜獲斬鴻才楊金
奉等五名七月在陝省邊界巡搜擊獲多名八月調甘肅肅州鎮
總兵九年正月苟文明餘匪苟朝九竄向藥扒勢欲東趨德楞泰
飭自祥移駐官園一帶扼之賊向川境太平之老鴉口狂奔自祥

馳赴西鄉堵禦二月偕參將安定邦等沿江防範四月在大小白河滄水河一帶設卡巡緝屢有擊獲十年正月三省肅清德楞泰派令白祥統領官兵至漢中府分起凱撤回營十二月回肅州總兵任十三年六月 陸見七月行至山西祁縣病卒

右 國史館本傳

山崎三郎

三三

--	--	--	--	--	--	--	--	--	--

希當阿

希當阿瓜爾佳氏正黃旗滿洲人父前鋒緒齡以乾隆二十九年五月出兵烏什陣亡希當阿由健銳營前鋒從征烏什有功三十年補前鋒校三十二年從征緬甸三十四年擢護軍參領三十六年調補健銳營正紅旗參領三十七年從征金川十月攻奪甲爾木山梁奮勇殺賊經副將軍阿桂奏入奉 旨賞戴花翎十一月侍衛明亮派令潛攻真登梅列高峯大礮各隊官兵同時撲上賊大潰遂將各礮卡石房占據四十一年凱旋 恩賞緞匹銀兩五十年授福建督標中軍副將五十二年大兵征臺灣逆匪林爽文總督李侍堯奏派希當阿經理軍需器械明年臺灣平擢福甯鎮

總兵五十四年正月 上以希當阿親老無子 命與直隸總兵
劉允桂對調俾得迎養以示體恤二月閩浙總督福康安奏參濂
澳汛被竊礮位究出上年希當阿任福甯鎮時虎尾營先曾遺失
礮位二尊外委吳國珍起意將濂澳汛礮位竊去抵補及補濂澳
汛查出後羅源縣營守備姚洪懼干參處又將火藥局存貯舊礮
運往安設捏稱尋獲請將希當阿革職來京審訊 諭曰希當阿
於所轄營汛遺失礮位並不查驗飭緝任聽該備弁抵補寢專朕
因希當阿之父曾經出力陣亡是以加恩調補宣化鎮總兵俾得
就近養母今既有此罪著革職解交軍機大臣會同刑部審明治
罪尋審明希當阿並無知情縱容之事惟於所轄汛兵擅自離汛

致失礮位既失察於前又任聽弁兵等顛預寢息於後請發往伊犁自備資斧效力贖罪 諭曰希當阿問擬發遣伊犁固屬罪所應得第念伊父在西路打仗陣亡伊屢次出兵烏什雲南金川臺灣等處尙能出力伊又見無子嗣無人養贍老母情殊可憫希當阿著仍以健銳營護軍用所有發往伊犁效力贖罪之處著加恩寬免嘉慶十三年八月卒

右 國史館本傳

卷之三十一

三十一

德福

德福那拉氏正黃旗滿洲人祖費揚古步軍統領一等承恩公自有傳父伍格一等承恩公散秩大臣乾隆五年德福由一品廕生補理藩院員外郎七年調盛京工部員外郎十二年調吏部員外郎兼公中佐領二十三年監督通州西倉尋調大通橋監督三十年擢正黃旗蒙古副都統三十一年二月 命往喀什噶爾辦事九月調赴英吉沙爾辦事越二年 上以英吉沙爾辦事大臣統巴達克山布魯特諸夷 特賜德福花翎三十五年調錦州副都統四十三年奏參協領富伸保錦縣知縣雅爾善於各處斂銀一萬四千兩有零請嚴審治罪 上命尚書福隆安侍郎金簡馳往

鞠實論罪如律尋投盛京工部侍郎管理成遠堡等大邊事務兼盛京副都統四十六年二月偕盛京將軍索諾木策凌奏盛京需用硝磺經前任將軍奏准每年由本處購買配製但本城鹹土無多不敷採用如聽市僧販買殊礙例禁卽由部支領又致糜費惟鳳凰城所屬尙堪採挖請委員雇夫煎熬仍可按年配造得旨嘉獎七月奏向例盛京之蒙古漢軍驍騎校均按期揀選惟滿洲驍騎校初係通用揀選嗣改爲本任佐領下專用之缺辦理未協請將盛京錦州等城滿洲驍騎校五十六缺照蒙古漢軍例按期揀選報聞四十八年上詣盛京恭謁祖陵德福管理大營偕盛京將軍宗室承璋奏言皇上恭謁祖陵各項差使派出

官二百餘員兵五千五百餘名其修補軍器等項向由未派出官兵內斂湊協濟雖係通融辦理誠恐不肖官員藉端滋弊懇將見在派出官兵於戶部存貯備用銀內官員借支一年俸薪兵丁借支半年錢糧分季坐扣歸款得旨允行七月調正藍旗漢軍副都統五十六年十一月因仰山窪閱操正藍旗漢軍兵丁放槍遲緩交部嚴議部議降二級調用上加恩寬免五十七年調鑲白旗滿洲副都統三月署山東青州副都統尋授山海關副都統五十八年諭曰兵部將軍政填注浮躁之順義縣防守尉靈保帶領引見其如何浮躁劣蹟德福並未聲敘市恩屬員抗慢上司謂之浮躁靈保駐防順義不與德福同城該縣亦無伊上司大員所

營兵僅五十名豈靈保向兵丁有浮躁之事卽德福亦不過向該處閱兵一次豈一見靈保卽看出浮躁耶若靈保有酷待兵丁及貪婪劣蹟卽應聲明奏參乃僅含糊填注顯係德福居心刻薄如此何以服人心耶嗣德福覆奏靈保素性嗜酒弓箭平常經軍機大臣驗看靈保弓箭尙可亦無沈湎形狀將靈保降用步軍校德福奉 旨申飭四月 上以德福不稱山海關專閫之職調補鑲黃旗漢軍副都統六十年授湖北荊州副都統嘉慶二年仍授鑲黃旗漢軍副都統四年四月 命偕休致大學士領侍衛內大臣蘇凌阿等守護 裕陵九月 上以蘇凌阿年老不能約束侍衛命德福及副都統隆安兼領侍衛內大臣五年四月奏守護 裕

陵侍衛內有緣事請假查無虛捏者並請委出侍衛二員作爲辦事章京 諭曰派往守護之侍衛各員家中有因親喪及婚嫁等事無從假託自應量給假期以昭體恤至於患病就醫往往虛捏不實託辭回京即使屬實儘可於該處就近調理何必回京始克醫治耶所有患病請假一節不准行至所至稽查勤惰一節應照所請卽於該處守護侍衛內擇其老成勤慎者二員作爲辦事章京畱心稽察六年三月奉 旨回京以原品休致十三年十二月卒子百順覓任刑部郎中

右 國史館本傳

丙辰冬賊犯荊州時屯卒皆遠調兵力甚寡副都統德福日夜守

之勢甚急尹太守乃於城中掘得大礮數十皆康熙甲寅所鑄銅
雖鏽澀猶可施用礮聲所至賊立奔潰其圍遂解按康熙中順承
王勒爾錦守荊州聞吳逆兵至踉蹌而歸蓋當時所鑄者恐以資
吳故瘞於地下何期百餘年猶爲我兵所用致使垂破之城危而
復安亦有天意存也

右錄宗室昭榘撰

何定江

何定江廣東香山人乾隆四十五年武進士授三等侍衛在鑾儀衛行走五十二年揀發福建以都司用五十五年補長福右營都司在馬家港擒洋匪蔡民等十二名經閩浙總督伍拉納奏入奉旨交部議敘五十六年升水師提標左營遊擊六十年升督標水師營參將嘉慶四年升澎湖水師營副將五年四月總督玉德派領兵船赴浙洋會剿洋匪蔡牽並追擊遭風餘匪駛至閩浙交界之烽火營洋面適蔡逆自浙折回定江於百丈洋面擊沈盜船一隻擊獲盜船一隻盜匪侯塗等十四名其餘槍礮擊斃及落水淹斃各匪不計其數並獲大小礮七座刀矛數十件奏入報聞十

月摧金門鎮總兵六年二月在四礮洋面追擊盜船拋擲火毬燬
其一船擒陳標等三十四名獲鐵礮四簾牌四刀六火藥十筒三
月追擊蔡逆於南日澳外洋匪船竄逸在後者尙返篷抗拒官兵
槍礮齊發船破礮斃多名七年十月追捕蔡逆於崇武洋面擒盜
首玉寬等三名餘匪中傷落水者甚多八年七月丁母憂回籍十
年十月服闋 陸見十一年四月授浙江定海鎮總兵 命馳驛
赴任 諭曰何定江曾任福建金門鎮總兵於水師事宜素所熟
習並曾帶兵追捕蔡逆見在該逆匪船同朱漬七嫂等幫竄至噶
山古鎮洋面游奕難保其不竄入浙洋所有浙省堵緝事宜關係
緊要水師將領正在需人著清安泰於何定江到後速行派撥兵

船交與該鎮帶領出洋駛往閩浙交界處所沿途確探一遇該逆等匪船卽著迎頭痛捕與李長庚追捕之兵前後夾擊以期速擒巨憝甯謐海洋七月偕提督李長庚追躡蔡逆於盡山花鳥洋面至台州府之大陳洋面擊沈盜船一隻擒盜李按等五十餘名骸首三擊死淹斃者無數獲大小銅礮十七座大紅衣礮一座槍刀器械旗幟數十件八月在漁山洋面追及蔡逆盜船圍攻兩時擊斃無數十一月赴定海等處洋面搜捕土盜十二月 上以蔡逆隨風肆竄恐又北竄浙洋 諭浙江巡撫清安泰飭何定江等隨時畱心偵探奮力緝捕十二年二月浙洋土匪鳳尾幫船竄至閩洋 上以何定江專在浙洋巡剿所司何事著傳旨申飭並將鳳

尾幫船賁成跟蹤追捕十一月因失察蔡逆之子二來在普陀入寺燒香諭曰該逆匪船竄泊普陀有二十日之久兵船未經趕到實屬懈玩查係定海鎮總兵何定江兵船相距最近且本係該管洋面其咎甚重阿林保請將該鎮革職或降補之處實所應得惟見在水師乏人姑從寬革職畱任八年無過方准開復仍著革去頂帶以示薄懲十三年七月授浙江提督八月蔡牽朱瀆二逆句結一處在東北外洋分合游奕定江及總兵童鎮升李景曾各帶兵船集定海洋面相機攻剿旋因蔡朱二逆已合復分定江具報浙江巡撫阮元稱此次在蓮花峯洋見蔡逆船隻尙在北首因未知與朱瀆是分是合恐其設計牽誘未便輕率進攻奏入上

以官兵豈有見賊不勦之理似此遷延怠緩其爲見賊躲避無疑
命閩浙總督阿林保阮元一體確查如果定江畏蕙屬實卽著據
實奏參九月阮元奏蔡朱二逆合幫北竄同泊盡山花鳥之深洋
忽而朱逆分幫折回定江等率師攔擊朱瀆當卽南駛蔡逆在北
尙隔數潮定江因聞閩省舟師自南前來相距不遠欲俟其到時
合幫過北以期夾擊制勝隨卽偕閩師迎捕蔡逆首先率眾追及
殲斃多賊定江尙非畏蕙遇賊不擊惟先以二逆分合未定恐其
牽誘之疑設想指詞實爲錯謬請將定江交部議處 上加恩寬
免十二月勦捕蔡逆自閩至浙追抵温州病卒

右 國史館本傳

--	--	--	--	--	--	--	--	--	--

林起鳳

林起鳳廣東歸善人由行伍歷拔千總乾隆四十三年升達濠營守備四十六年遷春江協中軍都司四十八年升左翼鎮標左營遊擊五十一年臺灣逆匪林爽文莊大田糾眾滋事起鳳隨南澳鎮總兵陸廷柱赴鹿耳門協勦會賊匪焚劫臺灣城外三坎店阻河抗拒起鳳等奮勇攻擊渡河敗之賊二百餘人奪獲器械無算五十三年二月林爽文就擒時莊大田匿大武隴負嵎死守官兵分路進攻起鳳率領兵勇於竹仔港海口堵截先後獲賊黨張益光等三十餘人尋追及莊大田至瑯嶼獲之臺灣平升海門營參將五十八年調閩浙督標水師營參將五十九年升浙江瑞安協

副將六十年海盜紀夢奇等在洋肆行劫掠起鳳率舟師出洋巡緝紀夢奇就擒並獲陳言等七十餘人嘉慶元年五月擢温州鎮總兵八月擊賊於潭頭洋面殲賊渠陳阿寶並餘匪多名時各匪船乘風南竄得旨著林起鳳董率巡查如有未經南竄在浙逗遛者就近查拏二年五月盜船駛向南隴外洋起鳳督率兵船四面兜擊執賊目吳貢等四十人獲其船二十月獲盜匪李楚等二十餘人三年巡緝至旗頭洋面適東西柱外洋復有盜船駛至隨飭舟師兩路夾攻擒洋盜范中才等三十餘人餘匪潰竄外洋復率舟師併力窮追施放槍礮賊被轟傷落水者無數斬級十生擒三十一獲其船三四年以年老乞休允之十三年卒子光謙二

品廕生雲南鎮南州知州緣事革職

右 國史館本傳

日本書紀卷之六十一

三十一

達勒精阿

達勒精阿鈕祜祿氏正白旗滿洲人由親軍於乾隆五十一年授藍翎侍衛五十五年遷三等待衛五十七年隨將軍福康安征廓爾喀有功 賞給喀勒崇依巴圖魯名號六十年隨雲貴總督福康安勦貴州正大營一帶苗匪殲斃多名嗣因湖南逆苗石三保等圍永綏日久偕總兵花連布等繞道往援解其圍奉 旨嘉獎賞給荷包四月賊匪恃蘭草坪險峻聚眾負嶠達勒精阿由對面竹子山進攻痛勦之奉 旨加升一等嘉慶二年川省教匪冉文儔等屯聚王家寨達勒精阿隨總統宜縣攻奪礪寨奮勇先登得旨擢頭等待衛十一月首逆姚之富等偪入於漢中連營二十餘

里達勒精阿隨內大臣德楞泰由南岸沿江一路進剿三年正月賊匪遁匿廟了子左右兩山林內達勒精阿引兵由山後抄擊之殺斃甚眾十月冉文儔徐添德等在箕山附近屯聚藉羅其清爲聲援達勒精阿由馬鞍山郭家山冉家澗往來截殺十一月敗羅其清於官山四年正月進徧冉文儔於麻壩寨分兵三路達勒精阿隨德楞泰扼其東賊乘夜撲營我兵槍弩齊發殲斃多名七月線號賊匪竄至竹谿之大禾田達勒精阿隨德楞泰由老木孔小道繞出衝擊之生擒首逆龔文玉八月擊賊於風玉坪勝之九月由順河前進截擊大股賊匪十月傳教首逆劉學仁向羅家壩奔逸達勒精阿由紗帽寨七盤子直趨大壩關兜剿五年三月攻賊

眾於火石埡後山斬殺多名三月白號賊首張子聰等屯蓬溪縣
之新店子而分股在附近十數里之成谷太和仁和仁義四寨圍
攻甚急達勒精阿佶副將倭星額由觀音巖田壩子馳救奮力勦
殺殲賊百餘名圍立解救出良民一萬數千經德楞奏入得
旨優敘閏四月白號股匪劉朝選等向西北折竄將入鄰水界內
其時夜雨如注達勒精阿伏兵兩山間俟賊渡溝上突出兵擊之
賊大潰乘雨緊追又敗之於秦家場復有張子聰庚向瑤股匪竄
向忠州之禹蹟灘達勒精阿由九亭場進擊敗之五月擣賊巢於
長池壩六月擊竄匪於汪家坪九月大兵追勦劉朝選湯思蛟諸
賊於石虎嶺深山密箐賊眾藏匿我軍四面圍之賊夜於大埡口

衝撲三次均經帶兵擊退十一月賊向儀隴觀音河遁逸達勒精
阿由梨山場迎勦橫截賊隊其一股竄入寨下深溝達勒精阿帶
兵直入生擒楊昌壽等數十名六年正月由山陽之五里鋪大破
高二股匪於乾溝卽分兵冒雪乘夜抄至野豬坪連勝之屢奉

旨交部議敘二月逆匪龍紹周東竄德楞泰令達勒精阿由埽箕
寨山右進兵追殺二十餘里時大軍進擊二郎壩及馬鞍山濫池
子達勒精阿赴六桿溪及大士庵張家壩往來策應屢勝之四月
青號賊匪徐添德遁至紅花埭我軍張兩翼而進達勒精阿居中
衝殺餘匪四竄直搗黃石板賊巢追殺餘匪百六十里斬獲甚多
八月龍紹周等走符山巴東之冉村大板倉坪一帶達勒精阿馳

赴陰保嶺堵剿卽進至黃白崖克之遂由眾保坪老林向東北探頭迎擊九月賊竄竹谿屬之五里埡達勒精阿由右圍之九道梁遇其入湖北腹地時龍逆由盤龍山之岳家坪向西奔逃官兵冒雨窮追達勒精阿偕總管蘇清阿等分路直衝賊巢殺賊百餘生擒入十餘名龍逆殲斃奏敘軍功 賞給副都統銜尋補鑲紅旗蒙古副都統十月德楞泰剿辦湯劉二逆股匪令達勒精阿由榨井壩渡口巖一帶探剿十一月白號賊匪張添倫等有窺伺嘉陵江之勢達勒精阿復由校槽口梅子灘進擊追至木橋子奮勇斬殺卽由柳溪溝疾追至騾子槽等處盡力衝入因山高陡險冰雪溜滑人馬墜下坎者數丈壓傷左膝忍痛易馬帶傷追賊 上念其

曾否就愈 特垂詢焉十二月首逆苟文明由開縣之雙河口竄至黃柏巖貝母池老山達勒精阿帶兵邀其東以截入楚之路七年正月白號餘匪張姓由烽火界嶺折回巴東而黃藍二號餘匪亦由巫山竄入烽火界嶺達勒精阿分兵趨三匯鋪追至馬埡口山梁大軍連日緊追達勒精阿隨後策應首尾併擊大破賊於張家村二月餘匪竄至水口復馳擊之進至公坪東洋子龍洞王家梁朱三壩所向皆捷線號及白號餘匪竄雲奉交界之鳳凰頭大山達勒精阿由山腳仰攻賊憑高用滾石下壓我兵急擊之乘勝追至紫峽河殲擒無算三月敗白號股匪於南埡場又敗張長清於夔州大昌生擒長清妻李氏又追勦於大甯通城四月賊分股

向奉節雲陽奔竄達勒精阿馳赴勦辦所在有功五月白號首逆
熊劉賊股竄入川境達勒精阿於巫山邊界督兵馳勦擒斬二百
餘名奪獲軍械馬騾甚多經獲犯認出僞元帥劉朝選首級 上
以節屆端陽 賞給達勒精阿肩套香囊仍 諭部議敘并奉

命搜捕零匪緊顧川楚邊境嗣因四川總督勒保查驗劉朝選首
級係青號僞元帥劉姓並非白號首逆 諭曰達勒精阿卽令不
必給與議敘亦不必究其稟報不確之咎時有股匪由巫山之犄
牛窩竄至達勒精阿就近迎擊追勦於隻保山樟垓陳家坡轉戰
而前直入楚境四五十里焚斃五十餘人殲斃五百餘名生擒黃
號僞總兵張大向六月赴楚省黃連坪三溪子躡勦又迎截之於

彎腰樹餘匪竄入大甯達勒精阿帶兵抵黃腹堵擊之於徐家壩
七月訊知蒲添寶大夥在梨子坪卽帶兵馳往賊選戰手三百餘
人抵拒達勒精阿由左抄擊令副將鄭啟賢等分兵追勦賊敗竄
野豬巖憑高壓下達勒精阿率兵競進克之斬僞元帥楊有貴時
蒲添寶圖竄陰條嶺達勒精阿取道張公橋向南兜勦賊走羊板
出天池壩達勒精阿乘夜發兵時大雨如注風霧交加賊分股而
來我兵分路迎擊達勒精阿由左路橫截其隊賊勢散而復聚忽
有賊匪由老林突出隨帶兵勇奮力督戰賊仍遁入老林復由石
路繞上山梁我兵奮戰愈力追至竹谿之滾子坪賊於巖坎上恃
險抵禦我兵分中左右三路奮勦飛礮轟擊賊不能敵遂乘勝搶

占山梁殲獲多名至八月賊由雲霧溪鼠屯中篷子達勒精阿偕副都統色爾滾等直搗之追至蔡家壩賊遁泉溪霧雨中盡力窮追兩日夜走三百餘里連夜露宿疊敗之於百人溝瓦屋溝等處擒斬一千有餘蒲添寶墮殪山巖奏入 諭曰達勒精阿奮勇可嘉著在乾清門行走仍交部議敘並賞給玉扳指一箇大荷包一對小荷包四箇尋奉 命帶兵回川復由徐家壩至蕭家坡堵截零匪九月督兵防堵大甯邊界十月調往梁萬等處勦辦線號黃號餘匪 命與提督穆克登布前後夾擊賊聞大兵至卽據雙鳳堆恃險抗拒達勒精阿直進衝擊殲獲甚多賊向通巴一帶逃匿又追捕逃匪大功告成達勒精阿帶領盛京官兵凱旋九月授公

中佐領十年五月 命在御前侍衛上行走七月劉親莊行營有
武備院披甲人德克精額撞入黃城值達勒精阿坐班未經查出
奉 旨罰俸一年九月投鑲藍旗護軍統領十二年三月兼上駟
院卿十四年卒 諭曰達勒精阿在御前乾清門行走多年且在
軍營甚屬出力亦曾受傷今聞病故殊覺可惜 命照都統例賜

卹

右 國史館本傳

李天林

李天林雲南恩安縣人乾隆三十六年由馬兵隨征金川十二月
攻克斑斕山及斯當安三十七年進勦資哩寨等處均奪獲碉卡
三十八年擢昭通鎮標左營把總三十九年追夾壩賊番有功四
十年四月遷昭通鎮標右營千總十二月進攻噶拉依克之負石
傷 恩賜藍翎五十二年擢雲南提標中軍守備五十四年調普
洱鎮標中營守備五十六年升直隸龍固營都司五十七年調忠
順營都司嘉慶元年三月奉調帶兵赴湖北六月隨總統永保勦
賊於棗陽之張家壩奪獲賊營二十餘處 上嘉天林節次打仗
奮勇出力 賞換花翎三年四月擢霸州營遊擊七月隨將軍恆

瑞勦冉文儔股匪於土門埡奪賊卡四年六月攻克甘省藍號賊
匪於帶羅山殲獲甚眾奏入 賞給碩瑪蓋巴圖魯名號十月擢
陝西延綏鎮波羅營參將十一月張漢湖餘匪分竄大建溝等處
天林督兵追擒王正海等四十餘名五年擢湖北鄖陽協副將六
年六月於西鄉紫陽一帶搜勦餘匪並生擒樊人傑義子樊永佑
九月首逆曾芝秀等東突天林身先擊射追斃賊眾生擒賊目趙
金朝僞先鋒劉大順七年三月 上以巡撫全保一路領兵乏人
飭於湖南鎮協中遴選勇敢之員調赴湖北軍營經總督吳熊光
奏天林訓練士卒整飭戎行帶兵打仗尙知勉力而於臨陣機宜
未克深悉請將穆克登布調補湖南永州鎮其山西太原鎮總兵

請以天林補授 允之六月擊賊於興山道士塘殲斃僞先鋒鄭
姓十月追剿戴四等逆於紉子坪獲朱文光等三十餘名分兵搜
剿房縣黃柏壩老林匪僞元帥李發舉等九十餘人盡殲之十
一月分兵攻崔宗和胡明遠等匪於毛尖山焚斃青號僞元帥劉
姓八年二月巴東二塘壩大營突遇川匪撲擾天林力戰擒賊首
王貴張雲身受矛傷六月參贊德楞泰以房縣之南一帶老山素
爲賊藪分兵搜捕自陰條嶺馬雲嶺等處令天林統領將佐防堵
剿捕零匪 恩賞荷包扇套等件兩次九年凱旋回太原鎮總兵
任十年赴京 陛見 賜文綺十四年卒於任

右 國史館本傳

三十三人三十三人三十三人

三

國朝耆獻類徵初編卷三百三目錄

將帥四十三

張成

富僧額

德勒克扎布

德楞泰

子蘇冲阿

宗室永鐸

珠隆阿

奎舒

王得祿

三十三卷之三

國朝耆獻類徵初編卷三百三

通奉大夫前署江西巡撫江西布政使司布政使湘陰李桓輯

將帥四十三

張成

張成貴州興義人乾隆四十三年由行伍拔補安義鎮右營外委四十四年升左營把總五十二年擢右營千總六十年雲貴總督福康安四川總督和琳會剿湖南永綏苗匪成在事出力 賞戴藍翎尋授廣西梧州協右營守備嘉慶元年七月和琳以捧風坳山梁爲通平隴僻徑令成等帶兵搶占以資堵禦十一月調貴州威甯鎮右營守備十二月隨湖廣總督鄂輝由石隆山後堵截賊

匪受槍傷奉 旨以應升之缺升用旋擢雲南劍川營都司二年
正月調赴四川達州軍營六月隨四川總督宜絲收復東鄉攻克
張家觀等處賊寨 賞換花翎九月還雲南撫標右營遊擊時鐵
瓦寺賊匪圍官兵於開縣之回龍場遊擊布勒亨都司崔德甯被
戕成帶領防守開縣官兵三百援之賊始潰三年五月由萬縣高
梁鋪攻勦林亮功股匪追至大丫口殲斃七十餘名生擒六名七
月勦賊於蘭芽場成偕遊擊薛大烈等分股抄襲在向家坪後葉
溝一帶殲賊四百餘九月擢四川會川營參將六年調貴州提標
中軍參將八年署平遠協副將因籍隸本省調雲南尋霑營參將
十年授廣西慶遠協副將十三年遷右江鎮總兵十四年卒

右 國史館本傳

國史館本傳

富僧額

富僧額正黃旗滿洲人世居布特哈之達呼爾乾隆三十八年以領催從征金川四十一年攻克噶喇依賊巢將軍阿桂奏補驍騎校賞戴藍翎四十八年遷佐領五十六年遷副總管十一月從征廓爾喀五十七年隨參贊海蘭察攻克博爾東拉各處營寨木城賞換花翎嘉慶二年七月從征川省邪匪三年正月隨參贊德楞泰追剿賊首高均德至陝西南鄭值賊眾涉淺偷渡漢江卽率兵衝入江心迎擊以功賞給斐禮巴圖魯名號三月隨德楞泰馳至山陽小廟口適張添倫股匪竄至遂與德楞泰分兵兩路迎擊自辰至酉殲賊二千餘名四年十月隨德楞泰擒高均德於

西鄉大市川五年四月敗張子聰股匪於潼河六年二月追剿樊人傑股匪至通江獅子嶺偕侍衛武隆阿帶領馬隊直前衝入射斃偽總兵周一洪擒斬賊千餘名奉 旨交部議敘 賞給額外總管五月隨提督七十五至川東亮垭子山梁奮擊湯思蛟股匪賊潰追至崖屋子長嶺岡連破賊卡三座斃賊二百餘名又於陝西平利大坪山後隨四川總督勒保策應七十五攻克藍號王士萬股匪追至乾溝子殺賊百餘名十月七十五攻賊於川北太平烏龍溪山梁富僧額帶馬隊由溝底旁抄橫襲殺賊匪王曰貴等三百餘名七年三月隨德楞泰進剿綠號賊匪於雲陽奉節界之鳳皇山擒教首李世漢李國珍等又追剿白號賊匪張長青於萬

縣大水溪均有功是年冬軍務告蒞八年二月偕侍衛明喜管領
東三省官兵凱旋進京引見記名十年補布特哈總管十一年
八月隨木蘭圍獲鹿賞穿黃馬褂是月隨護軍統領溫春等前
赴陝西勦捕甯陝鎮叛兵旋即事竣十三年擢察哈爾副都統十
四年二月卒子德普星額見任驍騎校

右 國史館本傳

--	--	--	--	--	--	--	--	--	--

169 - 364

德勒克扎布

德勒克扎布博爾濟吉特氏正白旗蒙古人一等子爵溫都遜之子由閒散於乾隆四十年授藍翎侍衛四十六年遷三等侍衛四十七年升二等侍衛在蒙古奏事處行走五十年十月擢頭等侍衛授伊犁領隊大臣十一月奉旨來京仍在蒙古奏事處行走旋挑充乾清門侍衛五十二年授圍場總管五十五年授哈喇沙爾領隊大臣六十年正月授墨爾城副都統十二月調熱河副都統嘉慶元年四月保送城守尉將協領德保觀德二人咨部引見諭曰各省將軍大臣每次保舉協領一員德勒克扎布自應酌量保舉一員畱一熟練之人辦事乃初至熱河於屬員賢否未

能深悉遽行保送明係瞻徇邀譽著嚴行申飭二年三月咨稱熱河駐防兵丁請照京城之例給予閏月米石經大學士由戶部議奏奉 旨准其賞給四年五月奏請將熱河資生銀兩給予操演兵丁 諭曰此項資生銀兩原係 皇考每年 巡幸熱河因彼處官兵差多特加 恩賜德勒克扎布因朕本年不巡幸熱河請將此項賞給操演兵丁嗣朕巡幸熱河時又如何賞給耶況賞賜出自朕恩大臣任意市惠此風甚惡惟知沽名殊未思恩威大權不可下移甚有關係德勒克扎布著嚴加申飭五年正月因口芳園居庫銀被竊 上以德勒克扎布有應得之咎 命來京候旨嗣因正犯未獲案難審結奉 旨德勒克扎布仍畱熱河副都統

任十月奏孛獲夥口芳園居庫銀正犯葛光亮李國旺等解京
命交刑部嚴審得實德勒克扎布以失察交部議處部議降二級
調用 賞給頭等待衛在大門上行走十一月授烏魯木齊領隊
大臣八年八月 上駐避暑山莊總管圍場副都統韋陀保以天
氣較寒水涸草枯具奏 上命王大臣等查勘十數圍不見糜鹿
之跡奏稱管圍場大臣平時稽察不力兵民潛入圍場偷取茸角
致鹿隻驚竄遠颺 上准蒙古王公等所請停止行圍 命將韋
陀保及前歷任副都統交部分別嚴加議處部議德勒克扎布降
二級調用 上加恩改爲降三級畱任九年二月調喀什噶爾幫
辦大臣四月調庫倫辦事大臣七月 獮典屆期 上命御前大

臣拉旺多爾濟赴木蘭查勘本年所定十三圍內仍未見有鹿隻
並查得嘉慶四五年因 裕陵六牌樓並 萬年吉地工程應用
木植奏准於圍場處所所伐司事者辦理不善任令匪徒偷斫牟
利茲因圍期伊邇將未運之木焚燒滅跡致令鹿隻遠逸 諭曰
此項工程需用木植係嘉慶四年間前任熱河副都統德勒克扎
布總管姚良奏請辦理伊等不但辦理不善且恐有別項情弊德
勒克扎布姚良均著來京候旨八月總理行營王大臣會同軍機
大臣 行在刑部審擬具奏德勒克扎布承辦大工木植時原奏
定於莫多圍等十四處無礙行圍地方所伐旋因大件木料不敷
並不據實檢舉奏明請 旨輒令委員擅向行圍處所所伐委員

德新泰等奉行不善濫斫多株復將散棄餘木任意燒燬遂致牲
獸驚逸連年貽誤 秋獮大典實由德勒克扎布辦理舛謬所致
擬革職杖一百徒三年照例免遣折枷 諭曰本應照議懲治姑
念德勒克扎布係一糊塗蒙古且曾任大員著革職免其杖徒折
枷十月 賞給藍翎侍衛授圍場總管給六品俸銀十一年正月
喀什噶爾參贊大臣和甯奏審辦哈喇沙爾庫帑虧空一案因歷
任大員將存庫銀兩借給官兵商民回子土爾扈特等以致虧空
奉 旨德勒克扎布著交部嚴加議處來京聽候部議尋議降三
級調用 上命軍機大臣等查彼處虧空庫貯始自何人二月查
明乾隆五十九年彼處辦事大臣係德勒克扎布 命卽革職解

京四月和甯奏此案德勒克扎布在任最久曾於前任糧員雙祥借那庫項漫無覺察復將伊克精額保升主事銜辦理糧餉接收雙祥交代以致緘虧纍纍 命交軍機大臣會同刑部審訊定擬具奏尋經訊明糧員伊克精額私行那借庫項係紉武布任內始行入冊紉武布已另案革職而德勒克扎布任內亦有虧缺庫項彼時並未入冊奏入 諭曰德勒克扎布任內亦虧缺是治罪當自伊始但彼時並未列入冊內且伊本不識漢字致被朦混情稍可原著加恩以理藩院七品筆帖式用伊於蒙古語尙能熟習其未得缺之前先著在該衙門行走十二年二月因回疆弁兵越級戴用官頂 上命傳至軍機處詢問稱事隔多年不能記憶 上

以其飾詞卸過 命革去筆帖式發往熱河充當馬甲八月授理
藩院筆帖式十三年三月 賞三等侍衛授烏魯木齊領隊大臣
十四年三月卒子策齡承襲德勒克扎布兄德勒格楞貴一等子
爵見充二等侍衛

右 國史館本傳

正徳三年三月三日

了

德楞泰 子蘇冲同

德楞泰伍彌特氏正黃旗蒙古人乾隆三十五年由前鋒授藍翎
長隨征金川石峯堡臺灣俱有功累遷前鋒參領 賜繼勇巴圖
魯名號五十六年授健銳營翼長五十七年隨將軍福康安參贊
海蘭察征廓爾喀七月以冒雨涉險攻克熱索橋等處賊寨加副
都統銜事定圖形紫光閣 命儒臣製贊十 月補鑲藍旗蒙古
副都統管理健銳營大臣五十九年三月授正紅旗護軍統領六
十年二月黔苗石柳鄒楚苗石三保叛陷松桃廳永綏廳 上命
德楞泰帶領巴圖魯侍衛章京馳驛赴鎮筸隨雲貴總督福康安
剿辦賊掠永甯甯甸伺永綏後路阻運道德楞泰駐花園隆團等處

禦之屢有斬獲三月福康安解松桃永綏圍檄德楞泰前赴大營
進攻賊集時首逆吳半生與石柳鄧石三保爲首援率眾踞大烏
草河德楞泰偕都統額勒登保疊次攻克沿河寨落七月渡河抵
盛華哨山半木城甚固德楞泰相度附近山梁築小石城一座安
設礮位斷賊汲路遂克木城得 旨賞賚八月克古丈坪九月進
抵摩手寨賊搆石城於懸崖懸延數里德楞泰率兵勇降苗由閒
道至寨後出賊不意奪據石城乘勝進兵遂與額勒登保生擒吳
半生於高多寨 特授內大臣十月由龍角峒進攻鴨保寨克木
城石卡三十餘座又克天星寨木城七石卡五獲賊目吳八月於
臥盤寨賊踞平隴借額勒登保連奪險要苗寨破其門戶嘉慶元

年五月福康安卒於軍時石三保就擒平隴未下六月隨四川總督和琳先攻乾州復之七月進攻石柳鄧於平隴降三岔坪苗寨奪據強虎哨山梁八月和琳卒德楞泰仍偕額勒登保巡撫姜晟進軍平隴屢克巖人坡大壩角等苗寨九月上命將軍明亮提督鄂輝馳往協剿十月克平隴命署正黃旗領侍衛內大臣仍在御前侍衛上行走石柳鄧遁踞貴魚坡復於養牛塘山梁修築石卡迫脅降苗爲抗拒計我兵攻克之諭曰養牛塘山梁地勢險要據奏情形雖係明亮等公同籌酌辦理而帶兵打仗自係額勒登保德楞泰二人親赴前敵督率進剿著各賞銀一千兩以示獎勵十二月逆首石柳鄧就殲詔封二等子爵加賞銀五千兩旋

獲吳八月之子吳廷義并各首逆家屬 賞戴雙眼花翎二年正月移兵永綏擒斬張坪馬寨未降苗首石花延石花保麻普延隴長受等苗疆大功告蒞二月奉 命偕明亮率兵三千並滇兵三千馳赴四川剿辦邪匪時總督宜縣收復東鄉縣治賊首徐添德王三槐竄踞金峩寺明亮先結營馬耳峯緊逼賊巢德楞泰馳至合兵由冉家埡口奪險直前攻燬金峩寺殲賊無算獲大礮三十六鳥槍刀矛軍械無算徐王等賊眾二萬又竄踞重石子香鑪坪其南有分水嶺西南有火石嶺賊卡林立我兵分路奪嶺進攻王三槐率眾五千撲營德楞泰督兵敗之三槐中槍逸獲其義父賀宗盛賊目鄭文禮五月德楞泰攻破重石子明亮亦攻破香鑪坪

殲賊萬計復追之於陳家壩精忠寺等處擒徐王二逆之母槍斃
傳教首孫士鳳賊黨僅存千餘人會襄陽首逆齊王氏姚之富樊
人傑等率眾二萬自楚入川與徐王二逆合齊王氏姚之富稱黃
號徐添德稱青號王三槐稱白號設掌櫃元帥先鋒總兵偽稱屯
開縣之南天洞溫陽井賊勢並熾我兵攻破南天洞賊分走雲陽
萬縣雲陽教首高名貴糾眾數千欲與徐添德合德楞泰偕宜縣
明亮等以計擒高名貴盡殲其眾於陳家山 優旨賞賚七月齊
王氏等由奉節巫山東走楚境德楞泰明亮順江而下繞出宜昌
兜剿賊復南趨德楞泰畱明亮屯宜昌自趨荊州迎擊賊適攻遠
安縣城解其圍 上嘉之八月賊犯荊門宜城偕明亮追擊至獨

樹塘會東三省勁兵自北至合剿賊大潰荆門宜城得全是月賊欲北渡襄江竄河南德楞泰偵知東面楓樹埡西面耗子溝爲渡江要隘偕明亮分路追剿殺賊千餘擒僞副帥袁萬相劉登發等截賊回湖北得旨賞用紫韁九月屢殲賊隊於房縣竹谿竹山境賊走陝境平利圖入川東大甯我兵敗之於樹河口殺賊數千賊僞元帥張世虎僞副帥李得思等賊走紫陽又合白號高均德股匪西走漢中十一月賊欲竄漢江北渡德楞泰飭副都統烏爾圖納遜率黑龍江官兵衝入江心擊殺甚衆截賊入川先是上以齊王氏姚之富爲賊首中緊要之犯諭令設法擒獲不必分心他處三年正月齊姚二逆竄聚廣元甯羌山中而高均德一股

徑由南鄭渡江滋擾褒城德楞泰偕明亮奏言高逆北竄漢江以賊情而論齊姚爲各逆之魁自宜先籌剿辦以地勢而論高均德旣已渡江如東竄興安則與西安省會甚近是以臣等星夜帶兵由沔縣褒城馳抵漢中截剿酌畱弁兵於甯羌沔縣防禦齊姚二逆北竄漢江之路 上以明亮德楞泰舍大股賊匪於不問輒帶全隊勁兵追剿高均德僅畱弁兵數百名在後防堵茫無主見調度失宜 命拔去花翎革退世職紫韉並追前所賞銀五千兩入官時大兵方追高逆於城固洋縣齊王氏姚之富遂乘虛由石泉渡江與高逆合東走漢陰廳 上以德楞泰明亮二人厥罪惟均而節次所奏打仗情形皆係德楞泰帶兵在前明亮不過在後接

應禡明亮職作爲領隊帶兵仍責德楞泰偕宜縣上緊勦辦三月窮追齊姚二逆由山陽至鄖西日行百七十里擒斬一千八百餘賊三千眾踞鄖西三岔河拒守我兵盡殲之獲賊目王如美朱正聲等齊王氏姚之富俱投崖死奏入得旨嘉獎高均德由鎮安竄雒南我兵敗之於兩岔河斬白號僞元帥高大高二藍號僞元帥宋大宋三黃林高等餘賊與李全張添倫股匪合五月又敗之於五郎廟高均德率眾自甯羌走廣元合黃號龍紹周藍號冉文儔各股二萬眾踞渠縣之大神山諭曰德楞泰縱賊竄入川境合夥迄未擒獲一名種種遲緩罪竟與明亮埒著革去御前侍衛署領侍衛內大臣都統仍畱副都統職銜以觀後效七月偕尙書

惠齡將軍恆瑞攻克大神山左右賊卡先後設伏斬三千餘級賊
眾將竄營山官兵蹙之於黃渡河斬級四千餘賊目禹斯珍冉文
宇等高均德中箭逸入營山縣之箕山與羅其清合羅其清者巴
州白號首逆賊黨萬餘結寨箕山徑圍百餘里東西西北三面皆陡
崖惟東南有路可通八月青號徐添德王登廷黃號樊人傑等逆
踞鳳凰寺阻營山渠縣運道與羅其清爲犄角我兵攻克鳳凰寺
而箕山仍負固不下尋以副都統福甯查覈德楞泰所支軍需銀
兩每月濫支四萬餘兩疊奉 嚴旨切責十月德楞泰等分三路
進兵奪賊卡七賊寨六遂克箕山羅逆退踞大鵬山適額勒登保
自關中儀隴帶兵至軍合剿十一月賊以雨夜出寨劫我營卡德

榜秦潛伏賊寨之南門四布雲梯乘閒撲入焚其寨額勒登保惠齡襲破西門殺賊四千殲羅其清之父羅從國尋合兵窮追其清於巴州方山坪擒之并獲其弟羅其書其秀子羅泳福等俘斬賊六千脫被脅難民數百得旨賞還花翎四年正月冉文儁自箕山敗走至通江麻壩屯踞德榜秦偕惠齡及總兵朱射斗合兵進攻以元旦生擒冉文儁盡獲賊眾數千獲牛馬米糧旗幟軍械無算賞頭等輕車都尉世職二月徐添德及白號賊冷天祿等股由墊江鄰水分竄涪州詐稱難民入鶴遊坪寨劫掠德榜秦馳至偕額勒登保擊退之時四川總督勒保爲經略大臣奏言各路帶兵大員中額勒登保德榜秦尤爲知兵曉事因檄令德榜秦專勦

徐添德大股尋追徐逆於開縣之大梁殲擒賊目李士貴趙興宗等三月徐逆自大甯北折入陝我兵追及於太平縣修基壩又遇龍紹周唐大信等股匪俘斬各數百脫被難民三千三百餘上以其能遇賊竄陝嘉之嗣徐添德遁入大甯老山合龍紹周唐大信樊人傑龔建卜三聘張添倫辛聰各股我兵被其輾轉牽綴疊奉 嚴旨申飭七月諸賊被驅出山由奉節巫山東竄楚境緣號首逆龔文玉亦自夔州入石坪踵至德楞泰分兵痛殲之追至竹谿大禾田又俘斬一千四百餘生擒龔文玉及賊目卜三聘李谷清偽元帥龔其位等 賞騎都尉世職八月勒保以賊眾犯楚被逮 命額勒登保爲經略大臣德楞泰督兵由房縣至興山截剿

徐添德等股偪回川東擒賊目張世達旋緊躡張添倫辛聰等股入陝楚境肅清十月高均德改名郝以智率高家營賊眾萬餘出白河至五塊石欲走西鄉窺伺漢江龍紀周冉添元等又率賊眾至放馬廠欲走紫陽德楞泰聞信督副都統賽冲阿温春等馳回破放馬廠之賊卽由心子溪至大市川進剿高家營賊眾追殺百二十里擒高均德及黃號僞元帥王臨高僞先鋒閻慎卿閻慎雄秦學順斬藍號僞元帥曹明魁等俘高均德至京師 諭曰德楞泰前因拏獲珥文儔賞給頭等輕車都尉世職嗣又生擒龔文玉加賞騎都尉世職例應併作三等男爵今加一等賞給二等男爵授爲參贊大臣十一月進兵川北殲白號賊口張金魁於通江空

水河橋僞總帥符曰明僞元帥王佐銀耿向榮於廣元縣八村十
二月追鮮大川苟文明股匪至川東賊瞞大兵俱在川境遂先後
入陝甘界滋擾五年正月德楞泰偕額勒登保分路馳詣秦州而
藍號賊冉添元黃號賊徐萬富青號賊汪瀛綠號賊陳得俸等三
萬眾及白號賊張子聰度向瑤雷世旺等二萬眾遽乘閒由定遠
竄渡嘉陵江西岸分擾南部鹽亭西充各縣境總兵朱射斗沒於
陣 諭曰川西重慶潼川各府地方蕃庶爲賊匪素所窺伺今一
旦乘閒竄往該處百姓又未築堡防守自必肆行焚掠朕心深爲
憫惻寢食不甯德楞泰務須速赴川西合力勦除勿使賊匪蔓延
二月冉逆等竄江油縣新店子德楞泰由武連驛閒道追及賊分

四路每路馬賊各四五百步賊各二三千迎戰我兵亦分路衝入賊巢副都統賽冲阿温春等突遇伏賊被圍德楞泰往援鏖戰一日殺賊無數重圍立解生擒賊首陳得俸 上嘉其功授內大臣冉添元善用伏賊眾推爲主帥新店子之敗負箭傷遁三月連敗之於重華堰佛耳巖冉逆因伏賊深箐中誘我兵深入德楞泰察其奸密備前進遂痛殲賊眾於梓潼馬蹏岡火石埡一帶擒徐添德及偽總兵解其順等 諭曰德楞泰此次帶兵入川連獲勝仗今又五日四戰破賊奸計殲厥渠魁深堪嘉獎著加恩晉封三等子爵以示優眷尋 命署成都將軍是月大破賊股於劍州李家坪石門寨等處俘斬偽總兵李斌偽先鋒董廷華等賊眾三千脫

難民一千三百餘 命仍投御前侍衛俄白號賊張子聰度向瑤
雷世旺等率眾由射洪縣王家背竄潼河西岸屯踞蓬溪分股攻
圍成谷太和仁和仁義四民寨德楞泰率賽沖阿等輕騎追及痛
殲之馘賊首雷世旺俘斬偽總兵吳學周等分飭侍衛達勒精阿
副將倭星額等援成谷太和等民寨圍始解奏入 諭曰前次德
楞泰在李家坪等處將賊眾大加殲戮復跟蹤追剿原冀前有潼
河阻隔將賊匪偏投絕地以期一鼓殲除詎料該處河內船隻並
未撤泊他處兵勇又不能實力堵禦以致騎馬之賊得以淌渡搶
船竄過潼河西岸德楞泰帶兵踵至追擊未經渡河之步賊殲獲
淹斃甚多並緊躡賊蹤擒殄首逆要犯及大小頭目多名其殲賊

一千三四百名獲賊及被脅難民一千三百餘名並救出四寨被圍之百姓一萬數千人實屬可嘉之至德楞秦爲國出力拯救良民旬日之間捷音連至自應再加懋賞用獎勤勞著晉封一等子爵實授成都將軍時四川總督魁倫以失守潼河逮同起勒保爲四川總督命與德楞秦合兵剿賊四月白號藍號賊分擾遂甯安岳樂至各縣境並偏中江有趨成都之勢德楞秦偕勒保夾擊連敗之殲級數千賊始東竄邀擊之嘉陵江口陳家渡龔家灣等處俘斬及淹斃者又三千餘脫難民一千四百餘潼河兩岸肅清民心大定上深嘉之以其子三等侍衛蘇沖阿升授二等侍衛閏四月追賊至川東達縣新甯各縣境殲藍號僞元帥劉君聘白

號僞總兵苟文富等又戮僞軍師何上達於鄰水七孔溪賊敗竄
川北會苟文明鮮大川樊人傑各股復由陝入川通江南江巴州
各屬告警五月移師川北殲藍白號賊目鮮中等賴掌櫃等六月
賊走營山梁縣窺伺嘉陵江岸德楞秦截剿之於思陽河尋與勒
保合營追擊百餘里至岳池縣新場殲擒僞總兵吳耀國僞先鋒
鮮文炳賊目苟文禮大掌櫃劉崇照總旗手張文元等及餘賊四
千七月賊首鮮大川爲寨首鮮文芳誘斬苟文明以數百人遁時
監號賊屯聚南江廣元蒼溪界之九龍場肆擾德楞秦襲之殺賊
千餘八月借勒保合剿白號賊於東鄉太平境白號旋與青號賊
趙麻花合我兵扼之於茅坪倒流水擒斬賊二千殲僞副元帥湯

思舉九月趙麻花復合大甯老林賊王珊欲向陝境迎徐添德股
匪至川我兵由江口截剿至雲陽先後殲斃趙麻花王珊偽總兵
何其信十月楚境黃白藍綠四號賊股由房縣走夔巫一帶高家
營賊眾及黃號龍紹周等股復由太平通江北竄兵至賊去兵去
賊至樊人傑冉學勝王士虎王幅賢冉添士等股遂由川入陝徐
添德一股又由陝入楚十二月 諭曰樊人傑等即係黃白藍綠
股內之賊前此由陝竄入川境德楞楞秦勒保曾奏明赴川東截剿
乃並未上緊剿辦任此數股賊匪假道竄陝德楞楞秦既不能在川
剿淨即當跟蹤赴陝幫同剿捕方爲無分畛域乃心存諉卸竟將
大股賊眾委之陝省致竄漢江北岸額勒登保在漢江南岸督辦

徐添德等不能乘閒竄楚是勦賊將有頭緒又因德楞泰堵築不力致全局又形散漫德楞泰係一等子爵本應斥革姑念今春在嘉陵江以西勦賊尙爲出力著加恩降爲一等男稍示薄懲是月藍號李炳白號楊開第黃號齊幗謨等賊眾八千窺伺嘉陵江德楞泰偕勒保合兵襲之於渠縣安仁溪又扼之於儀隴觀音河先後俘馘四千餘殲斃首逆楊開第齊幗謨僞副元帥馮中謙等命賞給三等子爵並御書福字賜之六年正月移師入陝會白號首逆高二自洵陽偷渡漢江圍入河南德楞泰追及之於山陽縣乾溝俘斬傳教首逆龔如一僞元帥閻慎珍等二千餘眾命賞還一等子爵時高二亡命奔竄德楞泰探明賊蹤乘雪夜窮追

箭斃高二於野豬坪並擒僞先鋒王儒等 恩旨賞賚下部優敘
並以其子蘇沖阿升授頭等侍衛二月馳抵興安勦龍紹周股匪
偏令西入川境龍逆率萬眾分前中後三營屯踞大甯長壩二郎
壩等處我兵痛殲之馘賊二千擒僞總兵趙志成僞先鋒包萬才
戴世榮等賊眾七百餘脫陝省難民千餘川省難民八百餘獲礮
械旗幟騾馬甚夥奉 旨交部議敘三月龍逆遁湖北之竹山房
縣又敗之仍走四川之太平縣老林德楞泰勒兵就興山截勦徐
添德殄擒賊眾三千脫難民八百餘得 旨賞還雙眼花翎四月
首逆徐添德合黃號賊樊人傑曾芝秀藍號賊陳朝觀龐士應等
竄陝據白河縣黃石板分股圍天保萬安兩寨德楞泰派兵往援

卽親率將弁直取黃石板賊巢擒龐士應及僞總兵方文魁蒲子
榮陳添貴等馘賊二千陳朝觀尋亦就縛五月大破賊眾於西鄉
獲徐樊二逆之妻徐添德由西鄉東趨紫陽德楞泰督賽冲阿温
春等蹙之於仁和新灘大雨水漲添德溺斃奉 旨德楞泰交部
優敘時龍紹周乘官兵追勦徐逆復糾眾闖入房竹一帶德楞泰
仍督兵偪回太平殲擒僞元帥姜洪斌支茂乾僞先鋒陳文明僞
總兵熊世金等并解散凡數千眾八月追龍紹周至巫山巴東獲
其妻子及僞軍師王鵬老教首李天棟僞元帥張添貴僞先鋒李
盈等九月又擒龍紹周之兄紹海弟紹華龍逆僅以二百餘人遁
德楞泰率賽冲阿温春等冒雨窮追十月遂殲龍紹周於平利岳

家坪擒斬僞總兵胡朝位曹應彪僞先鋒劉泗玉賴大魁等餘孽全數埽除 諭曰德楞泰自嘉慶四年以後節次殲擒首逆加恩遞封爲一等子賞還雙眼花翎本年又將徐添德龍紹周兩股劇賊全行殲滅厥功甚偉著加恩晉封二等伯並賞給黃面貂皮馬褂又 諭德楞泰曾賞繼勇巴圖魯名號著原賞名號封爲繼勇伯十一月偕勒保疏言四川重慶川北兩鎮所轄營汛界連陝楚自巫山以至廣元縣長二千餘里兩鎮駐劄較遠有鞭長莫及之勢請於太平營地方添設副將一員駐劄城內原設都司移駐城口通江縣屬之竹峪關廣元縣屬之黃楊堡大甯縣屬之徐家壩巫山縣屬之大昌等處地居萬山之中爲三省出入要路請各添

建城堡設立守備一員各添兵二百五十名又達州爲教匪起事之地民俗刁悍撫治綦難請改達州直隸州爲知府改太平縣爲太平廳直隸同知卽以太平縣缺改爲府治附郭之達縣 上從之尋名府曰綏定十二月白號首逆苟文明糾合各股零匪西擾甯羌德楞秦馳赴廣元偕額勒登保夾擊賊遁回川北大敗之於通江瓦山溪賊走開縣姚成壩糧臺德楞秦派兵馳救自率輕騎赴大甯斷其入楚之路七年正月苟逆又由川入陝偷越漢江北竄會川東零匪滋擾 上仍命德楞秦專辦川賊因奏言近來賊勢衰殘自苟逆外皆不成股數惟三五散行晝則改裝肆掠夜則四出摸樁致道路不通閭閻受害大兵一到又皆瓦解四散無迹

可尋臣見擬由川楚交界之八石坪自東而西酌派將佐分爲多
路或充團勇或充行旅或充難民或竟充零匪庶能到處殲除
諭曰此等機宜只期勦捕有益德楞泰可隨時酌辦朕亦不爲遙
制也二月破綠號餘匪於奉節縣之鳳凰山斬僞元帥龔其堯擒
教首李世漢李國珍父子僞總兵余佐志唐大高等又勦白號張
長青股匪於雲陽大水田三月長青敗走開縣時黃號樊人傑藍
號崔宗和胡明遠戴四通江藍號蒲添寶各股賊匪聚楚境之歸
巴興房一帶德楞泰聞信卽移師入楚 諭曰德楞泰能統籌全
局無分畛域且並不拘泥前次分界督勦之旨帶兵過楚正與朕
意相合深得大臣公忠體國之道殊屬可嘉楚省賊匪中樊人傑

積年老教最爲狡詐務須上緊設法將該逆速就殲除則餘匪自可漸次廓清亦可消伏莽未起之患四月樊戴各逆由房縣至歸州欲合蒲添寶股匪德楞秦率精兵閒道星馳三百餘里抵東湖霧渡河繞出賊前使不得合賊以四千人踞雞公山我兵分兩路迎擊斬級五百擒僞先鋒劉應儒僞總兵熊方杰王洪桂等數百解散賊黨二千時蒲逆屯當陽河尙五千餘眾五月我兵三路冒雨進攻殲賊八百擒僞總兵王元洪馬重禮等蒲逆以僞先鋒井英甫起才張揚苟大秀四人拒戰皆負創走又敗之於穆家溝魯家垵擒斬千餘賊勢殘敗德楞秦劬副都統色爾袞總兵蒲尙佐畱勦蒲逆仍自移師東趨探勦樊人傑冒雨入馬鹿坪大山出賊

不意痛殲之樊逆竄至竹山平口河惶急投水死其妻子弟姪悉就獲樊人傑倡亂最久各逆僞封咸出其指揮至是全股掃蕩上偉其功晉封三等繼勇侯爵 上以軍務不日告竣 諭妥籌三省鄉勇七月奏言鄉勇之設起自臺灣嗣後平定苗疆及此次勦辦教匪均有招募元年二年閒川省應募者有三十七萬之多陝楚兩省亦復不少陝之漢江川之嘉陵江楚之鄖西並三省邊界近山各屬其城守卡隘臺站有兵力不敷防範者不得不藉鄉勇爲協護用以禦賊卽使之自衛身家又可制其從賊之心其隨征鄉勇藉本地之人爲之哨探嚮導故進勦抄襲較爲便捷但不諳紀律不知進退每致失機債事是以川省節年裁汰已去三十

五六萬偶有一二不法之徒臣與勒保先後奏明正法嚴辦至今帖然無事此臣親歷情形也見在三省征防鄉勇尙有一萬七千數百名事竣均須安插查三省新添營制應增兵額一萬餘名請將情願入伍者散於各營揆次補額作爲新兵其不願入伍者聽仍優加賞賚遣令回籍俟遣散後各處鄉勇甯謐然後再撤官兵上是之是月蒲逆乘閒劫我營卡將弁有被害者復輾轉奔竄於興房甯巫合黃藍白號餘匪增至一二千人德楞泰率色爾袞等奮力進剿斬獲過半八月窮追至竹溪瓦屋溝蒲逆墜崖死奉旨交部優敘尋諭曰八月二十九日德爾吉行圍德楞泰之子蘇沖阿射鹿跪獻當卽賞穿黃馬褂蘇沖阿甫經挑在乾清門不

過循分當差因念德楞泰在軍營帶兵勤勞懋著是以加恩伊子德楞泰當倍加奮勇速成大功永受厚恩九月藍號崔胡戴四及青號熊翠熊方青陳侍學各股竄聚竹溪巴東興山老林德楞泰聞道截剿擒熊翠妻孥及僞元帥張書中漢等尋偕湖廣總督吳熊光奏請以次裁撤東三省各直省隨剿兵丁及豫省防江兵勇從之十月率總兵馬瑜副將尼瑪善等殲斃戴四於興山施家溝擒僞元帥趙鑒又擒陳侍學於巫山黃泡地並俘斬僞總兵李學進何從盛黃號僞先鋒何金堂等十一月殲斃熊翠於開縣銅盆溪其餘著名首逆亦多爲額勒登保兩路大兵殲除或被圍練縛獻遂以十二月偕額勒登保等奏報大功戡定 諭曰德楞泰前

於平定苗疆時曾賞給子爵自投爲參贊後督率將士奮勇超倫所向克捷前後殲賊最多勳蹟炳然節經封至三等侯爵著加恩晉封一等侯加太子太保銜賞用紫韁伊子蘇沖阿並賞給副都統職銜卽著齎送賞件前赴軍營看視額勒登保及伊父德楞素用示優眷八年閏二月督兵至巫山大甯剿淨青號劉渣鬍子股匪四百餘眾又殲斃黃號曾芝秀於大甯漆樹梁四月入楚擒白號僞元帥冉璠於興山白果園擒藍號首逆於黃柏鋪五月擒老教首趙鑾之姪趙聰觀於巴東白家河六月奏請將湖北巴東竹谿房山分爲三段四川巫山大甯分爲兩段劃清疆界各派將弁排搜會哨以專責成報 可七月偕額勒登保會奏官兵剿捕餘

匪全竣卽迎 旨北上瞻覲 天顏 上慰悅下部優敘 命蘇
冲阿親齎賞件迎交祇領八月至熱河 行在 御製詩賜之曰
廟謨夙領久超羣 屢典戎行勇略聞 著川中安萬姓名揚 閩外
冠三軍 褒封特建千秋業 受澤毋忘百戰勳 福將來朝請事定 救
甯遵路息紛紛 命在紫禁城騎馬九月解參贊大臣銜 尋以陝
省南山零匪煽動 偷越漢江由西鄉入川 上以德楞泰係成都
將軍令赴川督勦代額勒登保還京十二月遇賊於平利大橫山
梁副將張應貴都司彭家棟戰歿賊黨內多有曾克鄉勇者我軍
前敵鄉勇軍功首領魏忠才等請齎諭帖赴賊寨招降德楞泰許
之已而忠才等七人俱被害 上以德楞泰不加搜勦意圖招撫

致墮賊人奸計切責之九年二月 賜額勒登保欽差大臣關防
赴軍營會同督勦賊輾轉於川陝沿邊山內三月斃賊目大掌櫃
苟文華僞元帥王振等於興隆坡賊鋒稍挫遁入老林四月 諭
曰此起零匪德楞泰勦辦最久其貽誤之咎尤重著降爲二等侯
革去內大臣紫韁降戴單眼花翎六月額勒登保以病解欽差大
臣關防移交德楞泰專辦尋率將弁楊遇春豐紳馬瑜田朝貴等
痛勦賊眾於川陝交界之鳳凰寨殲擒僞元帥羅思蘭符廷伏李
如玉周天良僞總管王宗福紀友亨蕭昌奉王士奇得 旨賞還
紫韁雙眼花翎時賊勢潰散而首逆苟文潤仍率眾入化龍山老
林抗拒八月軍功鄉勇趙洪周詣賊僞降乘間梟文潤首以獻餘

匪竄老鴉絆經楊遇春伏兵截殺尋又斬獲大小頭目苟詔賢王
添詔杜春陳勝魁等全股掃除先後奏入 賞還一等侯爵內大
臣九月 諭曰上年七月閒額勒登保德楞泰以成股之賊次第
剪滅地方廓清當經馳報全捷嗣緣山內逃匿之匪三五成羣復
行嘯聚自當趁此大兵未撤之際嚴加搜捕以期淨絕根株特命
額勒登保德楞泰先後接辦一年以來窮搜川陝一帶大山老林
蹤跡殆徧復將苟文華羅思蘭苟文潤各號頭目偽總管等以次
殲擒其夥匪皆悉數斬獲三省地方更無一名遺孽從此海宇敉
甯永銷兵革可與率土蒼生共享昇平之福除額勒登保見已遵
旨起程回京外德楞泰著加恩交部從優議敘十年六月奏會哨

弁兵擊斃潛匿老林之首逆世貴等得旨嘉獎八月額勒登保卒於京上召德楞泰回京供職補正白旗領侍衛內大臣十月充方略館副總裁官十一月署鑲藍旗滿洲都統十一年三月以洋匪蔡牽犯臺灣命赴閩督剿未至蔡逆遠竄仍奉旨還京六月命爲後扈大臣總理行營事務並管理兵部及健銳營事務七月甯陝鎮新兵陳達順陳先倫向貴等叛陷新舊城戕官劫餉尋攻陷洋縣走城固石泉鄠縣郿縣盩厔各境滋擾命德楞泰爲欽差大臣馳往剿辦九月官兵分四路困之於兩河進口關及褒城畱壩等處叛賊蒲大芳王文龍等棄械乞降縛獻首逆陳達順等三人磔於軍前並將願降賊眾及被裹難民四千餘收集

一處分別辦理又截回在後拔營逃竄之遊匪千餘殲爲首朱有貴等五人奏入 上嘉其辦理迅速交部議敘尋奉 諭以叛賊窮蹙請命人數衆多自斷無槩予駢誅之理其情罪甚重除褻脅難民先行釋放外其從賊之犯仍當分別監禁請旨覈辦十月偕總督倭什布奏言遣散被脅難民三千八百餘名收繳長矛三千五百餘件其隨同滋事各營兵丁二百二十四名見擬遴選將弁分投管帶暫歸原營約束操防 諭曰所辦錯謬已極賊匪罪犯不赦卽因其畏罪乞降亦不過貸其一死已屬法外施恩豈有仍令各歸原營充當兵丁之理該叛賊等本由鄉勇充當新兵自作不靖今因其悔罪投誠毫無罪譴不但該匪等罔知畏儆且與各

營守分官兵無所區別何以靖人心而肅軍紀德楞泰上次奏到時朕所降諭旨甚明自當候旨遵辦今率叛賊仍歸營伍其膽大擅專尤出情理之外德楞泰著退出御前侍衛領侍衛內大臣管理兵部事務管圍大臣將上次所給議敘撤回交部議處尋命補西安將軍部議請照溺職例革職諭曰德楞泰擅將賊中投出之民人匪犯三千八百餘名悉予資遣回籍此內并有各處軍流人犯曾經助賊抗拒者悉置不問甚至將曾充兵丁叛逆滋事之二百二十四名交與將弁管帶各回原籍約束操防其糊塗錯謬壞法養奸一至如此部議革職甚屬允當姑念德楞泰前此勦辦邪匪有功特加恩改爲革職畱任但此事非尋常錯誤可比仍

俟八年無過方准開復十一月德楞泰會同總督全保巡撫方維
甸奏請將降賊二百二十餘人與各處未動新兵三百餘名以新
換防爲名分起調出凡係降賊頭目入於末起中途相機拏解到
戍後撥給各回城爲奴 諭曰國家明罰敕法措正施行不值於
此等頑愚馭之以術今旣以換防爲名莫若加恩卽令永作新疆
回城戍兵不准換回將來亦不得再有升擢以示懲創如稍不安
分在彼滋事卽當從重辦理十二月偕方維甸疏陳甯陝等鎮營
事宜一甯陝鎮始於嘉慶五年其時邪匪被官兵驅逐動輒竄入
南山搜尋不易又因各路隨征鄉勇散遣難盡亟籌安插之法於
是設立此鎮通管轄十營新兵六千八十名惟是各營相距遼闊

究於統轄非宜而總兵所管額兵多至六千餘名亦與營制未協請將畱壩西江口一營改歸固原提督轄孝義營改歸陝安鎮轄並請裁減各營守兵二千二百四十名一南山內分汛弁兵及陝安興安分出各汛應分別酌畱移併一漢中協存城兵丁無多請將銅廠營守備改爲漢中協守備所管兵二百歸併漢中府一裁厚畛子守備請改爲陽平關營中軍守備裁畱壩都司改爲略陽營中軍守備均令經理糧餉一甯陝陝安漢中各營新置營地應一體招佃收租一衙署兵房堡城量加添置毋庸全行建葢以節糜費下軍機大臣會同兵部議行十二年二月瓦石坪叛匪滋事德楞泰率將弁全數殲擒上嘉之時兵部奏派輪閱營伍大員

命德楞泰查閱陝西四川二省尋奏請西鄉營瓦石坪汛改歸定遠城漁渡營轄以西鄉營遊擊改都司以漁渡營都司改遊擊得旨允行十二月軍政屆期上以陝省地方見在安輯德楞泰革職畱任處分特予開復十三年八月查閱四川營伍事竣回陝旋以病陳請暫緩年班 陛見 上允之十四年正月德楞泰舊病增劇 上親解佩囊並頒內府丸藥賜之 特詔晉爵三等繼勇公三月卒 諭曰西安將軍三等公德楞泰秉志公忠素諳韜略宣勞閩外懋著威聲前於平定苗疆以後續經派令勦辦三省邪匪身先士卒所向有功百戰辛勤備嘗艱險本日接方維甸奏報德楞泰氣血久虧迨交三月後病勢日見沈重竟於初九日溘

逝覽奏深爲軫惜著派乾清門侍衛內閣學士玉福馳驛迎至途中奠醊仍著步軍統領衙門探明德楞泰靈柩將至京師先於過西頂一二里外搭蓋棚座暫爲安置屆時朕親臨賜奠後再令入城治喪 命蘇沖阿襲封一等侯爵不必待年終查辦 諭頒廣儲司銀五千兩經理喪事照三等公例賜卹 予諡壯果四月諭曰從前川陝楚三省教匪滋事額勒登保與德楞泰奉命出師其時額勒登保職司經略統握全機埽蕩么麼厥功甚偉是以於京城建設專祠用昭崇祀德楞泰身爲參贊督勵戎行執馘擒渠戰功屢著而潼河一役於賊匪肆擾之際不避鋒鏑一鼓殲除生獲著名首惡保障川西數十萬生靈免遭蹂躪此其勳績最著名

者至今川省士民猶爲感頌德楞泰功雖在額勒登保之次而蜀中賴其保全自當於該處省垣建立祠宇以妥忠魂著勒保相度地基鳩工營造俾百姓中知感者得慰其瞻慕之忱卽或有不肖之徒震懾威靈亦可望而斂戢是月德楞泰柩至西頂 上親臨奠醑 命入祀昭忠祠 御製詩悼之曰將星隕落報秦州喪鄂繼亡挽不畱日下共推雙俊傑川中益著大謀猷至今三省無遺孽惜昔八年未解憂賜奠靈前和淚滴入祠晉爵舊勳酬子蘇冲阿襲侯爵見官正藍旗護軍統領鑲黃旗漢軍副都統

右 國史館本傳

蘇冲阿

蘇沖阿嘉慶四年二月由一品廕生授藍翎侍衛十月遷三等待衛五年升二等待衛乾清門行走六年升頭等待衛七年以川陝楚三省剿捕逆匪大功戡定德楞泰督率有功 賞加蘇沖阿副都統職銜八年閏二月以神武門內拏獲逆犯陳德蘇沖阿護守門禁廢弛視副都統銜尋以其父剿辦四川老鴉寨竄匪有功 賞復副都統銜七月以三省餘匪淨盡德楞泰懋著勤勞 命蘇沖阿親齋賞件前往迎交祇領八月授奉宸院卿補鑲紅旗漢軍副都統十年四月擢內閣學士兼禮部侍郎銜八月調上駟院卿十一年六月直隸西甯縣革生崔澍以知縣教諭等朋謀共黨壞政害民等情在都察院呈控 上命蘇沖阿偕察哈爾都統佛爾

題額前往鞫訊誣坐如律十月德楞泰剿辦陝省叛賊貽誤獲咎
諭曰蘇沖阿因德楞泰剿賊有功推恩晉擢由侍衛挑在乾清門
行走洊升上駟院卿內閣學士副都統數年以來祇不過循分供
職今德楞泰辦理軍務獲咎伊子亦不應過邀恩眷蘇沖阿著革
去內閣學士上駟院卿退出乾清門伊父德楞泰先曾管理健銳
營卽著伊以副都統管理健銳營事務前往香山值班十三年五
月投武備院卿十一月復擢內閣學士兼禮部侍郎銜十四年正
月德楞泰在西安將軍任有疾 上念其功晉封三等公 命蘇
沖阿馳往省視三月德楞泰卒蘇沖阿襲一等繼勇侯授正紅旗
護軍統領六月升理藩院右侍郎十二月調鑲紅旗滿洲副都統

十五年轉左侍郎十六年六月調鑲藍旗滿洲副都統十一月以健銳火器兩營班曠誤未到 諭曰健銳火器二營特派多人管理原令其輪值住班藉以稽查官兵勤加訓練乃竟耽習安逸全不以營務爲重相率曠班不到在家高臥眷戀妻孥恬不知恥習爲故常此而不加懲創何以重職守而做怠玩蘇沖阿本月初四日該班未到初五日始行前往自係聞有查辦之信趕往住班著革去侍郎護軍統領副都統退出乾清門念伊父德楞泰曾著軍功且只此一子加恩畱其侯爵仍賞給頭等侍衛在大門上行走十七年正月授鑲黃旗蒙古副都統二月復遷內閣學士兼禮部侍郎銜四月授武備院卿十月授庫倫辦事大臣十九年復升理

藩院右侍郎二十年四月轉左侍郎十月 命回京二十一年二月補正白旗護軍統領四月 上幸圓明園途聞有馬驚逸經過駕前蘇沖阿爲後護侍衛未能攔截部議褫職 上加恩降爲頭等侍衛仍畱世職五月因失察堂弟刑部額外主事穆克登布包攬訟事得賊降二等待衛在大門上行走九月授鑲黃旗漢軍副都統二十二年調正藍旗護軍統領二十四年六月以遣人探聽事件下部嚴議降三級畱任十月文穎館不戒於火王公大臣等前住撲救西華門費焉吉柵欄官兵一槩攔阻蘇沖阿在西華門直班未能明白曉諭 諭曰紫禁城內直班前鋒護軍統領原係專司門禁各門官員兵丁皆當聽其約束十九日蘇沖阿直班既

已奉旨開西華門必應在西華門曉諭將應放進者放進應阻止者阻止何至守欄官兵自出主意漫無區別將王公大臣一概攔阻但知空手撲救不以本任爲念太不曉事著交部議處尋議上得旨革去護軍統領副都統仍畱侯爵降爲頭等侍衛在大門上行走二十五年三月復授鑲紅旗漢軍副都統十月調成都副都統道光四年閏七月命來京另候簡用十一月署鑲紅旗蒙古副都統六年調盛京副都統八年署黑龍江將軍九年卒子倭什訥襲一等繼勇侯官至杭州將軍花沙納吏部尙書鑲藍旗漢軍都統

右 國史館本傳

宗室永鐸

宗室永鐸鑲藍旗人乾隆二十七年授三等侍衛四十年升二等侍衛四十三年授甯夏副都統四十六年承襲其父弘晌奉恩將軍四十九年授西安副都統五月授杭州將軍未赴任時甘省石峯堡逆回田五滋事永鐸奏請赴軍營協剿 命協同李侍堯將軍傅玉等奮勉剿賊再俟阿桂福康安至彼隨同剿辦尋抵鹿鹿山軍營駐守六月同傅玉等於石峯堡附近地方牽綴堵截先是永鐸抵鹿鹿山軍營傅玉等拜發奏摺未將永鐸到營之處奏及永鐸亦未經會銜具奏奉 旨申飭是月授西安將軍時官兵分三路進攻賊巢永鐸同大學士公阿桂等督率策應七月賊首張

阿渾等帶領賊眾乘夜向外撲出欲圖奪路逃竄永鐸率官兵施放槍箭盡力截殺維時總督福康安參贊大臣海蘭察等督兵層層圍裹痛加殲戮終夜殺賊千餘張阿渾被我兵射傷仍竄回堡內黎明時永鐸隨福康安帶領各路官兵一踊而上將張阿渾及賊目等全數擒獲捷聞上覽奏欣慰交部議敘是月石峯堡回逆掃蕩永鐸撤兵回西安任五十年三月授伊犁參贊大臣七月調烏魯木齊都統五十一年十月因辦理商州民人王廷順毆斃商人石應剛案擬斬請趕入本年秋審情實而所奏已過旬到日期多時上以其錯謬嚴飭之五十二年十月伊犁參贊大臣海祿劾將車奎林任性乖張各款上命永鐸查覈據實陳奏永

鐸覆奏查奎林爲人倨傲嗜酒性情躁急實所不免其原參內毀棄神像及將罪犯斷折手足拋入河內並用重枷致斃等款奎林曾有是事但尙爲整飭地方懲治兇惡起見至於得遣犯賊銀侵用布匹餘價及穢言詈罵職官實無其事讞定海祿奎林俱革職五十三年四月奏照料哈薩克來使之委署護軍參領經文協領德明並馬甲哈朗阿等五人由內地買子女十人帶往已將馬甲哈朗阿等重懲革退請將經文德明交部議處得 旨哈朗阿等照所奏辦理經文德明不必另行交部俱著革職五月奏察哈爾兵丁察漢口於買牲處所將哈薩克巴斯伯克推跌致死當將察漢口絞決外請將該管官員分別革職得 旨所辦甚是哈薩克

巴斯伯克係外藩之人非內地人民可比如此辦理不但令伊眾心帖服兵丁亦知所畏懼此後遇有此等案件均照此妥協辦理其哈薩克等儻有於內地民人戕傷致命者亦照此例治罪六月因遣犯邱良棟等行劫殺人脫逃未獲 上嚴飭之永鐸先於五十二年十二月奉 旨調盛京將軍至是卸烏魯木齊都統事未赴新任以目疾乞休五十四年四月 賞給奉恩將軍半俸嘉慶十四年四月卒子縣行縣睢四品宗室孫奕幸襲封奉恩將軍兼三等待衛

右 國史館本傳

珠隆阿

珠隆阿滿洲正黃旗人章佳氏乾隆三十二年由烏槍藍翎長投
護軍校三十八年升副烏槍護軍參領四十一年擢甘肅平羅營
參將四十七年升靖遠協副將五十四年升貴州鎮遠鎮總兵六
十年正月松桃廳屬民苗石柳鄧等聚眾滋事貴州巡撫馮光熊
檄調珠隆阿帶同遊擊廖輝等率領官兵前赴嗅腦勦辦因道路
阻塞先至大營擊退賊匪進城防守苗眾仍於近城山坡攻擾經
湖廣總督福甯奏 聞 諭曰鎮遠鎮總兵珠隆阿在正大營城
內被圍甚爲廬念著卽查明速奏續經雲貴總督福康安巡撫馮
光熊先後奏稱珠隆阿在正大營城內有苗匪攻撲珠隆阿屢次

打仗頭被槍傷仍與遊擊廖輝內外夾攻殺傷賊三百餘人二月
福康安督兵燒燬苗寨直趨正大圍解珠隆阿受傷未愈仍晝夜
巡防得旨賞戴花翎並交部議敘閏二月官軍攻嗅腦西南之
大新寨賊匪逃竄珠隆阿與守備廖寅分兵兩路邀截福康安統
大軍沿河直進賊憑險拒守珠隆阿從小新寨出固營寨守備廖
寅亦從蒿萊坪出奔牛塘與大軍合攻焚燬賊巢殆盡賞給捷
勇巴圖魯名號時正大營至松桃嗅腦兩旁山寨伏匪尙多珠隆
阿帶兵從上老虎巖進勦山徑陡仄攀援而登設伏崖側遇賊匪
三百餘人殲之乘勝直抵小龍塘焚其寨遂趨大塘汛復偕總兵
花連布隨同都統額勒登保由松桃迤西分翼前進賊匪潰散盡

奪其卡追擊於卡路塘賊來援者三四千人復敗之三月官兵至
下花石時河水漲發我軍設伏以待令鄉勇牧牛誘賊賊乘船渡
河偏西岸搶掠伏兵起賊返奔其渡船已爲珠隆阿奪據扼其歸
路斬獲無算仍偕貴東道常明往大烏草河迤西一帶勦捕苗寨
連克魚井互田喇叭塘等三十餘處從塔金地方渡河與大軍合
攻逆匪於高多寨首逆吳半生投出先後奉 旨賞大小荷包著
再交部議敘十月升雲南提督嘉慶元年偕提督穆克登阿等勦
捕未降苗寨三月攻克兩又溪四月攻火麻營大兵分三路珠隆
阿由羊蹶山進攻之先後 賞大小荷包者三八月滇省威遠廳
猓黑滋事 命同總督勒保酌帶撤兵回雲南相機妥辦旋因貴

州小竹山匪徒不靖竄據大鬼壘提督花連布陣亡珠隆阿復馳赴銅仁十月調貴州提督節次攻克戴沙坡進剿大鬼壘首夥淨盡奉 旨交部從優議敘二年正月由銅仁至永綏會同提督穆克登阿從腊夷坪整兵前進攻剿大小排吾苗日麻李三以椿木麻腊等三十一寨苗民降尋黔撫馮光熊奏南籠府屬北鄉狝苗糾眾焚掠 諭曰黔省見調官兵尙恐不敷剿捕著珠隆阿卽將應撤回貴州之兵速行帶領前赴南籠二月珠隆阿由關嶺一路抵安南縣之安姑地方進攻賊匪燬賊棚二十餘座三月偕馮光熊奏稱賊眾兵單勢難卽就殲除臣等札商楚營總統於應撤兵內再酌撥數千名合力掃蕩 諭曰前據馮光熊奏狝苗糾眾不

過數千屢經官兵剿殺何以各路屯聚之賊仍復不少珠隆阿由
總兵擢用提督帶兵打仗是其專責乃辦理日久并未能將賊匪
速行搜捕所司何事著傳旨嚴行申飭是月雲貴總督勒保攻克
關嶺進抵永甯州珠隆阿由安南縣前來會合至安姑值賊匪自
年場寨衝大路欲劫糧臺珠隆阿在永甯聞信馳至安姑與總兵
七格分道邀殺生擒二十四人奪獲鳥槍刀矛一百餘件賊奔潰
復帶兵往解永豐之圍甫至花江而渡船早爲賊撤珠隆阿七格
阻險不得渡 上命歸併勒保一路旋攻賊於碧峯山與總兵張
玉龍分路搶上山卡福康安統大軍繼之焚燬苗寨三十三處進
剿羊腸山破之 賞玉扳指喜字牌大小荷包有差大兵進偪南

籠後路排沙口涼風坳一帶時有苗匪窺伺糧臺勒保以運道關
繫緊要派珠隆阿帶兵堵剿五月攻克附近涼風坳之楊家寨石
灰崖等賊寨糧運無阻復 賞喜字牌板指大小荷包閏六月勒
保奏南籠圍解 諭曰珠隆阿於安順一帶搜捕完竣後亦應迅
速赴勒保一路幫同剿辦以期肅清苗境苗平回貴州提督任八
年十一月 陛見 諭曰貴州提督珠隆阿年力衰老著留京以
副都統用旋署鑲黃旗漢軍副都統九年補鑲藍旗漢軍副都統十
年兼公中佐領十二月調鑲藍旗蒙古副都統十四年正月授甯
夏將軍五月卒於任

右 國史館本傳

奎舒

奎舒瑣郭羅特氏正紅旗蒙古人乾隆二十九年補理藩院筆帖式游升郎中三十三年 賞副都統銜頭等待衛赴西甯作爲辦事大臣五十五年德爾格部落賊番搶奪赴藏喇嘛凱木楚克什物五十六年二月經奎舒訪出賊番姓名並搶劫尼雅木錯部落牲畜傷人致斃之郭羅克等奏聞 上命川督鄂輝嚴密查拏從重辦理又奏蒙古番子俱賴牛羊生理乃自不加意防守被劫後但憑報官辦理伊等坐獲牲畜請將此項牛羊追出時半給事主半入官示罰 上是之嗣廓爾喀賊匪侵擾後藏十月 上命兩廣總督福康安爲將軍率巴圖魯侍衛往征之路經青海 諭奎

舒籌備馬匹並命總督勒保前往西甯會同辦理藏內摺奏向由四川一路齎送程途紆遠上以西甯到藏路平且近命勒保奎舒做照康熙年閒之例從西甯至藏安置驛站按站分派弁兵齎領驛送十二月福康安奏由西甯出口應用馬駝口糧等項早已備齊上以奎舒先事豫籌迅速妥協交部議敘五十七年九月擢理藩院右侍郎十月補鑲白旗蒙古副都統五十八年賞戴花翎五十九年四月調正紅旗蒙古副都統尋調鑲黃旗滿洲副都統六十年轉理藩院左侍郎嘉慶元年九月德勒克部落番人滾藏諾爾布等控管事大頭人喀爾囊彭楚克勒索欺陵上命奎舒前往查辦二年正月因四川邪匪滋事諭奎舒查辦

夷務事竣後赴達州協勦二月奎舒抵軍營偕將軍觀承疏通周家河道路進兵三墩坡隨四川總督宜縣勦敗曾家山徐添德股匪餘逆竄東鄉縣之金峩寺與賊匪王三槐合分占清溪東岸三月偕成都副都統勒禮善帶兵由明月壩翻山至姚家壩夜擣賊巢殲戮無算生擒百餘人四月與觀成夾攻清溪場寨敗之尋攻香鑪坪富成寨茨菇梁諸卡皆有功疊賞玉扳指大小荷包等件五月仍派往西甯辦事四年七月青海番賊搶奪蒙古二十一戶之馬匹牲畜並槍斃章京巴特瑪五月貝勒濟克默特依什途遇番賊牲畜亦被搶掠上命奎舒趕緊查拏九月青海扎薩克親王那漢達爾濟貝勒濟克默特依什貝子車爾騰多爾濟等呈

控該處番子將邊牧八旗三扎薩克肆意搶掠並拆毀龍王廟牌座及蒙古所立廟宇搶去 恩賞帳房等物前後擄六千餘戶損二千餘人經理藩院王大臣轉奏 諭曰青海賊番屢有搶劫商人之事今又據該扎薩克等呈控各情實爲強橫不法而奎舒於此等事件皆匿不陳奏以致番賊日強蒙古日弱殊失朕撫綏蒙古部落之意 上又以奎舒於應行親祭之鄂端搭拉等處但派台吉代祭並未親往顯有畏懼經由番界之意 命革職拏問交陝甘總督松筠審擬具奏嗣松筠奏請發往新疆效力贖罪 諭曰奎舒於青海番子搶掠蒙古之案具奏遲延本有應得之罪但昨祭鄂端搭拉之時是年蒙古拮据不能預備馬匹是以未經親

往尙非畏懼番子奎舒稍曉新疆事務著加恩免其發遣著賞給
藍翎侍衛自備資斧前往烏什協辦事務十二月 命往伊犁作
爲領隊大臣五年奉 旨回京八年補理藩院主事十三年升員
外郎十四年十二月卒子嵩英見任山東登萊青道嵩瑞見任理
藩院額外主事

右 國史館本傳

四庫全書
目錄
卷一百一十一

三

王得祿

浙江提督王公得祿字玉峯福建嘉義縣人世豐於財兄弟各五十萬乾隆末林爽文作亂以武舉集義民助官軍殺賊立功授水師營守備嘉慶中蔡牽縱橫海上數從李公長庚擊賊洊至澎湖協副將十一年蔡牽進鹿耳門結臺灣匪民數萬人圍臺灣府城爲陸營於洲仔尾大小船數百號自鹿耳門至府城下聯絡三十里蔡逆自擁大幫巨艦踞鹿耳門鑿民舟沈塞港道以絕援師時李公及金門澎湖舟師大集阻門外不得進使公以六百人駕小舟自安平港入偵之一望賊帆彌滿眾皆失色公多備火器至夜乘風焚之鼓譟大呼軍殊死戰賊舟延燒幾盡焚殺溺死無算公

遂入屯柴頭港賊氣奪明日自洲仔尾攻府城北門官兵出戰爲賊所乘將退賊盛眾追擊公將六百人排槍齊進躡賊後大呼攻擊賊驚卻擾亂城內軍返夾攻之賊大敗潰進追至洲仔尾遂破其營蔡牽乃遁敘功進總兵明年李公追蔡牽中飛礮卒公爲提督總統閩粵浙三省舟師擊賊敗困之蔡牽窮蹙十四年追賊於黑水洋首及賊乘夜轟擊蔡牽坐船高大急難攻公用火箭火罐齊發先焚其篷賊亂公自以戰艦直撞賊舟毀其柁樓蔡牽沈海死二十餘年巨寇遂平論功書子爵世襲 賞雙眼花翎爲廈門水師提督十年遷浙江提督眾短之於巡撫遂乞病歸時年五十三公短小精悍善戰身先士卒故所在有功自滅蔡逆威名益著

其去也人皆惜之

右識小錄姚瑩撰

Handwritten text in the right margin, possibly a page number or title, oriented vertically.

Handwritten text in the right margin, possibly a page number or title, oriented vertically.

國朝書獻類徵初編卷三百四目錄

將帥四十四

那啟泰

孫扎隆阿

富志那

路超吉

馬國銳

索費英阿

隆福

果勒敏色

温春

珠爾素

永來

賚朝貴

宗室東林

喜布禪

觀祥

韋陀保

補錄

富志那

169-440

國朝耆獻類徵初編卷三百四

迥奉大夫前署江西巡撫江西布政使司布政使湘陰李植輯

將帥四十四

那啟泰

孫北隆阿

那啟泰完顏氏滿洲正藍旗人乾隆二十九年由黏竿處拜唐阿授藍翎侍衛三十三年遷三等待衛三十六年遷二等待衛三十九年擢頭等待衛四十年兼公中佐領四十三年授杭州協水師副將四十九年丁母憂回旗仍以頭等待衛在黏杆處行走五十年授阿勒楚喀副都統調三姓副都統五十一年調甯古塔副都統五十九年調熱河副都統六十年授江甯京口將軍是年上

特舉千叟宴那啟泰與焉嘉慶三年調黑龍江將軍以齊齊哈爾屯員富珠隆阿用藥謀殺屯丁葉容春一案奏請 欽派大臣審訊 命刑部侍郎瑚圖理往審得實 諭曰瑚圖禮至齊齊哈爾並未用刑即將實情審出有何難辦必須請派大臣外省將軍都統均有辦理人命之責遇有此等事件一味偏護屬員而又毫不經心動輒請派大臣辦理設立將軍副都統所司何事那啟泰不稱黑龍江將軍重任伊從前曾任熱河副都統彼處之事尙少那啟泰著降調熱河副都統五年以副都統銜爲烏里雅蘇臺參贊大臣六年復授黑龍江將軍八年疏奏齊齊哈爾地方被災米糧分數發摺撤回改繕被協領額勒德喜等參劾 命禮部尙書那

彥成往訊復 召見年班來京之墨爾根副都統額勒琿詢問得實 諭曰齊齊哈爾地方本年被水成災秋成歉薄那啟泰諱匿不報分數偏令完繳官糧迨額勒德喜等合詞上告那啟泰得有風聞派人將原摺趕回復將收成分數據實具奏轉坐該協領以未報成災之咎情節顯然欺罔捏飾之罪實屬可惡著革職交與那彥成查訊尋那彥成訊據那啟泰稱發摺後查出乾隆十七年舊案始知初次奏報分數與例不符是以撤回原摺更正另有自行檢舉之摺 上以那啟泰雖先不知額勒德喜訐告而並未於事前將收成分數覈實又未詳查舊案既經發摺復行趕回究屬非是那啟泰著賞給藍翎侍衛前往伊犁爲領隊大臣尋調葉爾

羌辦事大臣九月疏稱葉爾羌侍衛在城候委薪費不敷請於伯克養廉截曠項下添給又疏言葉爾羌東路十三營臺被河流漫淹請將沙郎格爾庫庫車爾二處軍臺移附高阜並請將提出庫存伯克養廉缺曠錢文爲修理及賞賚之用俱 允行十年 上以那啟泰年老命回京在藍翎侍衛上行走十五年卒子索貴原任福建興化協副將孫扎隆阿一品廕生見任兵部郎中

右 國史館本傳

扎隆阿

扎隆阿完顏氏滿洲正藍旗人祖那啟泰任黑龍江將軍自有傳
扎隆阿由一品廕生於嘉慶四年引 見以員外郎用籤分吏部

員外郎十年派往辦喀什噶爾駝馬章京事務十四年回京原衙
門當差十五年遷郎中十八年京察一等記名以道府用七月授
安徽廬鳳潁道二十一年署按察使二十二年授浙江鹽運使二
十四年丁父憂回旗仍在吏部行走道光元年服闋授長蘆鹽運
使尋奉 上諭仍留京在吏部行走二年補郎中三年兼內務府
六庫郎中四年調補戶部銀庫郎中六年授長蘆鹽運使七年隨
那彥成赴喀什噶爾辦理善後事宜八年正月那彥成奏令回任
旋委赴涼州查該處商販事宜又以扎隆阿熟習回疆情形請於
涼州事竣後馳赴喀什噶爾聽候差遣奏入得 旨報可四月
賞給頭等侍衛作爲葉爾羌辦事大臣 諭令那彥成詳加察看

如能辦理裕如隨時具奏七月那彥成奏言於途次與長齡密商
長齡亦深知其人才具可用九月那彥成等奏葉爾羌人戶繁多
偏近外夷本城應辦事務較多扎隆阿才可理繁治劇識見開展
精到非該員不能料理裕如扎隆阿奏查明各城見在茶價較賤
羊隻進卡亦少礙難照原議章程辦理奉 上諭將試辦官鋪易
羊事宜卽行停止又咨呈那彥成等請奏撤原設巴里坤等處換
防佐領二員驍騎校二員滿洲兵一百九十七名以節糜費奏入
從之九年正月 賞給副都統銜署理喀什噶爾參贊大臣並
賞戴花翎三月奏咨領伊犁撥補軍臺馬牛沿途倒斃請分別免
賠奉 上諭自此大爲始嗣後每年由伊犁接領馬匹經由孝素

達巴罕戈壁按每百匹准例六四咨部覈銷如有多斃著落承領
官賠補足額時那彥成等前後奏請給布魯特及達爾瓦斯歲俸
以爲鈐制浩罕之計均奉 諭駁並 諭扎隆阿鎮靜撫綏又那
彥成奏浩罕生計日蹙不久必斂關效順與彼條約仍准通商
上令扎隆阿等遵照節次諭旨嚴行峻絕不可輕聽妄信尋那彥
成接奉 諭旨回京將善後應辦一切事宜奏向扎隆阿交代扎
隆阿因奏浩罕梗化恃強隱藏逆屬其勢非至窮極蹙未必卽便
效順惟總置逆屬消息於不問使該夷莫可端倪亦遂無所冀幸
是此時之棄置屏絕卽伏異日自行投獻之機固不在亟亟圖謀
志求必得也將來該夷果有縛獻投誠之事亦必察係真情毫無

偽託臨時審筵飭令聽候奏 聞定奪仍當臨以鎮靜示以威嚴
使不敢居功輕視庶於撫馭遠夷始終得所操縱 上覽奏慰悅
六月奏修建葉爾羌顯忠祠工竣請將新舊盡節諸臣設位致祭
又請將盡節伯克回子附祠致祭均得 旨允行又奏查出喀什
噶爾殉節商民張明堂等八百八十八名葉爾羌殉節商民荆中
璞等一百一十八名奉 上諭准其一體附入顯忠祠立傳卹賞
八月授正黃旗漢軍副都統九月授正紅旗蒙古副都統奏喀什
噶爾新建滿城西南距河請築長隄一道以資保固如所請行又
奏酌量添設喀什噶爾駐守卡倫弁兵 從之時布魯愛曼布魯
特比卻喇遣巴拉特到卡報汰劣克見被誘獲意圖賞賚藉洩私

贊札隆阿拒絕不問當令伊薩克飭令巴拉特旋回奏入奉 旨
嘉獎並邀 恩賚奏開墾葉爾羌城東南塔塔爾地方荒地一百
六十餘里開渠一道長一百五十餘里又於前任參贊大臣恆敬
曾經勘墾和沙瓦特之荒地外另勘墾荒地一百五十餘里開渠
一道長一百七十餘里十月奏擊獲卡外糾斂謀叛各犯審明辦
理又密陳卡外情形奉 上諭宜鎮靜訪查不可有意搜求更不
可稍涉大意其查擊出力人員並前開墾荒地出力人員俱加恩
分別鼓勵十一月奏停試辦官鋪易羊事宜仍循舊制聽令夷回
自行交易 上如所請行十年正月奏喀什噶爾盡節諸臣未請
建祠茲有阿奇木伯克郡王伊薩克自行捐建懇 賜嘉名以昭

忠盡 賜名彰忠祠六月扎隆阿接聞伊犁撤兵摺稟謂其詞涉
張皇並查其另奏片稟未便議行因據實陳奏先是伊犁將軍玉
麟等奏布魯特有謀搶之信並議扎隆阿上年釋放汰劣克一節
自失機會致令自鳴得意扎隆阿因奏布魯特見在恭順安常其
謀搶之信係汰劣克阿坦台等與阿布拉鄂勒吉拜素有讐隙故
阿布拉等散布謠言聳動官兵冀洩私忿若輕聽誤信自行驚疑
誠恐激出事端又指玉麟等摺內欲於明年添兵數千帶送換防
以爲大加懲創之舉及以夷制夷加以重賞使固濟離等議均屬
有礙邊情涉於輕議奏入奉 上諭所見俱爲正大覽奏深爲嘉
悅八月奏探聞有浩罕安集延賊匪前至卡外游奕又奏喀浪圭

卡倫突有賊匪前來撲卡當卽添派官兵防剿檄令副將賴允貴
選帶弁兵前往明約洛禁營以壯聲勢至首舊莊卽遇賊接仗該
賊繞出後營劫略致爲截阻賊勢猖狂有撲新城之勢新城周圍
七里有奇存兵不滿一千見咨調各城選兵前來救援第應援少
遲實難固守察看情形似須退守英吉沙爾葉爾羌兩城併力抵
禦又奏據探報塔斯哈追賊至明約洛遇伏陷沒又奏英吉沙爾
軍臺亦有夷賊攔路截回咨照各城公文奏入奉 旨調派各路
官兵進援並著扎隆阿等察看情形如本城各處回子並未搖動
自可嬰城固守儻必須暫退著卽酌量退守總在該參贊等臨機
審度尋英吉沙爾喀什噶爾二城俱被圍十一月經哈豐阿等援

兵向西進勦賊解圍奉 上諭扎隆阿等督率大兵困守三月餘
終保孤城不失國體可嘉可憫扎隆阿旋奏此次賊匪係由伊薩
克句結謀爲內應已將伊薩克派人看守其所屬庫車及喀什噶
爾回子悉行芟除請 旨將伊薩克阿奇木伯克革職鞫問 欽
派大臣嚴訊辦理奏入 上以伊薩克自上屆軍興著有勞績加
封王爵感激天恩不應遽懷攜貳必無其事 命長齡往喀什噶
爾按之十一年正月長齡奏請將伊薩克案內人證提至阿克蘇
訊辦扎隆阿旋奏俟長齡抵喀什噶爾再行提取伊薩克訊問較
之解赴阿克蘇似覺省便 上以其妄行違抗可惡之至今卽解
扎隆阿任時扎隆阿已被參猶將伊薩克之案自行陳奏長齡旋

奏請將扎隆阿卽行解任 諭以扎隆阿於案情未定之先妄行殺戮已失本處良回之心況任聽兵民恣肆毫無約束以致二城回眾亦各惶惶似此謬妄糊塗之員不但不能無罪仍當治以重罪扎隆阿著卽革職二月 諭令伊犁將軍玉麟會同審辦伊薩克一案三月長齡奏請將伊薩克一案提至喀喇沙爾會同玉麟審訊七月長齡將此案審明係屬虛誣定讞入奏 諭曰已革喀什噶爾參贊大臣扎隆阿身任邊疆重寄於卡外賊情未能覺察率以滿漢官兵冒昧輕出以致全軍陷沒又不將官弁伯克回民回子等妥爲布置令其併力防堵一任伯克等奔入新城潛匿回城失守轉因民眾浮言將回眾全行拘集遂致兵民乘亂殺掠扎

陸阿束手無策已屬罪無可追國解之後又復姑息奸民聽信劣
幕竟敢藉賊匪反間之蜚言捏構疑獄圖陷伊薩克以叛逆重情
嗣被參解任仍復摭拾虛詞妄奏肆詆是扎隆阿污蔑伊薩克之
罪尚小其以無據之詞妄行入奏欺君罔上之罪爲重本應在軍
前正法實屬罪所應得姑念其在喀什噶爾防堵三月保守城池
究有微勞尙可暫寬一綫著照所擬斬監候秋後處決歸入明年
朝審情實辦理先在阿克蘇枷號兩箇月滿日派委妥員解交刑
部監禁九月在喀什噶爾病故子恆繼官刑部員外郎

右 國史館本傳

富志那

富志那赫舍里氏正紅旗滿洲人由健銳營前鋒隨征葉爾羌及雲南金川等處以功授副前鋒參領乾隆四十六年授山西河堡營參將五十五年遷廣西潯州協副將六十年調湖南永綏協副將會苗匪滋事湖廣總督畢沅檄守辰溪之潭灣四月賊於張坪亞保等處憑高抗拒糧運阻隔富志那前後帶兵勦殺適賊數百撲卡游擊馬天奇等擊敗之追至獅子山富志那料其誘敵分兵策應賊果設伏由山坳抄出卽率應兵夾攻頗有斬獲越日賊復聚數千人攻卡我兵四路迎擊賊殊死拒富志那率精銳直上山梁奮力攻擊殲斃無數奏入 上嘉之 賞戴花翎九月隨雲貴

總督福康安勦首逆吳半生於高多寨獲之十月隨護軍統領德
楞泰攻龍角峒鴨保山天星寨諸處皆勝十二月福康安奏鎮守
鎮當逆苗戡定之後責任匪易富志那老成明幹苗民感畏請以
富志那升補總兵得旨允行旋隨福康安攻高斗山梁擒賊目
廖老慕隴老西等奏蒙優賞嘉慶元年正月同副將那丹珠等
分路攻擒頭坡奪據賊卡又攻吉吉寨殺賊甚眾三月上以富
志那帶兵出力賞給蟒袍會湖北枝江宜都邪匪滋擾巡撫惠齡
軍在太和山富志那自湖南軍營馳赴之首逆聶人傑等踞深衝
口鳳凰山等險惠齡攻深衝口富志那率參將許文謨等攻鳳凰
山大敗之獲聶人傑賊黨張正謨逃逸富志那以射賊受創奏入

諭曰富志那甫到軍營卽帶兵殺賊受傷殊屬可嘉著賞給玉扳指蟒緞荷包等件仍勦餘賊值大雨賊來窺營我兵擊之富志那隨惠齡分投追殺斃賊百餘人餘皆竄四月奉 旨枝江宜都一帶賊匪專責富志那同惠齡勦辦尋敗賊於揚白堰奪其隘 命咨部議敘時張正謨據宜都之灌灣腦四面皆山林箐蒙密惟蔡家坡爲進攻之路先是富志那已冒雨奪卡抵內坡至是遂伏兵林中越卡而入賊二千餘蜂擁至伏起左右衝擊賊多墜巖澗死者遂破之又覓徑由天井湖青龍溪鄧家畝三卡進於山前多設疑兵別率兵六百出賊不意奮擊之盡獲其卡奏入 上嘉之賞法福里巴圖魯名號五月攻克雞公山擒賊目李正寶等嗣以

灌灣腦尙有王母峒深衝腦縣羊腦三卡爲賊巢障蔽督兵由陳家湖分奪王母峒六月進克賈家腦張家腦連奪楊樹墩青草窩等處八月進攻符箕墩敗之獲賊目張宗文等奏入與惠齡等俱邀 賞賚時灌灣腦首逆張正謨爲我兵所圍勢蹙甚潛求救於榔坪之賊我兵獲之乃密令弁兵僞張白幟爲榔坪援兵而富志那與副都統成德總兵文圖分路設伏惠齡邀其歸路賊競至成德等按兵不動富志那迎擊之成德等夾攻盡殲焉旋分路進剿富志那攻其西由符箕墩進克灌灣腦擒正謨餘黨悉平尋以總督和琳奏苗疆籌辦善後事宜請令歸鎮算鎮總兵任九月會同文武員弁稽查降苗十月隨德楞泰攻平隴賊巢破之五年八月

疏奏鎮筸曬金塘苗吳老包等以荒歉乏食勾結窮匪搶奪居民
因令參將王文選同知傅爾進勦苗匪逃竄將弁等乘勝攻入苗
寨銳兵從後合圍擒斬吳老包等餘黨乞免死悉宥之苗疆安靖
奏入奉 旨交部議敘八年正月永綏九里巔苗隴六生等糾眾
滋孽計擒之十月擢署湖南提督事九年遷貴州提督十五年正
月卒 賜祭葬如例

右 國史館本傳

169-460

--	--	--	--	--	--	--	--	--	--

路超吉

路超吉陝西大荔人乾隆三十年由行伍拔補把總三十四年隨
經略忠勇公傅恆征緬七月進征猛拱猛養等處升千總十月攻
老官屯賊匪身受劍傷三十五年四月護送經略印到京引見
奉旨賞授京職旋補巡捕南營守備三十九年二月遷中營遊
擊五月調南營遊擊四十六年七月推升廣西賓州營參將經步
軍統領衙門奏畱奉旨以京營參將補用十月補南營參將四
十九年調北營參將五十一年擢圓明園步軍統領中營副將五
十三年授陝西河州鎮總兵召見賞戴花翎五十六年授雲
南提督五十九年調廣東提督嘉慶元年正月奉命進京預干

更宴二月回任十二月兩廣總督吉慶奏路超吉不能整頓水師
營伍不勝提督之任請以總兵降補得 旨著以陸路總兵降補
暫署潮州鎮總兵仍帶革職畱任二年七月奏請隨同吉慶赴廣
西軍營協剿苗匪以期報效 上允所請八月帶兵五百於八渡
上游會剿賊匪殲斃千餘名 賞玉喜字扳指大小荷包尋借提
督彭承堯帶兵千名於板嶧地方進剿奮勇攻圍斃賊七百餘名
九月苗匪數百於冊亨城外山梁林箐中施放槍礮抗拒官兵超
吉帶領兵勇奮力仰攻斃賊二百餘名 賞玉扳指大小荷包並
諭遇有陸路總兵缺出卽行補用尋授湖北襄陽鎮總兵時苗匪
剽除淨盡湖北敘匪滋事 命卽馳赴襄陽將應行堵剿各事宜

實力妥辦三年正月奏襄陽鎮總兵官關防因前任總兵馬瑀陣亡遺失請補鑄以昭信守 從之巡撫汪新檄赴鄖陽邊境駐劄防堵二月因陝西賊首齊王氏姚之富竄入楚北鄖西之紅巖歐家川等處滋擾帶兵移駐鄖西據險固守十月張漢潮股匪竄至川省偏近楚境湖廣總督景安派令在大甯等處嚴密防堵尋因川省鼠匪東趨超吉偕景安各帶官兵於陝楚接壤竹谿縣西南分要堵截四年四月率同都司孫應奉守備姜元祥張建業擊高均德股匪於黃土坡由石牛河左側山梁進剿賊匪分伏兩山林內超吉先用大礮向林內轟擊賊匪撲上官兵奮力壓剿擊斃騎馬賊三名步賊三四十名賊竄過河西復乘勢追擊生擒胡漢周

等九名五月率同參將海麟等帶兵三千餘名鄉勇二千餘名於竹谿境內西南北三面邊界分段設卡防守七月平利境內藍家山八仙河等處有另股賊匪奔竄超吉督率各卡嚴防邊外續來之匪八月率山西調來兵二千名在向家壩一帶添卡分布堵禦九月高家營股匪由陝西平利縣繞出各卡竄至竹谿河地方超吉帶兵截剿尋因高均德股匪由銅錢關折回陝西白河縣境內復竄至竹山邊界之聖母山屯紮超吉督率兵勇馳剿賊竄至周家灣超吉迎擊之斃賊二十三名生擒姚廷貴等三名餘匪向吳家嶺奔竄官兵追之賊眾由廖家嶺突出分股迎撲超吉督率兵勇俟其偏近槍斃齊發斃賊三十餘名賊亦放礮抗拒相持兩時

許賊敗走官兵乘勝追擊又殺賊七十餘生擒張得功等九名因
墜馬跌傷右骹奏請回籍調理 從之十五年正月卒

右 國史館本傳

三十一

三

馬國銳

馬國銳山西太原人父四川總督馬全自有傳乾隆三十八年國銳以父難廕授騎都尉世職十月奉 旨發往本省以都司用四十二年四月補澤州營都司五十一年推升直隸宣化營遊擊五十四年五月補直隸提標中軍參將旋調補固關營參將五十九年三月 駕幸淀津國銳領押 御舟水旱繕務辦理奮勉 賞戴花翎復 恩賞紬緞貂皮帽緯嘉慶元年四月隨征湖北教匪六月勦賊於棗陽之張家壩二年正月復勦賊於劉家港鮑家販等處俱有功四月賊竄入陝界國銳隨尙書惠齡擊之斬獲頗多乘勢追勦至川中三年六月賊首冉文儔羅其清擾及營山儀隴

屯聚李華寺官軍擊之而山溝內仍有賊潛匿國銳偕副將關聯
升佟世徵等帶兵分剿殲戮無遺七月賊屯渠縣之大神山沿坡
卡林立官兵分三路進攻國銳隨惠齡攻其西首破賊巢以火彈
擲燒茅柵側衝之殲焉復合兵追擊至黃渡河前後斃賊四千餘
人九月奉 旨補授廣西新太協副將十月賊竄入箕山官兵亦
分三路徧之國銳隨惠齡居中夜四鼓從板廟子登山連克二卡
俄乘山左右火起破木柵而進殲賊七百餘人十一月賊踞大鵬
山雨夜來劫營官軍設伏邀之旋克其寨殲羅其清之父羅從國
復破青觀山賊巢擒賊目苟文如魏應聘及其黨吳士雄等二百
餘人十二月破賊於濠子灘擒首逆羅其清父子兄弟三人國銳

皆與有功四年正月賊遁通江之麻壩寨官兵分路進攻國銳偕
總兵李紹祖等奪據馬鞍山遂規其寨西門賊矢石如雨官兵奮
勇衝入殺賊無算獲首逆冉文偉及其子冉天受五年八月調補
通州協副將六年八月經略大臣額勒登保檄調國銳至陝彙辦
陣亡官兵請卹冊務七年二月以發帶領盛京官兵協領公文誤
用急遞又以逃兵誤報病故奉 旨議處部議各降一級旋經額
勒登保奏請開復得 旨允准九年二月擢四川松潘鎮總兵五
月陝西南山零匪偷越漢江由西鄉入川經總督勒保派率新調
官兵三千協剿七月將軍德楞泰委帶兵於兩扇門等處督搜多
有擒獲十五年正月卒

皇朝通志卷之三十三

右 國史館本傳

三

索費英阿

索費英阿畢魯勒氏鑲黃旗滿洲人乾隆二十六年由健銳營前鋒補藍翎長海擢前鋒參領四十三年遷浙江嘉興協副將四十九年擢伊犁屯田總兵五十五年調甘肅肅州鎮總兵嘉慶元年十月因川省賊匪滋擾隨陝甘總督宜縣帶兵赴達州旋奉命速赴太平縣會剿十二月由紫陽縣之大道河汝河前進繞出賊營五作雲後自山壓下至牛關寨等處奮擊奪卡一座又率參將李文蔚在牛頭山潛攻賊頭卡賊未設備鄉勇向明山首先越卡官兵齊進盡殲之卽乘勝克四十殲賊八九百名占踞五作雲之上賊匪抵死抗拒宜縣等攻其前索費英阿由石崖攀援而上潛

至賊後施放火箭城內火起延及木城賊大潰斃三千餘名生擒賊犯廖景華等三百餘名賊首胡知和廖明萬李九萬等俱被陣斬 上以紫陽境內賊匪淨盡無遺所辦可嘉賞給金盒玉扳指大小荷包又 諭曰索費英阿於賊寨迤南進兵連獲五卡官兵得以乘勝下壓尤爲出力著賞給提督銜以示鼓勵並交部議敘 二年正月隨將軍觀成侍郎英善前往達州駐兵鳳嶺關賊竄東鄉屯於曾家山索費英阿隨宜縣等襲之燬其寨西張家觀之賊率眾遁索費英阿截殺甚多旋克張家觀收復東鄉縣索費英阿並有功三月賊據金峩寺背倚馬伏山最高之峰名大團包賊堅守仰攻爲難惟東面冉家壩口可通賊巢索費英阿移營馬伏山

卽帶兵爲直趨井家坵口之勢密爾兵勇於營內賊果撲營官兵
潛由大圍包山後占奪賊寨營內槍礮齊發賊潰亂殲戮殆盡賊
首徐添德率四千餘人直撲大圍包索賈英阿奮勇禦之殺賊七
百餘名俄賊復擁眾抵營索賈英阿率參將姜敏功游擊馬瑜都
司張永成分三路乘高下壓適大雨驟至賊被殺傷者甚眾事

聞 恩賞象牙香囊大小荷包是月以雞爪嶺爲金峩寺賊巢咽
喉又馬耳峰下有棋盤石一處賊拒甚力索賈英阿率兵至馬耳
峰扳崖而下伏焉官兵進攻值棋盤石之賊槍礮並施索賈英阿
督兵突出分飭將士抄截賊路賊逃逸多滾崖死者遂奪棋盤石
賊卡時總兵艾如文率兵直偏雞爪嶺用火箭射入金峩寺之賊

悉力救援索費英阿分兵助之三路衝殺至蝙蝠洞擊斃多名生擒向老二等十一名 恩賞雕牙火鑱大小荷包賊尋率眾直衝棋盤石卡座索費英阿率兵以槍礮擊退之仍帶兵衝殺下山又斃賊五百餘名生擒王作虎吳國良等四十四名四月由雞爪嶺進攻會兵冉家埡口賊卡賊堅守官兵奮勇齊進賊不能拒棄卡而逃官兵占住冉家埡口距賊巢五里皆自下仰攻賊勢甚洶湧官兵一當百賊大潰陣斬外生擒一百三十五名搶獲大礮三十六鳥槍二百餘軍械五百餘旋隨將軍明亮連攻富成寨賊正設卡因天雨不設備官兵掩至克之 恩賞青玉扳指大小荷包是月賊首王三槐親帶數人至雙廟場外詐降而伏賊千餘於山溝

索賚英阿偕巴圖魯侍衛那彥保分路勦殺槍斃一百餘名生擒符日仁等十二名五月王三槐率賊四五千人分五路撲毛坪一帶營卡索賚英阿馳往督戰併力截殺賊大敗王三槐中槍落馬騎賊目鄭文禮馬逸去遂獲鄭文禮并王三槐義父賀宗盛斃賊三百餘名 恩賞玉扳指洋玻璃盒大小荷包是月官兵分路進攻重石子香鑪坪索賚英阿居中策應都司尤漢玉首搶上寨門官兵擁進焚其草棚燒斃賊二千餘名 恩賞嵌松石煙盒大小荷包閏六月賊撲提督穆克登阿營卡索賚英阿帶兵赴援殺賊五六百人七月官兵勦賊蒲家山索賚英阿偕穆克登阿分擊之殺賊四百餘名生擒三十二名十月賊攻儀隴縣城被官兵衝散

折回黃渡河向渠縣李家場一帶焚掠索費英阿親臨前敵斃賊多名旋因達州兵單索費英阿經宜縣派令防守靜邊寺一路王三槐令賊目陳正洪毛俸貴率黨與二千欲攻渠縣知縣倪鼎銓率鄉勇堵禦賊猶不退索費英阿由靜邊寺馳至奮勇截殺斃賊四五百名十一月自渠縣回赴靜邊寺適副都統七十五由蚊蟲溪前進十二月初一日行至崕峰尖賊分股來迎官兵奮力衝擊索費英阿率兵自上壓下夾攻殲賊二三百名賊紛紛逃潰次日復有賊前來攻撲索費英阿偕七十五分投堵剿自辰至酉斃賊無算賊屯於對面山梁索費英阿復偕七十五率兵兩路攻擊賊亦分投抗拒鏖戰多時斃四五百名奏入得 旨嘉獎三年正月

羅其清冉文儔等匪分屯營山儀隴渠縣境巴州賊亦竊發索費英阿又偕七十五從靜邊寺移赴蚊蟲溪就近堵截二月隨宜縣督兵至黃沙坪有賊五六百人在長寨南岸窺伺索費英阿帶兵涉江繞道截其後賊方搶渡經長寨鄉勇竭力堵禦竄回南岸時索費英阿兵已到兩路夾攻殲斃殆盡三月宜縣以石泉洋縣城固等處無重兵派索費英阿駐守雞頭關防賊北竄十月賊七千餘人由四川廣元寬灘分股竄至歇臺子流沙坡一帶索費英阿率副將李文蔚都司王興朝擊敗之四年十二月賊由定軍山奔竄索費英阿偕副將韓家業截勦斃賊多名旋以略陽之黑河一帶山徑錯雜恐賊由棧道竄入甘省索費英阿經總督松筠調至

武關廢邱關一帶過其入甘之路五年二月又以子午谷迤西澗峪黑水峪斜峪關等口無兵防守經西安將軍恆瑞派赴峪口以顧平原六月戴家營等股賊竄至棧道草涼驛陝西巡撫台布令索費英阿帶兵追之賊由黑河折回欲出螞蟻溝索費英阿躡其後賊旋由杜家莊竄出爲索費英阿汛地台布奏 聞 諭曰索費英阿究竟如何縱賊情形著額勒登保傳旨申飭革職提至軍營詳加審訊尋額勒登保奏索費英阿在該地方防堵帶有兵勇千七百餘名賊由杜家莊竄出時不滿千人該員未能攔截雖親率官兵跟追而防堵不力之罪實所難辭業經奉 旨革職請仍令帶兵效力自贖 諭曰索費英阿疎縱之罪實所難宥且伊年

老無能若仍令帶兵自效不足示懲著於軍營枷號示眾俟軍務告竣再行發往伊犁效力贖罪六年六月 諭曰索賈英阿從前屢次帶兵著加恩釋放發往吉林交與秀林作為披甲兵丁以示懲儆七年十一月奉 旨釋放回旗作為披甲十五年三月故

右 國史館本傳

四庫全書

五

隆福

隆福宜特黑氏正紅旗滿洲人乾隆二十九年由親軍挑補黏竿處拜唐阿三十三年授藍翎侍衛三十七年升三等侍衛四十一年授公中佐領四十二年授二等待衛五十六年三月授侍衛章京十一月在乾清門行走五十七年 賞穿黃馬褂嘉慶四年二月升頭等待衛十二月 命爲哈密幫辦大臣五年 賞給副都統銜七年七月補正白旗漢軍副都統十月調庫車辦事大臣八年十一月調喀什噶爾幫辦大臣九年正月奉 旨回京十年調正黃旗滿洲副都統四月授宣化鎮總兵十三年四月 諭令來京供職仍在乾清門行走五月補鑲黃旗蒙古副都統十月 命

往西藏協同駐藏大臣文弼辦事十四年四月有人訐告御前侍衛慶惠奉命差往西藏伊家人沿途得受站規情事上派大學士祿康侍郎托津提訊據供自山西至四川一帶曾受站規自打箭鑪至西藏並無得受銀兩之事上以隆福奉差同行見聞較切令其嚴密確查又諭曰文弼於慶惠隆福等到藏時有無餽送並隆福自京赴藏時伊家人有無得受站規及同行收受沿途地方官銀兩禮物之處一併據實覆奏再聞隆福沿途並未坐轎是否屬實一併明白回奏並命四川總督勒保陝西巡撫方維甸等嚴密訪查覆奏尋據方維甸奏隆福本無轎夫亦無家人需索使費文弼覆奏隆福跟隨人等於口外地方及在藏中實

無需索情弊隆福與慶惠同行每日騎馬在前行走 諭曰隆福年逾六旬長途騎馬行走兼能約束家人無需索情弊甚爲可嘉著賞給都統銜五月勒保履奏慶惠到川時隨從人等沿途收受使費或十餘兩二十餘兩不等隆福家人或給或不給爲數更屬無多 諭曰隆福家人雖亦不免得受使費但爲數無幾且伊以年老之人尙能騎馬前經賞加都統銜並著免其議處慶惠著發往盛京充當苦差家人按律定擬六月授甯夏將軍十五年七月卒 恩賞卹銀二百兩子常永見任黏竿處三等待衛

右 國史館本傳

國朝書目考卷之二十一

三

果勒敏色

果勒敏色郭布勒氏正白旗滿洲人乾隆三十九年以親軍從征山東逆匪王倫有功四十年擢藍翎侍衛四十三年授三等侍衛四十九年甘肅回匪滋事隨大學士阿桂往剿殺賊奮勉賞給庫爾庫巴圖魯名號嗣以搜捕事竣得旨交部議敘五十二年二月授副護軍參領四月命馳赴臺灣隨同總督常青剿辦逆匪林爽文八月偕翼長烏什哈達等擊賊於臺灣城北之三坎店時值溪水漲發我兵超越奮擊殲斃甚眾奪獲礮械二十餘件糧米無算燬其寮二百餘間九月賊數千自南潭蔦松等處來犯果勒敏色隨江甯將軍永慶等由山梁卡向二王宮廟進剿賊四竄

我兵分左右翼截擊之斃賊百餘五十三年臺灣軍務告蒞果勒
敏色以南路勦賊屢得勝仗經將軍福康安奏請咨部議敘六十
年擢頭等侍衛在乾清門行走嘉慶四年正月授御前侍衛並補
正白旗蒙古副都統三月兼公中佐領五月充管理十五善射大
臣授鑲藍旗護軍統領七年授上駟院卿十年閏六月 賞加都
統職銜八月擢鑲藍旗蒙古都統十四年三月因射布靶中箭五
枝 賜紫禁城騎馬十五年八月 上念果勒敏色病勢沈重
命大學士祿康看視 諭曰果勒敏色係朕在藩邸時諳達自朕
御極以來朕之諳達五人內已故四人惟果勒敏色尙曾施恩遞
用至都統人本樸實一切事件亦皆謹慎調習御用馬匹甚屬留

心且從前在營屢次出力今聞伊病勢朕心甚加憐憫著施恩賞給內大臣以示朕體恤舊臣之意將此旨著祿康親至果勒敏色家傳諭令伊喜悅尋卒經祿康奏入 命侍衛慶長馳驛進京賜奠給廣儲司銀三百兩治喪並照內大臣例 賜卹 諭祭葬予謚勇恪孫慶海見任三等侍衛

右 國史館本傳

المعهد العربي للدراسات والبحوث
بجامعة الكويت

العدد 1

20

溫春

溫春默爾丹氏正黃旗滿洲人由黏竿處拜唐阿擢藍翎侍衛乾隆五十五年六月升三等侍衛五十七年隨將軍福康安征廓爾喀官寨東覺諸戰與有功五十九年四月以南苑殺虎超擢頭等侍衛六十年隨雲南總督福康安勦辦黔楚逆苗偕侍衛巴蘭帶滇黔官兵爲一隊由湖南之雷公山西梁分路進勦連勦克蘇麻寨大烏草河各夷卡 賞克酬巴圖魯名號復隨大軍攻克高多寨降逆首吳半生破臥盤寨擒苗目吳八月嘉慶元年由尖雲山克復乾州進破平隴賊巢殲首逆石柳鄧並其子弟夥黨賊旋平節奉 恩旨獎賞二年調赴四川隨將軍明亮護軍統領德楞泰

勦辦邪匪四月從戰東鄉馬耳峯溝再追賊夔州白帝城及湖北
之巴東歸州等處均有斬獲八月從擊賊於鄖陽之草甸殲擒首
夥多名 賞副都統職銜在領隊大臣上行走九月帶兵防護湖
北竹谿縣城尋赴陝西平利縣防守賊來犯皆擊卻之十月明亮
德楞泰殲賊首李潮張世虎等餘賊走漢中因帶索倫兵擊之於
漢江中流殲賊千餘均奉 恩旨嘉賞三年正月從大軍破襄陽
白號首逆高均德於洋縣二月從擊黃號首逆姚之富齊王氏於
襄陽石河鋪追至三岔河二逆斃餘匪悉降得 旨優獎在事諸
臣溫春獲 賞金鑲松石盒等物時巴州白號首逆羅其清通江
藍號首逆冉文儔及高均德等分屯營山縣之箕山各險隘互爲

聲援七月溫春隨德楞泰沿途進剿生擒羅其清及其子弟十二
月冉文儔遁踞通江麻壩寨賊以除夕玩不設備溫春從德楞泰
乘夜攻之生擒冉文儔苟文玉等殲戮餘匪幾盡四年五月隨德
楞泰跟剿樊人傑張添倫各股匪於紫陽平利等界七月殲綫號
首逆龔文玉等於夔州八石坪十月從追高家營股匪至大市川
賊眾憑險抗拒溫春偕總管遜多保色爾滾三人鼓勇先登乘馬
爲搗石擊倒易騎復登兵勇繼進遂擒高均德高成傑餘賊遁奏
入 諭曰溫春等首先衝上山頂所乘馬俱被搗石擊倒復乘跟
役之馬殺賊甚多出力可嘉著賞給玉扳指小刀銀絲盒等物五
年二月授正紅旗蒙古副都統時冉文儔之弟冉添元及綫號偽

先鋒陳得倬等分屯江油之新店溫春偕副都統賽沖阿帶兵深入被圍德楞泰聞信馳救內外夾擊生擒陳德倬箭斃冉添恆添元負創逸已而添元及偽總兵鮮其順俱就擒疊奉 恩旨敘功頒賞四月東鄉白號賊張子聰度向瑤湯思蛟等竄渡潼河西岸犯蓬溪縣圍仁和成谷仁義等民寨溫春偕賽沖阿帶兵往援連戰殲偽元帥雷世旺等四寨圍解又分兵疊敗賊眾於中江縣境潼河兩岸肅清七月破巴州白號賊苟文明鮮大川於岳池縣之新場復會總兵辭大烈兵扼湯思蛟於倒流水會四川總督勒保兵夾擊度向瑤於長壩均有功六年正月隨德楞泰追高二股匪於鎮安之野豬坪高二就戮五月偕賽沖阿帶兵至甯陝之兩河

口獲達州白號首逆徐天德襄陽黃號首逆樊人傑家屬天德竄走柴陽之仁和新灘溫春等自後蹙之添德溺斃餘黨俘馘無算捷聞賞溫春綠玉扳指大小荷包並下部優敘七月從德楞秦截勦黃號賊首龍紹周於湖北之竹谿等處屢殲匪眾龍逆挈其黨折竄蜀之開萬又走楚之興房溫春等帶馬隊輾轉窮追先擒其子三元兒復殲其兄弟紹華紹海龍逆勢促遂由楚之岳州坪乘雨雪迷漫率兵衝踰賊營陣殲首逆龍紹周奏入上以龍紹周輾轉稽誅溫春等冒雨前進將該首逆殲斃全股賊匪掃淨所辦可嘉命賞溫春雲騎尉世職並烏雲豹馬褂以示獎勵七年正月追敗白號賊劉朝選於東鄉土黃壩擒度文正於大甯潘

家槽復偕賽冲阿擊破宋國品樊人傑各股匪六月樊人傑被追
渡河淹斃仍戮其弟人禮子樊龍樊虎屢奉 恩旨敘功頒賞有
差十一月大功告蒞凱旋八年正月投虎槍長三月補公中佐領
十年五月擢正紅旗護軍統領十一年八月陝西甯陝鎮新兵滋
事 命赴陝協勦事旋平十一月以本管護軍德昌精額栽賊誣
良事下部議降一級兩任十五年七月 命以護軍統領本職作
爲烏里雅蘇臺參贊大臣九月行抵烏蘭木薄巴圖驛病卒事聞
上念溫春前在軍營屢著勞績命伊長子三等侍衛烏甯額馳驛
接柩進城並議卹 賜祭葬烏甯額襲雲騎尉見任護軍參領

右 國史館本傳

珠爾素

珠爾素西訥楚特氏滿洲正藍旗人乾隆二十九年由前鋒補藍翎長三十一年緬甸酋匪憎駁入關擾邊三月珠爾素隨雲貴總督明瑞往勦十一月由宛頂木邦進抵日小破賊卡前渡打盤江過錫箔至蒲卡以西遇伏賊突出擊敗之乘勝至蠻結賊立寨負隅抗守我兵分路奮擊破賊壘十六處斬級二千餘論功升烏槍營護軍校三十四年八月隨大學士經略大臣傅恆進攻猛拱夷目脫猛烏猛畏罪來降十月改攻猛養分兵夾擊連奪江灘賊卡三座殲五百餘人并獲船隻器械無數珠爾素均在事有功下部優敘十一月進攻老官屯抄勦屯西寨絕其糧援復悉力圍其大

寨緬酋乞降凱撤回旗三十六年補甘肅安西營守備四十二年
升陝西延綏鎮都司四十七年遷甯夏洪廣營遊擊五十七年升
甘肅督標參將六十年擢永固協副將嘉慶元年檄赴葉爾羌換
防二年七月因薩木薩克鄂布拉散等糾眾至喀爾提錦搶掠欲
赴喀什噶爾滋擾珠爾素帶兵三百隨參贊大臣長麟至卡倫外
比魯克托海地方防守旋因薩木薩克被霍罕伯克那爾巴圖截
回鄂布拉散悔罪投誠九月撤兵回營八年七月軍政卓異引
見記名十一月遷陝西河州鎮總兵十一年五月入 覲得 旨
珠爾素年力就衰甯京賞給副都統銜作爲頭等待衛在大門上
行走旋補正黃旗漢軍副都統九月 命管理圓明園官兵十月

授杭州副都統十四年署杭州將軍十五年六月以杭州滿營馬價銀兩懸款未扣下部議處議降二級畱任十一月卒年七十六

右 國史館本傳

國朝文獻通考卷一百一十九

...

永來

永來吳雅氏正黃旗滿洲人祖海望戶部尙書自有傳永來於乾隆二十二年由官學生襲世管佐領二十八年授內務府員外郎三十五年調戶部員外郎三十九年調兵部員外郎五十一年擢光祿寺少卿五十四年三月授內務府鑲黃旗護軍統領旋授內閣學士五月因讀本遺漏革職仍畱內務府護軍統領五十八年管理三山暢春園事務六十年管理圓明園事務嘉慶二年授上駟院卿四年正月授內務府大臣 命在總理工程處行走九月授正藍旗滿洲副都統十一月因管理圓明園大臣阿明阿駁減工程銀兩監督廣需營求餽送圖免覈減並分送各處節規一案

經多羅和郡王縣循奏參審明分別懲治 諭曰永來於圓明園
工程經管有年且時常在工督察乃於廣需私動官項分送節規
之處並不能查出而於阿明阿欲將廣需參劾時永來既向其勸
止復以阿明阿始而欲參廣需忽又中止因此疑其有弊隨將廣
需曾送過阿明阿銀兩數千之語告知縣循是此次參辦全係永
來一人從中播弄挑唆初非縣循主見其居心狡詐蒼滑實不可
問前次永來在朕前屢稱阿明阿不宜管理圓明園事其意必欲
撤去阿明阿而後已且永來爲人器識褊小伊在朕前陳奏事件
多係瑣細不知大體之言毫無大臣局量交部議處亦必照溺職
例革職永來著卽革退總管內務府大臣副都統不必管理圓明

園加恩授爲上駟院卿仍罰俸三年毋庸再交部議五年閏四月
賞以三品銜管理圓明園事務 諭曰永來上年於阿明阿失察
家人得受銀兩等款究係伊查出尙非自行作弊是以加恩錄用
九月授鑲黃旗漢軍副都統六年二月授奉宸苑卿仍管理圓明
園事務 上嘉圓明園各處殿座修理俱屬齊整六月偕兵部尙
書豐紳濟倫奏南苑被水情形請將羊草變價銀兩派員辦買米
石散給被災兵民九月奏奉宸苑卿所屬樂善園事務甚簡見在
值年官員足資管理其郎中一員請裁汰均 從之八年六月授
光祿寺卿仍管理圓明園事務八月因 裕陵隆恩殿舊料剝朽
係原任尙書海望承辦 上以永來係海望之孫 命革去各項

差使加恩賞爾世襲佐領著卽赴 裕陵工所作爲司員差遣委
用仍交部嚴加議處尋議上奉 旨著罰世職俸四年十年三月
賞給頭等待衛 命爲和闐辦事大臣十一年九月因拏獲脫逃
拒捕行兇之遺犯田春照例辦理並以疎防之干總王雲曾經出
兵著有微勞將伊應得鹽菜銀兩扣罰一年並未奏請 上以示
來專擅申飭之十二年二月回京十一月投鑲黃旗漢軍副都統
十五年九月因病奏請 賞假調養奉 旨著以原品休致十一
月卒子德崑見襲世管佐領

右 國史館本傳

駱朝貴

駱朝貴廣西臨桂人寄籍貴州銅仁府初從田姓入伍隸松桃營
洊至畢赤營千總嘉慶元年十二月隨攻清溪邪匪高承德等於
裏河山事平 賞戴藍翎二年五月擢雲南昭通鎮守備閏六月
隨剿南籠苗匪以解圍殺賊功 賞勤勇巴圖魯名號旋升貴州
安南營都司八月帶兵攻燬 小西固苗寨擒斬首夥多名復隨
大軍攻克洞灘賊巢首逆王囊仙就擒進攻巴林夷卡燔其柵匪
眾恃險拒敵朝貴冒火舉旗突進首逆王抱羊竄出隨被獲節經
總督勒保入奏蒙 恩賞換花翎並交部議敘十月升貴州提標
遊擊三年正月調安義鎮遊擊五年閏四月以從剿猓黑功擢雲

南新營參將九月調勦川省教匪總督勒保檄赴大甯之百六溪峒口設伏敗賊大甯鹽場斬馘無餘十月升甘肅中營副將六年追勦湯思蛟及高魏二逆均有斬獲五月升湖北宜昌鎮總兵隨調陝西陝安鎮總兵十月迎擊賊匪李彬於巴州之恩陽山等處遇伏仍奮擊敗之十二月隨勦張添倫於江南之太平坡等處連潰其眾添倫弟添祿殲焉屢蒙 恩旨嘉獎七年二月迎勦張魏二逆於木箐壩獲僞先鋒姚士仁等進破宋國品於大堰坪殲僞先鋒張爾文等 賞給四喜玉扳指小刀大小荷包旣張魏二賊竄巴州之金子寺朝貴率遊擊王忠桂都司馬建廷等前後兜圍陣斬逆首張添倫並殲擒賊目陳國珠等多名 諭曰張添倫

一犯係襄陽起事首逆在川陝等處屢肆荼毒實屬罪大惡極田朝貴帶兵緊緝不予以暇並督兵連夜進發殲獲巨夥實屬奮勇著加恩賞給提督銜時藍白各號餘匪輾轉避誅竄伏無定朝貴帶兵跟勦擒賊目徐添培於太平廳沙罐場殲賊目楊步青於通江縣貓兒埡復破賊眾於鐵鑿山龍頭寨等處屢奉 恩旨獎賞八年閏二月追賊東鄉太平等界參將張朝德遇伏陣亡三月追苟逆餘匪至八百溪老林賊遁 上以朝貴等搜勦各起另匪未能痛加殲除 命傳旨申飭七月調川北鎮總兵十二月參贊德榜奏奏親至朝貴營中見勇兵大半單衣跣足不能禦寒以致勦捕遲延當於賞需項內製造衣履分給 上以該營兵如此辛苦

並無逃亡尙知大義 命再加普賞以示體卹並 諭將此一路
承辦軍需之員查明嚴參時三省已報肅清惟殘匪數百人往來
奔竄於開縣大甯各老林內九年正月朝貴殲之於土地墳復帶
兵於金雞河銅罐包各處搜剿續有斬獲六月圍賊添紫城賊乘
閒偷越奉 旨革去提督銜七月偕提督楊遇春馬瑜等擊賊鳳
凰寨獲賊目羅思蘭季如玉等八月德楞泰奏首匪苟文潤就殲
朝貴以分路帶兵均有斬獲蒙 恩賞還提督銜九月以三省全
功告歲交部議敘十一年八月調赴陝西協剿甯陝鎮叛兵九月
禦賊於方柴關因所部兵丁臨陣退散 上命總督勒保查辦十
二年二月勒保奏請參辦 諭曰田朝貴統率師徒不能整隊禦

敵咎實難辭著革去提督銜及花翎巴圖魯名號加恩畱川北鎮
總兵仍帶革職畱任十三年正月奏請改復駱姓 上允之五月
入覲 諭曰川北鎮總兵田朝貴今改復駱姓前在軍營著有勞
績嗣因方柴關禦賊兵丁退散將伊革去提督銜及花翎巴圖魯
名號茲因來京陛見朕念其從前究有勞績著加恩賞還花翎並
勤勇巴圖魯名號所有來京應得賞賚仍照例給予十四年九月
擢湖北提督十五年十一月卒湖北巡撫同興以 聞 諭曰駱
朝貴久歷戎行懋著勞績茲聞溘逝殊爲軫惜所有應得提督卹
典著該部察例具奏其任內一切處分均予開復尋 賜祭葬如

例

國史館本傳

右 國史館本傳

宗室東林

宗室副都統東林 文皇帝第十子韜塞裔也任侍衛時從征川楚教匪凡十餘年其親爲余言者云軍中糜費甚眾其帑餉半爲糧員侵蝕任其濫行冒銷有建昌道石作瑞曾侵蝕帑銀至五十餘萬兩然其奢費亦屬糜濫延諸將帥會飲多在深箐荒麓閒人跡之所罕至者而蟹魚珍羞之屬每品皆用五六兩一席多至三四十品而賞賜優伶犒賞僕從之費不與焉有某閣部初至石爲饋珍珠三斛蜀錦一萬匹他物稱是故其所侵蝕者轉皆蕩盡至死無殮費人皆快之軍中奢糜之風實古今之所未有也聞明參政亮言其隨明忠毅公瑞征烏什回部時軍中大帥惟有肉一裁

鹽酪數品而已其事未逾數十年而其風變易至此作俑者可勝
誅乎

右錄宗室昭榘撰

喜布禪

喜布禪瓜爾佳氏鑲藍旗滿洲人駐防荊州乾隆三十四年由前鋒隨征緬甸屢著戰績三十五年補驍騎校四十四年升防禦四十九年升佐領五十八年升協領六十年五月黔楚苗匪煽亂喜布禪隨荊州將軍興肇帥師勦捕十月由湖南辰州進發連克馬腦寨殺苗坪竹子寨賊敗潰據高多寨我兵分道夾擊獲賊渠吳半生餘匪殲擒無算嘉慶元年正月進攻吉吉寨克之八月逆苗石柳鄧等據平隴我軍由強虎哨進勦奪卡十二月偵知賊屯石隆官兵由山後抄擊生擒苗匪百餘論功下部議敘二年三月回荆勦辦教匪會襄陽黃號賊首姚之富齊王氏等分竄泌陽裕

州一帶我兵設伏山坳飛礮擊之斃賊甚夥四月賊據商州之勝峪口喜布禪由塔寺溝合兵迎擊奮勇衝殺殲賊生擒四十捷入賞戴花翎五月敗賊於窰溝七月進克白楊坪八月賊據小河口我兵星夜圍攻賊披靡竄渡茨河官兵擊之俘斬無算三年二月賊屯石板埡負嵎抗拒喜布禪督兵繞道鼓勇仰攻賊大潰襄陽藍號賊匪張漢潮由楚竄入陝境我軍跟蹤追勦敗之於南漳七月賊竄太平東界喜布禪由顧金壩躡水抄擊斃賊千餘九月敗賊於火石嶺十一月賊竄兩河關官兵倍道馳擊斬級五百四年三月勦賊於馬家坪康家河壘有斬獲六月張逆竄入豫境官軍追至金竹溝殪其眾十月敗賊於張家坪戮張漢潮於陣五年回

楚防堵八年升浙江乍浦副都統九年馬甲善保控喜布禪侵那
公項等款經杭州將軍明俊奏 聞 上命革東林職交浙江巡
撫阮元查辦鞫實得 旨喜布禪身任副都統遣子接眷係屬私
事卽不應派兵前往乃旣擅派兵丁復因需給安家等費輒令協
領等於該營捐修旗纛等項公款內借動銀四百兩又於收租款
內借用錢八十餘千製辦器物已屬非是若於明俊奏參卽據實
陳奏自請治罪其咎尙輕乃前摺內捏飾具奏祇以未能覺察爲
詞實屬有心卸罪今姑念業已完贖著加恩免其治罪仍著發回
荊州本營賞給披甲當差十六年故年七十四

右 國史館本傳

觀祥

觀祥什布忒氏鑲白旗蒙古人由健銳營前鋒於乾隆三十四年補前鋒校三十七年擢委烏槍護軍參領隨副將軍阿桂赴金川軍營三十八年六月攻小金川僧格宗一帶由色木則後山潛抵賊卡賊番從山箐侵犯納圍糧站適觀祥帶護礮兵五百餘名行至擊敗之擢烏槍副護軍參領四十年擢護軍參領五十年擢甘肅洮岷協副將五十四年署西甯總兵嘉慶元年湖北教匪滋事六月偕甘肅涼州鎮總兵德光帶陝兵一千名馳赴孝感進勦七月陝甘總督宜縣檄令馳赴當陽會當陽克復湖廣總督畢沅令赴鍾祥會同總兵楊秀合力搜捕八月駐營鍾祥縣北要隘處所

土門衝賊屢率眾來攻又分隊焚掠附近村莊直備糧臺將軍明亮添設三營飭觀祥與楊秀德光等禦之尋合兵四面圍剿殺賊無算生擒十七名明亮奏入 賞玉扳指大小荷包大兵進攻五朵寺偏近賊巢分道出劫明亮先令觀祥等伏山岡夾擊敗之十一月隨領隊大臣舒亮帶固原兵追敗賊眾於草店北十二月偕德光帶綠營兵破王家城賊壘賊竄入梓山湖北巡撫惠齡奏入諭曰觀祥等著惠齡存記如果始終出力卽咨部議敘尋攻梓山賊營賊東竄惠齡令觀祥帶步兵一千名繞至官潭及之觀祥連射二賊賊大潰乘勝追斬獲首級一百二十顆生擒二十五名賊奔聚興隆集二年正月元旦從惠齡大敗賊於槐樹岡殲戮甚夥

奏入 賞給阿克達楚喀巴圖魯名號擢宣化鎮總兵六月楚匪竄入川省觀祥追至安坪值暴雨山水驟發兵馬損傷器械帳房漂沒 上飭之十一月賊首姚之富齊王氏等竄入漢中南山連營二十餘里欲乘間北渡觀祥隨西安將軍恆瑞設伏新街子沿江路口半渡蹙之淹斃賊黨無算賊竄沔甯交界桑樹灣恆瑞先令帶撒拉爾回兵之都司馬鍾麒改換鄉勇旗號誘敵賊攻鍾麒方急觀祥掩至賊出不意驚竄西北老林十二月隨恆瑞會勦儀隴營山賊巢行抵迴龍場遇由陝竄入閩中賊匪數千犯保甯城觀祥截殺七八百人疏通道路 賞大小荷包三年正月營山縣告急馳兵解其圍追擊連敗之賊首羅其清竄巴州邊界焚掠儀

隴城觀祥從恆瑞分兵進剿三月敗羅逆於孫家梁六月賊欲與
冉文儔高均德股匪合經觀祥截殺甚夥七月敗冉文儔等於土
門堽占其山梁賊奔大神山復分三路進攻觀祥隨恆瑞從北面
攻入克大神山高均德冉文儔合夥竄至龍鳳坪羅其清股匪屯
聚箕山相距三十餘里中有馬鞍山勢甚陡削賊據險設卡扼守
八月恆瑞與觀祥攻克馬鞍山大兵攻克龍鳳坪賊向觀音
巖奔竄九月攻徐添德樊人傑於插旗山克之賊匪合聚箕山觀
祥由固州寨進剿旋堵剿攔路堽十二灣一帶俱有斬獲十月隨
四川將軍富成攻羅其清於大鵬寨十一月克之卽帶兵隨恆瑞
赴陝截剿北竄賊匪四年四月賊匪分竄鳳翔汧陽張應祥股匪

又分藍白二號奔竄甘肅境內觀祥往來堵截九月明亮敗藍號張漢潮股匪於清水溝觀祥迎擊頗有斬獲十月張漢潮就俘餘匪李得士毛起忠率眾屯聚大建溝十二月觀祥由黃柏園進攻賊匪四散復迫於清水溝五年正月殺賊於七佛溝冒雪進兵擒賊二十七名脫被擄男婦四十一名二月川省賊匪竄漢江觀祥帶兵隨巡撫台布由鎮安五卽兜截六月白號楊開甲股匪從盩厔辛峪竄出觀祥率步隊截回尋追殺冉學勝股匪爲兩股賊奔錦雞嶺觀祥從右抄上擒斬甚眾 上以其出力嘉之七月攻賊匪伍金柱冉學勝張三龍於傅家鎮追至堰先山觀祥偕已革將軍富成分左右擊之時屆昏黑伏賊齊起富成馬蹶落崖觀祥馳

救短兵相接賊始退 諭曰觀祥本在左首山坡進攻聞富成於右首山坡被賊撲壓急趨策應雖未能將富成救出但奮力衝殺賊匪全數退回亦屬可嘉著交部議敘以示鼓勵八月觀祥帶兵在大川壩堵剿又於四合頭利橋一帶搜緝殺賊甚多九月伍金柱餘匪由唐藏大渠折回甘肅境經略大臣額勒登保令觀祥就近由鳳縣兜剿不使竄過棧道以東復截賊於燕家溝偕副將游雲棟從畱壩沔縣兜回攔截 諭曰觀祥由棧道截回一股賊匪節經趕殺多有斬獲見已偪向略沔境內無虞其再行折竄所辦俱好十月自略陽追賊過漢江至螞蟻溝殺賊一百餘名生擒二十餘名餘匪偪出陝境六年正月駐兵黃關嶺專守南鄭褒城地

方營卡四月固原提督楊邁春追高馬兩股餘匪於荒耳山觀祥
從板倉鎮兜擊餘黨斬獲無遺五月長麟追殺高二餘匪至茅坪
溝賊欲向八廟河奔逃適觀祥在關口攔截折回西南是月觀祥
自呈節次出兵帶傷及年老衰病情形經額勒登保奏 聞請以
原品休致奉 旨准其休致賞給全俸回旗調養十六年卒子訥
莫思上虞備用處拜唐阿

右 國史館本傳

--	--	--	--	--	--	--	--	--	--

韋陀保

韋陀保博爾濟吉特氏滿洲正黃旗人乾隆四十五年由親軍襲世管佐領四十七年授陝西西安府協領五十三年遷山東德州城守尉嘉慶二年授山海關副都統八年閏二月調圍場副都統五月兵部議奏稽查關口出入民人分別酌定章程諭曰山海關係東三省地方爲滿洲根本重地原不准流寓民人雜處其間私墾地畝致礙旗人生計例禁有年近年以來民人多有攜眷出關並不分別查驗槩准放行卽因嘉慶六年秋閒畿南州縣被水成災閒有窮黎攜眷出關之事迨至上年直隸收成豐稔民氣已復何以直至今春尙有攜眷出關者數百餘戶彼時韋陀保正在

該處副都統稽查是其專責見有出口民人如許之多自應奏明請旨卽放行以後亦當奏請飭禁乃漫不經心前後總不陳奏任意辦理殊屬非是韋陀保著交部議處部議降二級留任尋奏此次圍場斫伐木植之努呼岱地方與原奏之都呼岱地名不符恐熱河總管董椿穆騰額有以近報遠冒銷錢糧情弊上命侍郎英和馳往查明都呼岱努呼岱均係上年奏准斫伐木植處所並無以近報遠冒銷情弊韋陀保又請將木植錢糧事務交熱河副都統慶傑經管諭曰所奏殊非認真辦公之道從前圍場事務均係熱河副都統管轄是以會同辦理今既專設圍場副都統該處官員人等皆非慶傑所轄伊亦呼應不靈豈有轉將木植錢糧

責令經手之理看來此事韋陀保不免稍存意見嗣後惟當會同該總管等和衷其事將斫伐木植事務及動用錢糧妥爲經理八月 上駐蹕避暑山莊韋陀保以今年園內天氣較寒水涸草枯具奏 命王大臣等查看十數圍不見麋鹿之跡奏稱該處兵民潛入圍場偷取茸角致鹿隻驚竄遠颺 上以管圍場大臣平時不能實力稽查咎無可追韋陀保著交部議處部議降一級調用上從寬改爲降二級畱任十二月奏請將圍場兵丁所存烏槍查出存公並令各地方官於附近村莊查收烏槍 命兵部議奏議上 諭曰八旗兵丁有操演巡防之責所用烏槍皆係官爲製給若防其偷打牲畜遂爾槩行收存勢必不能勤加習練殊屬因噎

廢食至民間私藏鳥槍原干例禁而附近山林村莊其居民或製
備鳥槍以防猛獸或藉禦暴客定例報官編號准其酌用此時欲
杜偷鹿之弊惟在嚴禁圍場附近地方毋許開設店鋪收買茸角
等項使不能寄跡消贓奸民無利可圖可不禁而自絕矣所有查
收入旗兵丁鳥槍著韋陀保卽行發還俾資操習巡防九年正月
奏熱河兵丁毋庸出派移駐圍場請於圍場兵丁內再行添派四
十名巡查圍場得 旨允行四月奏請將半壁山牧養之熱河馬
匹移於海拉蘇台卡倫之西巴彥溝牧養 上是之並 命牧養
官兵割草雇夫等事就近交韋陀保兼管七月屆期 獮典 上
命御前大臣拉旺多爾濟赴木蘭查勘奏稱各圍場鹿隻甚少奉

旨韋陀保著革去副都統作爲圍場總管尋諭侍衛珠爾杭阿等帶同韋陀保馳驛前往圍場按照曾經斫伐木植各處將所賸餘木逐一詳查登記檔冊並擇材料可用者丈量尺寸一併歸入圓明園備工木植項下應用其不合用之餘木俱著韋陀保運出變價交熱河道貯庫嗣後圍場地方不准再行斫伐木植以杜影射私斫之弊庶期牲畜蕃多又諭韋陀保已降爲圍場總管不必換給總管印信暫用圍場副都統印信八月諭曰韋陀保係特設專管圍場之員在任年餘於圍場內堆積廢木牲畜稀少各情形不能及早查明奏辦直至拉旺多爾濟遵旨前往查勘始行呈出希圖卸過殊屬取巧業經降爲總管仍著交部嚴加議處部

議降三級調用。上加恩改爲革職畱任並諭新設副都統一
缺著照舊裁撤仍頒給總管印信自是圍場總管仍隸熱河副都
統管轄十月韋陀保奏圍場總管作爲熱河副都統屬下於公事
無益儻遇牲口稀少不能承擔自請作爲馬甲與圍場兵丁一體
當差 諭曰韋陀保旣授總管卽不應奏事今伊本意不願作爲
副都統屬下任意妄奏又摺內僅列伊名並未寫奴才字樣實屬
狂妄何可仍畱此任著革職解交刑部會同軍機大臣嚴審定擬
具奏尋發往伊犁效力贖罪其世管佐領奉 旨作爲公中佐領
十六年故子巴揚阿兵部主事布彥圖鑾儀衛雲麾使

右 國史館本傳

國朝耆獻類徵初編卷三百四補錄

將帥四十四

富志那

富志那滿洲正紅旗人乾隆六十年任鎮守鎮總兵嘉慶五年曬金塘黑苗肆掠擊礮卡戕斃居民富志那與同知傅鼎等督兵奮擊焚其四寨苗震懼乞降初鼎議建礮卡屯丁壯備邊漸嚴而苗頗不利遂糾眾攻阻大吏謂釁起自鼎將劾治之富志那力爭乃止至今礮卡完固屯田利興而苗患遂永息人稱鼎功亦頌富志那不置云

右傳李元度撰

國朝書目考卷之三十四

國朝耆獻類徵初編卷三百五目錄

將帥四十五

馮建功

黃飛鵬

國興阿

德成額

毛秉剛

常春

扎克塔爾

袁敏

定住

張廷彥

富翰

德忠

武自珍

仙鶴林

楊世華

國朝詩林卷之三十一

十一

國朝耆獻類徵初編卷三百五

通奉大夫前署江西巡撫江西布政使司布政使湘陰李桓輯
將帥四十五

馮建功

馮建功江蘇寶山人由行伍拔補吳淞營外委乾隆三十七年升
把總三十八年升千總旋調川沙營千總四十一年升狼山鎮標
右營守備五十年升南匯營都司五十二年臺灣逆匪林爽文不
靖大兵赴閩征勦建功以督運軍糧辦理迅速下部優敘五十四
年六月緝獲鄰境盜犯潘飛等三名治罪如律九月遷京口水師
左營遊擊嘉慶元年隨黃巖鎮總兵岳璽追捕海盜於黃屬洋面

賊竄大陳山建功追擊之首先躍上賊船生擒蔡量等六名四月
偕遊擊吳奇貴擊賊於披山外洋殲斃洋匪無數復駛至大陳山
搜獲餘匪林阿春等五名並通盜接濟之林窗等四十二名沈其
船一獲器械無算尋升瑞安協副將四年六月調臺灣水師副將
十一月授金門鎮總兵五年因病陳請開缺回籍調理 允之六
年三月病痊赴部引 見得 旨著記名遇缺補用八月補廣東
碣石鎮總兵七年八月歸善縣會匪蔡步雲等聚眾搶掠建功督
兵會拏獲匪犯方振思等八十八名十月復帶兵赴高潭等處搜
獲餘匪劉亞鳳等十九名均寘之法八年正月兩廣總督吉慶劾
建功辦事軟弱難勝要缺總兵之任 上諭令以簡缺總兵酌量

調用旋經署兩廣總督胡圖禮奏言廣東水師各鎮均屬繁劇實無可以對調之缺 諭曰馮建功於海疆專閩人地未宜著送部引見再降諭旨五月赴部引 見得 旨著以別省副將用十月補安徽安慶營副將十一年兼署壽春鎮總兵十二年因病解職十六年卒

右 國史館本傳

UNITED STATES DEPARTMENT OF AGRICULTURE
BUREAU OF PLANT INDUSTRY
WASHINGTON, D. C.

--	--	--	--	--	--	--	--	--	--

黃飛鵬

黃飛鵬福建連江人由行伍洊擢千總嘉慶二年升浙江定海鎮左營守備六年超擢中軍遊擊八年擢鎮海營參將十年三月浙江黃巖鎮總兵缺出總督王德奏閩浙兩省副將中見無可保之員參將黃飛鵬熟諳水師緝捕出力堪勝總兵之任得旨以飛鵬升授副將令其署理黃巖鎮總兵十一年七月與提督李長庚於台州調班洋面夾攻盜首蔡牽打沈盜船一隻捕獲一隻生擒李按等五十一名獲銅鐵槍礮五十餘件八月復與李長庚於通山洋面圍捕蔡逆殲斃多名被礮彈擲傷腰股上嘉其協剿出力交部議敘十二年二月因浙洋鳳尾幫匪船竄至閩洋上以

飛鵬等專司浙洋巡緝並不嚴躡緝捕飭之四月授廣東碣石鎮總兵十三年四月鄭一黃亞有等匪船在粵省東路洋面游奕經飛鵬帶兵追及於芒嶼大加轟擊殲獲甚多又於金沙外洋擊沈匪船一隻獲郭羅等九名五月於陸豐縣之三洲洋面擊沈盜船一隻賊匪被礮中傷及落海淹斃者甚多八月同提督錢夢虎總兵孫全謀於黑水深洋礮火環攻共擊沈盜船七隻攻獲五隻生擒盜匪一百餘名十四年二月於大星夾外洋及金獅洋面等處追捕朱瀆夥匪燒沈盜船四隻攻獲二隻生擒楊成組等四十餘名奪獲礮械八十九件九月英吉利國商船擅馳進虎門停泊黃埔總督吳熊光令飛鵬管帶師船在省河一帶挽泊嗣因夷船徑

至省城外停泊官兵喝阻不理飛鵬開礮嚇擊斃夷民一名帶傷
三名夷船旋退 上嘉其有膽氣十五年六月偕提督章鎮陞等
進剿盜匪於儋州洋面連環攻擊生擒盜首烏石二及賊目鄭輝
章等得 旨賞戴花翎並交部議敘八月調陽江鎮總兵十六年
五月在洋卒經總督松筠奏入 諭曰總兵黃飛鵬自簡任專閫
以來督帶師船出洋巡緝甚屬認真出力茲因在洋染病蒸溼遂
致不起殊屬可憫著加恩照軍營病故之例賜卹

右 國史館本傳

國興阿

國興阿赫舍哩氏正黃旗蒙古人乾隆三十二年由烏槍護軍出征雲南三十四年補藍翎長三十七年升護軍校三十八年從征金川礮透左手腕骨碎筋傷又礮斷左肋列頭等傷 恩賞銀兩四十年委署護軍參領四十二年金川蕩平凱旋復邀 賞賚四十四年授山西天成營都司四十九年擢江南游兵營遊擊五十七年升提標金山營參將嘉慶元年調安徽撫標中軍參將三年擢廣東南雄協副將五年調征陝西邪匪六年隨提督楊遇春在西鄉屬之松樹壩剿賊殲斃甚眾餘賊且戰且走國興阿冒雨緊追首逆王士虎身受數傷再添泗被追墮馬先後擒獲經略大臣

額勒登保查奏連次出力員弁奉 旨賞戴花翎七年三月由終南山追剿苟文明股匪首先奮擊所向克捷升河州鎮總兵七月調巴里坤總兵時賊勢衰敗各營卡兵勇以次裁撤而餘匪多遁川境與沔甯一帶接壤額勒登保令率兵從將軍興奎由漢中元壩子一路嚴密防剿八年二月從興奎搜緝山林匿匪隨地剿捕并捉西竄之賊閏二月官兵敗賊於站壩老林餘匪驚竄由茶店子直趨大安寬川奔南江國興阿帶兵在卦子山防遏賊不得逞八月國興阿駐防甯羌屬之關口壩搜緝李家壩石龍埡荷葉嶺等處竄匪與川楚二省官兵往來會哨九年督兵至西鄉南鄭沔甯一帶防堵要隘餘匪搜捕淨盡所在有功十年三省肅清統領

甘涼官兵回營尋赴巴里坤總兵本任十二月調伊犁鎮總兵十
六年八月卒子珠爾松阿珠爾恭阿俱見任三等待衛

右 國史館本傳

臣等謹將本月其有不齊

分一二三四

八

德成額

德成額伍弼特氏正黃旗蒙古人由前鋒於乾隆三十九年二月授烏槍護軍校十月轉健銳營前鋒校四十六年八月擢三等侍衛四十七年二月授委健銳營前鋒參領四十九年五月隨大學士阿桂征石峰堡逆回有功五十二年臺灣逆匪林爽文滋事諸羅被圍七月總督常青派令德成額由水道至鹿仔港馳勦九月賊匪環攻西門營盤德成額隨提督柴大紀奮勇力戰斃賊二百餘名賊復連犯營盤德成額等督兵堵勦用礮轟擊數次斃賊甚多經柴大紀奏入上以德成額於賊匪滋擾營盤時往來督戰殺死多賊最爲奮勇才授健銳營前鋒參領五十三年二月林爽

文就擒 命將出力之侍衛章京將弁等分別獎勵德成額 賞
給斐禮巴圖魯名號五十四年兩廣總督孫士毅勦安南土酋阮
惠德成額奉 命派往廣西差遣七月擢平樂協副將五十五年
十二月丁母憂回旗五十六年三月在頭等侍衛上行走四月
命署甘肅安西協副將五十八年服闋實授嘉慶七年十二月擢
江西九江鎮總兵八年四月調江南壽春鎮總兵十一月宿州匪
徒余連等滋事 上以德成額曾經歷行陣 命就近調赴督率
辦理尋帶兵進剿殲斃首逆余連等並餘匪七百餘名搜獲五十
名教首李士等俱就縛 恩賞四喜玉扳指大小荷包並 命從
優議敘十一年六月 陸見 恩賞大緞紬紗共十一端十四年

四月因兄西安將軍德楞泰病卒 上命德成額來京穿孝十五年八月擢廣西提督十六年九月武緣縣會匪林崇三等滋事德成額會同巡撫成林親往山峒搜查將首逆及各夥匪全行拏獲上以辦理妥速甚屬可嘉著交部議敘尋卒

右 國史館本傳

國朝詩林卷之三十一

--	--	--	--	--	--	--	--	--	--

毛秉剛

毛秉剛浙江江山人乾隆五十四年武進士授藍翎侍衛五十七年十二月授雲南城守營守備嘉慶元年十一月隨征黔楚逆苗石柳鄧有功遷江西鉛山營都司十二月以斬梟首逆石柳鄧與有功 賞戴花翎五年正月勦辦三省邪匪調赴軍營適逆匪樊人傑由房縣草子山北竄秉剛帶兵千名在馬攔地方扼賊去路二月借總兵孫清元在白虎嶺迎勦奮力搶上山梁殲賊多名五月追殺徐添德股匪於煙墩集偕孫清元由東南抄截賊潰八月帶兵由洋坪至蔡家灣突遇馬步賊匪多名奮力攻擊殲擒甚夥九月賊由歐家店奔房縣總兵明亮派令搜勦旋與巡撫倭什布

一路官兵會合迎截至七里壩殲斃多名追剿二十餘里生擒傅益勝等三十四名十一月遷湖北宜昌鎮左營遊擊十二月黃藍青股匪闖入楚境孫清元由獐洛河一帶截剿突有賊從兩河口逸出抄截我兵之後秉剛馳前接應擊斃多名追至舊家山賊竄尋進擊青號賊匪於燕麥河六年正月官兵抄截至白沙河賊眾乘夜撲營偕參將常德等殲擒多名旋以徐添德張允壽各股匪在門神坡等處分屯滋擾秉剛帶兵由北星河抄出賊前迎頭截剿三月攻賊於茅倫山搶上山頂追殺三十餘里六月由毛耳觀兜剿逆首劉朝選於六子坡偕副將吉林泰等追撲斃賊三百餘名生擒五十一名十月青號王四股匪攻撲馬家河民寨秉剛

同都司陳安信等從土地嶺左山下壓賊奔竄殲斃六十餘人追至石虎頭與副將樊雄楚合兵剿斃八十餘人生擒徐宗順等二十八名十一月遷德安營參將七年九月追剿戴四崔宗和胡明遠股匪由大東溝奮力截剿十月從金竹園老木孔一帶進至黃柏埕老林搜撲無遺八年正月秉剛於川楚邊界箝箕埕萬古寺等處追捕零匪六月搜至歸州老林屢有斬獲七月由歸州之龔家橋抄截零匪復由保康等處緊躡尋因帶兵回駐南路順道搜尋督率鄉勇首領梁奇在房縣碑口地方擒獲從前戕害一等公惠倫之正賊李文魁十三年遷竹山協副將十四年擢廣西右江鎮總兵十六年十一月卒

右 國史館本傳

常春

常春殷胡哩氏滿洲正黃旗人駐防福州乾隆四十八年由前鋒
委署驍騎校五十年補驍騎校五十二年臺灣逆匪林爽文等滋
事常春隨福州將軍恆瑞帶兵往剿五月向鳳山南路進擊六月
連克賊於蔦松麻豆莊等處疊有斬獲賊竄大塘灣我軍由南潭
中洲渡水進攻燬其寮寨二百餘賊大潰八月偵剿三坎店克之
十月擊賊於鹽水港鹿仔港等處時賊據諸羅大兵圍攻日久未
下常春等馳往援剿奮力夾擊諸羅圍解賊竄興化店我兵追擊
之大敗其眾常春以功升防禦十一月偵知賊據斗六門負嵎死
守分路進剿殲賊千餘奪獲器械無算論克復斗六門功下部優

敘尋以林逆竄回大里杙我兵乘勝由水沙連山口渡溪合剿克之捷 聞得 旨賞戴花翎五十三年正月林逆沿山逃竄大兵分路截擊連克集集埔小半天山等處生擒林逆於老衢崎焚燬木柵草寮無數二月復剿南路賊匪時賊屯牛莊我兵由灣裏溪迎頭截擊斃賊多名尋偵知賊目莊大田潛入柴城大兵四面圍剿生擒莊逆於陣餘匪悉數就殲臺灣平下部優敘五十五年升佐領五十九年升協領嘉慶二年授太原城守尉十二年擢荊州左翼副都統十六年九月以疾乞休 許之十二月卒子胡珠里委署驍騎校瑚雅里官光祿寺署丞

右 國史館本傳

扎克塔爾

扎克塔爾張氏原係四川番目乾隆三十五年隨征金川受傷擢外委洊升守備 賞戴花翎四十一年金州平經定西將軍阿桂保奏進京當差 命隸內務府鑲黃旗滿洲四十二年授藍翎侍衛在乾清門行走四十三年超擢二等侍衛四十七年二月改入內務府正黃旗滿洲五十一年升頭等侍衛五十二年擢御前侍衛五十四年授正紅旗蒙古副都統兼奏事處行走嘉慶四年八月命隨工部尙書那彥成往陝西軍營十一月襄陽白號賊首高二馬五等由秦嶺老林內竄由峪干峪勝峪扎克塔爾馳赴東河安溝一帶截剿至灰峪林擒斬多名十二月因川省賊匪竄近甘省

命那彥成同恆瑞扎克塔爾率領勁兵速赴徽縣一帶堵剿竄匪
勿令深入甘境賊竄入五卽洋縣盤屋境扎克塔爾偕總兵觀祥
自小王湖至龍草坪偪剿五年正月隨那彥成副都統綸布春等
馳至隴山鎮賊聚汪家山梁抵擡官兵分三路扎克塔爾由右綸
布春由左合正路兵勇上攻斃賊二千二百餘名生擒僞副帥余
禮等四名及餘匪七百餘名經那彥成奏入奉 旨扎克塔爾著
賞給瑚爾察巴圖魯名號並賞玉扳指銀絲盒大小荷包二月襄
陽黃號王廷謫白號楊開甲與辛聰辛斗等合夥經官兵兜剿南
竄八里灣及牛躡鎮屯紮扎克塔爾偕綸布春等剿前股賊匪後
股賊匪上秀金山接應官兵搶過五層山梁而對面山梁大隊賊

匪分三路抗拒扎克塔爾帶兵壓下所騎馬爲賊截傷倒而復起乘馬復戰賊始退奏入 上加恩升授鑲白旗護軍統領尋因竄甘之賊向禮縣奔逃隨那彥成由柳家坡遏其北竄維時襄陽白號張添倫等竄聚岷州之林江鋪經官兵左右衝擊由毛峪山追賊十餘里高馬二逆踞何家衝大山梁扎克塔爾隨那彥成擊退三月賊由宕昌南竄緊躡之賊至文縣界躡淺渡河攻卡狼寨扎克塔爾率兵勇於下游分渡至高礪下會齊官兵擊之賊退踞郭家山乘高下壓我兵分三路扎克塔爾由中路進攻賊潰殲斃馬五之子狗兒四月襄陽黃號賊首伍金柱與楊開甲等合夥在分水嶺占踞三面山梁扎克塔爾與綸布春左右進攻又從嶺旁斜

國朝通志卷之三十三
三
坡衝上蹙戰多時賊由鎮安兩河關竄逸復繞往東南截剿閏四
月 上召那彥成還 命扎克塔爾等不必回京交額勒登保調
派尋擊楊開甲等股匪於鄖西黃鶯鋪經略額勒登保奏入
諭曰楊開甲等股竄入楚境扎克塔爾繞道抄截在黃鶯鋪先後
殲賊九百餘名生擒二百餘名扎克塔爾親身督戰尤爲出力可
嘉著賞給恩騎尉世職以示獎勵嗣聞額勒登保追擊襄陽藍號
賊首劉允恭等於沔陽卽帶兵由大中溪之左山梁迎剿賊竄大
中溪口經總兵楊遇春設伏敗之各路官兵兜剿追斬賊首劉允
恭五月敗伍金柱股匪於手攀崖斃賊七百餘名奉 旨交部議
敘尋因賊匪奔漢陰廳銅錢窰卽率兵勇抄赴石子背與楊遇春

等分路仰攻殲斃賊首龐洪勝及餘匪千餘名生擒五百餘名
賞玉喜字扳指大小荷包伍金柱奔五郎關袁家莊追斬百餘級
楊開甲股匪復竄入洋縣茅坪扎克塔爾馳至七盤溝嶺用礮轟
之追至茅坪殲斃首逆楊開甲大勝之復馳往大河壩四畝地攔
截 諭曰此次擒渠獲勝係扎克塔爾等分路督兵奮力截擊得
有此捷著交部從優議敘並賞扳指大小荷包六月搜捕南山餘
匪又由黃牛鋪直趨三岔河進剿竄甘之賊在東岔河曹家坪桃
花溝一帶追及馬五張添倫等股匪斃賊四百餘名又抄截之於
東河橋華陵溝斃賊三百餘名馬五張添倫與伍金柱襄陽藍號
冉學勝等合夥向渭河逃竄扎克塔爾從寬灘迎截勝之賊西趨

棧道七月帶兵由黃牛鋪瓦房壩兩當迎截剿斃賊匪九十餘名
隨額勒登保從大川壩大石山等處杜賊折竄東北八月楊遇春
等迎剿張添倫股匪扎克塔爾在木瓜園鄧子園策應旋聞賊首
伍金柱在石觀子溝爲官軍槍斃餘匪東竄卽由徽縣馳赴杏樹
灣攔截 上以高二馬五戴家營等股賊匪勢甚鴟張 命額勒
登保帶領扎克塔爾速行回陝上緊剿除尋借總兵慶成駐劄褒
城之新集又由南鄭移駐西鄉兼顧川楚竄匪九月借慶成分路
攻川省竄匪於罐子山擒獲多名復駐城固二郎壩拒川匪折竄
漢南旋因賊擾紫陽安康仍移駐西鄉 上以額勒登保等剿辦
賊匪俱屬認真可嘉 賞扎克塔爾猗猗孫馬褂尋擊賊於安 康

小道河鐵鑛壩生擒劉世富等十六名十一月攻高馬各股匪於棗樹嶺山梁斃賊三百餘名遂由金嶺子前進探得高馬等匪竄向紫陽巴州白號苟文明等匪在安康之陷河出沒有由西鄉漁壩街渡江者卽隨額勒登保取道安康渡江北馳剿又出子午峪大峪入藍田商州自北向東兜剿十二月行抵商州聞襄陽黃號樊人傑等股匪在包和鋪峒峪口西溝有奔黑山向東之勢馳往攔剿將賊截向西竄旋隨額勒登保由液村涉峪口劉家莊緊顧東北而進探知非學勝股匪仍欲東向卽由梅花鋪向西南抄截西抵龍王溝高馬股匪折回漢王城東竄踞獅子梁扎克塔爾抄路衝擊用礮轟之賊退六年正月抄赴五郎坪遇賊奮擊追剿四

十餘里斃賊四百餘名生擒二百餘名 上以額勒登保督率扎克塔爾等於新正元旦奮擊乘勝追躡實屬不遺餘力嘉之尋隨額勒登保取道竹壩追剿高馬等匪進抵四畝地並探剿冉學勝等股匪二月在火地東嶽殿控掘搜捕尋由沙坪獅子坪追擊襄陽黃號伍懷志股匪賊竄光頭山橫截之於瓦子溝獲教頭彭九皋復隨額勒登保從石泉過江赴西鄉剿辦漢南賊匪三月迎剿高馬後股之賊於司渡河及潘家梁五郎壩等處聞川匪通江藍號陳朝觀等由綦辛壩北竄出峽境雙泉子卽冒雨竊追至車灣坪斃斃百數十名折行數十里遇賊匪正與官兵抵拒馳馬衝擊賊潰 上嘉之偵知襄陽白號高二馬五等股匪合竄南鄭遂馳

抵狼渡礮適遇賊匪下山攻撲民峒卽率兵勇左右進擊躍馬橫
衝將賊截爲兩段生擒賊首王淩高仍率副將楊芳由簡池壩追
剿得 旨褒獎尋因冉學勝股匪在棧道出沒調赴棧道剿捕抵
西壩賊竄東滄溝卽隨額勒登保由唐藏進剿至隴州草白峪賊
匪進溝向東北竄隨率馬隊順溝進發遇賊騎從溝岔突出迎擊
之與額勒登保合攻賊潰高二馬五經楊遇春生擒復分投搜捕
四月由水磨川馬峽口白沔河一帶抄截冉學勝股匪賊竄平縣
追擊過江夜襲賊營於黃安壩賊驚竄擒斬多名五月冉逆竄入
紫陽界與楊遇春分路追剿賊於天池山設伏扎克塔爾等分三
路進抵半山凹突出兵勇搶占山梁斃賊三百餘名生擒僞副元

帥陳學文及餘匪五十名賊由木蓮橋洞河分竄復與楊遇春取道深水河向甄坪抄截追獲賊匪多名至白土關賊由沔陽金河等處偷越入楚與楊遇春抄至竹谿兜擊復截之於草鞋坪賊仍向陝境奔逸尋由鶯鶯山大金河口前進襄陽白號張添倫楊開甲餘黨黃號姚馨佐曾芝秀等股匪合聚於南唐嶺劉家河口一帶扎克塔爾與楊遇春分兵冒雨搶攻山梁奮勇擊之賊敗斬馘四百餘名生擒五百餘名奉 旨交部議敘並 賞拔指大小荷包冉學勝股匪由湖北沂竄白河與姚馨佐等合夥扎克塔爾偕楊遇春攻之於孫家坡復擊之於渭子池山梁斬獲無算遂分兵赴秧田壩勦辦餘匪 諭曰此次額勒登保督飭扎克塔爾楊遇

春等分路截剿斬獲多名扎克塔爾楊遇春均屬奮勇茲特將朕
佩帶之扳指荷包等件分賜伊等祇領如朕親授以示格外恩眷
嗣將秧田壩賊匪殲除白河境內肅清六月參贊大臣德楞泰追
剿太平黃號龍紹周及襄陽藍號戴四崔宗和胡明遠等竄匪至
陝楚交界之關垵子扎克塔爾由竹谿之龍王垵等處緊顧東面
兜截至牛皮溝分路進剿擒獲多名至胡溪溝戴四向散子坪西
竄七月隨額勒登保自竹葉關冒家壩向西探剿尋因陝省各股
賊匪陸續入川額勒登保奏擬率扎克塔爾等由玉子坪班鳩關
界嶺前赴川境奉 旨不必以入川爲急總須帶領官兵顧住陝
省邊界徐徐前進八月抵涼橋張添倫姚馨佐等股匪乘夜撲營

率兵擊之槍箭並發賊退跟蹤進擊賊奔紅洋河由五塊石埡山下竄復擊另股賊匪於瓦廠坪擒斬多名尋由簡池壩三元壩進在西鄉通江太平一路勦辦九月 諭將盛京吉林黑龍江受傷患病官兵先行撤回額勒登保奏派扎克塔爾往西安專司彈壓十月由西鄉回營行抵中壩截擊通江藍號李彬分股竄匪於栗壩十一月由蒙壩塘柳林溪向西偵探聞姚馨佐股匪在南江分水嶺圍倡民峒率兵勇分投衝殺又擊襄陽黃號辛聰股匪於竹木埡追至韭菜巖丁家溝屢有斬獲尋由沙壩碑壩進探知苟文明股匪由廣元竄階州隨額勒登保由南鄭抵褒城新集駐劄十二月進抵甯羌苟逆竄入通江隨於大河口城隍廟一帶緊顧北

面又由官渡進剿東鄉白瓷劉朝選股匪於王家坪七年正月兜
剿李彬股匪於漂藻河姚家壩聞苟逆奔腕豆坡川北鎮總兵薛
大烈緊躡其後遂由白沔峽抄截擊之於七星壩江岸又敗之於
迎風壩復由梅子鋪大河口迎擊二月賊竄入秦嶺遂同額勒登
保在栗壩華陽壩一帶顧定西南截擊苟逆竄黃柏園跟蹤至牛
尾河賊竄入老林復分路追剿賊翻過太白梁出楊泗廟向東南
遁三月由玳瑁河抄截至三官廟又截之於九尺壩賊匿月亮坪
由水磨溝火地奔竄率兵追剿多所擒獲賊竄過秦嶺北奔復緊
躡之至泥河口轟擊之賊入紅水河抄赴秦嶺北面峪口截剿賊
入太白山東北老林扎克塔爾等拔營誘之使出擊走之竄蓮花

寨復帶兵乘夜馳至殲斃多名賊竄碾道狄木庵又由東嶽廟跟
追賊由黃草坡東河杜家墳奔竄馳抵小王澗夜襲之賊四散仍
緊躡賊蹤抄出洵陽壩四月偕楊遇春追至鎮安石門溝賊踞山
梁抗拒我兵奮力衝擊賊潰乘勝追殺斃賊百數十人生擒數十
名追過腰竹嶺 上嘉之賊入盩厔甯陝老林偕楊遇春由西北
向東南追勦偏出老林追擊之於鎮安譚家山上板房連次擒斬
多名賊向東峪河狂奔 諭曰乘勝掩擊就地殲除不可再任折
回山內賊竄茨溝與官兵遇迎擊之追至油房溝賊偷撲營卡擊
退之乘勢掩殺至腰竹溝分路向南偏勦斬獲頗多又擊之於正
灣鋪鐵峒溝賊遁入五大峪八大峪密林復東竄截擊之由琵琶

嶺金雞河至兩河顧住北面向西截勦賊奔小王澗率官兵自安溝冒雨迎截之復分路兜擊賊由七里溝竄上秦嶺旋偵得賊匪在韭菜坪老林屯聚遂由西面獅子坪甘家礪兜圍五月追至徐家壩繞赴金雞梁由西面進勦賊竄苟家溝又由廊溝石板溝進勦追至傅家河口復由兩河菜子坪追勦時因賊匪未能殲盡諭曰扎克塔爾本係番目畱京供職擢至御前侍衛派往軍營因其打仗出力授爲護軍統領專辦苟逆一股乃曠日持久並不上緊設法搜勦本應卽予革職治罪姑念平日尙知奮勉加恩暫予革職畱任以觀後效嗣探知苟逆在磨子溝藏匿偕楊遇春分兵躡之賊踰光頭山竄入傅家河老林尋截分股賊匪於華陽苟文

明股匪遁黑屹塔又抄截之於四畝地旋因苟逆折向東面額勒
登保調扎克塔爾向東南進勦偕楊芳合擊苟逆分股賊匪靳士
黃陳文海等於華陽月亮坪時因額勒登保擊獲苟文明妻羅氏
子苟三皮子等奉旨扎克塔爾亦著加恩准子開復六月靳士
黃等分股竄桃號二川扎克塔爾出辛口峪進斜峪關馳勦賊由
方柴關西竄率兵在白雲峽五里坡扼住東北而攔截設伏擊之
於斜峪關又由佛爺坪進兵多所擒斬苟文明經額勒登保殲斃
七月靳逆竄火燒營扎克塔爾偕楊芳分投截勦賊由沙窩子西
竄蓋屋復入秦嶺八月偕副將張瑗搜捕屢有斬獲上嘉之
命隨額勒登保取道平相赴楚勦辦楚省餘匪九月楚匪竄入沔

陽白河境內卽率兵勇由黃洋河迎擊進抵白土關又派往七里關追剿復隨額勒登保在平安交界嚴密搜防十月追藍黃各號竄匪至杏兒坪劉家坪豐溪鍋邊河賊竄入大甯境駐劄虎溪山防之時陝楚邊界已就肅清各匪被剿俱入川境扎克塔爾隨額勒登保由獅子壩取道紫陽茅壩闖入太平境聞賊竄漆陽坪卽由銀硃壩瓦房店倍道馳剿十一月賊奔甘龍礮迎剿之於苦草壩擊伏匿零匪於大四塘老林斃賊多名生擒何正相等十六名復從堡坪進剿旋以陝境餘匪未淨諭額勒登保先派扎克塔爾帶兵協剿八年正月由茅垵塘向箭桿山前進賊奔通江復躡蹤入川截剿由石鼓山溪夜擊之於佛頭山直搗龍池場賊屯擒

獲多名復由馬家壩馳勦餘匪匿巴山老林由倒水峒若隄河跟蹤搜捕多所擒獲二月回京 命仍在奏事處領班行走閏二月因擊獲逆犯陳德於神武門內奉 旨賞給三等男爵其恩騎尉世職仍照舊兼襲七月三省大功全竣 命交部議敘十年十一月因外奏事聽差賀清泰壓遞奏摺 諭曰外奏事官員本不應設有聽差之人且賀清泰竟敢在外擅壓奏摺毫無覺察扎克塔爾著交部嚴加議處並 命斥退外奏事差使回本任供職聽候部議十二月部議降一級調用 上以係屬領班且前在軍營出力著加恩降二級畱任十一年二月洋匪蔡牽滋擾臺灣 上命領侍衛內大臣德楞泰爲欽差大臣同扎克塔爾馳驛往勦旋因

蔡牽逃竄奉 旨遣京七月因甯陝鎮新兵陳達順等滋事隨德
楞泰赴陝勦辦九月取道洋縣華陽盤屋一帶探蹤進剿在斜峪
關迎頭截殺斃賊百餘名生擒僞先鋒彭貴等十二名夥賊四十
六名截傷僞元帥蒲大芳尋遇賊於方柴關被圍蒲大芳及賊目
王文龍等縛首逆陳達順陳先倫向貴率眾乞降奉 旨交部議
敘 上以德楞泰奏賊匪震懾軍威窮蹙乞降扎克塔爾等一戰
得勝即將首逆縛獻殊不足信恐有別項情節德楞泰復奏扎克
塔爾帶兵至方柴關與賊鏖戰因賊數眾多官兵四散扎克塔爾
被圍正在危急之際適蒲大芳王文龍等率眾趕至棄矛跪哭乞
降並非賊匪窮蹙乞降 上召見扎克塔爾親加詢問祇稱賊匪

畏罪請降並未將方柴關兵散被圍各情奏明復經德楞泰詳細具奏 上令軍機大臣傳訊扎克塔爾始據實陳奏 上以扎克塔爾前此掩飾之咎實無可辭著退出御前侍衛在乾清門侍衛上行走仍交部嚴加議處並前次議敘俱著註銷十一月部議照有意隱諱例革職 諭曰扎克塔爾隨德楞泰剿辦甯陝叛賊派在前敵賊匪由斜峪關南竄同楊遇春痛加剿殺殲獲多名追追至方柴關遇成隊賊匪天晚官兵轉戰力疲被賊衝壓數次致有散失扎克塔爾同楊遇春帶領親隨數十人至該處營汛駐守賊匪正在四面圍繞之際而溫春等帶領東三省馬隊適至賊匪畏懼賊首蒲大芳王文龍等率賊眾至扎克塔爾楊遇春馬前棄械

投誠扎克塔爾等諭以如果實在投誠可將首逆縛獻蒲大芳等立將首逆陳達順陳先倫向貴三人縛獻一面令賊停紮一面稟知德楞泰定奪扎克塔爾於到京時經朕面加詢問祇稱賊匪畏罪請降迨德楞泰奏到詳細情形復令傳詢始行陳出實情是扎克塔爾於方柴關受降情節不行詳細備陳意在隱匿諱敗爲勝仍染軍營惡習不以誠實對君上獲咎實在於此扎克塔爾係川省番目出身平素當差尙屬勤慎自應量加寬貸著退出乾清門侍衛鑲白旗護軍統領正紅旗蒙古副都統加恩仍畱三等男及恩騎尉世職仍賞戴花翎著卽回伊本省四川地方交與總督勒保以副將補用觀其後效尋 賞副都統銜授科布多參贊大臣

十二月 命仍入內務府正黃旗滿洲十二年十一月奏請將科布多屯田人等分別獎賞 從之十二月授正藍旗漢軍副都統十三年十一月奉 命回京十四年十二月授鑲藍旗護軍統領十五年仍在奏事處領班行走十六年正月調正黃旗護軍統領十七年正月授武備院卿四月卒 諭曰扎克塔爾本係川省熟番從征金川軍營打仗受傷來京當差行走多年並曾出師川陝隨同勦辦邪匪著有勞績茲聞溘逝殊堪軫惜著賞銀二百兩照護軍統領之例議卹其任內應得處分均予開復子常安襲三等男爵兼恩騎尉見任三等侍衛

右 國史館本傳

扎克塔爾金川番部人其父某爲索諾木所殺故公自弱冠投誠
因祕獻入番捷徑阿文成公得以進兵成功 純皇帝憐其幼稚
命近臣撫視之後游至護軍統領公雖外夷性敏捷川楚之役公
每膺師旅未嘗敗北軍中敬畏之呼曰苗張無敢撓其鋒者丙寅
秋方柴關兵變公首趨赴時西安駐防已爲賊衝潰勢甚猖獗公
怒馬獨出手殺數賊賊有識之者詫曰苗張至矣因皆奔潰楊時
齋提督繼至爲之撫慰賊皆棄甲請降是役往返不踰二十日皆
二公之功也壬申夏病卒於邸 上悼惜之 賜金幣令人董其
喪焉

右錄宗室昭槩撰

--	--	--	--	--	--	--	--	--	--

169-578

袁敏

袁敏四川理番廳人入籍成都府華陽縣由行伍洊擢千總隨征金川緬甸俱有功乾隆三十六年隨征小金川升四川瀘甯營守備三十七年五月定邊將軍溫福派領三雜谷士兵由綽斯甲布進攻三十八年二月升湖北施南協中軍都司三十九年十二月升湖廣提標右營遊擊敏在軍營隨副將軍豐昇額參贊舒常征勦趙拉促浸於西南北三路打仗奮勇前後共受槍石傷七次四十年九月攻勦丹噶克底山梁奪寨殺賊有功 賞戴花翎四十一年正月升雲南武定營參將三月調四川龍安營參將四十二年調永甯營參將仍留金川屯墾四十五年二月擢湖南衡州協

副將六月赴任四十七年十月擢江南壽春鎮總兵四十八年丁母憂回籍四十九年甘省逆回滋事敏請於督臣往軍營效力六月四川總督李世傑令敏統領土兵屯練番兵馳赴鳳隴協同川北鎮總兵富祿相機酌辦七月陝甘總督福康安檄至石峯堡軍營令偕成都將軍保甯富祿等由通渭伏羌秦安秦州一路搜捕五十年十月服闋補河南南陽鎮總兵五十八年十二月 陛見諭曰河南南陽鎮總兵官袁敏前在雲南金川軍營著有勞績得傷十餘處甚屬可嘉從前將軍大臣並未奏明賞給巴圖魯名號殊屬遺漏袁敏著加恩賞唐博巴圖魯名號於例外賞銀二百兩以示獎勵六十年二月調湖南鎮筵鎮總兵時湖南苗匪滋事

上以軍務緊要諭袁敏迅速馳往閩二月湖廣總督畢沅令敏率兵一千五百在瀘溪防守並備進剿嗣有苗匪千餘自瀘溪城西北羊角山榔水溪絕壁翻山而下敏同參將穆克登額等奮力堵擊賊匪擁至撲燒城門敏率弁兵潑水擲石槍箭齊發相持一晝夜復繞東門水道突至賊背夾擊之斃賊百餘賊竄逸先是賊陷乾州七月賊匪石三保等屯平隴一帶距乾州近敏率兵五千由瀘溪向乾州進剿八月官兵連日進逼賊勢窮蹙乾州等屬二百二十七寨乞降 上以在事將弁奮勇出力 賞袁敏火鑱資板指套大小荷包九月官兵由鴨保進攻以期收復乾州畢沅派添營兵二千名交敏調撥由洗溪一路進剿時有苗匪抗拒節經擊

潰殺賊甚多復自能灘潭溪進抵大壁流河溪賊苗糾眾夥抗拒
敏於漁梁坳山徑分歧之處悉力攻守牽制之十二月調貴州古
州鎮總兵仍留軍營嘉慶元年正月 恩賞蟒袍四月由大壁流
進抵丑坨賊苗二三千從後山突出敏率將弁分投迎擊斃賊數
百名餘眾潰散官兵乘勝追至河溪渡口賊匪淹斃甚多並燬賊
棚百餘間得 旨賞大小荷包五月進據柘木橋並勦散左古山
梁屯聚賊匪復因柘木橋對面得勝坡地方形勢險峻苗卡嚴密
敏率將弁分投繞道乘賊不備奮勇競上賊冒死奔竄殲斃無數
隨將黃道坡得勝坡一帶賊卡全行攻克卽督兵過河占住河溪
要隘七月進至老巖屋內大臣德楞泰帶領巴圖魯將備馳與會

合收復乾州敏尋回古州任二年六月雲貴總督勒保檄赴都勻
定廣長寨歸化一帶督催官兵勦辦興義府屬狎匪閏六月勦白
石巖等處殲獲甚多奏入 恩賞喜字玉搬指鉛子魚袋大小荷
包八月攻椒子壘分路前擊至播東播西沿途殺賊甚多燬賊砦
數十處生擒賊目王阿色等多名隨移駐高坎河一帶相機進勦
上嘉之賞小刀大小荷包九月回古州任尋以傷病時發請解任
勒保奏請原品休致 諭曰古州鎮總兵袁敏常患病證難以勝
任該員曾經出兵受傷著有勞績著准其原品休致三年正月回
籍十七年六月卒孫紹書二品廕生見任戶部主事紹詩見任金
堂縣教諭

國史館本傳

右 國史館本傳

定住

定住翁果特氏鑲黃旗滿洲人由烏槍護軍於乾隆三十二年隨將軍明瑞出征緬甸三十三年隨將軍阿桂征蠻貊新街老官屯三十五年擢藍翎長三十六年由滇省調赴四川隨勦大小金川擢烏槍護軍校三十八年於大金川勦賊有功 賞戴花翎三十九年委署護軍參領四十年補健銳營副前鋒參領四十三年擢雲南提督標中軍參將四十七年升龍陵協副將四十九年調督標中軍副將五十三年出征安南富良江黎京等處五十四年升臨元鎮總兵五十九年調江南壽春鎮總兵嘉慶元年因楚匪擾及豫省交界 命於安徽與河南交界處所防堵二年二月河南

光山等州縣有賊匪焚掠定住由所駐之固始縣前往截剿三年
授江南提督五年經略額勒登保等剿辦陝西教匪 上以陝西
東面界連豫省賊匪或因被剿情急闖入豫境 諭河南巡撫吳
熊光朕於定住素未識其人聞其帶兵甚有節制前在河南之固
始縣二道河地方駐紮防堵頗能認真派令赴豫自可得力吳熊
光當與定住彼此熟商扼住賊匪入豫之路閏四月定住帶兵前
赴朱陽關駐劄五月移駐較近陝西之李漫坪與陝西商南相離
較近奏請赴陝協剿 上允之令赴經略額勒登保營聽候調派
時戴營分股賊匪由黑河竄近甘省 命定住帶領原兵速赴徽
縣兩當一帶幫同提督楊遇春截剿六月偕楊遇春等由黃牛鋪

入甘馳赴三岔山進剿七月馬五張添倫股匪從秦州向東奔逸
額勒登保令定住馳往渭河屬防旅因辛聰等股匪尙在徽縣禮
縣等處而總督長麟一路尙須大員帶兵復令定住馳往協辦七
月冉學勝等股匪屯聚石家關相近之西高山定住從藩司廣厚
各帶官兵由牛兒坪朱埡子養馬城一帶進剿馳擊六十餘里殲
斃賊匪百餘人生擒三十三名旋因伍金柱餘匪分竄額勒登保
令定住於階州等處防範截其入川之路八月賊匪竄至文縣平
武昭化甯羌等州縣定住偕廣厚馳赴趙錢壩一帶扼住去路賊
由紫竹園西奔圖竄龍安定住等聞信分赴史家山王家壩截剿
山險路窄不能乘騎徒步率師抵老林峪時賊匪屯聚葦子溝圖

占馬鞍山梁定住督兵疾擊敗走之是月長麟於黃樹關追勦伍
金柱餘匪令定住馳赴秦州緊顧北面以防渭河九月曾芝秀股
匪竄入南山老林長麟復調定住帶兵入山由北路抄截尋經略
額勒登保奏署固原提督仍畱西鄉南鄭等處防堵旋因前在階
州勦賊時墜馬觸傷不能動履於六年正月奏請解任回旗調養
上允之十年十月病痊 賞給副都統職銜以頭等待衛在大門
上行走旋授湖廣提督十一月調甘肅烏魯木齊提督十七年七
月卒子富勒賀見任貝勒奕綺門上司儀長富爾丹見任內閣中
書富爾錦見任戶部筆帖式

右 國史館本傳

張廷彥

張廷彥陝西長安人六世祖鵬程貴州安籠鎮總兵以軍功廕二等輕車都尉世職廷彥承襲乾隆三十七年發陝西本省學習歷署撫標左右營守備四十年授江南甯國營參將五十一年擢湖北鄖陽協副將五十三年調湖廣督標中軍副將五十九年升湖北宜昌鎮總兵六十年楚苗石三保黔苗石柳鄧等糾眾滋事攻圍湖南永綏廳分遣夥匪焚劫保靖縣阻截永綏道路閏二月總督福甯令廷彥帶兵往勦廷彥行抵保靖依城設卡賊匪於對山據險屯聚別出千餘賊來爭山梁廷彥督兵擊卻之賊又分三路擁至廷彥奮擊斬前隊賊目賊始退山坳藏賊尙多廷彥慮眾寡

不敵請添兵協勦福甯調襄陽鎮兵一千赴之時永綏被圍日久
廷彥一面留兵駐守保靖白馳往新寨隨大學士公福康安會勦
以通永綏之路賊分踞新寨之西南北三面山梁抗拒福康安率
遊擊三格等從北路迎擊令副將慶溥等由西北遊擊李光榮由
東南同時並進廷彥自東南繞出賊後夾攻之賊越嶺竄燬其巢
值提督劉君輔移會以欲解永綏圍必先克復花園約廷彥馳赴
自保靖進抵古銅溪其地兩山壁立前隔一溪賊拆橋設卡據險
固守君輔廷彥一從山梁直壓一從對面迎攻斫木成橋乘勢直
入賊寨甚多搜勦三十餘里直搗花園卡花園爲永綏襟喉賊沿
河砌石拒守備至又潛出山梁邀截官兵後路廷彥督兵捕之賊

巖巖及溺死者無數廷彥仍自古銅溪繞至長潭一帶防勦復偕君輔並至銅溪坪從山坳繞出來攻賊四路潰竄卽乘勢渡河登卡盡焚花園各苗寨四月福康安及四川總督和琳以川黔兵解永綏之圍廷彥卽在花園駐守尋福甯等奏賊復由長潭芽扒溪窩插一帶潛來攻燒躍馬卡梗寨運道並欲繞襲花園 上以廷彥未經迅速具奏又未能速獲匪首嚴飭之嘉慶元年六月官兵直偪乾州廳廷彥偵知石三保由酌水潛竄至哄哄寨因與君輔密令降苗與土蠻會合誘三保至保靖之坳溪廷彥以巡卡爲名星夜掩至擒之得 旨賞戴花翎並賞給玉扳指大小荷包火鑰等件十二月石柳鄧復於永綏等處未降苗寨糾黨煽動廷

彥與總兵蘇靈等分遣弁兵擒獲賊目李老二石十月劉七官等
於馬尾坡各苗寨賊勢益蹙二年湖北長陽教匪林之華覃加耀
等滋事據黃柏山拒守三月將軍明亮檄廷彥帶宜昌施南兵會
剿賊於左近之光頭山接築卡牆十餘里內外深濠急不可下領
侍衛內大臣額勒登保帶兵由半嶺橫衝卡牆廷彥隨福甯自下
仰攻騰越而上殺賊甚眾遂克四方臺等處賊由黃柏山竄建始
巴東之芭葉山廷彥馳至枇杷塘官店等處邀擊屢破之遂紮營
那卡以通運道五月復由高嶺頭進剿焚五尖嶺各賊卡 賞玉
扳指大小荷包復分路由高林子直上大莊會額勒登保等攻克
車家灣黃花坡賊於芭山要路之大峴口添築石卡木城恃險堅

拒六月隨額勒登保攻之衝冒矢石拔其城卡 賞玉喜字牌玉
扳指大小荷包間六月賊竄五寶山廷彥由山西進偏賊復竄入
馬尾溝廷彥追擊之殲斃及墮崖者無算賊由竹園壩長嶺山官
干溪一帶竄至松木坪官兵分路進剿廷彥由志載坪攻之七月
賊賊於鐵礦坂黃連溪大金坪等處又會剿於九嶺九溝及石城
口各要隘遂進克白魚寨八月破賊於懷抱窩十一月首逆覃加
耀竄據朱里寨倚百崖口黃子崖爲險要大埡口小埡口尤爲峭
削廷彥慶滿先設伏於埡口之左右攀援梯索而上倒壓賊卡伏
兵應之賊大潰三年三月川省賊匪竄至巴東羅溪壩尋擾及歸
安州遠安一帶四月湖廣總督景安劾奏廷彥在巴東界嶺堵禦

不能悉力固守致川匪竄入又於石牌剿賊失利且不能約束將弁致所帶兵丁擾累遠安縣地方有旨逮問尋發往新疆效力贖罪八年釋回十七年八月故子錫奎承襲世職見任漢中鎮標遊擊

右 國史館本傳

富翰

富翰鄂溪托氏鑲黃旗滿洲人乾隆五十三年由上虞備用處拜唐阿擢藍翎侍衛五十七年遷三等待衛嘉慶四年升二等待衛在乾清門行走五年五月 命往湖北軍營交與總兵明亮差委七月偕侍衛塔津保等擊青號徐添德股匪於分水嶺敗之賊匪旋犯潘家寨地方據山迎拒官兵富翰偕侍衛雙福等率領馬兵搶上山梁殲斃三百餘人匪衆奔竄孔富集富翰等復分路追剿射倒偽總兵熊方青擒獲正法經明亮奏入奉 旨交部議敘是月徐添德股匪數百人復於安家集衝突富翰同塔津保等冒雨馳擊斃賊三十餘名八月賊衆於雙坪蕭家垭竄聚明亮飭富翰

等追擊騎馬賊匪箭斃一百餘名復於紅崖寨蔡家灣等處馳會
總兵孫清元副將王懋賞等協同攻勦擒斬甚多 上嘉其出力
並 諭明亮於擊獲首賊徐添德後富翰等當一體加之升賞是
月賊眾敗奔孫家集屯紮明亮飭富翰等帶領馬隊追趕賊匪於
山梁排立抗拒富翰等奮勇直撲將馬賊衝散馳射擊殺殲斃二
百餘名又有步賊翻山旁竄撲壓馬隊富翰偕塔津保帶馬兵健
壯者十餘人首先衝上山岡射殺馬步賊二十餘名馬隊繼之賊
大敗追擊至白浪塘日暮移營時有騎賊二百餘名突來繞撲復
經富翰等擊退之經明亮奏入 上以其奮勇升授頭等侍衛時
徐逆匪眾自疊次勦敗遁入陝省邊界至汝河腦過渡於山坳據

險立寨富翰等繞路搶上山頂擊殺賊潰復追剿三十餘里箭斃
數十名十月明亮因黃白藍綠四號川匪竄楚偏近房縣之上合
一帶其地山重箐密派孫清元等由左首西溝進擊富翰偕侍衛
江鼎等帶領馬隊從中抄截賊抵死抗拒孫清元督兵下壓槍箭
齊發賊分股逃奔孫清元追擊大隊富翰等擊殺多人賊始潰敗
而各山梁林箐內伏賊尙多正乘勝追趕間忽青峯溝突出賊匪
千餘人抄截官兵富翰等馳射深入斃賊匪數十名兩旁林內伏
賊四起我兵腹背受敵江鼎陣亡富翰力戰衝出經明亮奏入
上諭將孫清元富翰等保奏加恩是月白號高二馬五股匪屯紮
保豐之陳家河並於鐵掘寨益水一帶焚掠明亮與巡撫倭什布

率將弁馳剿賊隊分占山包抗拒富翰偕塔津保等帶領馬隊由中路迎擊合力圍剿殲斃甚多明亮將軍營出力人開單保奏諭賞給富翰多克慎巴圖魯名號時又有陝省賊匪由平利竄至八卦廟松山河一帶焚掠復奔竹谿河屯紮明亮於夜半率富翰等帶領馬隊乘夜衝撲賊營射斃賊二百餘名生擒楊中林等四十七名倭什布率兵繼之賊敗回陝境十一月高二股匪被官兵剿由興山等處直向東趨富翰隨明亮擊之交戰垵得獲勝仗高逆自剿敗後仍折回西北由興山房縣山僻小路狂奔時青號徐添德一股由竹谿竄至房縣之獐洛河一帶黃號樊人傑一股由陝西竄至楚境之桃花山圖往均州穀城高逆與之合夥總督長

齡統領官兵由獅子巖令富翰等率領馬隊分三路進剿殲斃五百餘名十二月賊奔竹谿縣境於瓦房口攻撲喇寨並於山梁據險抗拒官兵富翰隨明亮一路疾馳迎擊搶上山梁斃賊甚多尋高二及黃號股匪敗竄西北富翰隨明亮帶領兵馬銜枚疾走於陝楚交界之大花園地方從山溝抄出與塔津保等兩路夾擊斃賊四百餘名生擒一百餘名餘匪向陝省平利奔逃六年正月徐添德股匪又竄至竹山一帶富翰隨長齡及雙福等抄擊於馬鹿寨勝之復偕侍衛呢瑪善追擊之於麻家渡解太平寨圍並有新獲五月藍號冉學勝股匪在楚省邊界往來游奕明亮率富翰自岷口追剿至葛藤寨一帶殲斃甚眾餘匪潰遁六月樊人傑之弟

樊二股匪竄入竹谿縣之鷲坪地方富翰偕三等侍衛恆坤等帶兵衝擊斃賊百餘復自石門溝至三岔溝等處斬獲甚眾十月戴家營股匪東竄長峪等處巡撫全保派富翰偕總管都當阿等赴德勝坡一路攔截尋於梯子溝與參將德興分路抄擊斃賊二十三名生擒僞先鋒張世才彭良朝等二十三名 恩賞玉扳指等件十一月於獐洛河兜剿復搜獲零匪三十餘名尋於老君溝偕都當阿等協擊戴家營屯匪有功復與 恩賞七年三月協剿黃號曾芝秀等股匪於房縣北鄉之東浪四月復擊賊於司馬岡尋又攻川陝竄匪於竹山之瓦房溝均獲勝仗六月隨提督長齡攻樊人傑股匪於馬鹿坪大山敗之復截剿奔逃之賊於岳洲峪與

西安將軍賽冲阿副都統温春總兵馬瑜分投夾擊奮力倡勦樊
逆投河淹斃擒獲甚多 上以其打仗勇往交部議敘尋 恩賞
加副都統銜七月協勦藍號蒲添寶股匪於頂塘一路匪眾旋向
西南狂奔富翰隨長齡等追勦之於灣腰樹賊潰遁八月偕孫清
元由興山保康一帶追勦王國賢餘匪逸入陝境經略額勒登保
率兵擒斬過半匪眾復由壩河駝家壩等處奔竄富翰赴金河迎
截又偕副將呢瑪善追殺至夾山嶺沿途均有殲擒旋又趕勦青
號熊翠餘匪於葉家溝山梁率領弁兵分投並進斃賊三四十名
生擒二十四名是月補鑲藍旗蒙古副都統九月偕副都統銜托
爾托保由葛藤口抄擊戴四等股匪追至簸箕山沿途共殺斃二

十餘名生擒十二名復恐餘匪東竄上龕帶兵堵截十月協剿青黃兩號餘匪於中子洋坪借馬瑜等分路追剿共殺賊四十餘名生擒李大典等九十一名尋又由涼水埡前進追擊賊匪於顧村河與副將何君佐等四路截殺殲擒殆盡是月青號陳侍學股匪竄聚巴巫一帶參贊德楞泰移師由巴東之江家坪進剿黃泡池賊巢令富翰等帶馬步兵勇繞出木瓜溪琴樂坪會同夾擊殲僞總兵何從任生擒二十餘名 恩賞玉扳指等件十一月隨德楞泰自徐家壩沿途搜捕餘匪屢有殲擒八年二月凱旋回京仍在乾清門行走七月 命管理火器營事務九月授公中佐領十一年八月授鑲黃旗護軍統領十七年正月因誤班降頭等侍衛

--	--	--	--	--	--	--	--	--	--

德忠

德忠伊圖默氏鑲黃旗滿洲人乾隆三十九年由護軍藍翎長升藍翎侍衛四十五年洊擢二等侍衛四十七年授江西廣信營參將五十九年遷河南南陽協副將尋調直隸河屯協副將嘉慶二年帶直隸兵赴陝西漢中協勦邪匪時賊屯沔甯交界之桑樹灣德忠隨提督慶成等三路進攻擒斬甚多獲器械牲畜無算尋隨將軍恆瑞等移師川東勦賊三年正月總兵富爾賽駐守營山縣城賊首羅其清圍困甚急德忠隨恆瑞慶成冒雨馳救富爾賽出城應之內外夾擊圍解賊潰竄蓬州德忠偕游擊岳甯阿先馳至蓬州隘口設伏伺賊至半坡擊之賊驚走追殺二十餘里擒賊目

王文彩苟文彩苟文德等六月偕總兵觀祥截勦白號高均德股
匪於石人河連克之七月恆瑞進兵至土門埡賊突從三板場金
家場兩路來截德忠急領兵從外衝入奮擊大捷高均德糾藍號
股匪冉文儔竄踞渠縣大神山爲巢穴前阻大河築卡林立德忠
偕觀祥由北路進攻焚其寨柵賊冒火衝出者悉殲之復有賊二
千餘向西南大山竄官兵併力追殺槍斃賊目禹斯珍射殪冉文
儔之弟冉文字高均德負箭遁與冉文儔等依羅其清屯踞營山
縣之箕山別股徐添德樊人傑折回插旗山古戰坪鳳凰寺等處
謀截營山渠縣運道與羅其清爲犄角勢九月分兵兩路勦之恆
瑞率德忠由插旗山右手抄擊與正路進攻之副都統銜德楞泰

等會合奪插旗山賊卡偪入古戰坪破之乘勝攻奪鳳凰寺搃樊人傑之弟人仲十月隨恆瑞進攻箕山附近之陳家壩焚其木柵賊首羅其清移踞大鵬山爲死守計十一月德忠隨恆瑞攻其北與官兵四面合擊破之羅其清等就擒四年四月白號股匪張映祥楊開甲等欲竄汧隴鳳竇一帶德忠偕副將凝德九十參將韓加業等分堵要隘五月賊聚郭家壩謀南竄白水溝由潼川直達成都恆瑞馳至梅子園兜截德忠分兵杏紅溝進冒雨掩擊會凝德等追殺五十餘里賊折向西北敗竄 命咨部議敘時黃號賊匪伍金柱劉天成等乘隙聚階文一帶窺伺嘉陵江渡口六月德忠偕侍衛巴彥泰由五福河進勦破賊於帶羅山追至柏樹山梁

分三路併擊大敗之 賞戴花翎七月伍金柱等復由廣元折向
陝境南鄭欲偷渡漢江北岸與張漢潮合德忠隨恆瑞先渡漢江
南岸追及於法慈院擊敗之又敗之於青石關擒賊目王世德等
五年四月賊由鎮安竄踞凹山梁之後面大山總兵劉之仁等由
左副將李天林等由右德忠偕侍衛保棻等由中路並進殲擒甚
眾尋升巴里坤總兵六月會經略額勒登保兵勦賊於茅坪賊首
楊開甲殲焉得 旨交部議敘竄匪先後由棧道入甘額勒登保
檄令德忠防賊竄入陝境要隘七月總兵長春緣事降游擊其所
轄棧道之方石鋪酒店梁等處歸併德忠駐守九月並防守草涼
驛七里坪各要隘十月伍金柱夥匪曾芝秀分股翻越白家店山

梁竄出棧道德忠知之帶兵追擊賊敗入深林藏匿復潛竄盤屋
縣屬之二郎壩德忠探徑抄至鎮洵交界要路兜截額勒登保以
賊由德忠防守汎地竄越奏請革職審辦奉 旨德忠入山趕賊
曹綏革審如果奮力追擊迅速勦淨尙可以功抵過著革職畱營
效力予以自贖之路總督長麟復奏德忠祇知在後尾追不能截
賊痛勦 命革職擊問交額勒登保長麟會同審訊嗣額勒登保
等奏賊初由華陽一帶狂奔其地本無繞出賊前之路德忠止在
後跟勦一抵五郎德忠卽由捷徑繞出界牌石兩河關等處賊前
堵截是以賊匪未能東竄且該革鎮所帶官兵僅止四百餘名兵
力實在過單尙無縱賊不勦情事刻下陝省帶兵乏人懇仍遵照

前降 恩旨將德忠革職留營效力以觀後效如有貽誤加倍從重治罪 上從之尋授甘肅甯夏鎮右營游擊十七年卒子木特布六品廕生

右 國史館本傳

武自珍

武自珍貴州黔西人乾隆三十二年緬匪不靖由行伍隨征屢著戰績三十六年小金川逆酋僧格桑構釁滋擾金川逆酋索諾木陰與之黨自珍隨四川松潘鎮總兵宋元俊討之三十七年三月由達烏進攻克吉地官寨及默資溝四月我兵圍丹東奪碉門戮番眾五十餘復革布什咱地方三百餘里十一月由僧格宗進克美諾直接賊巢俘逆酋僧格桑小金川平自珍俱在事出力三十八年正月進勦金川由當噶爾拉進發自珍奪碉撲卡疊有斬獲三月拔補大定協左營外委十月克喇嘛寺日寨至策爾丹色木一帶碉卡賊番潰竄河南之得布甲河北之喇嘛寺以次恢復捷

入下部議敘三十九年正月隨領隊大臣承恩公奎林由馬柰進
取巴旺布拉克底奪木城二二月分兵攻博堵克之三月我軍壓
斯第自珍隨奎林先占班得古水泉與賊持兩晝夜涉險鏖戰殲
其眾六月由甲魯進攻宜喜七月改攻達爾圖賊碉縣互數里率
眾抵拒自珍隨奎林冒雨先登立拔第一碉官軍乘勢疾擊克碉
十五俘賊目八獲器械無算下部議敘八月隨侍衛珠爾格德攻
俄城第二碉賊逸擊賊敗之九月克木克什山下三碉十月襲取
日旁山後戰碉十餘座平碉二百餘間自珍乘夜進勦賊番驚潰
據之四十年二月升都勻協左營把總四月進攻薩克薩谷圍達
爾圖得楞各碉克基木斯丹當隔焚茹寨以前各寨落將軍阿桂

上其功得 旨賞戴藍翎交部優敘六月克額爾替山梁升行營
千總七月破石真噶拔沙爾泥溝一帶礮卡八月克琅谷閏十月
賊屯紮烏古我兵從閒道襲之直出山頂賊驚逸克礮四卡八十
一月由礮占一帶截勦自珍屢戰皆捷敘功 命加守備銜賞換
花翎十二月克達撒谷直趨獨木古布進攻思得賊勢披靡平八
十餘寨直抵噶 賊巢四十一年二月逆酋索諾木就俘大小
金川底定凱撤回營閏五月補貴州下江營千總五十二年升福
建興化城守右營中軍守備五十六年升漳州營城守都司六十
年升陸路提標前營遊擊嘉慶七年升長福營參將八年擢湖南
永順協副將十三年授永州鎮總兵十七年卒遺疏入 諭曰昨

因內閣呈進永州鎮總兵武自珍遺本因令詳查舊式從前各大臣身故呈進遺摺者居多將軍督撫內亦間有齎進遺本者原無一定程式外省題進本章例應鈐用印信拜發時並有行禮儀注本任之員已故則印信封固不當擅用且係何人代爲拜發其事全屬蹈虛嗣後內外大員應呈進遺摺者仍准其照舊呈遞其遺本一項著欒行停止子開泰廣東新安縣縣丞

右 國史館本傳

仙鶴林

仙鶴林山東滋陽人由行伍於乾隆三十八年補臨清營把總三十九年逆匪王倫滋事大兵圍賊於臨清舊地探知王倫遁踞汪姓大宅鶴林隨頭等待衛首濟圖等直入搜捕鶴林手拚王倫辨髮被夥賊突出搶奪身受刀傷經大學士舒赫德奏請以千總升補四十年三月補東昌營千總十月調壽張營千總四十五年以盜犯王二在壽張等處潛匿鶴林不實力查拏降兗州營把總四十八年升兗州營千總五十二年五月升德州營守備十二月偕遊擊王文雄拏獲汶上縣肆竊拒捕兇犯李得朋魏寅等經山東巡撫長麟奏入 命送部引見以都司升用五十三年五月授廣

西潯州協都司五十六年調右江上林營都司五十九年擢右江
陸林營遊擊嘉慶元年擢廣東督標參將調赴湖南勦捕苗匪十
二月隨廣州將軍明亮都統額勒登保攻賊於馬頭山奮勉出力
賞戴花翎是月大兵由馬頭山進攻貴魚坡連克險要苗寨鶴林
與有功二年二月調赴鎮筸乾州一帶辦理降苗事務先是鎮筸
乾州瀘溪河溪等百餘處皆係漢民田地自逆苗滋事以來民人
各棄本業逃往他處所遺田畝遂爲無業窮苗占踞至是明亮等
命鶴林偕千總滕一鵬徧歷各寨開導降苗將所占田畝退還俾
民人各歸本籍復業耕種時苗疆大功甫經告蒞應畱駐官兵分
路防範湖廣總督畢沅湖南巡撫姜晟請將鶴林熟悉苗情諳練

營務與參將阿林布遊擊五十一等俱奏請畱楚管帶防兵五月
擢湖南永綏協副將五年丁母憂姜晟請將鶴林畱任守制 諭
日湖南見非辦理軍務省分該副將祇係在苗疆畱防彈壓並無
帶兵之事且該省苗疆地方不止永綏一處若遇有丁憂之員俱
以熟手爲詞紛紛請畱在任守制成何政體仙鶴林著卽回籍守
制八年三月服闋授河南河標副將尋擢甘肅河州鎮總兵十一
月調湖南鎮筵鎮總兵九年擢湖南提督十三年閏五月鶴林呈
遞 皇上慶育皇長孫賀摺摺詞謬妄 諭曰提督仙鶴林所奏
之摺以誕降重熙承華少海玉質龍姿前星拱極本支百世派衍
東宮等詞填寫滿紙一派狂言謬妄已極仙鶴林著革職鎖拏交

景安嚴行審訊並將代擬奏摺之人一併鎖拏質審仙鶴林是否通曉文義此摺或係伊自出臆撰抑係伊本無主見祇倩人撰擬均須詳細鞫訊俟審有大槩情形景安一面奏聞一面將仙鶴林及代擬奏摺之人派員押送進京交軍機大臣會同刑部嚴審定擬具奏六月湖南巡撫景安奏查訊仙鶴林於五月內恭聞

皇上喜得皇長孫伊係武職大員例應具摺陳賀因行伍出身素不通曉文義先令營書郭裕昆代擬奏摺後送交常德府知府薛淇閱看囑其改定是日薛淇感冒暑熱未及翻閱隨交幕友石先幾代爲酌改石先幾不諳體裁卽摘原摺數句又摭拾類書成語敷衍衍成一摺送與繕奏應將薛淇革職同仙鶴林郭裕昆石先幾

一併解京七月軍機大臣會同行在刑部覆審屬實仙鶴林石先幾應比照上書詐妄不以實律杖一百徒三年鶴林係屬大員請發往烏魯木齊效力贖罪郭裕昆擬杖一百徒二年薛淇擬杖六十徒一年奏入諭曰仙鶴林自行陳奏事件並不詳加檢點致多謬妄其咎較重本應照議發遣姑念伊前屢經帶兵打仗身受重傷著有微勞著加恩免其發往烏魯木齊仍與石先幾一律問以滿徒十四年二月上以本年五旬萬壽加恩釋放廢員鶴林回籍九月奉旨以營守備卽選十一月選山西平垣營守備十五年擢江西南昌城守協副將十六年閏三月授河南河北鎮總兵八月因染患廢疾奏請解任回籍調理諭曰仙鶴林曾經

出師著有勞績茲因病奏請開缺著加恩以原品休致十八年卒
子殿甯江甯候補縣丞

右 國史館本傳

按仙公名一作鶴齡

仙提督鶴翎山東人甲午秋王倫叛逆時公爲千總隨副都統尹

公吉圖

一作音濟圖

人汪家小樓搜緝王倫尹公驟抱倫背爲賊黨刀

劍叢至尹公仆地公奮身前救尹公出因背受刃傷如畫三日乃
甦舒文襄公奏 聞 上立擢爲守備後游至湖南提督征苗時
有勞績焉

右錄宗室昭棟撰

楊世華

楊世華湖北江夏人乾隆四十五年武進士授藍翎侍衛在鑾儀衛行走五十年授福建興化城守右營都司五十五年升陸路提標前營游擊五十六年丁父憂回籍五十七年復任閩浙總督伍拉納以世華緝捕洋盜奮勉奏請酌量甄敘六十年赴部引見擢泉州城守營參將嘉慶五年升浙江樂清協副將七年五月授廣東右翼鎮總兵八月博羅縣匪首陳爛屐四糾眾滋事經官兵剿擒伏誅餘黨竄永安縣界勾結匪徒屯聚天字嶂青溪徇地方搶劫村莊官兵分路兜剿兩廣總督覺羅吉慶以博羅甫平檄世華等分設營卡搜捕彈壓賊匪伏匿山谷依寨自固世華盡燬山

內九十餘寨搜獲匪犯官粵鳳等五十名賊窟匿鐵籠嶂寨內據險抗拒八年正月世華偕參將唐光茂知府楊楷等督率兵勇四路夾攻殺賊多名奪礮臺三座進攻賊巢破之賊乘夜滾巖遁官兵分投追捕斬三百餘人擒賊首黃阿程龔釐戩膽及僞元帥林亞著邱文隴僞軍師僧寬成賊目凌亞魁等起獲礮械各物事竣回營十年標兵趙尙明等因領餉易錢爭價毀店聚眾誼鬪世華母斥其不能管束兵丁致釀事端世華自用小刀刎傷咽喉經總督那彥成奏參革職 諭曰此案楊世華不能約束兵丁不過庸懦無能卽被伊母訓斥何致輒欲自戕恐其平日尙有剋扣苦累不恤兵丁因致積忿生事俱未可知著那彥成等詳細研鞫如訊

出別情一併歸案定擬尋查出右翼鎮標三營櫃貯銀兩虧缺四千二百餘兩奏入 命將守備石鳳臨陳揚鷹千總姚文富一併革職審訊經總督吳熊光審明違例豫支墊支那移侵虧各情石鳳臨等均坐罪如律世華將應領廉俸豫先借用問擬杖徒十二年 上以世華情尚可原 命釋放回籍二十四年 上六旬萬壽 加恩廢員 命以守備用遇缺卽補世華先於十八年卒

右 國史館本傳

圖書集成
醫部全錄
卷之二

四

國朝耆獻類徵初編卷三百六目錄

將帥四十六

孫清元

宗室奇臣

張玉龍

滿倉

宗室慶怡

豐紳

張見陞

成明

喀勒崇阿

胡天格

陳廣甯

巴特瑪子富蘭

富通

皇朝通志卷一百一十一

一

--	--	--	--	--	--	--	--	--	--

國朝耆獻類徵初編卷三百六

通奉大夫前署江西巡撫江西布政使司布政使湘陰李桓輯
將帥四十六

孫清元

孫清元直隸晉州人乾隆四十五年武進士四十六年選授湖北
襄陽鎮標中營守備五十年調湖南城步汛守備五十六年遷貴
州銅仁協中軍都司六十年黔省逆苗石柳鄧滋事清元率兵駐
松桃城堵禦賊圍松桃雲貴總督福康安督兵由嗅腦追賊至城
下清元分飭兵勇出城台擊圍解奉 旨守城之都司孫清元著
超等以參將用三月賊踞長衝塘設立卡寨阻拒官兵清元奮力

上山奪卡撤寨殲斃甚眾 賞戴花翎嘉慶元年遷平越營遊擊
二年六月隨領侍衛內大臣額勒登保署四川總督福甯勦辦湖
北邪匪林之華等於長陽縣黃柏山賊踞大壩口築卡掘濠恃險
抗拒清元首先跳溝拆毀木城克之身受石傷 上嘉其奮勇
賞給玉扳指大小荷包交部議敘閏六月補安徽甯國營參將十
月擢安慶協副將四年六月川匪張起貴由川陝交界之板蓬于
竄楚省竹谿縣界湖廣總督倭什布檄清元赴竹葉關協勦賊竄
平利鎮坪一帶仍窺楚境清元設伏於皮風溝左右兩山擊敗之
時川匪李樹徐徐添德等股萬餘人由西溝闌入楚境攻撲卡座
清元偕遊擊揆明痛勦之八月藍號賊首李淑等折入南漳宜城

遠安交界地方欲趨荆襄清元冒雨偵賊來路於山林深處設伏
衝擊追殺二十餘里復會參將全祿都司鄧興相由大路迎剿斃
賊無算生擒百餘人匪眾四竄奏入 諭曰此次剿捕賊匪副將
孫清元分路並進奮力抄擊賊匪奔竄荆襄要地不致復被滋擾
深爲出力可嘉著賞給總兵銜九月 諭曰孫清元係安徽副將
在楚帶兵尙屬奮勉襄陽鎮總兵著孫清元補授五年正月黃毓
賊首樊人傑自陝西平利竄入楚省竹山縣清元截擊之於南田
壩賊復擾至房竹二縣界文報糧運梗塞清元由東路攔擊疏通
道路賊北走鄖境復於羅家川接仗勝之賊由房縣南山竄走保
康之壽陽坪復兜剿至五虎埡溝口奮力截殺多有斬獲疊奉

恩旨嘉獎三月樊逆分股闖入興山界東趨當陽清元偕參將吉
林泰翻山繞至當陽迎擊之賊眾返竄復分路追殺餘匪四散閏
四月偵賊於竹山泥灣一帶至界嶺外七里溝壘敗之斬馘無算
賊竄陝境清元緊躡賊蹤聞青號賊首徐添德肆擾南漳卽畱兵
堵截邊界自率兵勇由房縣保康會領隊大臣明亮等截剿五月
徐逆大股分兩路牽綴官兵乘機搶渡漢江直趨荆門我兵三路
合圍清元偕吉林泰由東北抄截奮力剿殺殲斃無算賊潰入西
南山七月擊竄匪於當陽賊奔吉陽關入陝省白沙縣境清元抄
赴陝境大營盤剿之賊折回鄖縣穀城邊界向東奔我兵由保康
南漳一帶兜截痛加殲戮連次克捷賊勢窮蹙欲奔川境八月大

兵自安遠截剿敗賊於蕭家埕清元由洋坪至蔡家灣策應賊匪
二千餘由山岡壓下清元率遊擊全祿都司毛秉剛分擊之追殺
三十餘里殲擒九百奪獲騾馬器械無數生擒僞先鋒廖黑兒殲
徐添德之姪大用得 旨嘉獎九月川匪黃白藍綠等股竄至當
陽經大兵會剿賊北走明亮率清元馳抵上龕賊分股抵禦清元
由左首西溝進攻賊潰 諭曰深入賊隊之孫清元等著明亮分
別保奏候朕施恩十月丁母憂呈請歸葬經明亮奏入 諭曰據
奏湖北襄陽鎮總兵孫清元於帶兵途次聞伊母李氏病故呈請
歸葬並稱伊父孫自德伊妻庾氏均經先後病故三柩並停乏人
經理安葬等語孫清元自帶兵剿賊以來奮勉出力見在楚境雖

已爾清邊防正資堵禦孫清元著暫畱本任但念伊家中疊遭事
故不堪兼顧殊堪憫惻孫清元籍隸直隸晉州著顏檢於藩庫內
撥銀五百兩派員齎往交付孫清元族中親近之人妥爲辦理以
示體恤尋 賞騰阿特依巴圖魯名號十二月高仁股匪自興山
東趨清元借總兵長齡繞路遠安遇賊於交戰埡敗之徐逆自陝
復竄入楚與高逆合圖走均州穀城疊敗之於獅子崖瓦房口多
有斬獲屢奉 恩獎並賞大小荷包六年正月徐逆復與賊首張
允壽奔房縣清元隨湖廣總督書麟進兵壽陽坪連克之復追擊
於白沙河斃賊百餘二月徐逆分爲兩股由竹山北走鄖境而川
匪苟文明李彬二逆由陝省翻越老林竄入竹谿一帶清元分兵

探勦兵駐房縣適有由陝被僞入楚之崔宗和胡名元各逆聚眾
三千餘攻撲房縣北境寨峒清元率兵擊之賊退復追擊之於龔
家溝賊五百生擒百餘奪獲騾馬牛隻無算是月湖北新設提
督駐劄襄陽鎮總兵移駐鄖陽清元改爲鄖陽鎮總兵三月徐張
苟李等股因楚兵痛勦圍竄入川經湖北提督長齡湖廣總督書
麟由西北兩路進攻清元由與山東面兜擊路險山深節節林箐
賊於茅倫山恃險抗拒我兵仰面攻擊清元分弁兵爲六路併力
合攻一鼓上山殲賊七百奪獲刀矛器械無數四月大兵會勦各
逆清元用礮轟斃青號分股賊首張允壽於熊藏山屢奉 恩旨
嘉獎交部議敘疊 賞玉帶頭玉扳指大小荷包復隨長齡追白

號崔胡各逆於楊家店殲斃甚眾五月湖廣總督吳熊光奏黃白
二號賊首王國賢張萬林張登林股匪約二千餘經官兵由東面
截回與孫清元所追之白號胡名元等合夥見在孫清元與副將
吉林泰首往追剿楚省帶兵惟孫清元吉林泰尙能殺賊爲賊所
畏今該鎮協帶兵前往似可無虞東竄奏入報 聞六月川匪湯
思蛟劉朝選併合黃白各股肆擾楚界長齡率清元合剿於五臺
山殲賊五百賊遁入黃家山官兵於山腳用礮轟擊賊乘夜突出
撲營清元偕吉林泰奮勇迎剿復斃賊三百生擒僞總兵彭良材
槍傷頭目張萬林賊折回東南勢欲闖入東湖地界清元取道毛
耳觀敗之於六子坡我兵乘勝追剿大獲勝仗 諭曰孫清元屢

次痛剿賊眾奮勇出力著交部議敘並賞玉扳指玉帶版大小荷包以示獎勵七月賊首龍紹周與崔胡二逆句合折入楚境湖北巡撫全保率清元等由鐘鼓山堵剿箭斃僞元帥李大年生擒僞總兵蔣添受九月追擊川陝竄匪辛聰曾芝秀於興山豐邑坪斃賊三百生擒賊目趙金潮時龍紹周被剿入川竄匿老林句結王四一股由巫山大甯折回房縣邊界清元截擊之於柵子山賊欲東竄復扼截於平三壩賊由巫山之夜叉崖狂奔經參贊大臣德楞泰檄清元赴木瓜溪截其折竄之路賊勢窮蹙德楞泰追擊於平利殲斃之十一月曾芝秀股匪復句合王四賊夥擾至興山邊界清元偕副將樊雄楚兩面夾擊大勝之奏入 諭曰曾芝秀王

四股匪經孫清元等截剿殲擒二百餘人餘匪亦屬無多專交孫清元剿辦務於年內在楚省境內殲除淨盡不留餘孽十二月王曾二逆藏匿老林無食可覓旬結青號股匪戴四赴巴東復與川匪樊陳二股屯聚於龍潭坪仙峯觀等處占踞山梁清元與吉林秦分兵馳擊之賊大潰斬獲無算遂與副將朱士奉帶兵追入川界七年正月王曾等逆由川東大甯折向巴東竄往歸州走馬嶺清元偕吉林秦連夜兼程抄赴賊前以遏東竄之路密令首領甘魁將所帶鄉勇僞稱教匪執賊旗誘敵清元分飭弁兵四路設伏甘魁等賺入賊隊聲稱別號餘匪欲與合夥賊信之甘魁等出賊不意生擒僞元帥張添愛大旗手楊士魁立斃矛手二十餘名匪

眾驚亂清元督兵競進誅賊四百生擒五十餘奪獲旗矛騾馬無數諭曰王曾等逆折竄巴東經孫清元等倍道馳回督率將弁奮力攻剿大挫賊鋒所辦俱好孫清元等由川省趕回扼其東竄之路所見甚是命長齡由興山一帶馳赴歸巴與清元會剿二月王曾二逆復勾結樊人傑崔宗和戴四合夥經長齡於高家坪截剿清元邀擊之於白果園敗之三月賊分兩股擾至褚河圍攻民寨清元分兵左右往援解其圍乘勝追殺四十餘里殲斃三百餘生擒僞先鋒朱士富蔡品貴仍緊躡賊蹤不予以暇上嘉之四月樊戴曾崔等逆糾合五六千人占踞雞公山梁藍號逆匪蒲添寶屯聚新坪德楞秦分兵進剿清元馳赴霧渡河設伏迎擊賊

潰散淹斃甚眾追殺十餘里殲擒三百仍與長齡合兵會剿五月
賊知德楞泰大兵自西而東由閒道竄入保康南山時大雨溪河
漲發清元偵賊由塞水河翻山遂乘夜進兵遇賊於獅子嶺冒雨
截剿多有斬獲復隨德楞泰率兵緊追進偏之於漁沱樊人傑曾
芝秀二逆赴水殲斃是月上命孫清元帶兵至二竹一帶搜捕
零匪六月剿葛姓零匪於香溪溝剿不知姓名零匪於蕤器山盡
殲之復有熊姓股匪蟻聚茅古坪清元截擊之於馬鬚嶺連次克
捷七月吳熊光奏各股零匪恃深山老林爲窟在房竹歸巴一帶
竄逸孫清元由三保天星二寨分投剿辦兩處殲斃數十人連日
復進老林搜捕頗有擒獲得 旨嘉獎八月提督長齡患病 命

將所帶之兵交孫清元管領九月熊翠股匪由歸巴一帶竄出清元連擊之於梓木樹埡柳樹坪等處追殺二十餘里殲獲無算奉旨嘉獎十二月吳熊光奏孫清元前在竹谿剿賊被騾踢傷腳踝竟致負骨調養月餘未能乘騎原帶之兵擬交總兵慶溥管帶

諭曰總兵孫清元前於竹谿營次被騾踢傷至今不能乘騎伊原帶兵勇見在飭交慶溥接管督率搜捕慶溥係湖南永州鎮總兵今赴湖北帶兵恐其呼喚不靈慶溥著卽調補湖北鄖陽鎮總兵以資得力其永州鎮總兵員缺卽著孫清元調補孫清元本係丁憂人員因其帶兵打仗素爲出力是以不得已令其畱營剿賊今旣不能帶兵著卽回籍補穿孝服照例守制兼可養傷亦不必開

缺所有永州鎮總兵印務卽著見在署理之員代爲經理俟孫清元服闋傷平後赴闕瞻覲再行前赴永州之任十三年擢雲南提督十五年調貴州提督十六年調四川提督十八年卒 諭曰四川提督孫清元久歷戎行著有勞績曾在苗疆等處打仗受傷茲聞溘逝深爲軫惜著加恩賞給卹典該部照例具奏其任內一切處分悉予開復

右 國史館本傳

宗室奇臣

宗室奇臣正藍旗人由三等奉國將軍兼三等侍衛乾隆二十三年授護軍參領三十二年調前鋒參領四十五年遷盛京錦州城守尉五十一年擢涼州副都統五十四年疏言新移涼州莊浪駐防兵內向無增添養育兵其無依之孀婦孤獨不免失所請於涼州馬甲裁減十缺作爲三十分養育兵於莊浪馬甲裁減五缺作爲十五分養育兵以資養贍從之六十年遷巴里坤領隊大臣嘉慶四年八月賞戴花翎九月調庫車辦事大臣七年調鑲白旗蒙古副都統八年擢綏遠城將軍九年調烏魯木齊都統上以前任都統明亮內授兵部尙書部務緊要飭奇臣速往更換

奇臣攜眷同行畱滯四月有餘部議降調 上從寬改爲革職畱
任十年奏迪化州地方兼設滿漢二營爲烏魯木齊附郭最要之
區見在存倉額糧僅十三萬石爲數較少查昌吉綏來兩縣及濟
木薩縣丞呼圖壁巡檢四處倉糧俱極充裕應改撥調劑但距州
遠近不等運費不貲請將四處倉糧酌撥十萬石各按市價分糶
將所糶糧價解收道庫飭令迪化州亦照市價分兩年採買歸倉
備用奉 旨允行十一年三月喀什噶爾參贊大臣和甯請將糧
餉駝馬各章京定爲由京派往經軍機大臣議准並以伊犁各處
亦有糧餉章京等缺其由京員派往或由本處人員升補之處請
交該將軍都統等覈議以 聞奇臣因偕伊犁將軍松筠奏伊犁

烏魯木齊等處糧餉駝馬本有專司之員各該章京僅司文案與回疆各城章京親管錢糧牧務者不同向所以保奏駐防筆帖式充補者原以京員初到不諳本處文移摺奏甫經熟習又屆三年更換之期故有保舉本處人員之例舊日章程雖有定額至於用人則須臨時參酌實在諳習堪以委任者自當保奏如無勝任之員卽請京員更換並無京外定額請仍照舊例酌量辦理 上可其奏十月烏魯木齊差滿回京之員外郎官成揭告奇臣與迪化州知州那靈阿往來宴會收受饋物及失察該州科斂得贖等款上命和甯代之並詳訊全案具奏十二年和甯奏訊奇臣並無受贓實款惟不能檢身率屬整飭邊疆請交宗人府嚴議疏入尋宗

國史館本傳
人府議奇臣案經革任請畱奉國將軍世職仍罰俸二年 上責
其輕縱 命吏部覆議並革世職十八年卒子繼昌二品廕生吏
部主事

右 國史館本傳

張玉龍

張玉龍鑲黃旗漢軍人五世祖江南提督三等男張大有玉龍於乾隆三十年由馬甲授鑾儀衛整儀尉三十二年遷治儀正三十五年補雲麾使尋襲世管佐領又襲三等男四十二年授雲南景蒙營遊擊四十九年升順雲營參將五十四年補雲貴督標中軍副將六十年從總督福康安勦逆苗於松桃廳之正大營嗅腦諸處並攻近楚一帶苗匪有功 賞戴花翎又隨攻首逆吳半生於蘇麻寨西梁雷公灘高多寨等處攻吳隴登於茶他山梁鴨保寨等處俱獲勝仗嘉慶元年擢貴州安籠鎮總兵二年正月南籠府狎苗滋事玉龍自楚省軍營馳赴瘴笮等進擊安姑一帶險要奪

排沙口山梁三月隨總督勒保攻解新城之圍進克望城坡碧峯山水煙坪八角峒卡子河各處苗寨六月南籠圍解玉龍俱有功
疊蒙 恩賞玉喜字牌扳指小刀荷包等物十一月調雲南臨元
鎮總兵七年正月維西猓匪於康普古刹等處焚劫夷人恆乍綑
假號活佛布散妖言與其黨腊者布句結猓匪乘機搶擾玉龍時
署雲南提督聞報前往破賊於喇普灣進攻沿途擊斃賊匪多名
乘勢趨喇嘛寺駐河海洛古以攻康普康普山峻林密下臨深溝
賊匪毀橋樹柵恃險負嶠四月玉龍乘夜造橋而進以火攻克之
其遁出者亦爲兵勇堵截槍礮轟擊落水死者無數遂克阿喃多
寨進剿迤西復由河海洛古槍占東山梁旋破康普恆乍綑逃江

外經總督琅玕奏畱康普駐兵彈壓尋獲首逆同謀之尾窆及其兄弟親戚等七名正法九月調鶴厓鎮總兵與提督烏大經督辦善後事宜十月江外猓匪因官兵漸撤復涉淺偷渡旬結江內降裸搶割稻穀圍攻杵達營卡進擾康普玉龍以疏防經琅玕奏參諭曰總兵張玉龍於賊匪偷渡過江疏於防範該督奏請交部議處自屬咎所應得但張玉龍見在康普小維西帶兵打仗議處之處俟猓匪辦竣再行奏明八年恆乍綳就擒江內江外全行肅清琅玕奏玉龍節次打仗出力並開導順夷料理撤兵均爲周妥上加恩免其議處仍交部議敘十七年授鑾儀使十八年卒子安德襲爵三等男安明整儀尉

國史館本傳

右 國史館本傳

十一

滿倉

滿倉郭洛羅氏鑲黃旗滿洲人由烏槍藍翎長於乾隆四十六年
補護軍校洊擢烏槍參領六十年二月派赴湖南隨總督福甯剿
捕逆苗時鎮筸城山後有賊匪窺伺滿倉偕將弁趕過山梁於塘
坳邱家灣等處殲賊多名四月授湖北荊州協副將仍畱鎮筸軍
營五月賊匪攻撲鎮筸城卡甚急滿倉隨總兵蘇靈帶兵從山梁
下壓槍箭齊發殺賊數十名首受槍傷 上嘉其奮勇賞戴花翎
六月賊犯鎮筸城東觀景山山梁滿倉偕遊擊什圖等領官兵鄉
勇先用槍礮轟擊繼以矢石刀矛自亥至寅奮擊數刻 福甯率蘇
靈繼進賊遂潰散 恩賞大小荷包七月調湖南長沙協副將九

月同總兵袁敏等擊賊於近瀘溪縣之小排山殲斃無數復由洗
溪一路進剿並有斬獲嘉慶元年四月借總兵穆騰額進攻丑坵
搶占黃連溪枹木橋等處要隘七月總督和琳克復乾州令於適
中地方得勝營防守二年五月復於鎮筵後路濫沱一帶防守三
年因協獲芷江縣傅習邪教之匪徒郭貴山部議加一級五年二
月總督姜晟奏派滿倉帶領湖南官兵一千名赴湖北軍營協剿
邪匪旋於鄖西邊界防堵八月隨巡撫倭什布由南漳遠安一帶
追剿黃白藍綠等號賊匪復於竹山縣之馬鬃嶺及鄖西之漫川
關協堵八年二月總督吳熊光令赴房縣清查湖南省兵數及東
三省馬匹報銷冊籍並一切清文案件九年六月事竣撤回長沙

協任十二年二月授福建汀州鎮總兵十七年八月因病解任回
旗十八年正月卒

右 國史館本傳

宗室慶怡

宗室慶怡正藍旗人乾隆四十九年封三等輔國將軍五十二年襲奉恩輔國公爵任散秩大臣五十七年遷歸化城副都統嘉慶七年二月調鑲黃旗蒙古副都統兼管健銳營事務十二月擢廣東廣州將軍十年三月以疾回京調治仍任散秩大臣十二月上幸瀛臺慶怡曠班命革去散秩大臣十一年四月補正紅旗漢軍都統五月署鑲白旗蒙古都統九月兼管內外火器營事務旋任宗人府右宗人十二年六月命偕鴻臚寺卿文孚馳赴歸化城審辦土默特驍騎校旺當及披甲人巴彥色楞呈控綏遠城將軍春甯及參領棍楚克受賄營私各款惟棍楚克賭博宿娼屬

實餘坐誣擬罪如律七月署歸化城副都統九月兼署綏遠城將軍尋以前任綏遠城將軍春甯山西巡撫成甯奏請將綏遠廳屬之渾津黑河等處地畝改徵折色其不敷支放兵糧米石請將大青山馬廠餘地招墾補額 上命慶怡等就近詳細履勘旋奏言查渾津黑河共莊頭十三戶渾津十戶黑河三戶每戶原認種地六十頃嘉慶四年渾津莊頭呈報地畝齟壞經前任將軍永慶奏准豁免餘地一百八十餘頃其餘五百九十餘頃各莊頭仍舊交糧分種九年間莊頭等復以該處地畝生齟呈請改徵折色經將軍春甯等具奏屢經部議見在逐細履勘約略牽合計算有齟者不過十分之一二若因此一二分齟地並將無齟之地改徵折色

不惟見在不敷支放兵糧抑且腴謙混淆不足以昭平允應請按地認真覈計其實係生謙不堪種藝之區卽與開除其並無謙性之區仍令照舊交糧毋許妄生覬覦如此辦理則所短兵米無幾易於籌補卽將馬廠開種補額亦屬招墾無多不致有礙遊牧至大青山八旗馬廠地面遼廓恐招墾以後無業遊民趨利若鶩甚至引類呼朋逐漸偷開招之易而驅之難請將從前奏准開墾六千餘頃並此次奏開若干頃外查明未開草地頃數各按四至界址堆立鄂博或挖壕塹嚴禁偷開並造冊送部備案庶兵精足敷支用而馬廠尙畱有餘俾資牧放下部議行八月調察哈爾八旗都統十五年十二月擢湖北荊州將軍十六年七月緣拉旺多爾

濟牧廠內有民人聚眾創挖黃耆拒傷官弁之事 命察哈爾副都統興肇查辦旋經覆奏 諭曰本日據興肇等將該處歷年創挖黃耆各案犯緣由聲敘覆奏此項民人先於嘉慶十五年閒在海奴克達木諾爾烏納格特等處聚集創挖黃耆並經該處總管呈報有將護軍衣達木扎布恩克胎脯打折之案其事係在前任都統慶怡任內上年慶怡來京經朕詢問該處情形據奏地方安靜總未將此事陳奏且託稱不曉蒙古言語巧辭規避及將伊調任荊州將軍伊以爲可卸責後任卽欣然赴任置身事外是其居心巧詐地方重案置於不辦因循貽誤著交部嚴加議處尋議革職 上念其所得處分係都統任內之事 命革去將軍仍留本

身承襲公爵十月回京十八年正月卒子景綸襲

右 國史館本傳

--	--	--	--	--	--	--	--	--	--	--	--

豐紳

豐紳佟佳氏鑲黃旗滿洲人由護軍洊升護軍校乾隆六十年隨雲貴總督福康安四川總督和琳勦捕湖南苗匪連次奮勇爭先四月授三等待衛七月偕副將那丹珠破古峭營山梁殺賊五六百名十月攻克首逆石三保於鴨保山嘉慶元年四月以連克納其山貴道嶺長吉山等處賊寨升二等待衛 賞戴花翎七月隨和琳攻尖山苗寨奪木城石卡六七十處復乾州十月隨領侍衛內大臣額勒登保攻平隴賊巢繞道磨子園奪卡三十餘座進偪平隴奏入 賞斐伊理巴圖魯名號十一月隨廣州將軍明亮攻平隴後山由剛息衝攀援石角盤旋上攻奪險要賊卡二處深入

魚坡溝斷賊要路斬賊首石柳鄧於陣事平尋從額勒登保赴湖北襄陽剿捕邪匪二年正月賊首林之華覃加耀踞守長陽縣一
梳水山頂豐紳乘大霧躍入賊卡拋擲火彈賊匪驚竄殺賊三百
餘名割獻首級三十一顆左肩受銃傷奏入 特擢頭等侍衛九
月冒雨攻賊於帽子山焚其卡斬獲甚眾十月連敗賊於雞公山
圍子嶺斃林之華十一月從額勒登保緊躡覃加耀至堡子嶺羅
塘灣山勢陡削賊集眾抗拒豐紳先登殺賊六七百名獲賊目黃
振谷曹又來十二月賊踞朱里寨豐紳馳至千嶺痛殲之三年正
月覃加耀就擒五月從額勒登保攻襄陽藍號張漢潮股匪由南
漳至穀城斃賊無算九月攻襄陽白號高均德股匪於四川廣元

縣兵至吳家河口開賊撲龍感山分兵擊敗之四年正月 上以額勒登保爲參贊大臣尋授經略豐紳每戰輒從四月擊散梁山向家場屯聚賊眾五月圍奉節綠號卜三聘股匪於金竹園敗東鄉白號股匪張子聰於黃土壩均有功七月授山東沂州協副將十二月禦通江藍號毋添元王登廷二匪於三角灘五年三月賊入甘肅岷山焚掠額勒登保分兵三路圍之豐紳由如意山截勦脫被擄男婦三百餘人追敗襄陽白號張添倫張世龍股匪於兩當二郎壩四月又敗之於五郎溝張逆竄陝西商州閏四月襄陽白號楊開甲與襄陽黃號辛聰等股合東竄雒南欲由龍駒寨奔河南豐紳偕提督楊選春扼之於輝峪賊折向西南豐紳從小道

抄擊之又截殺張漢潮餘黨五月追襄陽黃號伍金柱股匪於漢
陰銅錢窖豐紳帶湖北兵抄出東擊殺賊千餘名六月張漢潮餘
匪殲淨得 旨交部議敘七月擢甘肅肅州鎮總兵八月伍金柱
竄成縣山梁屯踞豐紳率步卒黑夜衝擊槍斃伍金柱得 旨交
部議敘九月張添倫辛聰合夥與襄陽白號高二戴四等竄入川
省老林豐紳偕楊遇春分兵追擊屢有斬獲十月追賊於安康麻
柳壩偵知襄陽白號馬五屯銀珠壩達州青號徐添德屯鐵鑪場
復與楊遇春分擊破之徐添德收集伍金柱餘黨欲自白土關奔
湖北豐紳等各帶侍衛兵勇截勦偪回安康十二月賊眾竄近武
關意圖入豫大兵禦之於龍駒寨見賊皆步行恐騎馬賊匪從別

路繞出武關豐紳昏夜帶兵抄截偪賊翻山西奔戴家河六年正月追期高二馬五諸賊於南山二月遇襄陽黃號伍懷志股匪竄至豐紳偕提督穆克登布擊敗之伍逆東竄五郎江口經豐紳等截回三月伍逆西竄紅水河復蹙之於溝岔山 上嘉其勦辦認真交部議敘四月高二餘匪與伍逆南竄螞蟻溝大兵攻至半山雲霧大作賊率矛手千餘來犯豐紳等擊之賊眾四散逃逸是月丁母艱經額勒登保奏請畱任得 旨允行賞銀二百兩俾資喪葬五月伍懷志股匪由棧西竄入棧東豐紳等追及之於魯家巖復蹙之於狐狸溝賊奔鎮安六月困賊於秦嶺東北麓賊踞一層巒山頂爲巢穴四面陡壁豐紳等約束兵勇猱升魚貫潛抵賊巢

生擒伍懷志餘賊斬獲無遺南山全數肅清得 旨優敘 賞玉
扳指瑪瑙鼻煙壺大小荷包七月借穆克登布勒青號王山賊股
於陝楚邊界沿途追斬無算九月圍之於開縣滿月槽擒獲淨盡
尋偵知襄陽白號高見奇股匪屯聚紫陽三星寨乘夜進攻擒高
見奇及僞元帥周萬友餘賊悉數斬獲奏入 賞加提督銜十二
月巴州白號苟文明偷渡漢江滋擾甘境仍竄回廣元通江一帶
時四川提督七十五以逗遛縱賊奉 旨逮問授豐紳爲提督七
年正月 上以川東零匪尙多 命參贊德楞泰總督勒保專辦
川省賊股豐紳兵隸之由巫山追賊至巴東遇賊千餘攻劫兩河
口礮寨豐紳馳救夾攻射殺賊匪甚夥是時黃青藍號及老黃號

賊匪東竄德楞泰令豐紳由火峯界嶺遏其東折楚境之路沿途多有斬獲三月德楞泰移師入楚勒保飭豐紳赴廣蒼通南一帶巡防以顧川省西北四月張添倫等股匪竄聚甯羌廣元交界之五郎溝山勢險仄馬不能行豐紳率將弁步行進擊賊方炊驚潰斬獲無算五月盡殲藍號楊步青股匪於通江六月峩嶠雷波夷匪與奸民張華李逢春等鬪毆肇釁糾約生番焚搶雷波東甯及屏山等處 上命豐紳帶川北征兵馳往勦辦豐紳至與臬司董教增拏獲漢奸曉諭土舍陸續縛獻夷人首犯正法事定入奏諭曰豐紳董教增辦理此事仰體朕不忍誅戮遠夷之意先將漢奸拏獲以服其心復經示以兵威剴切曉諭俾夷眾共知畏懼縛

獻兇渠故能不煩兵力邊境救甯實爲妥速可嘉著交部議敘以
示獎勵九月豐紳仍帶兵至川東巫山大甯各處堵剿十一月截
殺太平黃號王國賢股匪於陝境大小峪河獲僞總兵彭萬賊竄
入太平山內八年正月入川楚邊界山內搜捕零匪五月截殺竄
入竹谿賊匪兩股獲僞元帥項得潮七月額勒登保德楞泰勒保
等馳奏全境肅清凱撤馬步官兵各畱本省兵勇分段防剿川省
自廣元所屬之朝天關起至通江所屬之竹峪關爲一段撥兵勇
二千名將備八員交豐紳統領至廣元巴通一帶會哨巡防會南
山復有苟文明餘匪煽動輾轉奔竄於川陝邊界十一月豐紳隨
德楞泰搜剿設伏雞公梁敗之九年六月攻賊於徐家溝又截賊

於白沙河將南山餘匪偪入大甯旋與總兵田朝貴提督馬瑜率兵勇入山搜捕自茶山壩至添紫城因道路險阻未能迅速進兵賊詭設旗幟虛放煙火乘閒偷越白水河額勒登保奏參奉 旨革去巴圖魯名號摘去花翎七月痛殲賊眾於川陝交界鳳凰寨獲僞元帥羅思蘭僞總管王宗福等 命交部議敘八月鄉勇趙洪周國獻首逆苟文潤餘匪亦爲豐紳等搜捕殆盡奉 旨賞還巴圖魯名號仍賞戴花翎十月德楞泰奏將川東川北等處分段巡防令豐紳駐兵城口適中之地督率各段與陝楚防兵會哨十二年三月凱撤歸營十一年甯陝新兵滋事德楞泰將乞降叛兵二百餘名歸伍安插辦理錯謬 上以豐紳係一品大員同在軍營

不力爲勸阻又不據實奏參交部議處尋議降調奉 旨改降四級畱任十二年達州守備王國雄扣畱兵餉激變豐紳不約束部議降調奉 旨改降二級畱任十三年七月嘉定府屬十二支嶺夷頭目烏卜句結生番潛入內地焚掠豐紳偕總督勒保率兵剿之攻克牛心山龍竹山夷巢斬獲甚夥尋進兵涼山涼山生番縛獻首逆烏卜及聽從滋事兇夷詣營乞降並獻出被擄男婦二百七十三名先是豐紳等未進時頒發木刻曉諭夷人至此夷目約列等率眾歸誠卽令約列等充當頭人管束夷眾邊境甯謐得旨優敘並賞白玉扳指小刀大小荷包十四年果羅克上中兩寨賊番搶掠西甯行旅邀劫回藏堪布喇嘛什物豐紳奉 命查辦

中果羅克先行獻出贓物惟上果羅克蔡太來等怙惡抗拒豐紳
督兵深入獲賊首蔡太來等斃賊四百餘名生擒二百餘名焚寨
房一百三十餘所番民震懾 詔嘉其辦理迅速交部議敘十六
年閏三月擢成都將軍九月偕總督常明奏言嘉定府屬十二支
嶺夷僻處窮邊不通聲教自嘉慶十三年夷目約列等震讙天
威率眾歸誠業經數載漸通漢語畏法奉公慕內地民人耕織樂
業情願改土歸流升科納糧更名易姓附齊民之列 上允其請
十七年三月 賞都統銜 命馳驛駐藏辦事尋以其父年逾八
旬 詔仍畱成都將軍任十八年二月丁父憂回旗三月行至忠
州卒 諭曰豐紳前在軍營屢著勞績曾賞給巴圖魯名號擢任

提督將軍操守清廉克勤厥職年力正強猝聞溘逝深爲軫惜著
加恩照將軍例賜卹伊靈柩到京時准其入城治喪任內一切處
分悉予開復 賜祭葬如例諡勤襄子那興阿刑部候補筆帖式

右 國史館本傳

張見陞

張見陞廣東東莞人由行伍洊擢千總乾隆五十七年升海澄協左營水師守備六十年擢龍門協右營都司嘉慶元年署碣石鎮標中營遊擊三年升福建銅山營參將五年四月升浙江瑞安協副將十一月調福建臺灣水師副將七年三月擢福甯鎮總兵八年七月洋匪蔡牽竄入浙江洋面總督玉德派見陞與副將蔡安國在箬塘浮鷹等處洋面分布巡防十年六月 上命提督李長庚專剿蔡牽見陞等帶舟師策應十一年四月會副將邱良功船巡至淡水滬尾洋面瞭見洋匪朱瀆幫船四十餘隻奮力圍捕擊斃賊匪多名七月蔡牽匪船竄入鹿耳門洋面遊奕見陞與副將

王得祿邱良功四面攻擊奪獲賊船十隻擊沈十一隻生擒賊目
林略傅琛二名匪夥二百餘名割取首級一百餘擊斃淹斃者一
千六七百名搜獲旗幟烏槍器械無數 上嘉其衝入賊陣奮不
顧身加提督銜 賞帶花翎並四喜玉扳指大小荷包總督阿林
保奏兵船配定統帶乏熟悉洋面之員 上以見陞在水師將領
中出色閩省新屏商船五十隻著專交其管帶八月擢福建水師
提督十二年二月與總兵杜魁光在閩粵交界洋面截擊蔡逆蔡
逆窮蹙復率舟師防堵朱濟幫賊匪三月於三澎白鴨洋面
兩次追擊朱濟大加攻剿轟燒盜船傷斃盜匪多名生擒十數名
上嘉其奮勇五月蔡逆由粵竄回閩洋 命見陞與李長庚兩

夾攻八月追捕蔡牽至南日洋面連環攻擊擊獲盜船一隻擒匪
犯林順等三名九月粵洋艇匪二十餘船竄入閩省象嶼洋見陞
率兵追捕擊斃賊首奪大船一隻小船三隻生擒賊犯六十三名
起獲旗械礮位數十件 上以見陞奮勉出力 賞玉扳指大小
荷包並交部議敘十三年正月率舟師進剿蔡牽瞭見龜齡洋面
有匪船大小六十餘隻與總兵許松年督兵攻擊擊沈匪船二隻
焚燬一隻擊獲兩隻生擒賊目王瑞鄭阿由等五十五名奪獲礮
械一百三十餘件餘匪四散奔竄二月在粵洋督師擊蔡牽坐船
輾斃賊匪甚眾四月借總兵黃飛鵬等兵船駛抵大星洋面瞭見
土匪船三十餘隻在外洋游奕卽督師於芒嶼牛脚川等處擊捕

奪獲盜船九隻燒燬一隻生擒一百三十二名五月於柑桔外洋
遇粵東匪船十餘隻乘風竄至率眾攻擊生擒盜犯十七名起獲
礮械四十三件旋以兵船低小收泊銅山修理朱濟匪船由粵竄
入閩洋不能卽時擒獲經阿林保劾其距匪船甚近藉口修葺船
隻觀望遷延請 旨嚴加訓飭 諭曰張見陞身任水師提督海
洋捕務是其專責且經奏明勦辦朱濟幫匪竟敢觀望遷延任令
朱濟搶掠游奕實出情理之外前此李長庚捕賊受傷時張見陞
同在粵洋並未聞有就近救援情事經朕逾格施恩不遽加之責
備並因其在洋接仗給與甄敘方冀仰邀鼓勵倍形奮勉今距匪
甚近觀望遷延若不加以懲創何以肅軍紀而靖海疆張見陞著

革職掣問經將軍賽沖阿巡撫張師誠會審擬斬監候十六年五月諭曰已革水師提督張見陞前因剿捕洋匪不力革職掣問擬斬候查閱原案因屢被風阻不能前進以致盜匪遠颺覈其情罪與有心逗遛觀望失誤軍機者尙屬有閒是以屢次秋審俱邀寬宥姑念監禁有年予以自新之路張見陞著加恩賞給千總發往福建水師營效力以觀後效十七年補提標左營千總旋升水師協左營守備十八年十二月卒

右 國史館本傳

新編 皇朝通志 卷一百一十五

三

成明

成明赫舍里氏正藍旗滿洲人駐防陝西乾隆三十八年以領催隨西安副都統書麟出師金川四十一年洊升防禦四十六年隨大學士公阿桂勦撒拉爾逆回攻蘭州之馬尾山賊巢有功四十七年擢佐領四十九年隨征甘肅逆回攻石峯堡奮勇出力經阿桂陝甘總督福康安保列頭等功五十二年命馳驛赴臺灣協理軍需糧餉五十二年遷協領五十八年授杭州副都統嘉慶元年署乍浦副都統奏參藩司汪志伊於杭州乍浦兩處滿營養贖孤寡錢糧例應按月賞給今遲至三月未發上命侍郎台布前往查辦旋以汪志伊怠緩拘泥照部議降三級調用復以成明具

奏遲延 嚴飭之並降二級畱任五年六月奏溫台盜匪有一百餘幫在洋游奕七月復由驛單銜具奏鳳尾幫盜船並艇船在洋猝被颶風擊碎漂沒 上傳諭將軍范建中曰成明日前來京陛見奏及伊前從阿桂出兵曾在軍營繕辦奏摺朕看其奏對尙無錯誤因諭令該省遇有關係吏治民生不公不法事件及緊要案牘延擱不辦皆當訪查明確密行具奏但祇准差人齎奏本日忽用驛馬昨日成明奏溫台洋面情形係該都統差人齎奏本日忽由驛三百里奏盜船遭風之事此等地方事件自有撫臣奏報且盜船遭風擊散早經阮元馳奏亦必由杭州經過成明豈竟不知又何必多爲此奏致駭聽聞徒勞驛站實屬糊塗即使伊因從前

奏過洋盜情形此時有盜船遭風之事亦應與將軍聯銜差人齎
奏何得單銜驛遞看來前此奉有密奏之旨未免高興見長復因
范建中老病遂目無將軍著范建中卽傳該副都統到署面宣諭
旨嚴行申飭並諭以此次種種越分本應治罪因從前曾有准其
奏事之諭且念伊係武職出身不曉事體姑從寬免嗣後如再似
此擅勞驛站干預妄奏必當從重治罪決不寬貸嗣成明又由驛
遞奏據候補知府戴廷沐稟稱海風損壞艇船獲解匪犯百餘名
陸續審辦見又解到五百餘名除禁府縣監外並羈押大堂聞隨
後尙有二百餘名無處羈禁 上傳諭巡撫阮元曰副都統成明
奏該省緝擊洋盜前後不下七八百名人數眾多儻日久分禁各

處恐有疏脫阮元卽應上緊審辦毋再遲延又諭曰成明前日由三百里驛奏盜船被風一事曾經傳旨申飭本日復據成明驛奏擊獲洋盜名數及監禁候審情形並將候補知府戴廷沐原稟一并進呈殊屬多事而摺內清字夾片奏稱范建中病故聲明暫署印篆見已專差具奏等語該副都統如實有應行密奏之件自應專差齎遞從無由驛密奏之理至將軍出缺巡撫見在別地伊應由驛奏報今專差人遞摺可謂輕重例置糊塗之極至洋面緝獲盜犯監禁候審地方見辦之事與副都統毫無干涉何以候補知府戴廷沐於成明處奉行具稟此必係成明陛見回任後朕降旨令伊有密奏之旨藉此誇張冀圖恐嚇地方官吏令其將地

方事件向伊具稟是以戴廷沐有此稟報阮元俟將軍普福到任後會同普福將成明及戴廷沐俱行解任究訊是否成明向地方官宣言有奉旨密奏事件招搖生事卽當照洩漏密旨之例嚴參治罪嗣普福等奏訊成明並無洩漏情事惟擅用驛遞應請交部嚴議 上以成明咎止違例擅發驛遞且伊屢署將軍人尙明白加恩改爲交部議處尋照部議降二級畱任七年調涼州副都統十一年陝甘總督倭什布奏參成明家人楊三向騎都衛順甯借貸銀兩順甯之弟蘇和臣欲行控告成明將蘇和臣禁押門監幾欲致死 上以成明難保無通同受賄滅口情事適欽差工部侍郎英和內閣學士初彭齡在甘審案 命英和初彭齡秉公詳訊

嗣審得成明與屬員交結借貸知人欲告始行給還復挾蘇和臣欲告之嫌於峻訟案內濫刑夾訊請旨革職交刑部治罪尋照部議發烏魯木齊當差十四年奉旨成明曾經著有微勞著加恩釋回十九年卒子舒靈阿官福建按察使以病回駐防原旗

右 國史館本傳

喀勒崇阿

喀勒崇阿哈齊里氏滿洲鑲□旗人福州駐防乾隆五十一年三月臺灣逆匪林爽文等糾眾滋事陷鳳山城喀勒崇阿由前鋒隨將軍恆瑞前往協剿五月抵臺灣擊賊於鳳山南路疊有斬獲六月賊犯諸羅並分擾府城外之桶盤棧官兵分路迎擊橫衝賊隊賊悉眾抗拒我師排槍直壓大敗之殲三百餘人八月由海道赴援諸羅四面圍剿槍箭齊施殺賊無數復諸羅又擊賊於新店鹿仔草等處克之十二月進剿斗六門行甫十里遇賊匪萬餘分據大埔林中林大埔尾各莊我軍左右並進奮勇轟擊賊大潰掩殺三十餘里斃賊甚眾奪獲器械馬匹無算又敗之於庵古坑乘勝

連夜進攻痛加殲戮收復斗六門餘匪搜捕殆盡越日進攻大里
枋賊巢拔之五十三年正月偵知林逆竄入內山番界由獅子頭
隘口分路進剿生擒林逆於老衢崎內山賊匪斬馘無遺時賊目
莊大田屯聚大武隴一帶負嵎死守復移師由牛莊進發連敗賊
於南潭大穆降等處二月師抵海岸擒莊逆於瑯嶠並俘賊目莊
大韭等四十餘名臺灣平喀勒崇阿俱在事有功並受槍傷捷
聞下部優敘三月凱撤回旗五十九年補驍騎校嘉慶五年遷防
禦六年升佐領九年升協領十六年擢荊州左翼副都統十九年
卒

右 國史館本傳

胡天格

胡天格貴州遵義人乾隆三十二年由行伍隨征緬甸自錫箔進
攻蠻結有功三十六年隨副將軍溫福征小金川三十八年拔補
貴州黔西協左營外委小金川平進征大金川三十九年隨陝西
固原鎮總兵海祿攻羅卜瓦山梁天格奮勇先登拋擲火彈焚燬
賊寨奪礮卡三十餘座遷貴陽營把總四十年正月克康薩爾山
繳斃賊首連奪礮卡升安籠鎮鎮標左營千總二月隨貴州威甯
鎮總兵特成額攻木思工噶克山峯賊恃險抗拒天格斫柵撲礮
轉戰七晝夜破之擢大定協右營守備九月攻科布曲山梁天格
毀柵入師從之拔木城數十奏入 賞戴藍翎四十一年二月逆

酋索諾木就擒大金川平敘功升上江協左營都司四十八年二月賞換花翎四月擢歸化營遊擊六月調下江營遊擊五十年丁母憂五十一年服闋五十四年升閩浙督標左營參將六十年隨總督伍拉納赴臺灣剿捕匪黨嘉慶二年升督標中軍副將四年擢福建漳州鎮總兵五年四月臺灣嘉義縣會匪陳錫宗等滋事鳳山縣蔡克慎等起應之閩浙總督玉德以臺灣鎮總兵愛新泰不能兼顧奏令天格帶兵五百名渡臺協剿閏六月抵臺時首犯業經就擒天格督兵搜捕賊黨全臺肅清六年擢廣西提督十年命查閱廣西營伍十五年以病乞致仕 允之十九年卒

右 國史館本傳

陳廣甯

陳廣甯浙江山陰人父聖傳官臺灣縣丞乾隆五十一年逆匪林爽文滋事被戕 恩予雲騎尉世職五十五年廣甯承襲隸本省撫標學習嘉慶三年補海甯海防營守備旋援工賑例捐升參將八年選閩浙督標右營參將十二年擢本標中營副將十五年升江南壽春鎮總兵十六年調山東兗州鎮總兵十八年九月直隸長垣縣及河南滑縣山東曹縣等處教匪滋擾 上命直隸總督溫承惠爲欽差大臣馳往長垣縣滑縣一帶統兵剿辦河南巡撫高杞防堵西南山東巡撫同興防剿東路廣甯偵知長垣賊匪欲竄東省卽帶兵由濟甯馳赴曹州防堵由四百里遞奏堵賊情形

諭曰總兵雖有奏事之責至於辦理軍務則應事權歸一各路總兵官祇應具報總統及各省督撫具奏見在溫承惠係欽差大臣所統將領具報之事皆由伊馳奏山東則就近由同興具奏河南則就近由高杞具奏此外均不許擅發奏報廣甯復奏臣馳抵曹州府城卽派所帶弁兵分防巡查人心稍定連日捕獲賊探僧人通爵等十一名俱供認在定陶曹縣二處戕官劫獄當卽恭請王命正法見在匪徒裹脅二三千人在城正南潛伏窺伺臣所轄各營兵丁俱派往鉅野金鄉嘉祥等縣防堵俟撫臣同興調集重兵前來將賊匪一鼓殲除 諭曰總兵陳廣甯帶兵防賊同興尙未到彼則一切勦捕情形均應由同興具奏該總兵不許列名以

符體制至摺內所敘緝獲奸細審明正法所辦尙是此時該總兵帶兵有限祇可防守曹州府城不必以有限兵力冒昧擊賊十月諭曰節據同興奏報東省兩次勦賊皆係運使劉清參將馬建紀二員帶兵獲勝總兵陳廣甯係帶兵大員總未親身臨敵殊爲可詫伊見在何處著那彥成據實查明如果該總兵畏賊遷延卽嚴行奏參同興尋奏廣甯自馳抵曹州以來捕獲奸細多人賊眾不敢窺伺由定陶赴東明交界防堵尙無遷延畏賊之處又奏東省已無大夥賊匪惟直隸河南兩省正在進兵痛勦之時東明與曹州連界之處最爲緊要派陳廣甯帶兵堵截 諭曰直隸邊界正當官兵進勦之時尤恐竄匪逸入東界同興派陳廣甯在東明曹

州連界之處駐劄殊不可靠著另派將弁幫同防堵同興奏派陳廣甯駐兵單家集以守東明交界扼要之處復派四川提督多隆武協同防守十一月廣甯緝獲滑縣賊謀王宗賢等時滑縣道口賊匪經官兵剿敗由長垣之小貴集一路東竄同興檄令廣甯偕直隸提督馬瑜蘇爾慎等嚴密防剿廣甯尋調雲南騰越鎮總兵具摺謝恩以見在東省平定仍須搜捕豫直兩省竄來賊匪請暫畱東省協同剿捕並附奏擊獲太行山司寨及滑縣道口逸匪共一百七十八名盤出偽知府王學禮偽參將宋國新偽總兵朱文盛及受僞職都司知縣等官並賊探董繼文等解送曹州交撫臣嚴審上以王學禮一犯前經同興奏明係屬著名賊目自必

備知賊情著該撫親提研鞫十二月同與奏臣親提王學禮研鞫
與前此獲賊王奇山供出之王學禮一犯年貌不符惟該犯於九
月間亦曾跟同明教匪悉平撤兵回兗州鎮交卸印務十九年正
月 陞見二月赴騰越任卒

右 國史館本傳

1941年10月1日
第232号

三

巴特瑪 子富襲

巴特瑪墨爾迪勒氏正黃旗滿洲人乾隆三十七年六月由前鋒隨參贊大臣固倫額駙色布騰巴爾珠爾征金川七月定邊將軍溫福奏巴特瑪征戰奮勉升授本營什長十一月攻取路頂宗喀木色爾有功授藍翎侍衛並賞德捷特巴圖魯名號旋升三等侍衛三十九年九月因帶兵攻遜克爾宗臨陣退縮又不服領隊大臣管轄經副將軍阿桂等奏請革職令披甲效力贖罪 諭曰巴特瑪僅子革職不足示懲著鞭責一百披甲效力贖罪十月以攻克黔克爾山梁及凱立葉等處碉寨 賞授藍翎侍衛銜四十年四月攻勒噶爾布山賊寨榮噶爾博等處奮勇受傷經阿桂保

升三等侍衛十一月官兵攻克雅瑪朋賊寨派巴特瑪進攻舍勒
固祖魯之東薩爾歪之西溝內三寨立時克取四十一年大功告
成升二等侍衛凱旋 賜宴圖像紫光閣 命儒臣製贊旋授護
軍參領四十六年授公中佐領虎槍營營總四十九年甘肅逆回
滋事隨將軍阿桂參贊大臣福康安征剿石峯堡六月進攻隆德
分兵四路令巴特瑪率撒拉爾回兵爲左路合力進撲殺賊無算
七月率領京兵各營奮勇官兵及土兵由石峯堡之後西北山麓
進攻槍箭齊發拋擲火彈殲斃甚多尋首逆張文慶等全數就擒
交部議敘十一月引 兇記名補授正藍旗蒙古副都統六十年
授伊犁領隊大臣嘉慶六年八月回京九月授公中佐領虎槍營

營總管理健銳營事務七年四月授正藍旗護軍統領七月上
巡幸熱河正黃旗護軍統領丹巴多爾濟奏 啟鑾後紫禁城進
班上三旗章京不敷請於下五旗章京內揀派一同進班 上以
丹巴多爾濟假此一事要譽市恩巴特瑪亦從而附和 命交部
察議八年七月 上巡幸木蘭充管圍場大臣援乾隆十二年舊
檔咨行熱河副都統慶傑派兵一百歸併在京所派七百前鋒護
軍等一體當差 諭曰自乾隆十二年以來熱河官兵差使數次
具奏更定是以數年來彼處官兵俱祇學圍並不歸併前鋒護軍
等當差該護軍統領等並不查明率意行文又不具奏實屬錯誤
巴特瑪著交部議處尋議降一級准抵銷十年授正藍旗蒙古都

統十四年因其子泰甯鎮總兵富蘭名下有應賠銀一萬七千一百兩無力賠交呈請將住房交官作抵其餘將廉俸錢糧坐扣諭曰巴特瑪富蘭均係當兵出身伊父子曾經出兵受傷其家窮苦朕所素知富蘭應賠銀兩無力完繳若將其住房交官並將廉俸錢糧全行坐扣卽無以資當差之用著軍機大臣將富蘭應賠之項酌量勻攤其廉俸等項加恩祇扣一半其房屋加恩亦著賞還以示體恤十七年正月因呈遞馬圈月摺未赴圓明園親遞召見時傳問遲誤交部嚴加議處尋議降二級調用上以其曾在軍營著有微勞加恩改爲降一級補授正藍旗蒙古副都統仍兩公中佐領十八年六月因巴特瑪次子哈當阿授塔爾巴哈臺

領隊大臣 上以巴特瑪年逾七旬長子富蘭又在外任無人侍
養 命富蘭來京補正黃旗漢軍副都統十九年五月卒 諭曰
巴特瑪曾經出兵受傷管理虎槍處多年當差勤奮茲因溘逝著
加恩照二品例賞給卹典所有任內處分悉予開復子富蘭見任
山海關副都統哈當阿二等侍衛孫富甯阿二等侍衛

右 國史館本傳

富蘭

富蘭莫爾德里氏滿洲正黃旗人父巴特瑪正藍旗蒙古副都統自
有傳乾隆五十六年由護軍投護軍校五十七年遷三等侍衛六
十年二月湖南逆苗石三保等圍永綏附首逆吳半生爲亂富蘭

隨將軍福康安往討三月進兵竹子山賊聚蘭草坪西北崖板寨
中偽樹幟東南山凹伺我兵入將截擊富蘭偵知其計先置礮對
山叢石閒卽令全軍自凹入賊悉眾來拒伏兵俟其過飛礮擊之
賊潰敘功 賞裕鈕巴圖魯名號四月攻椰木陀山賊窟腊夷寨
我兵由滾牛坡截之椰木陀山之西爲登高坡與黃瓜山對峙右
老虎灣通賊巢大軍五路進攻富蘭率師冒雨塵戰槍矢無虛發
賊驚竄縱火焚之燬大寨五十六擒賊百殲斃無算五月吳半生
據菹麻寨石柳鄧等據鴉西鴨保兩寨應之我兵進攻小紅巖奪
大小喇耳山焚苗寨四十吳逆復糾猿猴寨狗腦坡二十餘寨花
苗來拒我師先自爲公山一路截其援兵復於西梁左右合力夾

擊連破上中下三寨大敗之賊奔花苗寨中整師五路分進富蘭
口險仰攻爭先擊陟克寨六十木城四石卡三十五六月敗之於
板堯寨復敗之於雷公灘遂奪古哨營九月吳半生由鴨保寨竄
高多寨糾眾抗拒我軍四面圍攻吳逆窮蹙率其黨降敘功 旨
下部議敘十月進攻龍角峒趨鴨保山克之奪大小木城石卡三
十十一月由鴨保直趨天星寨風雪中率師夜發襲敗之火其巢
賊竄奪木城七石卡五克垂藤董羅諸寨尋乘勝取臥盤寨賊目
吳八月就擒十二月攻樸木營拔地良八荆桃花等寨賊又於普
安寨脅眾來拒敗之擒賊目二克高斗山賊眾復據禽頭坡驛馬
峒各險隘負隅抗拒我兵分隊魚貫進奪禽頭坡諸城卡驛馬峒

及兩谷河川峒大小山梁斬級二百焚寨三百嘉慶元年二月升副護軍參領七月進攻平隴由捧風坳桿子坪分路進兵敗之於尖雲山八月升護軍參領十月別攻社神堂連克木城石卡時平隴賊匪負固已久我兵擊卡甫定賊復於莽車孟水衝等處糾黨死守大兵四路進攻富蘭由老石巖直趨平隴併力轟擊下之十一月連奪養牛塘剛息衝諸卡降諸苗五千餘戶十二月由莽車改攻貴魚坡之南奪馬頭三餘錦坡克大小賊卡二十殲首逆石柳鄧於陣俘賊目石老高賊之竄伏者接斬無遺二年五月川陝楚教匪煽亂隨副都統銜額勒登保出師楚北賊渠林之華覃加羅據芭蕉山富蘭帶兵由長陽縣之廖家臺進趨車家灣峯巒

列忽斷忽連賊眾各於要隘築卡我兵乘其不備由箐林中攀援
潛上直據嶺巔全軍四路策應併力攻克奪卡三十殲賊五百六
月賊竄五家河我師截擊敗賊於紅土溪八月駐營大合山賊眾
從對山偷渡長灘河爲免脫計我軍設伏以待截其去路襲殺之
九月克燕子巖十月由張義坡銅盆嶺追躡戰於銅鼓包殲賊鄭
三級等三十五人三年正月俘賊渠覃加耀於終報寨二月楚匪
竄陝富蘭移師追剿四年七月襄陽藍號首逆張漢潮西竄甘肅
之兩當鳳縣一帶富蘭隨參贊大臣明亮取道瓦寨奮力抄截疊
有斬獲八月賊踞棘椒園富蘭馳擊遇之於紅河寺賊復屯犁澤
坪官軍設伏野雞溝三路並發擊走之九月賊竄石峽子富蘭率

所部兵馬步並進殲賊三百獲賊目徐貴十月擊賊於陝省之洵陽壩陣梟賊渠張漢潮執賊目李潮斬級二百捷 聞下部議敘十一月禦賊於柴家關十二月賊黨分竄滂峪田峪千峪富蘭偕參將蕭福祿帶兵抄截扼其北竄之路五年正月擊賊於小油房溝二月賊據汪家山副都統扎克塔爾領右隊副都統綸布春領左隊富蘭偕蕭福祿統中軍三路進攻克之三月擢浙江湖州協副將仍畱鎮安山陽一帶防堵八月截剿黃號股匪伍金柱由佛堂寺進兵化嶺連破之九月賊走大水溝老林我兵窮追俘賊無算十二月追擊藍號股匪冉學勝於太字坪殲擒二百餘六年五月授直隸宣化鎮總兵賊由白洞溝竄緡溪我兵繞擊之六月進

攻西鄉紫陽一帶大敗賊眾七月赴畱壩界搜捕零匪八月賊由巴山折回北走迎勦於板橋堦箭桿山鍾家溝九月賊奔洵陽平利富蘭率勁旅沿江分堵七年七月進兵松樹壩十月攻新寨子執賊目黃宗林川陝平八年正月凱撤五月署秦甯鎮總兵十一月奏請將 萬年吉地監修工程人等做照各館膳錄供事例分別等第給予議敘 諭曰在工各員既已疊次邀恩何得再三煩瀆著傳旨申飭九年調河南河北鎮總兵旋調廣東雷瓊鎮總兵先是富蘭在秦甯鎮總兵任失察管工大臣盛住私許石商在青椿內開採山石部議降三級調用 上加恩改爲革職畱任十二年失察海洋被劫降二級畱任十三年因盛住管理各工草率偷

減事覺速治 上以富蘭前曾兼管工程耳目切近不加參劾
命解任來京尋讞定富蘭坐徇隱不職遣戍十四年復以石工不
實降三級註冊九月 諭曰朕本年五旬萬壽覃敷闔澤因思從
前獲咎遣戍革職各員內有情節稍輕者尙可量予恩施富蘭著
賞給上虞備用處藍翎侍衛十五年擢三等待衛十六年正月授
鑲黃旗漢軍副都統七月遷直隸正定鎮總兵十八年六月授正
黃旗漢軍副都統尋授正白旗護軍統領九月直隸長垣教匪不
靖 命隨直隸總督溫承惠往討十月偕宣化鎮總兵音登額侍
衛蘇倫保三路會合殲賊八百俘賊百進克道口又敗賊於滑縣
之袁家莊是月以失察已革都司曹綸習教從逆下部嚴議尋議

奪職得 旨富蘭見在軍營帶兵其議處之案著交軍機處存記
俟事竣覈其功過再降諭旨十一月賊由滑縣西南直撲大營富
蘭偕提督馬瑜左右掩擊敗其眾追至李家莊殲之進攻湯二莊
賊樹柵浚濠恃險抗守與東湖西湖兩村賊匪爲犄角之勢我兵
乘夜圍攻越濠痛勦賊遁入輒樓焚其巢殲賊五百執賊首孔傳
文東湖西湖賊來援又復敗之旋赴楊家店王家道以至新寨等
村搜勦誅賊目邢全忠擒郭明山餘匪殲擒無算救出難民一千
餘捷入 諭曰富蘭在正黃旗漢軍副都統任內失察逃犯舊綸
咎有應得但伊到任月餘爲時甚暫旋派赴軍營帶兵此次打仗
出力著加恩免其議處仍交部議敘十二月滑城克復富蘭帶兵

暫駐彰德順德一帶彈壓十九年二月凱撤回旗三月兼公中佐
領二十年授山海關副都統二十五年四月遷正白旗漢軍都統
七月調察哈爾都統道光三年十一月 召來京十二月署正紅
旗蒙古副都統四年授鑲黃旗蒙古副都統六年調正白旗滿洲
副都統七年授正白旗護軍統領八年因病陳請開缺十二年卒
子福克精阿三等待衛愛興阿二等待衛

右 國史館本傳

按史傳兩公父子氏一作墨爾迪勒一
作莫爾德里薩各從其舊俟精籍譯者

正是

富通

富通富察氏滿洲正白旗人由前鋒翎長充十五善射乾隆五十五年擢藍翎侍衛五十八年升三等待衛嘉慶元年升二等待衛充侍衛什長五年奉 旨發往山東以參將差遣委用署沂州營副將八年巡撫鐵保以富通辦事認真於兗沂曹一帶情形甚爲熟悉奏補曹州營參將 允之十一年升膠州協副將十三年護理登州鎮總兵尋奉 旨著各督撫保舉堪勝陸路總兵人員巡撫吉綸以富通熟悉營務訓練有方奏請送部引 見得 旨回任候升十四年六月擢登州鎮總兵七月以疏防盜犯奪俸一年再奪俸一年六箇月十八年九月河南教匪李文成糾眾滋事陷

滑縣復分授山東定陶曹縣地方巡撫同興帶兵協勦檄富通移
駐省城彈壓尋奉 旨偕山東學政黃鉞辦理武鄉試時欽差大
臣直隸總督那彥成等攻克滑城而山東德州直隸景州一帶復
有匪徒潛匿同興恐潰匪密往句結奏調富通帶兵二百名赴德
州駐紮相機圍捕十九年四月偕同興會劾文登營副將明山嗜
酒任性作事乖張請 旨革職以肅軍政 允之六月卒子明德
二等侍衛

右 國史館本傳

國朝耆獻類徵初編卷三百七目錄

將帥四十七

阿郎阿

九十

吳廷剛

明泰

阿迪斯

吉蘭泰

關騰

辭大烈

彥吉保

華聘

四庫全書
卷之三十三

國朝耆獻類徵初編卷三百七

通奉大夫前署江西巡撫江西布政使司布政使湘陰李桓輯

將帥四十七

阿朗阿

阿朗阿瓜爾佳氏滿洲正紅旗人四川駐防乾隆三十三年由馬甲隨征緬甸三十六年大小金川不靖大兵進討阿朗阿隨征三十九年副將軍明亮分兵攻什札古連克木城石卡阿朗阿等奮勇鏖戰受槍傷身頂得 旨獎賚四十五年大軍征三暗巴賊番四十六年大兵剿甘肅逆回阿朗阿皆與焉五十三年廓爾喀擾後藏 上命成都將軍鄂輝等督師申討廓爾喀旋退師乞降阿

朗阿以在事出力署驍騎校五十五年補鑲藍旗驍騎校五十六年廓爾喀復犯後藏境隨成都將軍成德攻勦聶拉木官寨及防堵各處隘口均有功尋遷防禦嘉慶元年湖南逆苗吳半生等滋事阿朗阿隨成都將軍觀成等進剿苗匪蕩平適川陝楚教匪踵起滋事移師勦捕阿朗阿仍隸觀成軍二年遷佐領三年大軍圍賊於大甯之老林園逆首陳崇德沿山築卡拒守甚堅會賊黨白登科來降言賊酋將盡若閒道進攻巢穴可破觀成等令登科前導檄阿朗阿以兵繼之分爲四路冒雪進攻連奪木卡殺賊數千人四年賊首冷添祿竄至岳池阿朗阿隨建昌鎮總兵劉君輔追躡及之悅來場適參贊大臣額勒登保以兵夾擊斃賊數千斬首

逆冷添祿捷 聞 上以阿朗阿節次出力賞戴花翎十一年升
協領十八年陝西岐山縣三才峽木廂匪徒因饑煽亂 上命成
都將軍賽沖阿帶兵往剿十九年正月賊渡漢江將偃川境阿朗
阿隨賽沖阿自西鄉兜勦篝火夜行越山至木竹壩適賊眾自老
漁壩竄至據山梁抗拒賽沖阿督阿朗阿等直前衝擊擒僞元帥
楊榮盡殲餘黨復因別股賊匪數千由太陽灘渡過漢江南岸在
渭門童家溝一帶滋擾阿朗阿隨賽沖阿折回追勦馳抵碾子溝
賊黨踞險抗拒我師由間道夾擊敗之殲馘賊匪四百餘名擒賊
目數十人尋隨賽沖阿渡江追躡紅綠號各股竄匪敗之於洋縣
店子河擒殺七百餘人賊眾奔潰復敗之於賽家山擒僞總兵羅

懷等賊眾旋平三月擢荊州副都統七月卒子祥瑞驍騎校

右 國史館本傳

九十

九十張佳氏鑲黃旗滿洲人由健銳營前鋒於乾隆三十八年隨定邊將軍阿桂征金川勦趙拉促浸有功四十年升額外前鋒校賞戴花翎四十一年補前鋒校四十五年升委前鋒參領四十七年授副前鋒參領四十九年隨陝甘總督福康安征剿石峯堡逆回五十一年授陝西提標右營遊擊五十九年擢甘肅平羅營參將嘉慶元年湖北教匪滋事陝甘總督宜繇檄至西安一帶勦捕三月勦賊首王全禮等於湖北鄖西之泥河口復於雞冠寨孤山大寨用火攻斃賊無算生擒王全禮等四十七名尋同領隊明亮赴襄陽樊城堵剿六月擢莊浪協副將孝感縣賊匪屯踞胡家寨

九十帶兵駐潼川鋪乘賊撲營時山岡棚座空虛衝擊之賊潰奏
入賞給扎布棟阿巴圖魯名號七月鍾祥縣境內賊匪屯聚官
兵分路進剿八月賊犯土門衝營卡九十等奪據前面山岡截斷
賊勢傷斃甚多二年襄陽賊首黃號齊王氏姚之富王廷詔白號
高均德藍號張漢潮等爲楚省官兵偪入川省十一月至桑樹灣
西安將軍恆瑞等分路進攻賊潰分投西南山梁九十從旁截其
去路斃賊多名四年四月甘省白號賊匪分股北竄官兵由東北
向西南堵剿九十等由二郎壩獅子川洩水溝諸要隘帶兵分堵
六月藍號賊匪在階州文縣一帶游奕恆瑞令九十駐紮寶珠寺
扼其要路賊匪復由廣元折回陝境竄至南鄭向東奔九十由銅

廠一路緊躡進勦至彭壩殺賊六十餘名八月賊首張漢潮股匪
竄至江口玉皇廟一帶九十馳往關嶺等處堵截十月張逆就戮
餘匪在大建溝等處屯聚官兵分路攻之九十等由黃柏園進勦
賊匪肆竄殲斃多名十二月蒿溝之賊竄至大壩經官兵進勦向
嶺南嶺北西竄九十馳至灰峪林殺賊八名生擒十一名五年正
月川匪竄至隴州清水秦安縣境內滋擾官兵分三路進九十偕
副都統扎克塔爾等爲右隊馳至隴山鎮由右進攻搶上山梁賊
潰亂殲斃無數四月擢甘肅西甯鎮總兵五月襄陽黃號伍金柱
股匪奔銅錢窖九十等率領兵勇由太平寨山梁抄赴石子背會
官兵馳勦殲斃賊匪龐洪勝及餘匪千餘名生擒五百餘名白號

賊首張添倫黃號賊首辛聰由二郎壩西竄老山九十帶兵緊追擊之於五里坡斃三十餘名各股賊匪先後由棧道入甘九十等分頭搜捕又從柘栗園白營寺出棧道之草涼驛黃牛鋪等處會合官兵陝省餘逆搜捕淨盡復趨三岔山進剿賊匪向東趨欲奪路從棧道出九十等於東河橋堵剿十月辛聰等匪竄至沔縣地方經略額勒登保派九十偕副都統綸布春馳往堵剿白號高二馬五等前股賊匪經官兵攔回陝境向五郎壩中壩逃逸後股賊匪竄至西鄉之法寶山楊家河倚山屯紮陝西巡撫台布奏將新到粵兵交與綸布春九十等專辦西鄉賊匪八月與總督楊奎猷夾擊小股賊於蔡壩斃四十餘名生擒十餘名賊奔歸大股九月

徐添德股匪撲雙河溝口營盤官兵擊之追過金河口九十偕恆
瑞綸布春擊斃賊百餘名翻越兩重山又斃八十餘名生擒唐國
安等三十七名十月在峒口板凳埡峽口諸處堵禦又防守瓦子
溝七里壩江岸六年正月駐紮鍾祥溝在西鄉西南一帶堵剿二
月高二馬五賊匪爲官兵追剿至後藏匿老林九十由舊司河進
剿斃賊三十餘名生擒二十餘名又追截之於南岔松坪六月太
平黃號賊唐明萬股匪竄入西鄉平樂鹽場九十督兵剿之八月
襄陽白號高見奇等股餘匪藍號冉學勝所贖零匪經川省官兵
追剿屢窺南鄭城固邊卡九十等派兵嚴堵不使闖入又在沿江
一帶分堵安康洵陽平利零匪九月由白雄關截擊倒水峒竄匪

殲擒三十餘名七年二月勦零匪於二道坪八年三省教匪肅清
經略額勒登保議奏凱撤事宜仍各畱本省兵勇分路搜防令九
十帶兵一千名駐紮龍池場督搜分水嶺中山廟油盤坵三處十
年四月帶領西甯全隊官兵回任十二年正月偕刑部侍郎貢楚
克扎布赴循化貴德廳查擊沙布浪等族搶劫青海蒙古牲畜之
賊番擊獲多名二月賊番竄巴思峒一帶率兵追捕六月復擊之
於什噶干至章纏腦斃賊五十餘名生擒十三名奪獲牛馬羊隻
以萬計九月回兵十二月丁母憂十三年四月回旗是月授直隸
正定鎮總兵十六年四月 諭曰九十從前曾在軍營於操練一
切尙能認真著調補福建建甯鎮總兵十月擢廣西提督十九年

八月卒子經文泰見任鑾儀衛整儀尉

右 國史館本傳

欽定四庫全書

廿

吳廷剛

吳廷剛四川成都人由行伍拔補把總乾隆六十年黔楚逆苗滋事調赴軍營隨閩浙總督大學士福康安節次打仗攻奪納其山貴道嶺長吉山等處有功 賞戴藍翎尋升千總嘉慶四年升四川漳腦營守備八月隨經略額勒登保勦達州青號教匪王登廷等於青龍坪身受矛傷 賞換花翎五年二月擢茂州營都司閏四月襄陽白號賊匪楊開甲黃號辛聰等股合夥欲從龍駒寨奔赴河南廷剛隨侍衛色玉慎等率馬步官兵躡道掩擊賊眾方圍輝塔寨洞寨官兵衝入痛殲之餘匪奔竄五月黃號賊匪伍金柱等眾在手板崖廷剛偕都司桑漢帶兵勇往探適與賊探相遇廷

剛等密伏樹木突出殲斃之馳報大營派兵追擊先後斃賊七百餘名生擒一百餘名奏入 上嘉之六月楊開甲等股匪焚掠茅坪廷剛率兵進擊斃騎馬賊十餘名八月追白號賊首張天倫及辛聰各匪至馬桑壩適高二戴四掌櫃股匪在箭杆山衝出廷剛等率兵勇擊之斃賊三百餘名生擒八十餘名賊潰官兵沿途剿殺又斃賊一百餘名生擒七十餘名尋擢貴州提標前營遊擊六年五月官兵擊張天倫楊開甲等五股賊匪於高唐嶺賊分路竄廷剛等出陳家河進越皮家河斬獲四百餘名七月偵知襄陽藍號賊匪再學勝與張天倫股內另匪合竄至孫家坡廷剛乘夜追躡黎川及之斃賊甚多賊大潰八月張辛等逆向中壩子西竄再

學勝又由大蜀鴉河北竄廷剛帶步隊翻界嶺截擊偕副將楊芳等於廟子壩設伏斃賊二百數十名復追十餘里斃賊一百餘名生擒余開吉等六十餘名張天倫股匪由關垵南竄廷剛等躡之賊過河抗拒廷剛等奮力仰攻搶上山頂殺賊五六十名滾崖跌斃者數十名棄械跪投者七十餘名尋擢四川永甯營參將襄陽白號賊匪高見奇姚興佐等竄入通江境內官兵分途追剿山徑紆險棄馬步行見賊匪數十人擁一賊奪路走廷剛率兵勇追擊之乃首逆辛斗也九月迤江藍號李彬股匪千餘人乘夜東走廷剛等追至熊家灣山梁賊翻山我正橫衝上斷賊爲二廷剛追殺前股其後數百人回竄適後隊到廷剛等折回來擊之斃賊二百

餘名擒賊魏中均苟朝萬偽先鋒王士元等九十名十月剿黑虎廟王家坪碑壩天平河各處另匪皆有斬獲七年正月賊匪辛聰等與川省竄匪劉泳受合夥奔赴老君嶺嶺路歧雜廷剛等分軍兜截敗劉泳受於菜子坪二月又敗之於太平峒賊奔西北獅子堽而去屯燕子巖我軍密派兵勇潛撲之廷剛偕副將應元寬等相繼進刀矛並舉殺獲多名賊四竄復偕遊擊祝廷標率兵勇徒步入山搜剿餘匪賊竄入田峪深林以楊芳帶兵在彼搜捕廷剛等率兵勇歸隊至桃川之沙壩遙見山上樹紅黃旗幟乃巴州白號賊匪苟文明冒充總兵薛大烈官兵俄卽衝下廷剛等奮力合擊賊潰奏入 上以吳廷剛奮勇可嘉著額勒登保存記三月苟

逆被剿後將折竄秦嶺官兵分路於平安設伏福安寨截殺廷剛等往來策應接仗兩晝夜割獻耳記一百餘生擒會紹禹等六十四名五月擢靜甯協副將六月苟逆股匪分竄南北廷剛等追剿南竄賊匪由月河至泰山廟緊躡二十餘里殺賊數名生擒周天祥等四名餘匪竄入林箐又搜獲多名復由川堂河追剿至光腳嶺賊藏深林兵勇盡力搜殺獲鄭光旺等十六名訊知苟逆欲回四川卽飭沿江渡口嚴密巡查七月廷剛馳赴花石巖見山上煙起麾兵仰攻苟逆知不能脫逃懸巖直下官兵梟取首級餘賊殲擒淨盡奏入得 旨吳廷剛著加恩交部從優議敘八月追剿另匪於東流水地方生擒苟七麻子及偽總兵吳廷詔等十七名殲

斃僞先鋒張芳等二十名旋搜剿南山另匪又截剿斬黃股匪於
棧東斬獲甚眾八年二月由都督河兜偪南山餘匪殲之於朱家
莊三月踰秦嶺搜剿賊入太白山老林 上以吳廷剛等沿途雖
有斬獲統記不過二千人總由官兵不能奮力搜捕飭之四月餘
賊又向太平河散竄廷剛追抵雄黃池時都司張超把總王登科
遇伏賊被害廷剛直前奮擊之餘匪四散尋赴東路剿捕遇另匪
踞險擲石我兵槍箭齊發斃賊數名賊向後山遁廷剛等追擊之
殲獲四十餘名五月偕都司蘇超入嶺北追搜另匪六月在月亮
坪搜殺各賊 上以勿憚勤苦勗之八月南山另匪西趨太平山
紅河又由甯峽八里坪江口東趨經略額勒登保以廷剛等勦辦

不力劾奏九月奉 旨吳廷剛著摘去翎頂嚴行申飭如再不奮
勉從重治罪另匪葛河口南走廷剛等夜襲賊屯殲擒數十名餘
匪西奔十月偪賊於大火地擒殺多名賊竄至濫泥埡險山廷剛
等乘夜擊之殲擒數名戮斃戴翎賊一名餘匪南竄十二灣深林
十二月賊屯梁家灣廷剛等冒風雪夜攻抵橫山大梁步行進賊
匪數十挺矛上撲我兵下擊殺賊十餘名九年正月賊出老林廷
剛等帶兵扼住竄往支河之路賊東竄聞有官兵追擊折回西南
由小青草坡仍遁入老林廷剛在水師埡扼截又向平溪河後山
竄走合楚境竄來之賊屯於盤河腦上老林山路僅通一線官兵
魚貫進攻賊尋原路向藥扒一帶遁二月竄匪均聚川陝邊界廷

剛爲賊所圍左骹受矛傷都司劉勝祥等救護得免賊東奔翻越楚境之黑山老林廷剛等分途進剿窮其所向先蹙之於石渣河繼追至亢嘉坡賊向馬溪容僧河遁廷剛等由太平灣馬鞍山進賊踞山恃險又於陡崖尖青龍尖老林設伏廷剛率兵仰攻搶上山尖生擒僞總兵賈燦華並夥匪二十餘名賊伏起我兵奮勇鏖戰斃大掌櫃苟文華僞元帥王振僞總兵謝尙玉等五名餘匪殲戮無算奏入 上以廷剛帶兵奮勇賞還翎頂並賞給白玉四喜扳指大小荷包三月另匪遁入老山天工堰廷剛等選兵勇三千人持乾糧輕騎跟剿至高石牆曹家溝合三路兵擊之斃賊多名生擒僞先鋒楊春壽等十一名及賊探數名殘匪向南逃近川界

廷剛等繞上界嶺截勦賊東走打鼓遁入望觀臺老林嶺路仄小
廷剛等徒步由大小梁小漆扒紅巖寨後河進賊踞老林憑險抗
拒依老林設伏賊匿峯頂見官兵已過向十里坪竄出廷剛等分
投截殺賊回老林廷剛等抄赴馬家坪迎勦賊又東竄廷剛覓路
攻擊會各路官兵施放槍箭斃數名乘勢進撲餘匪奔向貝母池
一帶游奕廷剛截路擊折入老林向亂石窰竄匿廷剛偕總兵楊
遇春向南躡蹤追躡賊向新田壩桐油壩東西狂奔七月廷剛等
分三路抄擊斃執旗賊並矛手十餘名生擒三十餘名賊敗上堦
口連擊數次又殲斃二十餘名餘匪向北奔竄廷剛等又帶兵抄
截擒斬殆盡十一年九月擢甘肅涼州鎮總兵十二年五月入

覲乾清門侍衛格布舍於未經 召見之前將廷剛帶入奏事門
經 御前大臣定親王繇恩等奏參 諭曰吳廷剛由行伍出身
於門禁向未知悉著加恩免議格布舍著逐出乾清門仍交部嚴
議時有沙布浪番族搶劫蒙古牲畜之事甯夏將軍興奎陝甘總
督長齡督率官兵疊次剿辦八月派廷剛等分路進剿焚其巢穴
賊勢窮蹙廷剛等復與官兵分路搜捕番眾悔罪投誠十三年七
月調漢中鎮總兵十八年陝西岐山縣三才峽匪徒萬五等因歲
荒乏食糾眾滋事陝西巡撫朱勳派廷剛剿辦十二月古子溝又
有新起賊匪經官兵剿敗東竄廷剛帶兵追剿萬五等連日攻破
寨峒廷剛派員弁於袁家莊痛剿之斃賊四百名生擒二百餘名

奪獲槍礮騾馬甚多 上嘉之尋於畱壩廳屬西江口會總兵祝廷彪追萬五股匪至平木賊占踞山梁我兵分路仰攻鼓勇力登殺賊甚多乘賊慌亂督兵下壓追三重山梁擒賊九十八名後派員弁分路於觀音洞馬里地方抄截殲獲多名賊匪北竄折口桃川十九年正月廷剛派將弁於沙壩設伏與漢鎮總兵特依順保夾擊之斃賊二百餘名生擒僞軍師周在庭僞先鋒周之順等二百二十名賊向太白山老林白雲峽地方竄入蓋屋山經總督長齡派員設伏擒獲賊首萬五 諭曰萬五股匪經吳廷剛帶兵連次剿辦殲獲匪黨多名該逆窮蹙奔潰經官兵臨陣生擒餘黨悉數殄除一月以來均係吳廷剛奮力追剿不予以暇故得迅速成

擒吳廷剛著加恩交部照軍功例從優議敘尋因萬五餘黨九九
陳四股匪竄整屋縣之虎豹河地方長齡奏令廷剛專辦此股賊
匪嗣於甯陝屬之木瓜園乘夜冒雪馳擊賊營四面圍攻殲賊六
七百名生擒僞元帥尹朝貴大旗手劉功等十六名並奪獲器械
無算二月賊首陳四經祝廷彪擒獲廷剛追剿朝貴另匪至賀家
灣我兵分路夾攻鼓勇衝擊斃賊二百餘名生擒一百十八名賊
匪全數淨盡奏入 諭曰吳廷剛此次所剿雖係尹朝貴另匪而
南山賊匪起事以來吳廷剛首先剿捕先將萬五大股賊眾追剿
潰敗以後官兵乘勝屢奏捷音其功亦復不少吳廷剛著賞加提
督銜並交部從優議敘賞給四喜玉扳指玉翎管玉柄小刀黃辮

大小荷包尋派弁兵於月亮坪地方會兵痛剿綠號股匪殲斃賊
首苗小一餘匪淨盡尋擢廣東陸路提督九月卒 諭曰吳廷剛
曾在軍營著有功績前因平定陝省賊匪賞加提督銜旋擢廣東
提督該提督甫抵粵境因傷身故實屬可惜著加恩照例賜卹其
任內一切處分悉予開復

右 國史館本傳

--	--	--	--	--	--	--	--	--	--	--

RECORDS SECTION

111

明泰

明泰吳扎庫氏鑲紅旗滿洲人乾隆三十五年二月由健銳營前鋒補護軍校八月升委護軍參領三十六年十一月授副護軍參領三十八年隨征金川有功 賞戴花翎四十年九月授陝西漢鳳營參將四十一年九月擢潼關協副將尋調浙江金華協副將四十九年四月因親老呈請回旗十二月補嚮導處護軍參領五十九年授江甯城守營副將六十年二月 命訪拏逆匪劉之協尋緝獲李榮等匪八月擢直隸正定鎮總兵嘉慶元年楚省教匪滋事延及豫境直隸總督梁肯堂恐賊匪擾至直界令明泰不露聲色妥爲彈壓九月湖北教匪擾至豫省滹河鎮復往東北竄逸

上命明泰於附近營分抽撥勁兵二千速赴滹河鎮東北一帶唐
縣交界地方迎頭截剿十一月楚省賊匪西竄欲奔光化明泰偕
烏魯木齊都統永保等帶兵自賊之東南兜剿尋由張家集進併
力夾擊賊敗竄追殺二十餘里殲斃一千餘名餘匪潛向上薛家
集吳家集分屯十二月西安將軍恆瑞等進攻吳家集明泰等分
剿上薛家集賊悉力抗拒我兵奮勇攻擊賊敗走殲斃千餘名燒
燬賊屯七處賊向黃龍塢奔竄明泰等駐紮王家河潘家河等處
堵禦賊分竄二年正月官兵分三路剿捕明泰駐紮安居一帶截
賊北竄之路賊分兩股潛逃明泰偕護軍統領阿爾薩朗等帶兵
二千向東北一路分投剿捕殲斃甚夥生擒二百餘名並擊獲賊

首剗起榮解京經湖北巡撫惠齡等奏入 上嘉之賞金盒銀絲
盒大小荷包二月賊由洛陽店均川等處逃竄明泰帶兵迎勦至
官潭日暮將紫營賊從山後蜂擁撲犯左右圍裏明泰分兩翼擊
勦奮力向前殺死多賊身受矛傷甚重 上傳諭惠齡等曰總兵
明泰打仗受傷會否全愈著附便覆奏 諭曰惠齡奏明泰左股
受傷至今未愈准其回旗調理七年二月傷愈補頭等侍衛十二
年二月擢鑲白旗蒙古副都統十一月授江西南贛鎮總兵十六
年五月 陛見補鑲黃旗漢軍副都統六月兼管火器營事務十
一月因領侍衛內大臣帶領引 見人員明泰錯跪經 御前大
臣奏參 上以明泰年老衰頹 命原品休致仍恩賞副都統全俸

國朝書目考卷三十一

三

十九年十月卒子廓仁阿理藩院學習行走主事

右 國史館本傳

阿迪斯

阿迪斯章佳氏正白旗滿洲人協辦大學士阿克敦孫大學士公
阿桂子也阿克敦阿桂自有傳阿迪斯於乾隆二十八年 恩賜
藍翎侍衛二十九年擢三等侍衛三十五年因父阿桂辦理緬匪
撤兵恩遽獲咎阿迪斯奉 旨革職三十六年發遣廣西右江鎮
三十七年 恩旨寬免回京四十一年十月復授三等侍衛十一
月升鑾儀衛雲麾使五十五年遷冠軍使五十六年擢鑾儀使五
十七年十月 上念阿桂年逾七十 特恩授阿迪斯戶部右侍
郎嘉慶二年十二月襲其父阿桂一等誠謀英勇公是月調兵部
右侍郎四年正月授正白旗漢軍副都統五月擢左都御史尋授

正紅旗蒙古都統六月 命署直隸提督尋奏檢閱直隸提督衙門兵馬檔冊內有轎夫十八名俱係戰兵充役查提臣爲節制全省大員理宜身先練武以爲諸營表率本不可自行雇夫乘轎而以戰兵擡轎尤爲有乖職任臣卽將各兵丁交與該管將備歸伍學習槍箭照例差操訓練應請 旨嚴行禁止奏入 上是之複諭各直省駐防將軍副都統等及提鎮各員嗣後如再有違例乘轎者必治以應得之罪如駐防城守尉以下綠營副參以下有犯尤當從重治罪七月奏參提標額馬虧缺三百匹請將前署中軍參將遊擊等革職交刑部嚴審 諭曰所奏可嘉之至阿迪斯自署理提督以來能以公事爲重不存五日京兆之見到任後卽

出提督署內兵丁充當轎夫奏請禁革茲復將馬匹虧短情弊據實奏參足見實心任事著交部議敘八月奏前任提督愛星阿任內私用兵丁擡轎及虧缺馬匹又無故製造號衣二千五百件用銀二千九百兩除在兵餉內扣回銀一千五百五十兩外尙缺銀一千三百五十兩請行該旗在愛星阿家屬追繳 上嘉其所奏公當九月授成都將軍十一月行抵達州經略額勒登保咨會帶領滿漢屯土官兵六百餘名前赴大甯督辦堵剿事宜五年二月川西賊匪猖獗 諭曰阿迪斯以本省將軍大員於川西竄匪情形漠不關心從未一字奏及且帶領多兵在大甯閒住據稱率同總兵德英額在彼防堵究竟防堵者何賊著勒保嚴查如有捏飾

卽嚴參具奏三月阿迪斯奏大甯防堵情形並稱帶兵馳赴魁倫營盤一同進剿 諭曰阿迪斯由驛遞到奏摺內稱總兵德英額都司馬驥等在黃羅傘黃守坪等處設卡防守遇有賊匪七十五帶兵往來剿捕阿迪斯在大甯往來相機策應或會同剿辦等語試思大甯一帶並無賊匪竄擾其所稱德英額馬驥等設卡防守者係屬何賊而七十五往來剿捕者又係何賊況七十五並未與賊打仗卽阿迪斯亦係在彼株守所謂相機策應者何在而摺內復稱夔巫賊匪較前雖少時出時沒蹤跡無定所有擊獲三名俱係前來探路之賊等語尤爲可笑探信賊匪既被擊獲三名豈有不向其訊究之理且此三人係何名姓賊匪遣令探信擊獲之後

如何辦理均未提及況據稱擊獲三名者亦係子虛均未可定又據稱前此川北賊匪搶渡嘉陵江因所聞不出魁倫所奏糊塗猶豫一時未能具摺上聞等語更不成話阿迪斯係成都將軍豈有本境賊匪竄入川西因魁倫業經具摺卽視同局外不復奏聞之理而摺內並有見在零星摸樁賊匪若奔竄至此卽當就近剿捕豈有等候賊匪自行投到方始剿辦若各路帶兵官員俱候賊到方剿則賊匪豈肯自投羅網何日始能剿盡耶又據稱大甯駐防係堵禦開雲逸來賊匪近因賊人竄楚邊境在在昆連而自楚折回川省之路甚多是以嚴爲豫備以辦截剿等語向來由川入楚之賊頗多未聞由楚折回川省者卽近日常有由川竄入楚境亦

由七十五防堵不力致任闌入阿迪斯何得以豫備楚匪折回藉
詞諸禦且半年以來亦何曾見阿迪斯截剿何股賊匪耶阿迪斯
係阿桂之子爲滿洲世家大臣乃授以成都將軍派令帶兵剿賊
竟似此庸懦無能擁兵玩誤實出情理之外殊屬上負重恩貽羞
乃父並有愧誠謀英勇之公號伊見因接奉嚴旨自知罪難諉卸
續據奏稱帶兵前赴魁倫營盤一同進剿阿迪斯無能若此卽去
亦有何益著將原摺發交德楞泰卽行催令阿迪斯前赴德楞泰
軍營傳旨解任此時勒保已自可到向阿迪斯逐一詰訊令其據
實登答如無可置辨卽將伊革職定擬具奏派員解交刑部候旨
先是魁倫因楚省賊匪於二月十七日竄過興山距巫山縣屬地

方甚近當派遊擊沈文同等帶兵一千名前往交阿迪斯分派堵
剿至是阿迪斯復以素有骹疾去冬染患寒溼步履艱難不能騎
馬懇請斥革以重職任等詞入奏 諭曰阿迪斯自去歲到川株
守大甯種種玩誤經朕節次嚴飭自知獲咎已重並接到魁倫令
伊剿辦川北賊匪咨會心懷恇怯故爾具指懇請斥革以遂其避
賊之計實屬喪良昧心可惡之至阿迪斯著革職拏問前已降旨
令勒保將阿迪斯提至軍營詰訊問伊係何日接到魁倫咨會何
以指稱骹疾飾詞具奏令其據實登答審明定擬後將阿迪斯解
赴成都監禁候旨閏四月勒保遵將 上諭內指出各情節提阿
迪斯訊明請發往伊犁充當苦差奏入 諭曰阿迪斯經朕簡放

成都將軍到川後惟知株守大甯擇一無賊處所駐劄朕節次嚴飭自知獲咎已重並接到魁倫令伊勦辦川北賊匪咨會輒以感冒風寒足疾愈劇不能騎馬帶兵具摺懇請斥罷種種遷延避賊是以降旨拏問將阿迪斯革職交勒保提至軍營審訊今據勒保奏阿迪斯左骹墜馬跌傷左跨骨挫不能騎馬之處親驗屬實並據阿迪斯泣訴伊父在日因伊糊塗無能曾經屢次訓誡不宜外任其意不過欲題及伊父希圖朕垂念舊恩寬其罪責伊父在日既有此語阿迪斯於上年派令署理古北口提督時既未經奏及迨簡放成都將軍何以並不據實陳奏若彼時卽諄切懇辭朕亦必另簡他員不令阿迪斯前往乃於簡放時則默無一語心存戀

職而見獲重咎則又訴述伊父遺誠以圖減罪有是理乎朕卽念伊父阿桂舊日勲勞而阿迪斯不能勉承父訓自蹈重譴亦斷難曲法寬宥阿迪斯著照勒保所奏發往伊犁充當苦差此係朕憐念阿桂不忍重治其子之罪亦欲令勲舊大臣之後嗣不能承受恩眷者知所做也十一月因伊犁將軍保甯奏阿迪斯已到戍所上念阿桂之子見僅有伊一人加恩以藍翎侍衛在伊犁領隊大臣上行走七年九月 命回京在大門侍衛上行走八年 恩賞六品頂帶在家養病二十年故子那彥福見任翰林院筆帖式那彥堪見任太常寺筆帖式孫承志承襲一等誠謀英勇公爵

右 國史館本傳

吉蘭泰

吉蘭泰伊拉理氏鑲藍旗蒙古人由馬甲充護軍乾隆二十五年擢護軍校隨征喀什噶爾受槍傷三十七年升委護軍參領三十八年三月補副護軍參領閏三月升護軍參領四十三年授貴州上江協副將四十八年授甘肅甯夏鎮總兵四十九年鹽茶廳回匪滋事四月賊首田五經官兵剿捕受傷自斃其餘黨李可魁等竄余家溝陝甘總督李侍堯派吉蘭泰赴官川一帶追截五月賊匪屯聚馬家堡吉蘭泰偕總兵蘇靈阿分翼擊之賊竄草茅溝馬營街一帶督兵進剿殲斃多名賊潛遁復分路追擊賊踞石峯堡分遣黨羽四出滋擾吉蘭泰等率官兵馳剿六月由蓮花城取道

赴底店截賊後路追至田家山夜襲之賊竄走 上命福康安爲
陝甘總督統兵赴隆德進剿吉蘭泰駐紮陳家山策應尋於白楊
嶺鷹窩石諸處偕總兵策卜坦分投搜剿七月賊匪全數就擒福
康安派吉蘭泰於白馬莊馬家坡等處搜捕零匪查獲白重友馬
士元等六十餘名事務已竣論功交部議敘嘉慶二年湖北教匪
竄入河南逼近陝境陝甘總督宜縣調吉蘭泰帶領甯夏西甯肅
州官兵二千並循化撒拉爾老教回民二千赴西安聽候撥用三
年五月陝甘教匪闖入兩當之楊家店地方署甘肅布政使廣厚
同吉蘭泰馳赴兩當相機堵剿尋擊之於徽縣之王家坪賊由虞
關大石牌等處逃竄吉蘭泰帶兵進剿駐紮虞關旋於甯羌沔縣

一帶防堵並護送略陽至廣元糧運四年正月陝省竄匪張漢潮
一股闖入秦州吉蘭泰由徽縣馳剿擊之於禮靈橋地方殲賊甚
多奪獲馬騾器械並偽圖記一顆復於鳳縣唐藏地方偕各路官
兵四面圍之賊東竄至徽縣之江洛壩吉蘭泰躡蹤追殺至鳳縣
兩當交界處所敗之二月川匪藍號賊首張映祥折回甯美竄過
陽平關分三股擾近階州 上命廣厚會同吉蘭泰剿辦尋分兵
左右進擊殺賊百數十名生擒侯自生等四名復由黑崖山小路
抄截三月賊向梁蒸山奔竄吉蘭泰馳擊之於開井生擒賊目冉
玉煥楊大惠殲斃七十餘名復於新寺鎮乘夜設伏用礮轟擒斬
甚多破斃賊目張世龍奪獲大礮二馬騾器械旗幟無算 賞給

吉蘭泰伊青阿巴圖魯名號並賞戴花翎賊由阜角鋪竄縣之
岱門鎖率兵圍之斃賊數十名生擒龍榮等五名偵得張英祥分
股白號賊匪張金奎楊開甲等竄至秦州廣厚吉蘭泰卽回秦州
迎擊賊分兩股一在渭河之南馬跑泉一在渭河之北社棠鎮分
兵駐教場坪牽綴馬跑泉之賊密挑精兵間道馳擊社棠鎮賊渡
河逃竄淹斃六七百名殲戮二百餘名生擒楊世才等四十七名
上以廣厚吉蘭泰能權事宜之緩急各賞喜字玉扳指金絲盒火
鏢大小荷包四月賊匪竄至三岔地方攻撲堡寨吉蘭泰等分路
馳擊又由小川驛赴禮縣一帶兜剿白馬關賊匪又剿藍號賊匪
於雷家壩五月白號賊匪竄聚成縣之句家寨吉蘭泰帶兵在秦

州禮縣適中之地扼要堵截尋於徐家壩地方潛襲賊向西和禮縣奔逸吉蘭泰與廣厚分路堵之賊沿白水江竄虞關進兵三面圍之賊浮水過江溺斃甚多我兵乘勢追偪擊斃多名白號賊匪窮蹙略陽不敢闌入川西 上嘉之 命交部議敘又 諭曰此時甘境已無賊匪但賊蹤往來無定廣厚吉蘭泰仍當在甘省邊界駐紮防堵六月藍號賊匪在階州東南界滋擾經官兵分路掩擊連次克之竄雙溝有北趨秦州之勢吉蘭泰等由富家鎮迎頭兜剿藍號賊匪亦奔赴略陽不敢闌入川西 上深嘉之七月駐紮兩當之太渠與各路官兵互相策應以防川匪竄入甘境九月張漢潮股匪至成縣西和交界之紙坊鎮吉蘭泰由北面堵之賊

仍竄陝省參贊大臣那彥成以陝餉入棧無兵防護令吉蘭泰等
移駐棧內襄城廢邱關草涼驛等處防護餉銀並扼住川陝入甘
要路 諭曰那彥成所慮亦是但甘省尙有防堵要務吉蘭泰等
不可離甘境太遠致照料不及十一月仍在甘省東界往來堵截
十二月賊匪西竄甘境那彥成飭吉蘭泰等赴徽縣略陽一帶防
堵賊竄向麻柳鋪吉蘭泰由鳳縣馳至虢關臨水拒之尋因川匪
三股繞過漢江上原竄至陽平關逼近甘境那彥成飭令吉蘭泰
馳赴略陽一帶防堵五年正月授甘肅提督略陽竄匪搶渡白水
江闌入徽縣一帶 諭曰前據松筠奏稱略陽徽縣兩當地方係
吉蘭泰帶兵防守匪賊匪竄入邊界吉蘭泰已抵白水江堵禦本

日據那彥成奏吉蘭泰原駐唐藏楊家店等處南距略陽尙有三
百餘里西距棧道僅數十里專堵陝賊入甘之境是賊匪奔竄係
吉蘭泰一路闌入朕因吉蘭泰自上年以來於堵禦事宜頗知出
力是以加恩擢用提督今竄匪由略陽搶渡白水江闌入徽縣是
因該員防護不力自應覈實辦理著那彥成查明此股竄匪卽使
從寬免其治罪亦豈能復邀升擢那彥成務將以上指出情節嚴
密訪查據實奏聞二月那彥成奏吉蘭泰帶兵一千餘名在白水
江一帶防堵賊匪高家營戴家營等股由虞關搶渡相距僅三十
里吉蘭泰以白水江附近尙有賊匪未敢救援致賊匪搶渡三日
始至虞關各路賊匪俱至徽縣分擾秦州成縣禮縣北竄鞏昌府

境內吉蘭泰由徽縣一帶追剿未能與賊打仗此賊匪搶渡闖入甘境之實在情形吉蘭泰所帶兵力本單賊匪係在虞關搶渡亦非伊駐守防堵之地但相距僅止三十餘里賊至既不能救援賊退又不能追剿似難辭咎且察其年力衰邁不能振作非特難勝提督之任卽總兵亦非所宜 上命革去提督加恩賞給遊擊職銜在軍營效力尋因楊開甲張漢潮餘黨合夥竄至鳳縣逼近棧道 諭曰闖入鳳縣之賊匪正係吉蘭泰帶兵追剿既不能豫先防範又不能躡蹤追擊致賊匪將棧道梗阻其罪實不可追著勒保詳悉查明將吉蘭泰嚴參治罪又 諭吉蘭泰種種疎玩貽誤著額勒登保詳悉查明據實奏參三月經略額勒登保奏本年二

月間參贊大臣德楞泰因須帶兵卽往四川所有勦潰之楊開甲
股匪曾經札飭吉蘭泰跟蹤追勦吉蘭泰未能緊躡截擊以致該
匪由鳳縣之草涼驛遠竄南昌臣面見吉蘭泰詢知已七十九歲
語言無序竟係年老糊塗卽以遊擊畱於軍營亦難期得力伏乞
皇上俯念吉蘭泰上年著有微勞請拔去花翎仍畱遊擊銜予以
休致卽令回旗 諭曰吉蘭泰罪實難追額勒登保僅請拔去花
翎仍畱遊擊銜休致回旗未免意存姑息上年吉蘭泰在甘省地
方堵勦尙無貽誤者因與廣厚同在一處耳嗣緣廣厚調往西甯
吉蘭泰不能認真堵勦可見上年甘省勦賊並非吉蘭泰之功且
伊已昏瞶糊塗因循戀棧似此貽誤之領兵大員若不嚴行懲治

何以肅軍紀而勵戎行吉蘭泰著革去職銜卽在經略軍營枷號示眾俟該處大功告成後再行發往伊犁自備資斧效力贖罪六年八月 上以軍務將竣加恩釋放改發吉林作爲披甲兵丁七年十月釋回作爲披甲十四年十月 上以吉蘭泰前次帶兵尙屬奮勉 賞給藍翎侍衛十八年十一月因骸疾不能當差退休十九年二月奉 旨吉蘭泰曾經出兵打仗殺賊受傷著給與全俸以養餘年二十年三月卒

右 國史館本傳

關騰

關騰瓜爾佳氏鑲黃旗滿洲人由烏槍護軍校洊歷火器營副護軍參領揀發甘肅補慶陽營參將乾隆五十六年擢永昌營副將六十年八月授巴里坤總兵尋丁母憂回旗命在頭等特衛上行走嘉慶元年正月奉旨派往湖南軍營差遣尋以湖北邪匪滋事經總督畢沅巡撫惠齡奏留湖北勦捕賊首張正潮劉洪鐸於宜都縣灌灣腦四月破白楊堰賊卡又分投追剿殺賊三百餘名經惠齡奏入奉旨交部議敘官兵進攻灌灣腦左首蔡家坡賊卡賊匪奪路出關騰等先伏兵左右林內截擊賊驚竄落崖墜澗死者無數賞給奇徹伯巴圖魯名號五月隨成都將軍成德

等殲賊於雞公山又從惠齡連破林家灣鄭家坪賊卡 止嘉之

七月進攻箐箕堵賊匪百餘投營詐降欲為內應我軍偵知之伏

兵為備賊果夜至關騰等俟其半入卡內四面圍剿擒賊屈蘇索

文等六十八名殺賊三百餘名陷入濠溝及火彈燒死者無算入

月埽蕩灌灣腦賊巢張文謨劉洪鐸俱就擒 諭曰關騰遇此兩

兵缺出即行補用先換頂帶時長陽賊首覃正潮等竄踞涼山關

騰從惠齡移兵剿之賊以小涼山為倚角頭天門獅子山猴查灣

老屋場為門戶二天門為咽喉九月關騰等先破小涼山尋奪九

鼎埡香鑪巖賊卡奉 旨交部議敘賊至二天門而下窺伺九鼎

埡官兵營卡關騰等馳擊之生擒張有聲袁大昌二名餘匪全行

殺斃十月惠齡以賊巢高險難於仰攻先督將弁截賊水道因之
賊擁眾下護水泉關騰身冒矢石奮勇直上填塞泉源腰骹俱受
石傷 諭曰關騰身體受傷實屬不遺餘力此時諒已平復殊爲
廩念著賞給大小荷包惠齡尋由二天門攻破涼山賊巢生擒首
逆覃正潮等關騰由九鼎埡進攻並繞至山後射放火箭燒然草
棚截殺逃竄賊匪甚多奏入 命署宜昌鎮總兵十一月從惠齡
移師勦首逆林之華覃加耀等於黃柏山關騰等由南河之長嶺
彭家坳一帶進攻賊巢之東其地有一碗水涼風臺二處賊匪分
踞互爲掎角惠齡攻破一碗水關騰等亦卽奪獲對語坪賊卡擒
斬數百人投陝西延綏鎮總兵 諭俟勦辦黃柏山事竣再赴新

任十二月從署四川總督福甯由涼風臺進攻中腰站賊卡時大雪連日關騰先於風箱坪賊卡之左雪淺處所暗埋地雷賊率眾來禦我兵佯走引至潛伏地雷處轟斃多賊遂奪占中腰站楓箱坪等山梁並攻克牛角尖燒燬大道碾盤灣等卡二年正月攻克英靈觀賊卡賊以四方臺爲門戶精銳悉聚二月關騰偕諸路兵同時進剿攻擊三晝夜賊勢窮蹙三月領侍衛內大臣額勒登保會同福甯攻克四方臺關騰亦由梯兒巖攻入賊賊首十一奪獲槍礮器用食物無算賊首林之華覃加耀等尋舍黃柏山竄踞芭葉山額勒登保飭關騰等駐營要隘牽制賊勢並爲聲援官兵從高嶺頭進剿連奪四卡五月駐兵蠻路口防範六月賊竄建始縣

地方又輾轉奔竄長樂巴東鶴峯恩施利川等縣境關騰均帶兵
追剿疊有斬獲前後屢賞扳指大小荷包及綠玉大吉牌尋林
覃二逆以次殲斃三年正月從額勒登保移師陝西石泉一帶禦
賊會襄陽藍號首逆張漢潮在興安南北滋擾三月關騰從總統
宜縣協剿賊趨梅湖躡淺過江關騰馳至追殺及淹斃者甚多四
月白號逆首高均德竄商州鎮安一帶關騰邀擊之於漢陰鳳凰
山擒斬四百數十名獲礮四座烏槍四十餘桿餘賊俄竄南鄭新
街江邊躡水過江關騰從宜縣由北山抄截與荊州將軍興肇副
都統銜明亮三路兜圍殲賊二千餘名五月高均德李全張添倫
三股賊匪西竄襄城關騰從明亮禦之於長寨賊竄四川廣元關

騰馳至西鄉紫陽一帶隘口防其竄回陝境六月張漢潮股匪自楚竄入平利又竄川境太平關騰從宜縣禦之於紫陽界嶺等處十一月張漢潮東竄河南盧氏官坡地方關騰由山陽商州捷徑迎勦賊翻大山入五郎境內四年正月赴石泉堵勦並搜洗鎮安山內竄匪六月賊眾由五郎竄四畝地金竹溝等處每於深林密箐施放槍礮牽綴官兵爲首逆張漢潮等乘間遠颺之地明亮督關騰進擊追至太古坪先後俘斬百數十名七月賊復圖奔豫關騰趨商州一帶堵禦賊不敢乘間窺伺五年正月在鎮安五郎一帶設法兜截扼其東走商雒之路六月賊匪伍金柱冉學勝張世龍馬五張添倫等合夥向渭河逃竄經略額勒登保飭關騰堵禦

渭河北岸尋又分禦南岸九月偕總兵劉之仁分防漢江十一月
賊首冉添元樊人傑等餘匪二三千人由紫陽竄石泉之銅車壩
夜半至大紅石地方乘月躡淺偷渡漢江關騰施放槍礮轟擊賊
退回潛繞上游十餘里之漢鎮地方渡過北岸陝甘總督長齡奏
請將關騰革職仍請暫畱江岸防堵 諭曰長齡所奏非是關騰
聞賊在大紅石乘夜躡渡僅放槍礮可知關騰並未親身前往督
率堵禦獲咎甚重此等玩誤之員豈可仍令帶兵自贖關騰著革
職擊問交與額勒登保審明按律定擬具奏尋經審擬發往伊犁
效力贖罪奉 旨著暫畱軍營作兵丁效力六年十一月額勒登
保以關騰帶兵防堵一載以來感激奮勉竭盡心力並無疎懈奏

請以參將遊擊二項酌量補用 諭曰額勒登保所請未免過優
關騰以都司用七年補陝西秦州營都司八年升山東登州營參
將十二年擢湖南永綏協副將尋以老病休致 賞給半俸二十
年三月卒

右 國史館本傳

薛大烈

薛大烈甘肅皋蘭人由行伍洊擢千總乾隆五十二年隨征臺灣
逆匪有功 賞戴藍翎五十七年隨將軍福康安征廓爾喀克熱
索橋等處賊碉 賞換花翎尋擢陝西固原提標後營守備仍畱
軍營五十八年敘功 賞給應升頂帶五十九年授甘肅黎園營
都司嘉慶元年川陝楚教匪滋事隨提督柯藩進攻陝西之將軍
山克黑虎塘賊卡馘賊二百餘復偕遊擊李逢春斷賊汲道十二
月攻克洞河五作雲賊寨得 旨以應升之缺升用二年四月隨
陝甘總督宜縣攻雞爪嶺殺賊被創三年正月擢洪廣營遊擊時
賊匪欲竄四川大烈隨宜縣由文家梁追剿三十餘里殺賊六百

生擒一百二十餘二月隨四川總督勒保克賊於白沙河山梁七月偕參將王清弼等進剿開縣之蘭芽場生擒賊首洪道人八月白號賊首王三槐踞雲陽縣之安樂坪勒保先令大烈率兵勇馳伏俟大兵至聞槍聲爲援以火箭射賊巢賊潰生擒王三槐得

賞健勇巴圖魯名號九月授陝西陽平關營參將隨勒保擊賊首冷添祿於石壁峯等處突有賊二百餘躍卡出關大烈由亂石窰下攻盡殲焉十二月隨甘肅提督達三泰攻手把巖賊卡據魚鱗口山梁四年正月由橫梁進攻濠邊遇伏大烈力戰賊退走四月補四川提標中軍副將五年四月擢川北鎮總兵先是勒保以玩延軍務褫職尙書魁倫署總督事大烈隨魁倫剿藍號賊匪於中

江之象龍寨追至官家山斃賊四百餘藍號股匪與白號賊合南
竄過河大烈偕副都統阿哈保總兵施縉馳擊之魁倫以潼河失
守逮問勒保復任總督大烈隨勒保由保甯追剿突有賊於開封
廟截我軍後路大烈率兵折回擊退之偵知白號藍號諸匪欲分
據各路渡嘉陵江大烈偕阿哈保等亦分路進擊賊不得渡得
旨交部議敘閏四月白號股匪屯龍安之鐵籠堡大烈率兵勇徒
步過獨木橋搶占山梁生擒賊目董大榜等白號股匪復與藍號
賊合踞竹子山大烈由老林進攻總兵百祥遇伏於平家崖大烈
令遊擊鄭啟貴兩路截殺斃獲甚多餘竄鳳陽山復偕百祥追剿
至徐平垵摩天嶺等處七月白號賊首苟文明等圍三匯之高寺

寨大烈隨勒保連夜馳擊圍始解我兵追至清河壩偵知苟文明欲由定遠之石板沱過江參贊德楞泰躡其後大烈隨勒保抄出賊前賊分兩路竄有餘匪四百遁飛龍場大烈率兵勇馳捕盡殲之九月大烈偕侍衛花聘等擊於下八廟乘夜雨進勦賊潰我兵復心之於倒流水會副都統溫春賽沖阿夾擊斬級六七百生擒賊日王曰榜並殲斃偽副元帥湯思舉偽總兵王三魁等十一月湖北綠號股匪竄雞鳴寺大烈隨勒保抄出賊前師次漢陽河槍斃執旗賊目並馬步十餘賊餘匪遁大兵追殺四十餘里俘斬多名得旨交部議敘十二月襄陽白號賊首楊開第等竄巴州南埡場大烈於渠縣安仁溪遇探馬七八十騎盡斬之即偕阿哈保

總兵永甯首占山梁射斃數賊賊遁自安仁溪追至巴州兩臺山疾馳百餘里途中殲賊及落巖死者一千四百眾生擒七百七十三獲大礮槍矛器械無算楊開第逸於營山之柏林場尋爲亂矛殲斃 上大烈打仗奮勇交部議敘餘匪竄通江之烏林埡大烈復率兵馳擊之六年正月藍白兩號股匪竄大甯金竹坪大烈率弁兵乘雪進剿棄馬步行進克賊於白馬廟山梁賊遁大蓋頂大烈隨勒保分兩路進擒獲多名時藍號賊首樊人傑徐萬富合藍白兩號股匪窺伺江岸屯儀隴之碑灣寺大烈偕阿哈保乘夜追擊八九十里賊潰殲徐萬富奉 諭曰阿哈保辭大烈探知賊匪在碑灣寺屯聚卽乘夜追擊殲除賊首實屬奮勇出力交部

從優議敘並賞給四喜玉扳指鑲玉帶版大小荷包二月賊圍九
杵石準二寨九杵寨已爲賊破大烈率兵馳援立斃賊百餘賊始
退脫被難男婦一千三百眾石準寨之賊旋逸去我兵乘勝追擊
於廣福院沙箕灣等處馘賊五百餘生擒黃號僞總兵李尊賢等
復由榨井壩羊子嶺進攻 上嘉之三月率師由水路直趨夔巫
遇賊竄楚之路賊竄入陝境 上以勦賊延玩責之藍號餘黨曹
世倫僞稱元帥竄南江之九嶺子大烈由麻柳灣進攻副將田朝
貴直衝入陣以分其勢大烈分投掩殺斬級四百殲曹世倫生擒
僞總兵賀友文等獲旗幟刀矛四百八十九件六月青藍兩號餘
匪竄東鄉犯仁和永興二寨我兵次樊噲店分三路進勒保令大

烈由右路兜剿蹙賊於華尖壩河河邊藍號賊首苟文明及其黨
四五百俱淹斃賊首鮮俸先生擒青號賊首何子魁等得 旨
交部議敘七月青藍黃號股匪竄巴州石漣山大烈先令遊擊楊
春榮於龍鳳垭等處設伏偕阿哈保連夜進兵奮勇截擊斃賊千
餘生擒賊首徐添德之弟徐添壽王登廷之弟王登高僞元帥王
文科僞總兵劉學詔賊探李純緒等九名餘賊六百十八名 上
嘉其奮勇賞給四喜玉扳指大小荷包並恩賞大烈之子千總時
高山寨高家營賊匪竄核桃壩大烈由土地坡進剿緊躡賊蹤而
魏棒棒股匪踞童家山梁抗拒我兵分兩翼襲擊賊遁入老林八
月高魏二逆合竄於大茅坪阿哈保由左路進至半山遇賊抗拒

大烈由右路合擊勒保令諸將弁至大茅坡山頂下壓大烈趁勢
進擊賊潰高逆竄空山壩遇襄陽藍號僞元帥冉學勝合聚於通
江之盧家灣大烈偕阿哈保分路進剿乘賊不備殲斃甚多生擒
冉學勝奏入 諭曰阿哈保辭大烈自帶兵以來屢次殺賊立功
節經升賞茲復親率官兵生縛渠逆俱爲奮勉出力著加恩各賞
給雲騎尉世職並加賞玉扳指大吉四喜牌大小荷包時魏逆竄
南江老林我兵步行入山追擊二三十里九月克賊於溪口茶園
溝等處十月督兵擊白號股匪於達州之盧峒寺河邊賊躡淺渡
河大烈由魏家溝追剿斬級四百擒賊百餘脫被脅難民千人餘
匪竄開縣之柴水壩復進攻羊耳業山梁生擒僞總兵黎朝順大

旗手張名揚等賊遁入陝省西鄉之漁渡壩勒保令大烈專領將弁緊追大烈激勵將士不帶鍋帳各裹乾糧連追躡二百三四十里至通江之羅村有賊四五百恃險抗拒大烈率諸將擊斃二百餘餘賊潰亂大烈仍督兵緊躡沿途多有斬獲截賊回川不使入陝 諭曰辟大烈鼓勵兵勇晝夜追勦不辭勞瘁其功甚屬可嘉著交部議敘十一月賊匪欲竄開縣老山大烈由雞鳴寺進勦令協領達斯呼勒岱截賊旁竄陝楚之路大烈率參將羅聲皋等追躡賊尾殲斃多名師次八臺山有另股零匪圍趙家坪寨峒大烈密諭兵勇勿舉煙火率兵馳擊之十二月黃號餘黨葛士寬等竄遊仙崖擲石抗拒大烈令趨捷兵勇二百設伏我兵徐退賊即乘

空下山從林內突出殲戮無遺復督兵進八卦山殲僞總兵李顯
林等七年正月白號賊首苟文明竄開縣之馬家營老箐大烈令
達斯呼勒岱設伏於雙河口副將李應貴張績分左右進攻大烈
由中路策應冒雪馳擊殺賊五百生擒二百獲賊旗刀矛馬騾無
數苟逆竄入陝境西鄉二月大烈率步勇三千由秦嶺板房子追
勦我兵分投堵截賊竄鄂縣之桃園子老林大烈偕張績直前衝
殺賊踞圓嶺山抗拒後路有賊四五百由山溝突出大烈率兵勇
折回援應賊踞半山我兵縱火攻山賊潰生擒僞總兵姚青雲大
旗手喬應祿等 上嘉之三月經略額勒登保令大烈回川勦賊
四月因病未赴軍十一月勒保奏大烈病請解任 諭曰辭大烈

頌年在軍營帶兵甚屬奮勉出力今因積勞成疾著加恩准其回籍調理九年正月到京在乾清門行走四月 諭曰辭大烈因無總兵缺出尙未簡放昨因隨從進城墜馬跌傷甚重已派蒙古醫官前往診治念在京當差並無俸銀日用著加恩照乾清門頭等侍衛所得俸銀之數賞給所有春季俸銀並著補給尋補直隸天津鎮總兵十二月擢直隸提督十年奉 旨賞穿黃馬褂十一年十月甯陝鎮新兵陳達順等滋事大烈隨領侍衛內大臣德楞泰馳勦十一月調陝西固原提督十二年二月陝西省瓦石坪叛匪周士貴等滋事大烈偕總兵楊遇春分兵進勦全數殲獲德楞泰奏入 賞給大烈白玉喜字扳指黃辦大小荷包又 諭以大烈

係首先督兵進剿予軍功加二級十三年二月調江南提督十月
調直隸提督十四年奏獲民人私運銅斤進口親往八溝確查並
獲平泉州私採銅斤各犯 諭曰薛大烈昨經派赴八溝查辦因
嘉慶六年平泉州回道溝曾出有銅鑛奏請開採未准恐係該處
防禁不嚴所致當密委李學周等馳往訪查見將偷挖銅沙之徐
振等盤獲且親往將礦銅查出薛大烈能於多年舊案記憶明確
辦理不致費手尙屬能事著交部議敘十五年二月以子續姻事
入奏 諭曰薛大烈爲子續姻輒敢以瑣屑私事入奏並向所屬
守備求婚奏將該員迴避殊屬膽大妄爲著降補天津鎮總兵仍
帶革職畱任四月大烈訪獲福建民人蘇花臉流寓天津開賭窩

娼並起出刀矛各件 上以其緝捕認真開復革職畱任處分八月擢廣東陸路提督十八年河南滑縣教匪滋事大烈奏請帶兵前赴軍營協剿 諭曰滑縣教匪指日克復軍務即可告蒞辭大烈因請赴軍營擅發驛遞太覺高興多事所奏不准行交部議處尋議降三級畱任十九年二月直隸總督那彥成奏查明古北口歷年提督動用馬乾買馬銀兩大烈用過銀二千七百餘兩得旨交部嚴加議處尋降補陝西漢中鎮總兵閏二月調河南河北鎮總兵二十年二月睢工合龍 上以大烈彈壓出力賞加提督銜仍交部議敘五月卒 諭曰辭大烈屢次出師歷任提督著有勞績上年於河北鎮任內防護睢工出力復賞加提督銜茲聞溘

逝深爲軫惜辭大烈著加恩照提督例賜卹其任內降革處分悉予開復所有應得卹典該部察例具奏 賜祭葬諡襄恪子福候
補千總

右 國史館本傳

彥吉保

彥吉保墨爾丹氏正黃旗滿洲人世居黑龍江乾隆四十六年由前鋒藍翎長補前鋒校五十一年升委前鋒侍衛五十二年遷前鋒侍衛隨將軍福康安參贊大臣海蘭察等征臺灣逆匪林爽文時官兵將進攻斗六門賊巢賊匪萬餘分據大埔林中林大埔尾三莊阻截官兵互相救應中林之賊尤爲剽悍福州將軍恆瑞督兵攻大埔林成都將軍鄂輝攻大埔尾彥吉保隨海蘭察專攻中林直前馳射克之合恆瑞鄂輝等兵追殺二十餘里斃賊無數悉獲其器械馬匹追至庵古坑其地距斗六門三十里爲賊目蔡福巢穴挖濠立柵防守極堅敗賊竄入併力抗拒彥吉保策兵破其

寨復星夜進擊收復斗六門奏入 上嘉之賞哲爾鏗額巴圖魯
名號事平圖像紫光閣列三十功臣內 命儒臣製贊五十三年
投護軍參領五十七年從將軍福康安等征廓爾喀賊匪值官兵
初克擦木由濟隴正路進攻而聶拉木一路地勢險隘賊兵屯守
甚固彥吉保隨成都將軍成德等領兵三千牽綴賊勢復由果達
哩山梁進攻多洛奪其卡追至峩賴巴地方山道險窄因分兵繞
道機西爾拉多山以備賊匪抄截尋與成德等兩面夾攻占奪隴
岡復分兩路進剿賊不能禦均竄利底寨官兵由利底東山下攻
復得賊卡二處尋以賊酋畏懼乞降納款班師六十年授鑲紅旗
察哈爾總管嘉慶六年調正藍旗察哈爾總管十四年二月擢察

哈爾副都統十五年偕都統慶怡奏閒散薩哈開墾察哈爾地畝
侵入太僕寺馬廠界內有礙官馬牧放 命將薩哈交部治罪
諭曰所有業經成熟地畝著每年徵租作爲正項錢糧外仍交該
地方官及察哈爾總管等嗣後必須親往嚴查永行禁止不得私
自開墾一畝十六年因民人在海奴克達木諾爾烏納格特等處
聚斂黃芪拒傷護軍依達木扎布恩克奉 旨交部嚴議部議革
職 上加恩改爲降三級賞給三等待衛十七年升二等待衛投
英吉沙爾領隊大臣二十年七月卒

右 國史館本傳

國事書局藏有本

卷三

三

華聘

華聘墨爾丹氏正黃旗滿洲人世居黑龍江之布特哈乾隆五十年在京充護軍五十二年派往臺灣軍營於斗六門等處打仗奮勇授藍翎侍衛五十五年擢三等侍衛嘉慶元年隨四川總督和琳平黔楚苗匪克復乾州進攻賊首石柳鄧於平隴以功升二等侍衛三年由湖南赴達州隨四川總督勒保勦辦教匪白號首逆王三槐就縛經勒保以在事出力員弁奏請加 恩得 旨華聘著授頭等侍衛五年青號賊首徐添德冉添元等股匪自定遠偷渡嘉陵江沂涪江而土蔓及川西二月參贊德楞泰由秦赴蜀派令華聘等分路勦賊於新店子斃賊三百餘名三月由海棠鋪進

攻火石埡會合官兵連日鏖戰生擒冉添元復於劍州李家坪分
路進剿白號張子聰等股匪大加殲戮賊匪竄逸七月黃號賊首
樊人傑走鄰水白號賊首苟文明鮮大川張金連等向江北潛行
官兵分路兜圍勒保督同華聘等由草街子元口鎮沿江抄截敗
賊於小來溪白沙場追至岳池之新場地地方斃賊多名華聘復偕
總兵薛大烈捕賊於飛龍場追躡七十餘里至余家場盡殲之八
月剿白號賊首劉朝選湯思蛟二逆於下八廟華聘偕薛大烈等
爲一路由山梁下壓直至茅坪賊向王家壩潛逃華聘率馬兵迎
截箭斃賊多名九月劉朝選張金連又分兩路約於蒲家壩會齊
仍回太平華聘偕薛大烈等緊躡至蒲家壩擊斃八十餘名生擒

瞿金玉等一百三十名追至楊子嶺會總兵永甯等兵兩路夾攻
又敗之十月賊首張金連及線號餘匪由楚竄川闌入開縣華聘
偕薛大烈等由大灘口抄出賊前至漢陽河槍斃執旗賊目及馬
步十餘賊餘匪竄逸追殺四十餘里俘斬多名經德楞泰勒保奏
入得 旨頭等侍衛華聘著賞給多克希特巴圖魯名號仍照例
賞銀一百兩十一月襄陽白號楊開第李炳等五股賊匪合夥由
甯羌廣元向巴州東竄至佛樓寺德楞泰督同華聘等直趨佛樓
寺德楞泰遇賊七八十騎盡殲之六年四月賊首湯思蛟等在馬
家營一帶屯踞勒保督同華聘等由溫湯井榨井壩一路兜剿五
月華聘等由大甯鹽場迎擊追至香衝六月青藍兩號餘匪竄東

鄉犯仁和永興二寨我兵次樊噲店勒保令華聘等從中路進剿斃賊多名十二月青號賊首楊掌櫃帶領殘匪向墊江梁山奔竄勒保令華聘等分投搜剿斃賊五六十名擒獲男婦一百七十四名七年正月追及於渠縣二郎橋殲斃楊掌櫃僞先鋒王青及餘匪五十二名賊向分水嶺奔竄勒保督同華聘等就近搜捕梁山境內芝麻坪另股零匪破賊於關口山追至達州風峒子悉數殲除二月剿白號餘匪宋國品於梁山柏林槽適青號餘匪陳自得從奉節雲陽來援勒保令華聘等向萬縣迎擊追至忠州九亭地方斃賊三十餘名擒獲數十名賊遁我兵跟蹤緊躡賊復入鄰水之桂林槽華聘等乘夜抄擊斃賊五六十名生擒十三名八年八

月川省餘匪肅清勒保奏令華聘等管領吉林索倫馬隊官兵凱
撤回京十一年八月 上巡幸木蘭 賞穿黃馬褂 命在乾清
門行走調習 御用馬匹十二年授公中佐領十四年授 御前
侍衛十二月授鑲紅旗蒙古副都統十六年察哈爾都統興肇奏
此次伊犁將軍貢馬其帶有一百五十八匹沿途多索支應訊進
馬總管佐領等稱係分送王大臣及華聘阿那保均各得有餽送
馬匹 諭曰御前侍衛多人何以華聘阿那保二人獨有餽送明
係二人爲派出試馬之人是以該將軍進馬恐其挑剔先致送以
杜其口此等風氣亟應飭禁嗣後伊犁將軍每年進馬除例貢五
匹外再備進五匹此外不許多帶一匹十七年十二月 諭曰華

聘久病不能在御前侍衛上行走著卽離御前侍衛副都統任賞給副都統銜兼頭等侍衛在大門上行走踰一二年身體健壯再酌賞差使十八年十一月 命原品休致回原籍調理二十年八月卒經黑龍江將軍特依順保奏 聞 諭曰華聘前在軍營奮勇曾賞給巴圖魯名號在乾清門行走有年調習御馬甚屬出力前年因病不能當差降旨施恩令其以副都統職銜攜眷回籍調理並諭黑龍江將軍等如伊病愈仍奏賞差使今聞溘逝殊堪軫惜應得恩賞該部照副都統例察覈具奏仍由該處庫內動用銀一百兩賞伊家屬飭領以示矜卹子圖爾古伸見任驍騎校

右 國史館本傳

國朝耆獻類徵初編卷三百八目錄

將帥四十八

蒲尙佐

長春

謝恩詔

宗室來儀

吉林泰

張績

孫全謀

胡于鉉

朱天奇

岳璽

宗室積拉堪

傅陞

劉君輔

邱良功

國朝耆獻類徵初編卷三百八

通奉大夫前署江西巡撫江西布政使司布政使湘陰李桓輯
將帥四十八

蒲尚佐

蒲尚佐四川松潘廳人由行伍拔補把總升千總乾隆六十年二月以隨勦湖南永綏苗匪出力 賞戴藍翎四月升四川夔州營守備十月擢雲南督標中營都司嘉慶元年以攻奪平隴苗穴功換花翎二年補四川建昌營遊擊三年隨參贊德楞泰勦捕高均德股匪於陝西洋縣之大河壩二郎壩山梁殲賊多人三月與遊擊馬瑜等殲斃首逆齊王氏姚之富於郎西之三岔河 賞給勁

勇巴圖魯名號九月攻白號賊於箕山敗之四年又敗賊於下高川五年正月授廣東新會營參將三月攻白號賊張子聰於劍川之石門寨大敗之又隨德楞泰攻擣新店子賊賊敗遁連擊之於黃鹿鎮朱家坪等處俱有斬獲閏四月在楓香埡沙陀寺一帶與侍衛法依當阿橫貫賊陣殲三百餘人張逆屢敗遂竄忠州之禹蹟灘復偕副都統溫春追擊之於九亭場等處勝之六月隨德楞泰等追剿藍號賊冉添士白號賊張金連於通江之汪家坪沿途擒斬無數七月藍號賊匪屯聚於江南廣元蒼溪等縣德楞泰擊之於陡次之山梁尙佐與總兵馬瑜副將托雲泰等率步隊由左右山溝會剿大獲勝仗八月升四川維州協副將十月敗白號

匪湯思蛟於柏木園是月青號賊趙麻花竄匿石虎林官兵圍攻甚急賊昏夜突圍三次尙佐等擊退之次日剿除淨盡得旨交部議敘十一月白號楊開第等五股賊匪合竄巴州尙佐等敗之於右水溪六年正月白號首逆高二率眾偷渡洵陽江北岸德楞泰督尙佐等八路截擊殲斃僞元帥閻慎珍等一千八百餘人高逆奔竄二峪河復與副都統銜阿穆勒塔等取道小徑雪夜攻剿高逆就誅得旨議敘二月摧雲南鶴麗鎮總兵時三省賊匪惟徐添德黃號龍紹周樊人傑等數股最鉅三月龍逆黨一萬二三千人屯聚埽箕寨尙佐等敗之於茅壩徐逆一股分竄廟坪德楞泰復派尙佐等於紅花塚獅子巖等處擊賊又敗之於陝西之黃

石板五月徐樊二逆合聚七八千人往來甯陝地方尙佐等乘勢
痛勦賊窮蹙折回四川疊敗之於公子嶺關廟山溝菜子埡等處
每次殲賊數百名八月龍逆股匪三千餘人復由陝楚入川竄匿
峯竹廠大山箐林中尙佐等兩次偪勦殲戮甚多龍逆轉竄巴東
又追至龍池坪東溪嶺擒其妻子逆率餘黨三百餘人逃入巫山
巴東交界之冉村板倉坪一帶與別股賊匪五百人合屯雲霧溪
尙佐等直入賊營破之又逃匿楚境之房縣興山一帶老林尙佐
等先由摩天嶺馳抵陰陽溝追殺復由西北抄出水田坪攻其營
又由老木孔入山搜捕賊眾於竹山竹谿間紛紛逃竄尙佐等躡
蹤追勦偵知汝溪賊巢遂間道繞其南分路攻擊龍逆就殲其餘

黨鼠入竹谿之紅茶園復三面圍剿殲戮無遺時川省惟白號劉朝選湯思蛟苟文明三股賊匪較眾德楞泰由楚移師入川會剿尚佐從七年正月與副都統賽沖阿等於新甯之潘家槽將劉逆全股殲盡得旨議敘二月搜捕梁山新甯餘匪又偵知陳自得股匪肆擾忠州九亭勢甚鴟張尚佐等於月華場擊敗之賊向太平東鄉等路奔逸時川省教匪屢經痛剿殘孽無多而楚省房山巴東一帶賊勢甚重德楞泰以尚佐帶兵得力奏請赴楚協剿尚佐卽由夔門馳抵德楞泰軍營時樊人傑等五六千人屯於杉木嶺藍號蒲天寶一股亦五六千人屯於代峯而雞公山梁又有賊匪數百屯聚互爲聲援尚佐隨德楞泰先擊敗雞公山梁之賊繼

擊樊黃二逆俱敗走其樊逆一股先竄歸州之南溪又東折至霧
渡河尚佐等由西北向東南迎擊轉殺七晝夜殲斃不可勝計賊
分兩股潛遁其蒲逆一股竄走當陽先是尚佐等渡河擊賊適河
水盛漲與大營隔絕賊窺伺兵勢單弱乘夜撲營尚佐等擊退之
追奔十餘里賊退保大埡口山梁復星夜馳赴獅子巖扼其東竄
之路官兵攻破賊巢賊大敗南竄尚佐等偵蹤追擊敗之於雙鳳
溝又敗之於魯家埡賊畏鋒遠遁 上嘉其奮勇 賞給玉喜字
扳指大小荷包六月蒲逆敗竄之眾復合竄至與山桂連坪尚佐
等抄入坪東攻搗賊巢破之賊糾合餘眾屯踞鮑家山恃險抗拒
尚佐等抄入坪步陟開小徑潛入攀藤附葛直壓賊巢生擒蒲逆

妻子賊狂奔出山尚佐等復分途兜剿連敗之於梨子坪滾子坪
等處賊入老林又復敗之於瓦屋溝鏖戰兩晝夜馳擊三百餘里
擒斬無算 上嘉尚佐功 給乾清門侍衛銜 賞玉扳指大小
荷包仍交部議敘旋有青號賊熊翠熊方青屯於竹谿之謝家坪
尚佐等擊走之十月又剿青黃兩號賊匪於中子洋坪賊敗遁時
陳自得股匪五百餘人竄入巫山巴州交界德楊泰督尚佐等由
三溪河取道關坪破其巢穴生擒陳逆八年閏三月青號賊劉查
鬍子屯路老鴉寨尚佐等圍攻寨外殲斃多人又敗之於下高坪
賊竄走大甯尚佐等迎擊賊率一百餘人遁八月駐守巫山督兵
搜捕大甯觀音巖等處另匪會哨巡緝賊蹤悉淨十三年升江南

提督十四年調補甘肅提督二十年正月以病乞假回籍八月卒於家

右 國史館本傳

長春

長春扎里特氏蒙古正紅旗人由外烏槍管副護軍參領發四川以遊擊用乾隆六十年隨雲貴總督福康安勦捕湖南苗匪三月苗匪屯聚礮木山長春率兵搶上山梁又於東面山坡賊匪迎撲時帶兵壓下斃賊甚眾命以參將升用並賞戴花翎旋補四川成都城守營參將五月賊首吳半生倚石柳鄧石三保爲聲援率眾拒守大烏草河福康安派令領兵奮擊敗之賞多託禮巴圖魯名號六月隨都統額勒登保奮力攻殺奪占山頂八月隨提督花連布破賊於狗腦坡晝夜追勦斬獲無算大烏草河以西逆苗肅清十月進攻犂角礮克木城石卡三十餘座官兵進奪鴨保

山復克附近平隴險要各寨擢四川阜和協副將十二月進克高
斗山梁嘉慶元年正月攻克禽頭坡騾馬峒等處殲斃無算七月
進奪尖雲山賊苗四潰拔木城石卡六十餘處直抵乾州八月帶
兵由礮樓坡擊賊隨剿隨進奪強虎哨山梁二年正月偕官兵進
克平隴苗疆悉平時川楚邪匪滋事長春領兵回川協剿三月隨
總兵朱射斗等截賊匪冷俸等於漏月巖殲戮二百餘人六月偕
侍衛明興由天星橋進攻冉家壩擒賊目王德貴等三十餘名閏
六月進克溫湯井七月有新起賊眾四五千入突攻雲陽縣城長
春督兵擊退之復隨將軍明亮等擊賊於夔州生擒賊目黃福基
等二十餘名賊尋至官家山等處分路攻襲長春隨總兵達音泰

等迎截追殺賊擒甚眾八月賊竄遠安縣境之楊家坪長春馳往
彈壓扼要堵剿升甘肅涼州鎮總兵尋自石井衝追賊至茅坪村
斃賊四百餘人擒僞副帥袁萬相等會賊欲北渡襄江竊窺豫省
率副將劉廷基等帶兵由襄江南岸進發沿途安撫民心復馳赴
穀城偕原任總兵彭之年相度防堵賊不敢偷渡北岸得 旨嘉
獎九月賊屯花石嶺官兵分路進剿長春率步兵由正路攻賊悉
力來拒長春率所屬佯退會明亮等大兵並進大敗之賊竄黃龍
灘復督兵進至草甸直上左首山梁偕達音泰等奮力夾擊斃賊
一千三百餘人生擒一百二十餘人十月復隨明亮連次截剿斃
斃多賊十一月大敗賊匪於樹河口斃其頭目張世虎李潮僞副

帥李得思十二月敗賊匪高均德齊王氏於唐家壩復追敗之於五郎廟山時屆歲除 恩賞大小荷包三年正月率遊擊伯明等進攻敗賊匪於王家山直衝賊隊生擒賊目劉有才等二百三十餘名殲斃無算嗣賊匪高均德齊王氏時分時合屢爲官兵所敗竄擾安康等處長春由譚家壩松樹壩抄至蘭草坪隨內大臣德楞額會兵併剿二月敗賊於判官嶺擒賊目馮大申朱錫等三月擊賊首齊王氏於商州之九間房擒賊目曹如松等九十餘名賊向西北遁追殺二十餘里斬獲甚眾時賊首張添文李全等欲竄藍田與高均德等合夥滋擾官兵馳至小壩口邀擊賊蜂擁至長春偕副都統綸布春分路迎剿殲賊二千餘名高逆欲由雒南竄

往豫省卽隨內大臣額勒登保由商州黑峪口進剿四月禦賊於秦嶺之西敗之復馳赴江口截賊入西安之路五月官兵敗賊首阮正通於槐樹關賊趨西北擾至新街江邊直抵石泉長春由木子河沿江而西與明亮等三路迎賊殲戮殆盡六月高逆後股賊匪竄至沔縣甯羌交界處滋擾長春敗之於大安驛八月敗白藍二號股匪於石梁峒旋赴鐵羅壩扼堵西路之賊殲三百餘人十月隨明亮破賊匪張漢潮於羅坪之峽口十一月又敗之於火石嶺追至黃河荆壩地方殲賊後隊二百餘人擒賊目張其昌等十七人十二月由城固縣進兵躡賊首張漢潮於兩河關奮力迎擊殲斃甚眾擒賊大頭目張洪仁等五十餘名四年正月追剿張逆

至山陽縣境遇別股賊匪陳三樞等於茅池子溝大敗之二月擊賊於鳳縣之進口關賊竄雪山抗拒長春偕侍衛愛星阿分占左右山梁奮擊斬戮無數擒僞元帥李淮三月復追張逆至馬伏城轉戰而前晝夜躡擊馬受石傷直墜山坡換馬衝殺官兵大捷上甚嘉之四月擊賊於龍王廟復扼之於泥峪口賊不能攔入豫境向南折竄至西毛坪賊據河屯紮長春愛星阿率兵從上游潛渡出小口突擊立斃多賊餘匪四竄六月會山東撥送協剿官兵俱係新募充補未諳紀律明亮派長春約束訓練立斥員弁一二人一軍肅然七月統山東兵搜捕剿敗餘匪於鎮安復堵剿張漢湖股匪於軍嶺山所向克捷八月官兵由鄖西一路晝夜追殺遇

賊於紅河寺長春偕愛星阿左右夾攻斃賊百餘生擒張發祥等三十餘人九月統兵至山陽堵剿十一月赴柴家關茨溝各隘口堵截賊竄秦嶺復赴大壯坪扼剿十二月偵知賊匿高關峪夾嶺長春夜擊之賊望風潰追至小干溝連敗之復殲小股賊匪於木梳岔時提督王文雄防守興安漢中等處力戰疾發總督松筠奏調長春赴文雄營協剿五年正月偕文雄防漢江以遏西鄉賊匪北竄之路二月赴司渡河堵剿三月護浙餉至川旋移駐雷壩保護糧臺適竄匪張二彪擾雷壩附近之窯罐廠卽帶兵乘夜急擊復令鄉勇會鳳改裝混入賊中接應多有斬獲四月經略額勒登保分撥長春隨陝甘總督長麟協剿令駐江口防禦閏四月偕王

文雄分駐寶雞甯羌以防陝匪折川之路五月戴家營股匪竄洋縣之茅坪距江口三百餘里馳赴平定關扼之復赴兩河偕總兵索費英阿遇辛口峪竄匪嗣官兵敗賊於岐山之桃川長春帶兵由小路繞至玉皇廟走馬嶺擊殺賊百餘殲僞元帥黃必喜獲旗械牲畜無數復由楊家河追戴家營賊匪至安溝殲賊三百餘名獲賊首邱開賢等一百六十餘名教首熊必珍就擒卽至百姓溝等處搜捕餘匪奏入得 旨嘉獎時伍金柱大股賊匪向西奔竄楊開甲等各股在五郎洋縣等竄聚俱在陝省之西南 特諭西面一帶責成長春等實力防堵六月戴家營賊匪由總兵索費英阿汛地逸出巡撫台布責令索費英阿領兵追截令長春代守兩

河汛地嗣伍金柱股匪攻破五里坡營卡長春率遊擊伊星阿都司張誌奮力擊卻賊乘夜復至力戰良久始退會張添倫等亦從陳倉溝迤西逸出經額勒登保奏參 諭曰長春在江口駐守因索費英阿追賊去後該鎮分撥兵丁移駐兩河兵分見單且伍金柱股匪攻撲營卡時該鎮屢經擊賊因竄匪分股較多不能兼顧情尙可原著革去總兵及巴圖魯名號拔去花翎加恩降爲遊擊隨營效力自贖時賊匪已竄入甘省七月長春帶兵由廢邱關一路移卡防堵以遏賊東竄路九月偵知賊首馬五王廷詔冉學勝張世龍等合踞銀珠壩徐添德一股又竄至鐵鑪壩相隔僅二十餘里長春先督兵截斷鐵鑪壩之賊提督楊遇春向銀珠壩勦殺

大敗之十二月因患目疾經額勒登保陳奏得旨准回旗調理
八年二月病痊命以烏槍副護軍參領用九年揀發福建補長
福營參將十四年復因病發以原品休致十六年病愈賞三等
侍衛尋擢副護軍參領旋以疾發休致二十年十二月卒長子雙
吉烏槍護軍校嘉慶二年賞六品廕生官至湖南都司次子雙
慶烏槍藍翎長

右 國史館本傳

謝恩詔

謝恩詔福建永春州人由行伍歷拔千總乾隆五十二年升福建金門鎮標中營守備五十三年隨將軍福康安出師臺灣屢戰有功超擢水師提標後營遊擊五十五年擢廣東大鵬營參將五十七年調海口營參將五十九年升龍門協副將嘉慶四年授江南蘇松鎮總兵五年兼署提督以疏防洋盜駛入吳淞口內洋劫掠商船下部嚴議尋議褫職上念恩詔曾任大員不至全行廢棄命以都司降補十一年四月補浙江昌石營都司時閩盜蔡牽糾盜船百餘肆擾臺灣浙江提督李長庚督兵往剿蔡逆竄伏小古鎮之柳樹灣九月恩詔帶領兵船隨李長庚兜剿於漁山洋面盜

船南竄恩詔未能跟幫追躡經閩浙總督阿林保偕提督李長庚
劾奏恩詔兵船落後請革去頂帶以示懲儆 上命李長庚據實
查明奏參尋奏恩詔所駕船隻係雇募商船駕駛未能快捷尙非
有心退怯但未能督催跟幫自有不合 上貸之十二年八月偵
知蔡逆夥黨朱潰等匪船竄大雞籠洋潛匿港內恩詔隨總兵王
得祿率兵船堵剿賊放礮抗拒勢甚張我兵直前衝擊擲火斗火
罐燬舟賊眾紛紛落海恩詔乘勢窮追沈其船二獲其船三十一
月朱潰竄鎮海洋鰲壳澳一帶游奕恩詔復帶兵船由內洋會合
王得祿兩路兜擊賊不支將赴岸遁恩詔駛近賊船擊碎尾舵沈
之俘斬賊目張祈等五十餘名捷奏 命以遊擊升用遇缺卽補

先換頂帶十三年八月補定海鎮標左營遊擊留洋緝匪十二月
調署黃巖鎮標左營遊擊十四年蔡逆遁入浙洋及之招集兵船
併力攻擊匪船分竄黑水外洋放礮死拒恩詔等拋擲火具燒斃
賊匪多名擊破蔡逆坐船落海淹斃署閩浙總督張師誠上其功
得旨謝恩詔隨同攻擊奮勇向前著加恩以參將升用十五年
閩浙總督方維甸請以恩詔升署臺灣水師安平協副將諭曰
謝恩詔前在臺灣備弁任內著有勞績且曾任總兵於該處水師
情形素爲熟悉著准其升署十七年擢浙江黃巖鎮總兵十八年
偕海壇鎮總兵孫大剛會緝在洋行劫匪犯獲邱金等十六名奪
獲匪船器械無算十九年署浙江提督二十年九月入覲上

國朝文獻通考卷二百八

以恩詔步履蹇澀起跪維艱以原品休致十二月卒

右 國史館本傳

宗室來儀

宗室來儀正藍旗人乾隆二十九年授三等侍衛四十六年升
護軍參領嘉慶六年擢齊齊哈爾副都統八年調山海關副都統
三月 命查出關民人戶口確數旋奏三月間有攜眷出關者十
四戶 諭曰關隘重地稽查出入自有定例除因公差委者由部
院各衙門給發口票驗放外其餘民人豈有聽其成羣出入之理
著傳諭來儀即將由何處給票驗放之處查明具奏七月同策拔
克奏稱向例出關民人俱由臨榆縣領票管關員弁驗票放行遵
奉 諭旨攜眷民人不准出關均已紛紛回籍惟六月初七日貿
易民人到關者約有百餘人此項商民由本籍起身時俱未經奉

旨似應稍加體卹仍令臨榆縣給票放行 上是之九年調錦州副都統十年調鑲黃旗蒙古副都統十二年授綏遠城將軍十三年同山西巡撫成甯奏遵 旨勘明綏遠廳渾津黑河生繭莊田應豁米石及大青山後木廠餘地招民開墾試種升科經戶部議准得 旨允行十五年奏稱歸化城沙拉穆楞牧廠復被民人私墾見在種地民人爲數較多居住已非一載若一律驅逐燬其廬舍未免窮無所歸請照乾隆二十九年升科之例免其驅逐將所徵銀兩量爲變通爲該處喇嘛蒙古等香火養贖之資奏入 諭以向來游牧地方民人私墾地畝往往以閱日既久礙難驅逐日後勿許以再添爲詞竟成故套若不實力查辦或致驅而復集數

年後仍不過如此聲請則查禁俱屬具文著該將軍副都統飭屬各往各村詳加查點毋任再添一戶再墾一畝並著議定章程示以限制來儀等詳奏見在私墾民人免其驅逐擬照保甲之法編列牌頭甲長保正貢令互相首報 諭曰編查保甲行之內地藉以稽查賊盜而地方官視爲具文尙屬有名無實該處游牧之所蒙古地方向未設立保甲今該將軍等因查禁私墾民人做照辦理亦屬籌辦一法惟是此等民人原應於關隘交界處豫爲嚴禁毋令濫行偷越若專責成保甲稽查恐日久奉行不力仍屬空言該將軍等既有此奏卽著妥爲經理仍嚴飭地方官及守口弁兵遵照舊例遇有出口民人如係隻身驗票放行其攜眷之戶槩行

禁止十六年閏三月 上以來儀兩耳重聽 命來京署理正白
旗漢軍都統五月補鑲白旗蒙古都統十七年以原品休致二十
一年卒

右 國史館本傳

吉林泰

吉林泰瓜爾佳氏正黃旗滿洲人乾隆三十九年由健銳營前鋒從征金川擢前鋒校四十九年出師甘肅從征逆回蘇四十三以功授三等侍衛六十年四月授瀘州營都司時楚苗吳半生糾合黔苗石三保等滋事上命雲貴總督福康安四川總督和琳督兵勦之十月隨攻鴨保寨首逆吳半生就擒命交部議敘賞戴花翎嘉慶元年升雲南開化鎮中營遊擊從廣州將軍明亮攻逆苗石柳鄧吳其泰於平隴賊踞馬頭山吉林泰首先攻擊力戰受傷授湖北荊州城守營參將值三省邪匪滋事二年三月巡撫惠齡堵勦確山賊匪四月賊擾鄖陽吉林泰帶兵截之七月總統

宣縣檄赴川省行抵巫山與賊遇殺賊三百餘人生擒二十餘人
楚匪張漢潮竄入大甯吉林泰擊之於馬鎮壩斬獲甚眾往來巫
山奉節堵禦四年領侍衛內大臣額勒登保檄令回楚隸湖廣總
督倭什布五年正月大兵圍青黃白及綠號股匪於竹谿倭什布
令吉林泰取道太平關襲之賊敗竄穀城吉林泰堵殺甚力賊折
而南遁楚匪樊人傑與川匪羅其清復合於九里川吉林泰敗之
於歇馬河賊欲竄入川省大兵襲之於白虎嶺吉林泰從山後追
殺三十餘里賊分股竄興山邊界走荆門倭什布遣吉林泰繞至
當陽要隘迎擊之斬殺甚多四月追賊至保康擒賊目王連等二
十餘名閏四月青號徐王等逆關入穀城奔襄陽明亮倭什布攻

之賊竄界嶺吉林泰衝殺甚力諭曰參將吉林泰在界嶺外七里溝抄截賊匪直前衝撲賊不能闌入陝境亦屬奮勇著加恩遇有副將缺出卽行奏補並賞給噶爾薩巴圖魯名號銀一百兩以示優獎五月會剿青號川匪徐添德於天柱山生擒賊目惠之順等三十餘人七月徐逆欲竄入川陝明亮遣吉林泰由房山截之八月敗之於孔家灣追殺四十餘里賊竄宜城吉林泰將匪逼入山內十月會攻襄陽白號高二馬五股匪於益水殲戮甚夥十一月敗賊於關廟河旋補施南協副將十二月徐逆竄入楚境倭什布遣吉林泰馳赴官渡據險屯劄遏其東向之路徐逆自竹谿東南繞至竹山吉林泰禦之於洋灘戮其僞先鋒俞文志倭什布奏

稱吉林秦久歷行陣衝鋒克敵深得軍心足可獨當一面檄令自
北而南會合陝甘總督長麟及將軍明亮四面夾攻輾轉追殺斃
賊甚夥 上嘉之並 賞大小荷包等件六年正月敗賊於瓦官
口又會勦於天池埡及竹山之燕子溝二月川匪苟文明李彬由
陝入楚擾竹谿倭什布等分禦之令吉林秦偕總兵孫清元從吉
陽關抄截徐逆遇在東面尋隨湖廣總督書麟追苟李二逆至房
山北時另有賊匪三千餘撲寨嗣吉林秦與孫清元分隊進剿獲
賊目李魁等百餘名得 旨嘉獎徐逆與川匪張允壽合欲分兩
路往南漳襄陽書麟令吉林秦相機兜截偏入五盤山以賊匪人
數較眾楚省兵力不敷 上命參贊大臣德榜秦赴楚同勦三月

德楞泰擊賊於紅花塚獅子巖吉林泰與侍衛呢瑪善噶斃首逆
張允壽旋有別夥賊匪自陝省洵陽竄入吉林泰敗之於銅魚峽
尋補宜昌鎮總兵六月從湖北提督長齡偪出五盤山藏聚賊匪
分路勦捕賊匪不能東竄 諭曰吉林泰屢次痛殲賊眾奮勇出
力交部議敘並賞玉扳指帶版大小荷包八月川匪龍紹周分股
折回楚界吉林泰由上龕繞至鐘鼓山頂會大兵攻之戮其僞元
帥李大年僞總兵蔣天受殺賊七百餘人得 旨嘉獎龍逆夥匪
李明竄入向家壩走大甬吉林泰偕巡撫全保率馬隊夾擊之十
月帶兵於興山房縣邊隘迎截川陝竄匪十二月楚匪王國賢會
芝秀收合各股匪數千擾興巴吉林泰擊之於天保寨賊入房竹

南面大山旋出聚於斑竹園吉林泰偕孫清元攻之戮僞先鋒朱隴賊四散逃入老林七年正月王會二逆東竄興山龍門河又有川匪二股東擾三溪河經防守興巴之同知尹英圖擊敗之賊西折火峯山屯聚仙峯觀吉林泰偕孫清元分兵進剿吉林泰抄至界嶺分兩翼仰攻之手斃執旗賊目乘勝上山憑高下壓賊多墜崖死餘由三溪河遁追至楊家山殲殺三百餘人俘馘一百六十餘人獲旗械甚夥賊匪均向觀音崖竄去遂與孫清元率兵五千追剿入川 諭曰賊匪至仙峯觀一帶屯聚孫清元吉林泰前後殲擒賊匪九百餘名并獲僞元帥僞總兵僞先鋒等逆所辦尙好惟餘匪向觀音崖竄去未能在楚省境內剪除淨盡其著名首逆

亦未擒獲一名尙不滿意見在帶兵入川第恐路徑紛歧賊匪仍得乘開東竄若苟逆與楚省竄匪會合更可先行協勦苟逆亦不必專注王會等逆此次孫清元吉林秦二人打仗尙屬出力俟將來此股竄匪全數廓除必當加以懋賞二月追至巫山獲賊目張開申訊知王會賊股已向大甯折回楚境吉林秦等倍道抄出賊前以過東竄之路恐賊匪聞知遠遁密令首領甘魁假作他股餘匪執賊旗誘敵伏兵待之獲僞先鋒張添壽旗首楊士魁等餘賊奔瓊埡山擲石抗拒吉林秦以礮擊之賊潰縱兵四路追之斬三百餘先後俘獲黃尙志等五十七人奪旗矛騾馬無算 上嘉之命長齡由興山赴巴歸會勦王會二逆復句結樊人傑崔宗和戴

四等台夥長齡會攻於高良坪吉林泰由果子坪邀擊之又敗之於白果園三月賊分兩股一由桐柏溝一由朱家溝西奔竹山知吉林泰等遇其前遂南奔渚河攻雙和天星二寨甚急吉林泰偕孫清元馳救之解其圍追至七架山賊遁上以吉林泰等未得手復命德楞泰赴楚勦辦賊聞川省大兵入楚折入興山界又有青號王姓餘逆及陳冉張等匪在秀水西北臺一帶焚掠吉林泰等敗之於焦贊埡樊逆各股經德楞泰痛勦於雞公嶺後由大小池壩北竄洛河德楞泰令吉林泰等駐蜜蜂塘扼之自統大兵蹙賊於漁泥河俘其孥首逆樊人傑會芝秀俱淹斃餘匪四散吉林泰等分路搜勦股匪蒲天寶糾合餘匪分屯於興房交界之鮑

家山溪流圍繞徑路陡窄西通夾帶河南通白衣庵等處德楞泰駐兵東北恐西南空虛賊乘閒遠颺令吉林泰由九道梁迎截之德楞泰鑿山進攻七月賊竄白陽坪與吉林泰遇斬獲無算八月與副將李天林由東湖保康追剿崔戴二逆十月痛剿之於油榨溝黃壩餘匪僅百餘人附股匪陳雲往來奔竄於保康吉林泰赴竹山竹谿一帶搜捕八年閏二月諭曰賊匪經疊次痛剿之後賸有二百餘人尙在保康境內奔竄吉林泰等跟蹤追捕卽不能就地殲除亦必須偪勦出境以便川省官兵兜剿淨盡毋令闖入腹地十月吉林泰督率弁兵分投搜捕楚境肅清十五年升湖北提督二十一年卒

國史館本傳

右 國史館本傳

--	--	--	--	--	--	--	--	--	--

張績

張績陝西長安人乾隆四十六年由行伍隨勦甘肅逆回有功四十九年拔補督標左營外委五十二年隨征臺灣逆匪林爽文五十二年臺灣平加六品頂帶 賞戴藍翎尋遷前營把總五十七年升左營千總六十年隨陝甘總督勒保勦黔楚逆苗嘉慶元年以稽查卡隘催趨沿途軍火認真出力擢雲南撫標右營守備賞換花翎二年二月遷貴州古州鎮右營都司時苗匪圍南籠府城隨雲貴總督勒保進剿五月克碧峯山六月賊據卡子河泉司常明等攻其北岸績隨後策應接戰竟日大破之遂復南籠八月擢督標左營遊擊三年正月勒保調任四川績隨勦達州教匪九

月調甘肅洪廣營遊擊雷川勦賊四年升四川提標中軍參將五年五月擢督標中軍副將十二月白號藍號等五股賊匪竄渠縣績借總兵薛大烈由山梁截擊破其前隊勒保繼之賊兵遂殲六年五月白號首逆湯思蛟屯馬家營績等冒雨進攻搗其巢思蛟竄核桃園追殺無算七月破賊於巴州石漢山擒青號首逆徐添德弟添壽于大寬及夥匪多人時高山寨賊首高見奇薛大烈等敗之於土地坡績率眾遊擊復大挫之 命以總兵升用八月高逆竄空山壩與藍號僞元帥冉學勝合官兵蹙之於廬家灣績同協領達斯呼勒岱等分路衝殺冉逆就擒下部議敘十月追勦湯逆於魏家灣大破之復敗之於邀仙崖十二月擢甘肅肅州鎮總

兵七年正月白號首逆苟文明竄開縣達斯呼勒岱設伏於雙河
口績偕副將李應貴分兩翼擊之殺賊五百餘人奪獲旗幟刀矛
無算 上嘉其奮勇二月苟逆竄陝西鄠縣桃園子老林績偕薛
大烈率領兵勇越境追躡賊踞圓領山績冒矢石仰攻生擒偽總
兵姚青雲等斃賊多名得 旨嘉獎三月經略額勒登保檄令回
川搜捕餘匪四月行抵開縣王家坪擒湯思蛟餘黨陳學武移師
爛泥壩擒徐添德餘黨廖登仁陳文禮五月以楚省餘匪圖竄入
川偕副都統達勒精阿駐巫山防堵七月擊賊於仙風觀斃多
名八月楚匪青號熊翠餘黨竄入螞蟻口績率眾迎擊獲偽先鋒
李仁道復於鐵廠灣斬賊目周四柱王連城等九月楚匪黃號王

國賢餘黨僞元帥蔣登榮僞先鋒龐之朝竄至常家巖績派參將傅廷佐等截勦自統勁兵策應獲二逆斃賊七十餘人八年閏二月青號劉渣鬍子由楚竄入巫山績截勦失利遊擊馬明德守備李啟功俱陷於陣參贊大臣德楞泰劾之請以參將遊擊降補諭曰似此堵勦不力之員豈容稍存姑息若以參遊補用不足示懲張績著降爲都司拔去花翎令其隨營效力八月軍務告厥加恩獲咎各員績以遊擊升用尋補督標右營遊擊十年遷普安營參將十六年正月擢山西大同鎮總兵閏三月 賞還花翎十九年兵丁秦仲喜控績等剋扣餉銀各款 命刑部左侍郎成格光祿寺卿彭希濂往按之訊係已革遊擊安惠等冒領馬乾及扣

留餘丁銀績雖未染指失於覺察及私役兵丁廢弛營伍請交部
嚴議尋議革職 諭曰張績本應照部議革職姑念其前在軍營
著有微勞加恩發往河北鎮以千總用二十一年卒

右 國史館本傳

四庫全書

三

孫全謀

孫全謀福建龍溪人乾隆三十五年由行伍拔補水師提標中軍外委三十八年升右營把總四十五年遷前營守備四十八年升後營遊擊五十二年臺灣逆匪林爽文滋事圍提督柴大紀於諸羅全謀隨總兵蔡攀龍等往援突圍入城復出與賊戰大破之道路遂通 諭曰諸羅爲南北兩路要區屢經賊匪窺伺糾眾滋擾柴大紀督率官兵義民悉力捍禦因兵少力單正在望援之際孫全謀等帶領官兵直前攻剿殺散賊匪速達諸羅復帶兵出城將該處屯聚賊匪痛加剿殺實屬奮勇出力可嘉之至廣東羅定協副將著孫全謀補授並賞戴花翎五十三年二月臺灣平交部議

敘四月調臺灣水師協副將五十七年升江南蘇松鎮總兵五十八年丁母憂六十年八月 命署浙江黃巖鎮總兵十二月洋匪紀夢奇等搶劫官米全謀統領舟師自定海駛至台州偵知匪船寄旋大陳山外洋乘風雪往剿擒獲首犯多名下部優敘嘉慶元年二月服闋實授八月洋匪陳阿寶在潭頭洋行劫全謀帶兵剿捕礮擊之殪下部優敘十二月擢廣東提督二年全謀密遣遊擊黃標等勦盜於蒲臺外洋生擒六十餘人 賞喜字玉牌及黃辨大小荷包仍敘其功五年以川陝楚三省教匪滋事 命調廣東官兵赴楚協勦徐添德股匪大敗之 諭曰廣東官兵調赴楚省初次打仗卽能奮勇殺賊該提督平日尙知整飭操防而於檄調

時亦能認真挑選甚爲妥協孫全謀著交部議敘七年九月博羅縣會匪陳爛屐四等聚眾謀逆全謀督率將弁兩路進剿擒斬三千餘人十月陳逆竄伏羅浮山全謀攻克沖虛觀及藍坑山兩處賊巢擒之並殲斃夥匪一千餘人 諭曰此次剿辦逆匪皆由孫全謀身先士卒奮勇殺賊故能攻得兩處賊巢迅速奏捷厥功甚偉著加恩賞給騎都尉世職八年二月攻克永安縣鐵籠嶂賊巢生擒首逆黃亞程等得 旨嘉獎七月以失察兵丁窩賊部議革職 上加恩改降二級畱任九年新會縣有洋匪登岸劫掠村莊諭曰廣東洋匪向來不過在外洋劫掠此次膽敢由磨刀虎跳門潛行登岸劫掠村莊該省武備廢弛以致洋匪肆行無忌非尋常

疏忽可比孫全謀著交部嚴加議處尋命以都司降補並褫花翎十一年勦捕洋匪吳亞保擊沈其舟擒賊犯七十餘名殲斃無數諭曰孫全謀前經降補都司近來出洋捕盜尙知奮勉著加恩以都司銜署理澄海協副將十二年正月閩匪蔡牽黨朱瀆在卡山尾外洋滋擾全謀帶兵追勦駛至長山尾外洋生擒黃阿朶等十二名九月蔡逆竄入粵洋全謀以緝捕不力降三級畱任十三年隨提督錢夢虎等勦賊於黑水洋奪獲賊船擒錢亞文等百餘人賞三品頂帶擢廣東左翼總兵十四年二月加二品頂帶復授廣東提督五月洋匪張保仔等聯踪百餘在香山縣洋面寄碇全謀以官船四十四號連戰克之諭曰官兵以少勝多實屬

不遺餘力孫全謀奮勇可嘉前已施恩補放提督倍當感激朕恩益加奮勉十一月總督百齡圍攻張逆於大黃埔檄令會剿全謀遷延失期賊遁上以其失機玩寇命革職擊問十二月洋匪郭婆帶投誠並擒保仔夥黨以獻上宥全謀命立功自贖十五年五月因殲擒洋匪多名並搜獲積年土盜以守備起用六月洋匪烏石二等在儋州洋面滋擾全謀進擊烏石大幫船躍過賊舟生擒之復賞戴花翎命以遊擊用八月署香山協水師副將十六年升署陽江鎮水師總兵十九年實授二十一年遷廣東水師提督尋卒孫雲鴻由廕生襲騎都尉官江南福山鎮總兵

右 國史館本傳

四十二
一、二、三、四、五、六、七、八、九、十、十一、十二、十三、十四、十五、十六、十七、十八、十九、二十、二十一、二十二、二十三、二十四、二十五、二十六、二十七、二十八、二十九、三十、三十一、三十二、三十三、三十四、三十五、三十六、三十七、三十八、三十九、四十、四十一、四十二、四十三、四十四、四十五、四十六、四十七、四十八、四十九、五十、五十一、五十二、五十三、五十四、五十五、五十六、五十七、五十八、五十九、六十、六十一、六十二、六十三、六十四、六十五、六十六、六十七、六十八、六十九、七十、七十一、七十二、七十三、七十四、七十五、七十六、七十七、七十八、七十九、八十、八十一、八十二、八十三、八十四、八十五、八十六、八十七、八十八、八十九、九十、九十一、九十二、九十三、九十四、九十五、九十六、九十七、九十八、九十九、一百

一、二、三、四、五、六、七、八、九、十、十一、十二、十三、十四、十五、十六、十七、十八、十九、二十、二十一、二十二、二十三、二十四、二十五、二十六、二十七、二十八、二十九、三十、三十一、三十二、三十三、三十四、三十五、三十六、三十七、三十八、三十九、四十、四十一、四十二、四十三、四十四、四十五、四十六、四十七、四十八、四十九、五十、五十一、五十二、五十三、五十四、五十五、五十六、五十七、五十八、五十九、六十、六十一、六十二、六十三、六十四、六十五、六十六、六十七、六十八、六十九、七十、七十一、七十二、七十三、七十四、七十五、七十六、七十七、七十八、七十九、八十、八十一、八十二、八十三、八十四、八十五、八十六、八十七、八十八、八十九、九十、九十一、九十二、九十三、九十四、九十五、九十六、九十七、九十八、九十九、一百

胡于鉉

胡于鉉浙江鎮海人乾隆五十二年由武舉效力本省補鎮海營千總嘉慶四年升甯海營守備六年遷錢塘水師營都司隨定海鎮總兵李長庚在旗頭洋剿捕海盜蔡牽夥匪獲陳帖等二十餘人進抵東霍山復擒賊目李廣等多名奪獲礮械無算奏入上嘉之八年擢太湖營遊擊十年調黃巖鎮標中營遊擊十一年遷江蘇川沙營參將十二年擢廣東春江協副將十三年遷南澳鎮總兵十四年二月蔡逆黨朱瀆竄至粵洋遊奕于鉉偕金門鎮總兵許松年追至鳳嶼洋礮擊朱逆斃之捷 聞下部議敘八月朱逆餘黨朱渥等合幫入大雞籠洋于鉉督兵追剿擒斬多名十五

年正月湖州府屬有烏石二東海霸等幫匪船在洋劫掠于鉉率舟師會同巡船分路剿之擒獲六十餘人並獲礮位器械甚夥得旨嘉獎八月兩廣總督百齡奏令于鉉在閩粵交界洋面巡緝尋擒賊十六人於閩省雲澳外洋搜獲多人於懸鐘洋又於虎嶼洋獲土匪張有才等二十餘人九年以于鉉調各營師船外出洋面有被劫之案兩廣總督蔣攸銛劾之諭曰粵省水師捕務經節年整理洋面甫就肅清該鎮將等惟當實力巡防始終弗懈乃總兵胡于鉉因見粵洋甯靖輒將所隸海門達濠各營師船紛紛調遣外出致本年春夏間南臯濠圭湖墩各洋面商船閒有失事該總兵調度失宜事後又不能實力捕獲著交部嚴加議處尋革職

二十一年卒

右 國史館本傳

國史館本傳
卷三十三
將帥四十八

三

國朝通志卷之三十三

三

朱天奇

朱天奇浙江黃巖人由行伍歷拔把總嘉慶三年二月隨黃巖鎮總兵岳璽追捕海盜於拍腳畧洋首先躍過賊船殺賊五名生擒楊店等九名獲礮械無算奏入得旨以千總補用五月復隨岳璽擊賊於旗頭洋接仗過船殲賊三十一名奪其船三起獲槍械火藥並救出被劫難民四年補定海鎮標左營千總六年升乍浦中軍左營守備九年超擢定海鎮標左營遊擊十年在洋捕盜颶風壞舟鳧水得生命予軍功議敘十二年八月隨定海鎮總兵何定江擊盜於大陳洋獲林添添等二十六名十月復隨何定江攻盜於孝順洋沈其船一生擒陳兆選等三十五名尋擢鎮海營

參將十三年二月督帶師船追擊盜首張阿治於佛肚山洋及之
首先揮船併攏賊目梭老板等抗拒受傷復受棍傷仍奮勇躍過
賊船追擊賊目梭老板落海死殲夥盜邱顯俘馘甚眾奏入得
旨交浙江巡撫阮元詳查具奏尋訊實覆奏 上以天奇殺賊受
傷由獲盜口供訊出自屬可信 命交部議敘以嘉奮勉十四年
追勅海盜於黑水深洋親督弁兵過船生擒駱他等三十五名獲
礮械數十件尋擢福建臺灣水師副將十五年正月擢福建金門
鎮總兵十月捕盜於紅花嶼洋沈其船一生擒陳恭等十六名十
六年二月捕盜於科羅洋沈其船一生擒會廷等二十六名餘匪
落海擒甚夥五月追擊盜船於圍頭外洋盜窮蹙北逃各兵船

追至祥芝外洋及之盜抗拒拋擲火礮豆粃天奇被數傷仍督同
弁兵奮勇圍攻擒吳厚等五十八名撈獲墮水者二十名奪其船
一百子礮二捷 聞 諭曰朱天奇追及盜船親自督兵攻捕以
致受傷多處仍復帶傷進攻擒獲盜匪七十餘名殊爲奮勉著加
恩先行交部議敘如果能將此幫匪船一律勦淨尙當加以優獎
十七年因病解任二十一年卒

右 國史館本傳

岳璽

岳璽赫舍里氏鑲藍旗滿洲人乾隆三十一年由前鋒補驍騎校三十六年擢印務章京補公中佐領三十七年授副參領四十二年遷印務參領四十七年授貴州試用副將五十四年告病回旗五十六年病痊補二等侍衛五十七年授浙江台州副將嘉慶元年署黃巖鎮總兵二年巡撫玉德疏言浙洋盜船行劫岳璽親督舟師乘閒追捕直抵外洋殲擒無算並搜獲大陳山匪犯多名上嘉其奮勇出力 賞戴花翎 命軍機處存記該員如果始終出力遇有總兵缺出卽行題升尋值定海鎮總兵王凱不勝水師之任 諭曰岳璽前查拏洋盜督率舟師奮勇擒捕復經玉德派

赴大陳山查辦一切於水師事務自尙諳悉著卽加恩補授定海鎮總兵以示獎勵三年調黃巖鎮總兵五年經浙江巡撫阮元奏稱岳聖在洋搜捕土盜先後擒獲一百七十餘名下部議敘五月阮元復奏艇匪驟入浙境請赴台州督飭防剿 上命岳聖協同策應九月水澳鳳臺兩幫盜船在東椿洋面遊奕岳聖督率兵船乘夜開行駛至該處盜船五十餘隻放礮迎擊兵船占住上風槍礮齊發盜匪俱落水四散漂流獲三十餘名並獲火藥礮械槍刀無算六年蔡牽等盜船追劫商船自閩竄浙岳聖同定海鎮總兵李長庚溫州鎮總兵胡振聲先後在洋截擊共獲盜陳寶等一百四十餘名起獲礮械甚多 上嘉之復下部議敘七年因病乞休

致 諭允所請二十二年卒子闕祖保見任興京理事通判

右 國史館本傳

國朝詩林類考不類
卷三

三

宗室積拉堪

宗室積拉堪鑲藍旗人未入八分輔國公經訥亨之子乾隆四十一年襲爵四十三年授散秩大臣嘉慶二年授鑲白旗蒙古副都統四年正月調本旗副都統十月調鑲黃旗護軍統領五年三月管理圓明園八旗包衣三旗事務四月授右翼前鋒統領九月兼管鄂羅斯佐領六年調正藍旗滿洲副都統七年四月授荊州將軍十二年二月因與知府林嵐交結豫借養廉又致書巡撫全保囑參革知縣方遵轍職事 聞 召還京 命總督汪志伊等查詢得實 諭曰積拉堪受朕重恩委以將軍之任理應潔己訓練官兵不得與文職交結干預地方事務今積拉堪屢經知府林嵐

四庫全書 卷二百九
三十一
邀請赴署讌會去年三月閒又以印文向知府衙門支借養廉銀
二千二百五十兩至今並未扣還復因知縣方遵轍辦理緝匪不
善札知該督全保將方遵轍奏參革職太覺好事有負朕恩著交
宗人府嚴加議處尋議革未入八分公 從之 賞四等侍衛在
大門上行走仍給四品宗室頂帶尋擢正黃旗漢軍副都統授馬
蘭鎮總兵舊制 東陵各隘口設有滿洲官兵與綠營兵互相巡
緝復於正關口東口東便門三處增設積拉堪奏請裁撤仍遵舊
制以歸畫一 從之十三年三月 上命總督溫承惠查閱營伍
積拉堪以馬蘭鎮官兵多係守護 陵寢差使繁重不能按期操
演請免校閱 諭曰各鎮額設官兵平時自當認真訓練豈有藉

詞差使任其技藝廢弛馬蘭鎮額兵有守護 陵寢之責差使固
重但該鎮兵額計有一二餘名卽據積拉堪奏內有五百餘名須
常派差使則除當差之外尙有五百餘名甯不可豫備抽閱況本
日詢據積拉堪奏稱泰甯一鎮官兵去年卽經總督校閱試思泰
甯鎮守護 西陵與馬蘭鎮守護 東陵並無區異若謂泰甯鎮
差使較少可以抽調簡閱則額設兵數較馬蘭鎮兵數爲少何以
調閱之外尙敷差使總督節制各鎮官兵係屬國家定制本應隨
時查閱且此次溫承惠係朕特派前往若總督奉旨查看營伍而
總兵可以奏請停止則總督又何以統轄各鎮乎積拉堪係棄瑕
錄用之人冒昧陳奏大乖體制著交宗人府會同兵部嚴加議處

尋議革職 上念其當差勤慎降爲四等侍衛在大門上行走六月 賞二等侍衛授烏什辦事大臣旋改喀什噶爾參贊大臣先是幫辦大臣成林奏參烏什糧餉局員張觀私動庫項放債取利經烏什辦事大臣佛倫保查稱並無其事 諭令積拉堪到任時會同成林嚴審旋查出庫項實有虧短並究出佛倫保到任之始向阿奇木伯克索取禮物又徇庇張觀冒昧具奏佛倫保張觀均參革治罪如律十四年正月瓦罕回民避巴克達山回民搶擄先後逃至色勒庫爾地方四百餘戶途經柰滿等處又遇布魯特劫去男婦牲畜甚多因求在色勒庫爾賞地居住並懇追償所失積拉堪以外夷逃人斷無指賞地方准其居住之理卽偶被搶劫亦

未有懇求內地代爲查追之事會布魯特將劫去人畜自行繳回
當交瓦罕伯克之地霍什哈達木收領勸諭將人服帶回並妥行
照料出境奏入 上是之四月 召還京十五年正月授密雲副
都統二月署古北口提督六月授熱河都統八月授杭州將軍二
十二年卒

右 國史館本傳

皇朝詩林卷之三十一

三十一

傅陞

傅陞原名川陞郎佳氏正白旗滿洲人世居吉林乾隆四十二年命駐京師充前鋒五十二年洊升三等侍衛五十四年八月扈駕木蘭圍場因烏槍散失降藍翎侍衛五十七年隨征廓爾喀連克擦木濟隴官寨均與有功仍授三等侍衛六十年命在乾清門行走嘉慶四年七月川楚邪匪滋事上命額勒登保爲經略大臣統兵督剿諭傅陞保甯等馳詣軍營協剿川匪九月抵達州十月巴州白號鮮大川苟文明等股匪竄通江額勒登保追擊至雞公梁令副都統銜格布舍等帶馬兵由左傅陞等帶步騎由右並進傅陞先設伏城隍廟側賊至左師突擊賊潰奔右師伏發

追殺數十里殲擒甚夥五年三月襄陽白號賊首張添倫竄陝省甯羌屬之二郎壩溝傅陞與侍衛色玉慎分據左右山梁賊占山包以拒大兵傅陞等督兵由山梁壓下賊驚竄大敗之四月復擊張添倫於陝西之五郎等處閏四月張添倫等竄雒南兩岔河口官兵分路擊之賊恃眾抗拒格布舍衝入賊營中賊矛墮馬傅陞施槍立斃持矛賊救格布舍回營復連斃數賊於馬上賊敗又窮追至老毛溝殲戮無算奏入得旨嘉獎超升頭等侍衛賞呼嵩額巴圖魯名號五月襄陽藍號股匪劉允恭擾及洵陽之大中溪傅陞等設伏禦之斃允恭於陣時各匪均欲向西南竄襄陽黃號股匪龐洪勝伍金柱等合聚手板崖等處額勒登保分兵迎擊

傅陞先往遇賊於洞溝往來衝殺大兵繼至賊敗折向東竄又敗之於大小銅錢窖斃龐洪勝於漢陰之石板溝是月襄陽白號股匪楊開甲踞漢陰之盤溝分股盡占左右山梁傅陞督兵過溝直衝左山梁高處賊潰奔並擊退右山梁之賊旋殲楊開甲於洋縣之茅坪等處得旨議敘六月襄陽白號高二馬五等匪與黃號賊首王廷詔等合竄西鄉傅陞伏兵舊州鋪之左右伺賊出邀擊大敗之於龍王溝俘斬甚眾賞四喜玉扳指大小荷包尋率馬兵追賊於西鄉賊棄馬翻山遁官兵亦下馬追及敗之旋偕提督楊遇春於川陝交界之鞍子溝擒賊首王廷詔復奉旨交部議敘四月復偕楊遇春擒高馬等逆於甯羌其子姪僞元帥等悉殲

焉七年 賞副都統銜八年閏二月補正黃旗蒙古副都統四月
授公中佐領十年七月奉 旨改名傅陞二十一年正月因病解
任閏六月 命原品休致二十二年卒

右 國史館本傳

劉君輔

劉君輔雲南會澤人乾隆三十一年由行伍隨征甸匪三十二年
在猛卯猛英老官屯地方攻戰出力三十三年補外委三十七年
從征金川以奮勇補把總三十八年正月擢東川營千總十一月
隨參贊大臣富德由阿喀木拉會攻日寨 賞戴藍翎旋於邦甲
僧克宗營等處疊次分擊又攻沃納山梁鼓勇先登石傷左膀擢
行營守備三十九年七月隨富德攻克沙西里等處又由山北進
奪木城礮卡四十年攻克底博堵等處調永北營守備六月擢四
川建昌營都司閏十月富德令夜赴前敵修紮木城賊潛來衝撲
禦敵受傷 賞戴花翎四十一年正月又令帶兵焚燬賊寨尋以

國朝通志卷之三十一
噶拉依賊巢蕩平敘功補直隸順德營遊擊四十五年擢山東曹州營參將旋補江西九江營副將四十七年擢湖南永州鎮總兵五十九年授湖南提督六十年二月黔苗石柳鄧句結楚苗石三保等滋事搶劫永保及鳳凰廳君輔率兵二千馳赴剿辦賊苗陷乾州君輔赴鎮筸擊之並調沅靖辰三營及常德各營兵堵禦

上命雲貴總督福康安督兵進剿君輔奏報遲延飭之尋奏鎮筸各路隘口俱被苗匪占住總兵明安圖阻隔重圍非親提重兵不能剿捕見在飛催各營兵剋期取齊以資進剿諭曰劉君輔駐劄鎮筸俟兵力齊集進剿係意存慎重尙非怯懦不前若劉君輔亦如明安圖冒昧前進致被賊阻更屬不成事體惟當查看情

形督兵勦辦不可稍涉冒昧亦不可過於延緩旋明安圖被賊鎮
巢城四面皆山永綏距鎮城百餘里苗寨聯絡君輔設卡防護賊
率眾來襲君輔敗之奪竹梯槍矛甚多奏聞諭曰槍矛非旦
夕所能製造該省員弁漫無覺察著福康安查明苗匪逆謀起自
何時地方文武何以未經查出據實奏參劉君輔到任未久見又
帶兵出力尙可邀恩寬宥惟當奮勉殺賊迅速蔽功以圖後效時
鎮巢賊苗雖經君輔殺退尙在附近山險出沒上切責之鎮巢
爲全楚要隘逆苗蟻聚梗塞永綏乾州糧道君輔於存聚兵米之
處派員防守又設伏兵誘賊來攻擊敗之追至王家寨拋擲火彈
焚其寨君輔奏請與督臣福康安同期進剿上命福康安自松

桃直赴永綬劉君輔自鎮竄帶兵夾攻賊苗連次攻撲鎮竄君輔
偕巡撫福甯率兵敗之賊多墜崖死閏二月苗匪復來攻君輔令
總兵蘇靈搶奪山梁用火攻敗之 上以君輔防護城池殲獲敗
匪有功交部議敘君輔復與蘇靈分搆賊巢賊眾千餘從山後繞
出兩面邀截賊始敗竄君輔恐賊窺伺鎮城抄截後路令弁兵毋
造次輕進 上是之旋殲賊於崖門又敗賊於溪口勦散鎮竄後
路賊匪賊竄保靖君輔於登雲寨莪季坳板橋衝砂子坳馬家口
平掃溪六處添設卡座募鄉勇防禦自帶楚兵前赴保靖應援
上勉以毋稍疏虞三月自崖門抵辰谿縣知保靖新寨一帶俱有
賊苗屯聚君輔與副將慶溥分兵進攻會合宜昌鎮總兵張廷彥

擊敗之奪獲器械並焚其寨得 旨嘉獎會福康安已破松桃將
進兵永綏君輔奏請從保靖進剿以分賊勢 諭曰劉君輔欲從
保靖進剿亦未免爲遷延之計著福康安查明總以解散永綏賊
圍爲斷永綏所屬之花園距保靖四十餘里山徑叢雜爲賊苗屯
踞挖斷道路君輔分兵三路預飭弁兵不許亂放槍礮潛抵賊寨
賊棄寨潰散焚其寨三燒斃無算 諭曰劉君輔飭令各卡官兵
不許亂放槍礮一節甚是向來綠營兵丁未見賊蹤輒先放槍礮
以致遇賊時火藥轉致短少最爲惡習今劉君輔預行飭禁頗爲
得當著福康安傳知各路一體飭禁君輔與廷彥挑選戰兵鄉勇
疏通小大什治道路進抵古銅溪溪有獅子橋爲赴花園要路賊

斷橋擁千餘眾拒守劉君輔分兵攻之用礮轟擊斫木成橋進焚
蜡耳堡倒馬礮銅溪坪各苗寨搜剿三十餘里直搗花園永綏武
生宋開範引納烏車苗人來營投誠君輔招撫之請 旨優卹時
長潭一帶尤多賊苗守禦君輔復與廷彥從銅溪坪進攻焚燬長
潭上下各苗寨花園前河流甚駛君輔令於平淺處堵拒虛聲作
渡河狀預備攜牌竹筏督兵由水深處浮渡出賊不意遂克花園
上嘉其奮勉下部議敘四月領兵自花園赴永綏行至擺頭衝賊
用木石阻塞隘口君輔繞道攻擊燬苗寨十餘處至小排吾遇賊
攔截福康安遣兵策應抵永綏福康安以永綏爲賊匪全力所注
遠近山坳崖峒不可計算必須重兵彈壓令君輔等分屯防守

諭曰永綏苗寨甚多宜悉數殲除爲是應令劉君輔等趁此屢勝
兵威相機勦殺君輔駐永綏未將勦賊情形入告花園等處道路
未通糧餉軍火阻滯 嚴旨申飭並命福康安詳查果有觀望遷
延情事據實嚴參尋福康安以永綏附近苗寨極多隆團一帶本
未淨盡君輔兵力有限未便輕於舉動奏入報 聞六月鴨保寨
賊匪擾董蕩遏永綏隆團要路君輔擊之被賊圍繞轉戰一晝夜
至張馬坪適福康安遣總兵袁國璜應之并力夾攻賊始敗去君
輔臂受石傷都司廣惠守備從大雄死之賊復擾瓦窰坪君輔偕
國璜敗之先是苗巫石老觀占踞隆團附近之窩陀寨屢出截糧
撲卡君輔密諭降苗石文茂等設法擒獻至是將苗巫石老觀及

屢降復叛之小排吾頭人麻章保縛送正法遠近賊苗震懼七月
由觀音崖攻克林家寨石家寨吳家寨等處殲擒甚眾得 旨獎
勵並賞大小荷包九月大兵會攻平隴君輔與國璜自隆圍進攻
丁家坡分路勦殺復至尖崖防堵嘉慶元年四月賊苗謀分道襲
丁家坡君輔獲賊謀預知其謀伏兵敗之屈天中節 上眷念勤
勞君輔與膺 賞賚六月首逆石三保因大兵攻圍甚急竄至哄
哄寨君輔偕廷彥預令土蠻龍子貴等設法擒獲事 聞得 旨
嘉獎嗣以君輔年老 上以副都統鄂輝代之 命君輔仍畱花
園防堵俟事竣後另候簡用二年三省邪匪滋事擾襄陽攻鄖陽
甚急四月 命君輔帶兵一千迅往鄖陽南面截勦六月赴大甯

勦賊閏六月賊匪竄近大甯之青莊坪君輔派兵截殺獲賊目趙
登相等旋與四川將軍觀成會合禦賊於深溪獲賊探葉仁宣等
七月圍勦老木園賊匪先是青莊坪邪匪與老木園賊合直奔大
甯縣所屬之寶塔地方君輔督兵盡力堵禦賊不得越九月黑樓
門新起之賊謀襲寶塔屯聚沙坪大壩君輔截擊之賊竄雲開太
平老木園處萬山中與轎頂山賊卡相援應賊又設卡樵風峒爲
外障君輔偕觀成潛攻之轎頂山賊匪來援都司李寅等戰死
諭曰觀成劉君輔進攻樵風峒並未拏獲賊目一名而帶兵官員
轉致損傷大爲不值飭之尋克樵風峒進攻轎頂山失利十月由
陰晴山進攻老木園日久未下疊降 旨切責十一月克轎頂山

三年正月賊目向登科投誠訊知由深溝口可以進攻君輔與觀成派弁兵分道潛進縱火焚賊頭卡從上埡口克茶園嘴復克土地埡時老木園賊糧且盡尙支持拒守君輔偕觀成奏言賊匪恃險死拒官兵仰攻不能得力 嚴飭之三月開縣竄匪杜啟鳳闌入大甯欲與老木園賊合由鹽水壩來襲九峯埡君輔率兵擊之賊卻走老木園賊匪知外援已近時來衝突君輔駐劄鹽水壩禦之 上以老木園賊匪勦辦已閱年餘迄未蕪事 命革去君輔提督銜仍畱該處帶兵贖罪尋 命四川總督勒保督勦勒保遣總兵德齡助攻老木園未至君輔已先克之殲首逆陳崇德餘匪勦洗淨盡經勒保奏 聞 諭觀成劉君輔攻勦此股將閱兩年

始行辦竣不足爲功惟德齡未到之前自知愧勵已將賊巢攻克
尙爲奮勉劉君輔著加恩賞給頭等待衛職銜遇有總兵缺出卽
行奏補六月勒保檄令移兵溫陽并駐劄七月移駐夔州會剿股
匪冷添祿勒保復令君輔從大竹進兵補建昌鎮總兵九月賊匪
王光祖林亮功等擾江北鄰水君輔馳往會剿十一月賊竄入岳
池定遠其分股賊包正洪折回廣安君輔屢次截殺殲斃千七百
餘人十二月賊奔墊江屬之板子山長壽屬之雲臺寺君輔躡蹤
追擊均有斬獲四年正月參贊大臣額勒登保追股匪徐添德至
廣安君輔率兵夾攻賊竄仁市鋪與股匪王光祖合君輔隨額勒
登保由墊江兜截輾轉追殺至大竹三月冷逆由雞公嶺竄至岳

池額勒登保督兵閒道冒雨進行遣君輔前往誘敵大兵四面進
截賊潰追至廣安殲冷添祿四月君輔病劇勒保奏請回籍奉
旨以原品休致二十二年卒

右 國史館本傳

劉君輔雲南會澤人乾隆五十九年任湖廣提督六十年貴州大
塘寨苗石柳鄧叛永綏黃瓜寨苗石三保應之鎮筸乾州苗吳半
生等同時蠢動邊疆大震君輔自常德督兵協剿兩解永綏之圍
復計擒三保轉戰甚力君輔與貴州安籠總兵花連布皆驍勇爲
苗所憚苗號連布爲花虎君輔髯而黑因號黑虎云

右傳李元度撰

邱良功

邱良功福建同安人乾隆六十年由行伍屢隨總兵李南馨出洋巡緝獲盜多名拔補外委嘉慶二年在祥芝洋先登盜船獲匪三十餘名遷把總五年擢千總遷水師提督中軍守備八年九月擢左營遊擊十一月總督玉德以良功奮勇出力保奏堪勝參將之任十二月遷烽火營參將九年八月逆匪蔡牽在洋拒捕戕傷總兵胡振聲良功以失於防護革頂帶尋復還十年正月署閩安協副將偕署金門鎮總兵許松年過臺會剿蔡逆官兵出洋蔡逆已先竄追至小琉球洋良功見臺協外委許元良等二船被賊圍往救援松年舉旗招之未卽擁幫因劾良功不聽調遣致蔡逆竄逸

詔革職交總督王德審訊尋訊明良功以救援故不及擁幫復原
官十月署臺灣副將蔡牽復竄臺灣滋擾良功隨浙江提督李長
庚勦捕十一年正月 諭曰李長庚帶領大兵抵臺在鹿耳門駐
守應卽四面兜圍截其去路但恐該逆乘閒逃逸則平安港口最
爲緊要見在邱良功帶領換班兵船在彼防守恐兵力尙形單弱
李長庚當添派兵丁義勇飭交邱良功令其悉心力堵禦如能將
蔡逆攔截卽係邱良功之功當加以重賞若稍有疏虞卽惟邱良
功是問決不寬貸三月攻破洲仔尾賊巢斬獲甚眾惟蔡逆乘閒
逸去 命革良功頂帶仍責令帶罪立功五月蔡牽復竄入鹿耳
門洋面良功偕副將張見陞王得祿等合力會勦良功首先衝入

賊陣督率弁兵奮不顧身擒殺無算奪獲船械礮位 賞加副將
銜 賞戴花翎十二年七月賊目朱瀆竄至臺灣北路淡水一帶
游奕良功帶兵追至雞籠洋奮力攻擊連獲勝仗奏入 諭曰朱
瀆幫船三十餘隻先後竄至雞籠洋經署副將邱良功會合總兵
王得祿督率舟師攻擊拋擲火斗火罐賊船立時火起生擒匪犯
林紅等十五名燒斃落海者約有六七百名餘匪敗竄奔逃窮蹙
已極實屬奮勇可嘉邱良功著加恩交部議敘尋部議照一等軍
功例給與功一等紀錄二次十三年正月授臺灣協副將六月遷
浙江定海鎮總兵十四年正月擢浙江提督九月會同福建提督
王得祿勦捕蔡逆南至魚山外洋督催閩浙兩省舟師專注蔡牽

本船并力攻擊覆其船蔡牽及逆黨俱沈海奏入 諭曰洋盜蔡牽原係閩省平民在洋面肆逆十有餘年往來閩浙粵三省擾害商旅抗拒官兵甚至謀占臺灣率眾攻城僞稱王號實屬罪大惡極王得祿邱良功協力奮追殲除首惡邱良功著加恩晉封男爵並賞翎管玉韞荷囊尋部議良功爲三等男爵照例承襲二十二年入 覲回任卒於道 諭曰邱良功前在福建剿辦洋盜著有勞績曾經賞給男爵世職簡任提督克共厥職茲在途病故殊堪軫惜著加恩照提督例給予卹典尋 賜祭葬諡剛勇子聯恩襲

右 國史館本傳

嘉慶十四年閩浙水師攻剿蔡牽慶戰重洋閱兩晝夜蔡逆夫婦

滄斃黑水洋盜船一律燒毀餘盜擒斬無遺經閩浙總督張師誠
由五百里馳奏 上大喜慰 封福建提督王得祿子爵 賞戴
雙眼花翎 封浙江提督邱良功男爵並各 頒賞珍物有差是
役吾郡孫軍門大剛童軍門鎮陞先有罪至是還孫總兵原職童
開復頂帶相傳浙軍圍攻逆船追逐千里枵腹苦戰喋血於狂風
巨浪中兵勇傷殘極眾比閩軍遲一日到已功在垂成矣奏捷之
疏由總督主橐遂有閩幫優於浙幫之說而 恩賞亦稍有軒輊
邱軍門致浙撫書謂埽蕩鯨鯢肅清海甸總是大快事不必計較
功伐真名將風規也昔鍾鄧入蜀渾濬平吳設皆如軍門大度固
當功名始終

右紀聞陳康祺撰

國朝耆獻類徵初編卷三百九目錄

將帥四十九

成瑞

阜保

盧廷璋

吳奇貴

觀明

陽春

策丹

喜明

魁保

毓秀

沈洪

蔣觀濤

桑吉斯塔爾

文凱

雙林

托爾歡

明德

策楞

欽定四庫全書
卷一百一十九

--	--	--	--	--	--	--	--	--	--

國朝耆獻類徵初編卷三百九

通奉大夫前署江西巡撫江西布政使司布政使湘陰李桓
將帥四十九

成瑞

成瑞伊爾根覺羅氏滿洲正黃旗人西安駐防乾隆四十九年由
領催隨勦甘肅石峯堡逆回嘉慶元年隨西安將軍宗室恆瑞勦
湖北邪匪在襄陽長嶺山喇叭洞等處奮勇殺賊疊受石傷二年
升驍騎校八年升防禦九年九月升佐領十一月隨西安將軍賽
冲阿勦川陝餘匪十年事竣回旗十三年升協領十八年陝西岐
山三才峽匪徒滋事成瑞帶兵往勦賊竄厚畛子又古子溝股匪

向藥鋪一帶奔竄小王澗股匪由峪口折竄成瑞偕護總兵達凌阿在澗峪堵截尋尤九股匪竄出田峪口成瑞偕達凌阿督兵馳剿賊竄黑水峪踞山梁我兵奮勇仰攻斃賊百餘人擒十一人賊乘夜由老林南竄復救出被脅難民二百二十一人時太平峪紫閣峪匪徒陳宗武吳彪等糾附近貧民搶掠成瑞偕達凌阿擊之於炭場獲二十餘人賊竄沿途復襲脅三百餘人糾土棍趙得好李明符等於八里坪蒿溝一帶肆行劫掠成瑞偕達凌阿率兵追勦賊走傅家河經都司宋連斬獲多名賊首陳宗武被賊眾殺斃吳彪等八十餘人投營自首餘匪逃逸成瑞偕達凌阿搜獲八十人趙得好李明符旋就擒十九年正月成瑞隨總兵特依順保

楊芳等追勦萬五股匪在斜峪關堵截適賊折回桃川參將張起
鼇先伏兵沙壩以待賊至成瑞與張起鼇兩面夾擊斃賊二百人
擒二百二十五人獲刀械無算二月南山平經陝甘總督長齡保
奏 賞戴花翎十二月升廣東廣州副都統二十二年卒子豐陞
額官防禦

右 國史館本傳

阜保

阜保蘇完尼瓜爾佳氏滿洲鑲黃旗人乾隆三十七年由健銳營前鋒隨征金川以功 賞戴藍翎四十年授健銳營前鋒校五十年授直隸新河口堡守備五十四年遷河屯協中軍都司五十九年升廣西桂林城守營遊擊六十年升全州營參將嘉慶元年湖南逆苗石柳鄧等滋事從大兵進討十月薄平隴賊巢苗眾掘險抗拒領侍衛內大臣額勒登保督兵分三路進攻阜保隨總兵托爾歡直撲強虎寨克其木城石卡殺賊數百人下部議敘十一月官軍連克養牛塘剛息衝諸要隘進攻馬頭山斷平隴後路阜保奮勇隨攻盡破馬頭山餘錦坡險要賊卡署廣州將軍明亮以阜

保陟險衝鋒勞績最著請加鼓勵 賞勤勇巴圖魯名號苗逆旋
平會湖北教匪滋擾 命額勒登保等移勝兵往剿阜保仍隸焉
二年三月攻破賊首林之華覃加耀於長陽縣黃柏山四月賊遁
據芭葉山大軍分路進攻阜保偕總兵諸神保等由青石巖直上
打子臺克黃花坡一帶要隘賊於大壩口二壩口添築石卡木城
以拒阜保督兵奮擊殲賊甚眾身受石傷奏入 命額勒登保存
記俟功竣獎勵六月賊自建始縣將竄宣恩額勒登保令阜保等
率兵出伍家河逆擊其前而自督大兵躡其後追至白果坪賊踞
紅土溪山梁官兵進戰阜保等已出紅土之後合兵夾擊賊眾潰
敗殺三百餘人七月擢靜甯協副將十二月賊竄踞朱里寨官兵

奮擊大破其眾首逆覃加耀以二百餘人遁去阜保受槍傷甚重
官兵旋擒覃加耀七年遷甘肅河州鎮總兵八年四月擢甘肅提
督五月入覲 諭曰阜保年已就衰且平日出力受傷較多恐
精力不能振作阜保曾經著有勞績著卽以提督銜補授京營右
翼總兵官尋以步軍統領衙門奏請番役一項仍准子弟居官經
御史奏參部議革職 上加恩改爲畱任九年授江南提督十三
年四月以年力已衰降補山海關副都統六月調鑲黃旗漢軍副
都統尋兼京營右翼總兵七月以宗室喜壽與民人鬪毆不卽時
究明具奏部議降二級畱任十四年擢西安將軍十五年奏請將
馬廠地租餘贖錢文撥入西安滿洲營養贍孤寡 從之六月

召回京七月授廣州將軍阜保自陳不勝將軍任乞改京職命
署理正白旗漢軍都統八月授鑲藍旗蒙古都統十八年諭曰
阜保年老無能且不能清語著以原品休致尋以阜保前在軍營
著有勞績身受重傷賞食全俸二十二年卒子都爾松阿湖北
興國營參將

右 國史館本傳

盧廷璋

盧廷璋廣東東莞人乾隆四十九年一甲三名武進士授二等侍衛鑾儀衛行走五十五年期滿以參將用五十七年揀發四川尋署提標中軍參將嘉慶元年九月湖北教匪作亂延及四川教首熊泳霞等擾達州之亭子鋪廷璋隨署總督英善往剿賊眾經達州官兵勦敗遁至麻柳場屯聚十月廷璋隨英善馳抵達州進攻甘草埡奪其木城賊竄回亭子鋪時參將佟貴遊擊范楸等分路往攻焚賊巢賊敗竄廷璋隨英善踵至擊斃甚多遂克亭子鋪賊走風洞口佟貴等由山徑從後繞擊廷璋攻其前殲擒無算賊復入麻柳場廷璋乘勝追躡克之捷 聞下部議敘十一月餘匪竄

至冉家壩天星橋一帶屯據攻克之賊遁入橫山子設卡固守廷
璋攻撲賊卡轉戰三日中矛傷仍回提標中軍參將任五年調雲
南武定營參將六年調廣東新會營參將八年調四川提標中軍
參將十二年擢綏甯協副將十五年調維州協副將十七年調懋
功協副將二十年擢松潘鎮總兵二十二年卒子森桂候選鹽運
司經歷

右 國史館本傳

吳奇貴

吳奇貴浙江定海人由行伍歷拔定海鎮標左營把總乾隆五十六年在外洋獲盜紀孝等十七名升鎮海營千總五十八年升黃巖鎮標右營守備五十九年署本標遊擊六十年隨黃巖鎮總兵孫全謀擊賊於南非外洋首先躍過匪船連斫二賊生擒賊首陳言等十七名嘉慶元年在大陳山外洋獲盛次行劫官米之賊首紀夢奇等十三名升瑞安右營都司二年二月隨黃巖鎮總兵岳璽擊賊披山外洋擒林啟忠等十七名四月復假商船誘賊至披山外洋殲斃無算獲鄭阿貓奪盜船一又駛至大陳山搜獲林阿春等五十三名三年六月隨定海鎮總兵李長庚追賊至黑水洋

擒蘇柳等五十六名並奪賊船礮械八月追賊於普陀洋奪其船
擒王棟等九名升江南蘇松鎮標中營遊擊五年升吳淞營水師
參將七年升福建澎湖水師副將九年升金門鎮總兵十年盜首
蔡牽擾臺灣閩浙總督玉德令奇貴配帶兵船偕臺灣道遇昌探
勦尋以遷延觀望未能實力緝捕劾奏得旨吳奇貴身係大員
於海洋匪徒肆擾自應認真奮勉緝捕乃竟心存畏葸屢催不應
喪心病狂實出情理之外著革職拏問交督撫嚴審定擬具奏尋
擬斬監候十六年諭曰己革金門鎮總兵吳奇貴等因勦捕洋
匪不力革職問擬斬候查閱原案或屢被風阻不能前進或誤聽
譌言不卽出洋以致盜匪遠颺覈其情罪與有心逗遛觀望失誤

軍機者尙屬有閒該革員等前在洋面勦捕頗能出力屢加擢用是以歷次秋審俱邀寬宥見在洋面肅清非需員勦捕之時但熟悉水師員弁向不易得姑念該革員等監禁有年當與以自新之路吳奇貴著加恩賞給把總發往福建水師營效力遇有缺出酌量補用以觀後效十七年在平海外洋擒盜犯黃愛并獲礮械等件又先後獲劉水王印吳幅三名補閩安右營把總十八年獲要犯徐德升閩浙提標千總二十年於梅花洋面獲匪犯李生生升福甯鎮標左營守備二十二年卒于大官浙江鎮海營把總

右 國史館本傳

傳事者用矣有示制

卷三十一

十

觀明

觀明瓜爾佳氏滿洲鑲黃旗人乾隆三十年由領催襲雲騎尉世職三十七年授印務章京四十一年遷副參領四十七年擢參領五十四年擢察哈爾副都統五十九年調青州副都統嘉慶六年遷察哈爾都統八年擢黑龍江將軍十年進白雉 諭曰朕惟以時和年豐民康物阜爲念勿事侈言祥瑞也十一年 上以黑龍江挑選兵丁可否添設演習長槍 敕觀明詳議以聞觀明以情形未便仍請令演習舊業毋庸教演長槍 諭曰所奏甚是東三省兵丁原以獵牲爲業至馬步騎射鳥槍等技藝本自精熟今若令伊等與綠營一體兼習長槍反致廢其本業將此通諭盛京吉林

黑龍江將軍等該營兵丁俱毋庸兼習長槍仍令勤習舊業務成
精銳十四年調烏里雅蘇臺將軍十五年調盛京將軍十六年閏
三月偕收驗盛京城工之工部尙書恭阿拉奏興京穆移驛站被
水衝淹該處係爲恭送 永陵祭品及各項差務而設勢難改建
他處請於官莊地方酌撥六十畝除那建驛廳及馬圈外餘地四
十畝卽以補建眾丁房間其缺額地畝請交盛京戶部於就近餘
租地內照例撥補 詔如所請行四月奏盛京錦州等處上年被
水成災見在雖雨水調勻秋收可望但米價昂貴兵丁生計未免
支絀請借支開原旗倉米一萬二千二百石以資口食秋收後再
令照數還倉 上允之七月因鳳凰城防禦扎桑阿佐領烏爾滾

泰那移官項虧短賑銀觀明查明入奏 命偕盛京刑部侍郎和甯覆審之鞠實依律定擬有差十月以奉天岫巖復州海甯等處被水歉收觀明奏請將本年出借米石及帶徵上年緩徵民欠緩至來年秋後徵收其本年額徵銀米仍令照數完納得 旨允行十一月和甯以該處被災較重請將新舊錢糧一併緩徵 上允所請以觀明未經奏明 嚴飭之十二月奏盛京錦州牛莊等處因上年被災本年秋收暫停採買報 可尋以吉林將軍賽沖阿目擊奉天災民遷徙情形奏明請卹 諭曰奉天等處被災歉收前和甯於經過該處據實奏聞朕當經降旨將該處應徵各項銀米加恩緩徵並飭令觀明等將有心諱匿之州縣查參該將軍等

至今尙未奏到殊覺延玩昨日奏請停止採買倉穀捐內僅聲敘該省糧價增昂而於地方之荒歉百姓之流離全不聲敘漠不關心實屬溺職今賽沖阿途次親見各災民挈眷出邊駱驛在道可見該處被災情形較重乃諱災不報玩視民瘼其咎甚重觀明著交部嚴加議處尋議革職經新任將軍和甯奏岫巖甯海等處已報成災尙非有心諱匿 賞觀明二等侍衛仍畱雲騎尉世職十七年和甯奏查明上年奉天等處被災熊岳協領果勒敏會具報旗戶所種田地秋收歉薄觀明僅批令妥爲安慰並未委員查勘諭曰觀明玩視民瘼厥咎甚重本應革職治罪姑念年老衰頹庸懦無能從寬免其治罪著革職永不敘用以爲不實心爲國者戒

二十三年卒

右 國史館本傳

嘉慶十年歲在乙丑十一月黑龍江將軍觀明獻白雉一籠表請
宜付史館以昭瑞應 睿皇帝謙德不居 詔以時和年豐民安
物阜爲瑞僅 敕令內廷諸臣賦詩紀之按孝經援神契春秋感
精符咸以白雉來翔爲祥徵慶貺自越裳進獻而後漢唐舊史亦
復侈陳至哉 聖人直軼周成而過之無論後世矣

右紀聞陳康祺撰

10 - 11 - 12 - 13 - 14 - 15 - 16 - 17 - 18 - 19 - 20

--	--	--	--	--	--	--	--	--	--	--

陽春

陽春原名陽春保庫雅拉氏滿洲正白旗人由閒散襲佐領乾隆二十七年授印務章京三十年升副參領三十七年遷參領四十五年補印務參領四十八年擢鑲黃旗蒙古副都統充烏魯木齊領隊大臣四十九年調庫車辦事大臣 賞戴花翎五十四年授京口副都統六十年以副都統銜充阿克蘇辦事大臣嘉慶六年以阿克蘇烏什從前辦理各案軫轄不清酌定章程分晰具奏一阿克蘇屬溫巴什等處授銅廠官應用鹽菜銀兩請由阿克蘇調撥奏銷一烏什官員口糧請於烏什屯田糧石內支放如有不敷卽於回民交納小麥內添補一銅廠餵養牲畜應聽回民在拜城

賽里木二處用本色大麥自行赴廠交納一銅廠官兵每年口糧並請拜城等處折徵錢文及改交大麥撥赴銅廠此外尙有應徵米石減免四成俾回民仍與交錢無異一阿克蘇散放兵餉應在烏什錢局鼓鑄錢文多撥搭放烏什每年應還阿克蘇糧石亦足相抵糧石不必撥還仍令烏什貯倉下部議行 諭曰陽春保身係滿洲旗人今伊名用三漢字頗染漢習陽春保之名著改陽春六年九月補鑲藍旗漢軍副都統兼管火器營事十二月調青州副都統十年擢福州將軍十一年調廣州將軍十三年英吉利夷船入澳門占據東西礮臺陽春告知總督吳熊光挑備滿營官兵五百名旋經吳熊光奏 聞 諭曰將軍職居總督之前該省地

方既有夷船擅入該將軍自應一面挑兵豫備一面具摺馳奏乃
並無一字奏及形同木偶實屬不職下部議革職十一月 賞三
等侍衛作爲和闐辦事大臣十四年 賞二等侍衛調補駐藏幫
辦大臣十五年查出西藏糧員蔣作梅私那庫項交商生息陽春
自請嚴議 上加恩改爲議處十六年布魯克巴部長喇嘛曲勒
改請 賞給諾門罕名號陽春咨駁未經具奏 上以陽春辦理
舛誤下部嚴議降三級調用十七年三月哲孟雄部長稟懇唐古
忒莊子一所居住求差派漢番官員前往分斷界址經陽春駁斥
飭帕克哩營官豫爲防範不令偷越 上嘉之先是布魯克巴頭
人等私帶貨物進關被帕克哩營官查詰策敦柱輒同跟役將營

官毆傷經陽春訊明該頭人等問擬斬梟斬決旋據布魯克巴部長具稟申辨稱營官先持刀向戮該番民始行抵格陽春續行奏請免罪 上以陽春辦理含糊枉斷不洽夷情 特命瑚圖禮等再行詳查陽春先行回京聽候部議革職旋據瑚圖禮訊明營官並無持刀向戮之事陽春審訊案情尚非虛捏惟比照毆傷欽差侍衛之例將策敦柱等問擬斬梟斬決實屬錯謬 諭曰陽春等前奏遲延含混故入人罪咎有應得但不至罷斥陽春以六部員外郎用十八年二月升內閣侍讀學士十二月 諭曰內閣侍讀學士陽春年逾七旬精神衰頹難以供職著原品休致二十三年卒子豐伸太常寺贊禮郎

右 國史館本傳

國史館本傳 卷二十九 將軍四十九

三

--	--	--	--	--	--	--	--	--	--

策丹

策丹托克托莫忒氏蒙古正黃旗人由官學生考取中書乾隆三十三年保送撫民通判分發四川三十九年補馬邊通判四十一年大兵平定兩金川以策丹隨營辦理軍務出力 賞加知州銜尋授漢州知州四十八年丁母憂回旗五十年服闋仍發原省五十二年擢江南徐州知府五十八年升山東登萊青道六十年調運河道嘉慶六年升山東按察使尋授河南按察使八年八月署布政使以三省底定策丹辦理軍需有功下部議敘十一月遷雲南布政使 命畱豫省幫辦河工九年三月以東壩墊塌禡頂帶尋工竣開復仍布政使用九年補山東布政使十年二月 上以

策丹年力就衰恐於藩司事務未能經理 命來京以三四品京堂用四月補太常寺卿七月遷內閣學士兼禮部侍郎銜八月授鑲黃旗蒙古副都統仍兼內閣學士十一年升盛京工部侍郎十二年十一月轉理藩院右侍郎兼鑲紅旗蒙古副都統尋調刑部右侍郎十二月以前在山東藩司任內失察書吏偽造部監印照部議降二級調用 上加恩改爲降三級畱任十四年四月以山東藩司任內有徵存未解之項誤行豁免策丹雖經查出未曾報部更正部議降一級畱任六月調理藩院左侍郎十五年以督押八旗圈馬出青回京遲延孫明訢明誼鄉中式亦未奏謝部議降二級畱任 諭曰策丹年老糊塗不勝理藩院侍郎之任十六

年 命管理健銳營事務十七年調密雲副都統十八年逆賊林
清滋事 命帶密雲滿洲兵隨署古北口提督福長安至黃村搜
捕餘賊又以扈 蹕行在 賞戴花翎并加一級二十二年以年
老病發年班不能詣 闕 命開缺來京調理二十三年卒子成
祿張家口筆帖式成璽理藩院筆帖式成璧原任貴州銅仁府知
府成珪原任鑾儀衛雲麾使成琳候選主事孫明謙見官湖北安
陸縣知縣明訓吏部右侍郎明誼甘肅按察使緣事革職

右 國史館本傳

五ノ三ノ二ノ一

三

喜明

喜明佟佳氏滿洲正藍旗人乾隆五十二年由刑部筆帖式擢三等侍衛從征臺灣討賊有功五十九年調上虞備用處侍衛六十年授公中佐領嘉慶元年四月揀發四川以都司試用九月調赴湖北軍營十一月隨署四川總督福甯追剿教匪帶領鄉勇由確窩溪一帶直撲賊卡大克之 命加等升用十二月補四川川北都司二年遷廣東潮州鎮中營遊擊三年隨理藩院尚書惠齡剿賊於蔡家梁分路擊殺大敗賊眾擒獲首逆羅其清於濠子灘洞中喜明 賞戴孔雀翎四年三月隨參贊額勒登保由黃土壩迎擊蕭占國張長庚兩股賊大克之斬二逆於譚家山 命交部議

敘復隨額勒登保剿賊首冷添祿於岳池箭殪之 賞勝琪台巴
圖魯名號十月進剿徐添德股匪於方山坪殺賊多人擢廣西撫
標左營參將五年正月遷廣東羅定協副將三月調廣西慶遠協
副將四月襄陽白號賊首楊開甲與黃號股匪辛聰宋麻子合欲
由龍駒寨竄河南喜明隨甘肅提督楊遇春扼其去路官兵先後
進攻敗之於輝峪川五月復隨楊遇春擊黃號伍金柱股賊殺七
百餘人獲僞帥白士淮伍逆旋竄銅錢窖官兵分路剿殺喜明率
甘涼兵往來策應復大克之六月官兵殲賊首楊開甲於七盤嶺
喜明由山梁後衝擊賊寨斃百餘人 命部議敘八月擢江西南
贛鎮總兵九月藍號賊首冉學勝張世龍等擾康家壩欲由官姑

灘渡江喜明與總兵額勒亨額由瓦房店出譚家坵追殺多人得
旨嘉獎十月偵知黃號賊首會芝秀欲奔鐵佛寺喜明復偕額勒
亨額帶兵迎擊獲賊目王光等十六人殲賊百餘人十一月隨額
勒登保分剿冉學勝張世龍及太平黃號龍紹周巴州白號苟文
明各股賊於曹家壩八道河等處先後斬獲多人復於平利安康
遇青黃藍白各股賊東竄之路擒斬有差六年二月截剿龍紹周
股賊於漢江南岸槍斃僞總兵劉紹顏並殲賊一百餘人五月
諭曰喜明等在平利安康一帶截剿龍逆等匪將多則兵益見分
莫若歸併一人以專責成而厚兵力著額勒登保於喜明等四人
內酌畱一人在彼截剿更爲有益額勒登保奏言喜明久歷行陣

深悉賊情應仍令與馬玉魁等帶兵五千餘名於平利安康各路截勦責成喜明爲之統率 從之七月隨固原提督楊遇春進勦冉學勝股匪擒冉學勝之姪冉世升並殲賊二百餘復進勦襄陽白號賊張添倫辛斗黃號賊曾芝秀姚馨佐等於大小盤河十三壩平溪河等處所向有功八月太平黃號賊王國賢等竄通江與冉學勝姚馨佐等合甘肅提督穆克登布由平利之會家壩喜明由旱田壩黑夜分兵潛入賊羣斬獲無算七年二月追勦唐大信股賊於茅壩擒殺首趙士模等十二人八月副將鄭啟貴等追勦蒲天寶渡河股賊喜明由頭店邀擊之賊腹背受敵死傷甚眾喜明乘勢堵勦連敗之於茅坪撒子坪等處殲擒不可勝計九月楚

有餘賊竄入陝西之白河縣喜明帶兵赴援擒斬五六十名奪獲馬騾一百餘匹賊南竄喜明追躡之剿洗無算九年三月協剿苟朝九竄賊大克之並搜捕各股餘賊斬獲淨盡九月三省平 命交部議敘十年六月調江南徐州鎮總兵十一月隨調任山東巡撫長齡勦辦江南宿州教匪殲斃首逆余連教首李朝士等及夥匪七百餘人 命照軍功例從優議敘十五年正月擢雲南提督二月調直隸古北口提督十七年七月以建昌新設營伍辦理未善部議降調 上改爲降三級畱任十八年四月授吉林將軍十二月奏請添設伊通河巡檢一員以資彈壓得 旨允行尋調赴河南軍營勦賊首逆李文成伏法克復滑縣 上以喜明所帶吉

林兵奮勇可嘉交部議敘十九年正月以侵用買馬銀四千八百餘兩部議革職 命降爲西甯鎮總兵仍帶革職畱任旋 賞副都統銜往西藏協辦事務閏二月授駐藏大臣二十年二月廓爾喀王與披楞構兵求賞助銀兩喜明遵照 諭旨嚴行飭駁得旨嘉獎八月以違例請加糧務同知貢佈知府銜部議降調 上寬之十一月授理藩院右侍郎仍駐藏二十一年成都將軍賽沖阿辦理廓爾喀披楞交兵事失宜喜明以未行阻止降爲三品頂戴拔去花翎嗣經兩國通和邊境甯謐 賞還二品頂帶並花翎二十二年授烏里雅蘇臺將軍二十三年卒 賜祭葬諡勤毅

右 國史館本傳

魁保

魁保布蘇克氏蒙古鑲白旗人由火器營烏槍護軍從征緬甸打仗受傷歷升副護軍參領乾隆五十六年諫發雲貴以參將用六十年五月隨雲貴總督福康安征剿湖南苗匪協攻大烏草河苗寨克之 賞戴花翎十月補貴州丹江營參將嘉慶元年升湖南永綏協副將二年湖廣總督沅以苗疆甫經戡定請於永綏北路相距八十里之花園地方修築城垣添設總兵一員以資藩衛諭將帶兵出力及苗眾所畏服者奏明充補尋畢沅以魁保打仗奮勇承辦撫苗等事不辭勞瘁奏請升補新設之花園汛綏靖鎮總兵 上從之五年因保靖縣有永綏苗匪偷出焚掠傷斃民人

魁保開示威信嚴切曉諭經苗弁隴八月等將首事逆苗縛獻復
督同文武員弁搜獲夥犯吳後三等三十餘名漢奸朱光明一名
上嘉其能事 敕部議敘八月永綏九里癩苗隴六年等糾眾滋
事魁保密行訪聞會同道廳等員立時擒捕 上以辦理妥速復
敕部議敘十年丁牛寨已降苗匪石宗四糾約巖落寨已降苗匪
石貴銀復行滋擾同知傅鼐偵知之同魁保往剿敗賊於夯坨山
梁傅鼐親率練勇窮追數日連破丁牛等寨將首從各犯全行擒
獲魁保僅駐吉溪策應 諭曰國家設兵衛民所以謹戎政飭武
備也乃近來每遇征調多有藉資鄉勇之力衝鋒陷陣卽如湖南
近日攻打苗寨同知傅鼐督率練勇千餘人陟險先登所向克捷

而總兵魁保轉帶兵丁在後爲之策應豈非以官兵怯懦不若練勇之趨健乎著各督撫提鎮等通飭所屬嗣後挑補兵額務取精壯驍勇之人隨時與之講明紀律教習行之日久庶士皆勁旅可收干城之效十四年升甘肅提督旋調湖南提督二十年以目疾解任二十三年卒

右 國史館本傳

魁保蒙古鑲白旗人嘉慶二年任綏靖鎮總兵永綏苗叛奉巡撫阿林保檄分扼要道苗悉就擒與總理邊務傅爾琿精撫綏苗皆懾服凡兵民衰老無依者魁保捐資振卹病饋以藥收養殉難員弁之孤課之讀書多所成就在任十二年兵民頌之至今

國朝三才集卷之三十一

右傳李元度撰

三

毓秀

毓秀漢軍鑲黃旗人父李侍堯官閩浙總督自有傳毓秀於乾隆三十八年授三等待衛四十一年補公中佐領四十六年擢二等侍衛五十四年襲二等昭信伯六十年以父李侍堯在雲貴總督任內與廠員通同偷減錢法褫襲爵仍留侍衛上行走嘉慶四年擢頭等待衛九年授熊岳副都統十年調錦州副都統十二年盛京將軍富俊疏請籌補大凌河馬匹及更定牧羣上命會同毓秀籌定章程具奏先是富俊因大凌河驕馬四千匹正額僅存二千一百九十五匹餘盡以兒駒充數請裁去騾馬八百匹撤出兒駒六百八十三匹變買驕馬一千四百匹其不敷之三百餘匹著

該管官兵分賠並擬改立兒駒二羣以杜牽混及會議時毓秀因意見不同先專摺奏言駟馬四千匹原非足額而兒駒在內逐年抵補遵行已五十年之久若將騾馬裁汰變賣則滋生頓減抵補更難若將兒駒撤出則見有之兒駒僅存一百八匹一羣尚缺大半若以生駒四百匹乍合一處未免散亂不羣況以十餘名之牧丁馴四百匹之生駒豈能槩期熟練且於餵養口分更須增添裁有益之騾馬立不使之駒羣似非妥善嗣富俊逐款覆議以毓秀意存因循不計久遠奏入先後均下軍機大臣會同上駟院議奏經大學士慶桂等議以毓秀所奏亦屬實在情形但如所開按年抵補開除馬數清冊逐年覈算恐將來愈形減少自宜亟加整頓

請將馴馬十羣暫裁三羣改設兒駒三羣其每年平羣餘馬不準
變賣畱備補還原額 上從之十三年五月因病乞假回京九月
病痊補頭等侍衛十一月授正白旗漢軍副都統十四年調熱河
副都統 賞戴花翎十五年六月調密雲副都統八月遷熱河都
統十月直隸總督溫承惠奏承德府屬採買熱河莊頭災免兵米
地方官賠累請將此米派令官六兵四改支折色 命交毓秀籌
議尋疏言熱河官兵應支米石原係半本半折但兵丁生齒日繁
歲支半本米石僅敷食用若復按官六兵四改支折色不惟不能
佐其日用之資且與地方官採買相同而熱河既非產米之區時
價勢必昂貴兵力微薄實不免有礙生計仍請照舊關支下部議

行又疏稱熱河平泉等州縣民人蒙古交涉命盜案件請照各省
覈轉之例由州縣會同理事司員審擬後詳解承德府由府詳道
加勘覈轉至承德府屬旗民蒙古交涉命盜案件亦由道加勘轉
都統衙門覈定以昭慎重又酌分熱河新設司員地界疏言八溝
所管之喀喇沁三旗內惟喀喇沁扎薩克塔布囊拉特那吉爾第
一旗地處建昌縣境內又三座塔所管之六旗內有敖漢扎薩克
郡王德濟特一旗亦在建昌縣境內請將此二旗撥歸新設塔子
溝理事司員管理以專責成均如所請行十六年二月疏言蒙古
敖漢旗與民人爭訟日繁皆由地畝起衅口外窮民見有平野可
耕私與蒙古立契租種開墾年久積聚愈多宄詐之徒或隱匿文

契一地兩租或先租荒地及墾種成熟又復追取而奸民或輾轉
招租漁利幾倍遠颺而去以致牽混無憑私自增墾抗租不納請
飭交理事司員及州縣官示諭租地民人將原契與蒙古扎薩克
更換印照報明地畝實數民人姓名冊送都統查覈其抗不換約
強行占種者逐回原籍地租卽交敖漢旗官倉令扎薩克會同台
吉官員勻給原有地畝之台吉蒙古等民人有欠蒙古地租者請
以蒙古隱匿地畝銀錢槩抵兩免追還蒙古有欠民人私債者旣
相安年久聽其自行清理每三年蒙古與民人清查一次如有於
原契外增開熟田者令民人照餘出頃畝加租如水衝沙壓者亦
令呈明照數豁除儻有影射墾種逐而復回者令地方官嚴拏懲

處並飭知蒙古等亦不得私墾私招無故驅逐及增租奪佃以免
爭訟下部議行五月以圍場偷斫木植違 旨會同溫承惠查勘
圍場北柵外店座分別逐畱奏入 上以責成查禁及查禁不力
應作何參辦之處復令妥議尋議柵木三十里內如蒙古扎薩克
章京等有招民開墾及開設店座窩鋪責成地方文員嚴查申報
都統將違禁之蒙古等咨理藩院照嘉慶十一年定例分別議處
失察之地方官照十五年奏准管理圍場章京員弁失察偷竊之
例由兵部議處如兵役受賄縱放將該管官降調仍令地方官每
月具結呈報年終由都統彙奏得 旨允行十七年請將圍場舊
制量爲變通調劑先是 上以圍場有竊木之案自因地界遼濶

稽查難周所致 命將圍場週遭各地面原設卡倫及官弁兵丁各數目如何防範巡察應否調劑之處一併酌議具奏應請於原設卡倫五十八處外添設二十二處原設兵八百五十名外添設一百五十名圍場原設官十九員外添設防禦驍騎校各二員其新添官兵營房請於伊遜柵外河東隙地建蓋以資就近稽查命軍機大臣會同兵部議奏議以所疏各款均未妥協請飭另議章程具奏毓秀復疏言圍場週遭一千四百餘里高山大坡賊匪易於潛匿原設卡倫有相距至三十里者聲氣實難聯絡此添設卡倫之原委也卡倫值班共需兵二百四十餘名輪日分巡八旗地面共需兵一百二十名以及各項雜差原設兵數已不敷兩班

更換加以修梁墊道看橋割草各差抽撥更替動形支絀此酌添
兵額之原委也至查圍之制以總管翼長三員爲一班以八旗章
京八員驍騎校八員副驍騎校十六員爲四班內外分查每月輪
巡週而復始 諭曰毓秀奏查勘圍場地方遼濶原設卡倫兵丁
不敷巡查本係實在情形其應如何添設卡倫官兵及建蓋營房
酌增俸餉之處著軍機大臣會同各該部再行詳議議以所奏添
設卡倫官兵旣屬扼要並無私役虛占請均照所議辦理 從之
十八年正月兼署直隸提督八月以控案延不提訊降爲副都統
回京候補尋得 旨仍暫署熱河都統十九年三月補正藍旗蒙
古副都統五月調正白旗滿洲副都統二十年六月疏言避暑山

莊園亭內外原設堆撥三十九處規制尙未嚴密請於流杯亭門外添設一處西面北面添設十三處由滿營派出官兵錯綜巡察從之二十二年擢杭州將軍二十三年卒

右 國史館本傳

國朝詩林卷之二

三

沈洪

沈洪四川松潘廳人由行伍於乾隆六十年二月從征黔楚苗匪打仗受傷賞額外外委七月隨護軍統領額勒登保討賊有功補松潘廳右營外委嘉慶元年十月隨署將軍明亮擒獲吳八月石三保諸逆苗功列超等復攻平隴賊巢殺賊多名拔補平番營把總二年正月復隨明亮勦捕金峩寺等處賊匪斬獲甚眾遷越嶲營千總六月由楚北追勦邪匪沿途打仗奮勇殺賊九月擢雲南沅江營守備四年四月擢雲南鶴麗鎮標左營都司八月以隨同擒獲逆匪卜三聘 賞戴花翎五年五月隨參贊德楞泰進勦甘省邪匪復入川擒勦陳得俸等俱有功四月遷四川酉陽營遊擊

五月攻南江縣長池壩七月攻巴州何家壩各獲賊渠鮮忠清鮮
大川等十月截逆匪楊開第於南江縣柳樹溝六年三月首逆龍
紹周據馬鞍山洪與總兵馬瑜等分擊之九月龍逆竄伏巫山界
之板倉坪洪等乘夜搜緝賊大潰斬僞帥張添貴等十二月擢貴
州朗洞營參將七年二月隨經略勒保追剿陳自得股匪五日之
內追躡千里殲獲多名五月攻首逆蒲天寶於當陽會賊乘夜撲
營洪偕總兵蒲尙佐等奮力搏戰賊眾披靡復帶兵掩殺大獲勝
仗七月蒲逆據家山洪等開徑進兵直擣賊巢斬獲無算 賞加
副將銜九月搜捕各股餘匪復敗賊於謝家坪八年三月三省平
補江南河標左營副將十年四月兩江總督鐵保奏改左營副將

缺爲總兵洪尋補江甯城守副將十三年丁母憂十五年服闋補江西南昌城守副將十六年八月遷南贛鎮總兵十月調江南徐州鎮總兵十八年九月豫東鄆匪滋事 命帶兵防禦 諭曰見在匪徒滋事係由西北向東南一路奔竄著沈洪挑帶健勇兵丁一千名由南向北取道迎赴山東曹州一帶相機堵剿該總兵專以堵截南路爲重不可輕率深入總勿使賊匪向東南四竄爲要十月 命赴山東巡撫同興軍營協同進剿同興以賊匪見聚曹縣定陶等處檄洪移駐曹縣帶兵剿捕 諭曰沈洪久歷戎行著卽與賊接仗該撫並督率東省官兵一同策應尋於潘家堂獲賊首李名揚及夥匪多名復破劉家樓賊巢殺賊一百五十餘名燒

斃賊首劉丹霄搜獲頭目楊繼福楊繼會等奪獲旗幟刀械多件
得旨嘉獎十九年擢江南提督二十三年卒諭曰提督沈洪
屢經出兵受傷著有勞績茲聞因病溘逝殊堪軫惜著加恩照提
督例賜卹應得卹典該部察例具奏所有任內一切處分悉予開
復尋賜祭葬子玉麒候補縣丞

右 國史館本傳

蔣觀濤

蔣觀濤直隸寶坻人乾隆三十六年由武進士授營守備三十七年補福建延平城守右營中軍守備四十六年遷湖南沅州協中軍都司五十三年遷湖北遠安營遊擊六十年黔楚逆苗滋事觀濤赴鶴峯州聶車坪堵禦復調赴湖南隆團軍營率兵至龍門楊家等寨勦捕嘉慶二年二月調赴湖北協勦教匪打仗十一次受石傷四月擢均房營參將七月赴白溢寨麻虎營殺賊二十餘三年二月赴鄭陽一帶堵禦七月在五里坡全保坪擒逆匪石映蓮等四年卜三聘等股匪竄至黃草坪地方觀濤勦斃多名賊退走巫山之八石坪五年遷湖南常德城守協副將六年十月於興山

房竹邊隘迎截川陝股匪十一月駐劄鮑家店防剿北竄之賊七年二月賊竄近房縣湖廣總督吳熊光檄觀濤由鄖均迎擊時川匪與冉井等逆尙在興山歸州一路遊奕吳熊光奏派觀濤同副將孫應奉添帶兵勇往剿 諭曰孫應奉蔣觀濤雖皆副將大員但兵力較單恐不甚得力熊光復奏言觀濤等率兵勇一千五百名前往興歸剿辦賊匪係陳井冉三姓爲首與王四貓子餘黨勾連共二三千人竄興山黃連坪屯紮搶掠觀濤等兵力單薄僅可顧住東北不使狂奔腹地時房保一帶防守空虛觀濤折回與總兵李天林合爲一路向南迎擊六月房保交界山內有零匪百餘竄出滋擾觀濤躡蹤搜剿數日之內悉就殲擒 上獎其安速尋

有賊匪二百餘由老林出擾觀濤擊敗之七月賊竄至房縣錦雞坪攻圍民寨復率兵勇迎擊賊由魚鰾口遁八年二月吳熊光復檄觀濤於房縣擇要巡防三月有川陝擱入各賊由東河秦口北竄吳熊光派都司鄧興相帶鄉勇繞赴北溝口轟擊觀濤扼住南溝口截殺爲夾擊之計賊亦分兩隊一向北溝口衝出抗拒暗分一隊翻山繞出南溝口官兵後自上壓下官兵猝不及防前後受敵觀濤督官兵搶上對面山梁憑高奮擊賊始退竄時零匪無多恃險伏匿觀濤帶兵往上龕一帶駐劄九年賊匪蕩平仍回常德副將任十二年授雲南昭通鎮總兵二十三年卒

右 國史館本傳

五ノ二ノ三ノ四ノ五ノ六ノ七ノ八ノ九ノ十ノ十一ノ十二ノ十三ノ十四ノ十五ノ十六ノ十七ノ十八ノ十九ノ二十ノ二十一ノ二十二ノ二十三ノ二十四ノ二十五ノ二十六ノ二十七ノ二十八ノ二十九ノ三十ノ三十一ノ三十二ノ三十三ノ三十四ノ三十五ノ三十六ノ三十七ノ三十八ノ三十九ノ四十ノ四十一ノ四十二ノ四十三ノ四十四ノ四十五ノ四十六ノ四十七ノ四十八ノ四十九ノ五十ノ五十一ノ五十二ノ五十三ノ五十四ノ五十五ノ五十六ノ五十七ノ五十八ノ五十九ノ六十ノ六十一ノ六十二ノ六十三ノ六十四ノ六十五ノ六十六ノ六十七ノ六十八ノ六十九ノ七十ノ七十一ノ七十二ノ七十三ノ七十四ノ七十五ノ七十六ノ七十七ノ七十八ノ七十九ノ八十ノ八十一ノ八十二ノ八十三ノ八十四ノ八十五ノ八十六ノ八十七ノ八十八ノ八十九ノ九十ノ九十一ノ九十二ノ九十三ノ九十四ノ九十五ノ九十六ノ九十七ノ九十八ノ九十九ノ百ノ百一ノ百二ノ百三ノ百四ノ百五ノ百六ノ百七ノ百八ノ百九ノ百十ノ百十一ノ百十二ノ百十三ノ百十四ノ百十五ノ百十六ノ百十七ノ百十八ノ百十九ノ百二十ノ百二十一ノ百二十二ノ百二十三ノ百二十四ノ百二十五ノ百二十六ノ百二十七ノ百二十八ノ百二十九ノ百三十ノ百三十一ノ百三十二ノ百三十三ノ百三十四ノ百三十五ノ百三十六ノ百三十七ノ百三十八ノ百三十九ノ百四十ノ百四十一ノ百四十二ノ百四十三ノ百四十四ノ百四十五ノ百四十六ノ百四十七ノ百四十八ノ百四十九ノ百五十ノ百五十一ノ百五十二ノ百五十三ノ百五十四ノ百五十五ノ百五十六ノ百五十七ノ百五十八ノ百五十九ノ百六十ノ百六十一ノ百六十二ノ百六十三ノ百六十四ノ百六十五ノ百六十六ノ百六十七ノ百六十八ノ百六十九ノ百七十ノ百七十一ノ百七十二ノ百七十三ノ百七十四ノ百七十五ノ百七十六ノ百七十七ノ百七十八ノ百七十九ノ百八十ノ百八十一ノ百八十二ノ百八十三ノ百八十四ノ百八十五ノ百八十六ノ百八十七ノ百八十八ノ百八十九ノ百九十ノ百九十一ノ百九十二ノ百九十三ノ百九十四ノ百九十五ノ百九十六ノ百九十七ノ百九十八ノ百九十九ノ百十ノ百十一ノ百十二ノ百十三ノ百十四ノ百十五ノ百十六ノ百十七ノ百十八ノ百十九ノ百二十ノ百二十一ノ百二十二ノ百二十三ノ百二十四ノ百二十五ノ百二十六ノ百二十七ノ百二十八ノ百二十九ノ百三十ノ百三十一ノ百三十二ノ百三十三ノ百三十四ノ百三十五ノ百三十六ノ百三十七ノ百三十八ノ百三十九ノ百四十ノ百四十一ノ百四十二ノ百四十三ノ百四十四ノ百四十五ノ百四十六ノ百四十七ノ百四十八ノ百四十九ノ百五十ノ百五十一ノ百五十二ノ百五十三ノ百五十四ノ百五十五ノ百五十六ノ百五十七ノ百五十八ノ百五十九ノ百六十ノ百六十一ノ百六十二ノ百六十三ノ百六十四ノ百六十五ノ百六十六ノ百六十七ノ百六十八ノ百六十九ノ百七十ノ百七十一ノ百七十二ノ百七十三ノ百七十四ノ百七十五ノ百七十六ノ百七十七ノ百七十八ノ百七十九ノ百八十ノ百八十一ノ百八十二ノ百八十三ノ百八十四ノ百八十五ノ百八十六ノ百八十七ノ百八十八ノ百八十九ノ百九十ノ百九十一ノ百九十二ノ百九十三ノ百九十四ノ百九十五ノ百九十六ノ百九十七ノ百九十八ノ百九十九ノ百十

百

桑吉斯塔爾

桑吉斯塔爾四川屯練土番乾隆三十九年隨征金川加都司銜
四十九年隨征石峯堡 賞戴花翎經四川將軍保甯保奏進京
當差 命隸內務府正黃旗滿洲授三等侍衛在乾清門行走五
十七年隨征廓爾喀六月擊賊於擦木盡破賊巢 賞大小荷包
尋進攻濟隴以火拋焚礮左臂中槍仍力戰敗賊克復官寨奏入
擢二等侍衛 賞察爾丹巴圖魯名號五十八年升頭等侍衛嘉
慶四年 命赴川陝楚軍營七月襄陽藍號股匪張漢潮等由陝
竄甘桑吉斯塔爾率騎兵夜擊賊於黃牛鋪之江龍溝口殲斃甚
夥餘賊竄擾陝境商南一帶復追擊至二郎礪賊入峽口拆橋抵

拒復率貴州躡捷兵攀援斗崖繞出山巔槍斃二百餘人又追敗之於洵陽壩街十月斬張漢潮於張家坪 上以桑吉斯塔爾最爲出力又能鼓勵將士 賞副都統銜十一月擊賊於教場壩又連敗之於大壩韭菜坪五年二月川匪王廷詔楊開甲等擾及秦隴官兵迎擊於隴山鎮賊分布汪家山之高梁恃眾抗拒桑吉斯塔爾率兵進攻賊大潰殲擒三千餘名奪獲旗幟槍矛騾馬無算 上嘉其奮勉 賞玉扳指火鐮大小荷包仍下部議敘旋偵知張添倫與高戴等逆焚掠岷州之石刷里林江鋪諸處遂由二箇山直趨林江鋪督兵殲截又追擊於毛峪山前後斬獲甚眾會襄陽白號高均德之餘黨高二馬五等亦分竄甘界圍攻文縣之卡狼

寨土堡賊從傍河之郭家山乘高下壓桑吉斯塔爾趨兵搶渡仰
攻賊於東山梁遂連各路兵勇衝擊之殲斃首逆馬五之子狗兒
僞元帥李大旺等千三百餘人五月斃襄陽藍號賊首劉允恭於
陝境之大中溪又敗襄陽黃號賊伍金柱於鎮安之手板崖 敕
部議敘時各賊勦敗後由棧道入甘經略額勒登保檄赴徽縣兩
當一帶進勦八月賊竄階州之柳壩官兵分路迎擊桑吉斯塔爾
山南嘴進發沿途斃賊甚夥復下部優敘尋殲伍金柱於成縣之
峽溝其餘黨向西逃逸桑吉斯塔爾自箭桿山一路迎擊賊竄階
州之梅子園復率兵由馮家山抄截之疊有新獲旋聞賊黨竄聚
文縣甯羌等處在白水河之姚家渡各處窺伺有竄入龍安之勢

即由旱道河寬路馳擊賊折鼠打箭鎰寨山路險窄督兵攀援步行於窄日子追及之勦戮無數又偵賊於木蘭溝設伏分兵擊之獲僞元帥朱有貴等伍逆餘黨僅存二百餘人遁入三岔河峽內桑吉斯塔爾步追之適賊冉學勝冉添士等股由川竄陝與之合擾及石泉五郎等界 上以五逆餘匪又成大股桑吉斯塔爾等所辦何事 命經略額勒登保查參旋以賊匪詭譎又限於地勢實非有意遷延奏入報 聞六年二月川省勦敗之陳朝觀等賊合鼠陝境高二馬五與王凌高亦自川入陝至南鄭官兵迎擊於狼渡礮值賊攻撲民峒桑吉斯塔爾帶兵躍馬橫衝其陣賊首尾不能相顧立斃四百餘名生擒首逆王凌高及襄陽老教頭張什

上嘉獎之 命額勒登保存記尋擊敗冉學勝於紫陽之天池山
六月賊分竄白河縣之孫家坡秧田壩兩處桑吉斯塔爾設伏楊
柏坡會提督楊遇春勦敗孫家坡之賊四五百人東走楊柏坡山
梁伏兵盡出擒斬幾盡十一月生擒首逆高見奇於紫陽之三里
寨及僞元帥周萬有等復得 旨下部議敘嗣以大兵將次蕞功
回京供職八年二月擒獲逆犯陳德於神武門內特 賞騎都尉
世職十一年八月陝西甯陝鎮新兵滋事 命桑吉斯塔爾帶巴
圖魯侍衛等赴陝協勦十一月事竣回京十七年正月呈遞馬圍
月摺 召對遲誤下部嚴議旋議降調 上以桑吉斯塔爾曾在
軍營著有微勞改降一級作爲頭等侍衛仍 賞副都統銜留騎

都尉世職在乾清門行走四月授正藍旗漢軍副都統十八年六月命賞桑吉斯塔爾之子策楞納爾布藍翎侍衛在大門上行走九月命桑吉斯塔爾率外火器營兵赴河南滑縣軍營協同剿捕十一月官兵剿賊於道口鎮滑城賊率眾救援桑吉斯塔爾截擊之焚南關賊不敢出道口賊巢盡覆十二月官兵以火攻滑城桑吉斯塔爾冒煙進剿首先登陴滑城克復命在御前侍衛上行走十九年因失察滑縣凱撤官兵哈分布攜帶幼孩部議降三級調用上加恩改爲畱任仍在御前侍衛上行走二十二年因奉旨不准保畱之參領李履順改名順祥仍列薦舉命革去副都統退出御前侍衛賞副都統銜以頭等侍衛在乾清門

行走二十三年四月卒 諭曰桑吉斯塔爾屢次出師著有勞績
茲聞溘逝加恩照副都統例給與卹典其任內處分悉予開復由
廣儲司庫賞給銀一百五十兩俾令治喪將來回籍時再賞給銀
五十兩到籍後於四川藩庫內動支銀一百兩給伊子以爲修理
塋兆之用尋 賜祭葬十二月策楞納爾布請在京覓地葬父
從之並給廣儲司銀一百兩爲塋地之費策楞納爾布三等侍衛
世襲騎都尉

右 國史館本傳

卷之二 目錄

三

文凱

文凱佟佳氏蒙古鑲紅旗人乾隆五十八年由繙譯生員補驍騎校嘉慶八年授印務章京九年補公中佐領十一年因內城開設戲園馬甲圖桑阿登臺演戲文凱約束不嚴下部議處尋議降二級畱任旋升副參領十三年九月遷參領十月補印務參領十八年三月擢正紅旗漢軍副都統七月署正白旗護軍統領十二月以九門啟閉車馬紛馳良莠莫辨奸匪易於溷跡奏請 敕下步軍統領責令九門弁兵實力稽查分左右以放出入庶人馬不致擁擠盤詰亦易周詳縱有匪徒不難緝獲又以城上晝巡原有專責夜巡向無統率之員恐營兵任意偷安潛離汛地請嗣後滿洲

蒙古漢軍三旗每日輪派參領一員夜閒在城值班統轄該班官兵令其輪送籌枝巡更瞭望於巡防較爲嚴密均得 旨允行十九年二月 賞副都統銜作爲烏里雅蘇臺參贊大臣七月署烏里雅蘇臺將軍九月補正黃旗蒙古副都統仍畱參贊任二十年五月奏言烏里雅蘇臺庫貯勒鞋動用後例應隨時報銷以杜浮濫乾隆五十三年六十年兩次賞給兵丁勒鞋俱未報部殊屬遺漏請將歷任失察將軍參贊大臣章京等交部分別議處並自請察議 上從之十月偕將軍伊沖阿等奏言戈壁游牧地方連年被災倒斃大小駝隻至五千餘隻前於十三年該游牧地方被災倒斃駝隻一千三百九十隻經前任將軍晉昌等奏准責令該管

孳生駝羣喀爾喀郡王多爾濟扎布於三年內賠補足額此次倒斃駝隻過多照上次責令三年賠補未免艱於措辦請將不敷原設廠孳生大駝一千二十七隻著落多爾濟扎布於一年內賠補足額尙有倒斃孳生大小兒騾駝三千九百七十四隻請於嘉慶二十一年起分作十五年賠補全完下所司議行二十三年二月因病回旗四月卒

右 國史館本傳

皇朝通志卷之九

九

雙林

雙林富察氏滿洲正紅旗人乾隆三十八年由健銳營前鋒出師金川打仗奮勉四十四年授護軍校五十四年升授副護軍參領五十六年揀發雲南以遊擊用六十年補鶴麗鎮遊擊是年四月黔楚逆苗滋事總督福康安和琳督率各路官兵會剿雙林同烏雲珠馮繼玉等帶兵由劍坡進發乘夜冒雨直撲苗寨據黃瓜山大梁五月隨總兵達音泰等由構皮寨進剿先後擊斃逆苗無數十月苗匪首逆吳半生盤踞大烏草河一帶福康安和琳督同雙林等直抵高多寨四面攻擊半生詣軍前乞降奉旨交部議敘是月大兵乘勝直攻鴨保等處賊巢雙林旋由得寨地方繞至龍

角礪南面山梁進攻所向克捷 賞戴花翎給依清阿巴圖魯名號並銀一百兩嘉慶二年經總督勒保派隨總兵德英額帶兵堵禦南籠狃苗因相度地勢紮卡設防奏入 諭曰勒保奏滇省與貴州連界之黃泥河一帶因防守不力以致苗匪到彼侵擾見經派令總兵德英額遊擊雙林前往所有黃泥河一路卽交與德英額等在彼專心剿辦雙林遂隨德英額由瓦窰魯得前進歷擊斃以得馬街金雞山等處苗匪復於以紅大期及小法衣以孔一帶地方殲斃苗匪甚眾五月又剿賊於以隴沙羊峒紅石巖羅古必生擒三十六人旋偕德英額移營金雞山時各路竄避逆苗糾結餘黨乘夜潛來撲卡雙林等緊守牆子黎明出擊槍礮齊發殲斃

仙達一名獲首級十三顆於盧溝安谷生擒仙達王元帥一名漢
奸李友唐一名斬獲首級三十六顆六月復隨德英額分路進剿
焚燒法郎及布宗六冲等處賊寨事竣升補黎平營參將五年廣
順州鎮甯州等寨青苗楊文泰陳大鵬等糾眾肆擾雙林隨巡撫
覺羅琅玕星馳往剿臨陣射倒大頭目直前攻擊生擒多名上
嘉其奮勇賞給副將銜仍交部從優議敘六月貴州石峴苗人
與楚苗互相勾結焚燒民寨雙林隨巡撫伊桑阿帶兵攻擊隨剿
隨撫全行平定得旨交部議敘旋補銅仁協副將八年署鎮遠
鎮總兵十年授廣東右翼總兵十五年授雲南提督十八年河南
滑縣教匪謀逆雙林懇請馳赴軍營自效上不允並以擅動驛

站交部議處尋議降三級調用上加恩改爲畱任二十二年臨
安江外窩泥夷民商羅夜糾合夷匪漢奸稱王號僞封官職搶掠
土司地方雙林未卽帶兵渡江迎敵上嚴飭之旋偕總督柏麟
將首逆匪黨先後殲擒掃除淨盡諭曰雙林係該省提督大員
並不親率將弁過江身臨前敵若辦理稍有遲延卽應治罪茲已
蕲事雖調派無誤功過僅足相抵著毋庸議敘二十三年四月夷
匪復由藤條江外突至蠻密渡過江擾至江內上以雙林帶兵
遲緩畏葸無能降補貴州古州鎮總兵仍命在軍前效力贖罪
會臨元鎮總兵李慶雲失守渡口上責其怯將罪之調雙林臨
元鎮總兵尋慶雲隨柏麟剿平江外逆匪諭曰雙林帶領西路

官兵臨期馳赴無勞足錄著卽赴古州鎮新任不必畱於江外十
二月補授江南提督旋卒長子德克金布 恩賞拜唐阿

右 國史館本傳

6732

--	--	--	--	--	--	--

托爾歡

托爾歡董鄂氏滿洲正白旗人由閒散挑補拜唐阿乾隆三十一年遷鑾儀衛整儀尉三十三年遷治儀正四十年升雲麾使四十五年擢冠軍使五十年授廣東南雄協副將五十七年升潮州鎮總兵嘉慶元年正月湖南逆苗石柳鄧等滋事上命總統福康安四川總督和琳率兵勦捕托爾歡奉調率廣東官兵萬人赴營協勦六月大兵抵廖家衝苗匪踞乾州平隴一帶沿山拒守和琳議先破乾州次搗平隴乃分軍爲三進攻得峯山內大臣額勒登保爲前隊內大臣德楞泰次之自率托爾歡等繼進苗匪據險抵禦我兵直上山梁乘夜撲全壁嶺連奪賊卡巖斃甚多得旨嘉

獎七月大兵攻乾州和琳令托爾歡扼溪灣以絕賊援遂復乾州
直指平隴十月總統額勒登保以平隴賊巢險峻議先奪巖人坡
得之足以制勝以分其勢偕托爾歡由磨子園間道出巖人坡之
後三面合攻賊眾大潰連克查口峒平頭梁下溪溝羅家灣等處
進偏平隴賊欲自馬鞍山捧風峒撲出托爾歡以兵扼其衝十一
月大兵五路進攻托爾歡隨湖廣提督鄂輝擊其右破平隴賊巢
攻附近寨落盡克之捷入 賞戴花翎尋乘勝攻平隴後山次養
牛塘賊黨猶糾眾死拒並於險要築卡堅守我兵援仄徑上破卡
直入殺賊多名 上嘉其奮勇復督兵由風形地攻貴魚坡之南
敗賊於馬頭山拔苗寨大小二十餘斬首五十餘級奪取餘錦坡

苗眾仍退踞貴魚坡聚守絕頂木城我兵進拔鹿角競然火彈轟斃賊眾奪獲牛馬器械無數經總統明亮入奏屢蒙 恩賚十二年苗疆平定 上加恩在事諸臣 命下部優敘九年調貴州古州鎮總兵十年六月來京 陛見以年老畱京授副都統銜在頭等侍衛上行走八月授正白旗蒙古副都統十二年軍政屆期得旨托爾歡年逾六旬人亦平庸著以原品休致二十四年卒子凝秀二等侍衛

右 國史館本傳

日本書紀卷之二十一 孝德天皇

五

明德

明德伊爾根覺羅氏吉林滿洲正黃旗人乾隆三十八年由領催隨征金川屢立戰功四十一年金川平下部優敘五十一年升驍騎校五十三年遷防禦六十年升佐領嘉慶二年七月川陝楚教匪不靖明德隨副都統賽沖阿往討十月進兵陝西會襄陽藍號首逆張漢潮竄至平利之會家壩我兵擊敗之越日復於黑虎廟設伏迎擊殲賊目張世虎斃賊千人十二月張逆同襄陽黃號首逆王廷詔等竄漢中意圖北遁明德率勁兵由高臺寺截殺斬賊無算捷入 賞鳴爾薩巴圖魯名號並賞戴花翎三年六月襄陽白號首逆高均德由鐵鎖關竄入川境躡蹤追剿疊有新獲八月

高逆復合通江藍號首逆冉文儔屯集大神山龍鳳坪等處我兵
由消水河進攻敗之於薄道嶺明德箭斃數十人賊披靡乘勝攻
羅鍋頂賊五百擒張舉等二百餘人十月襄陽黃號首逆樊人
傑合太平黃號首逆龍紹周嘯聚箕山一帶明德由廖家礮抄擊
賊賊六百餘十二月復開冉逆占據麻壩寨乘其不備夜燬賊巢
擒其渠明德受石傷四年七月達州青號首逆徐添德由湖北西
溝竄竹谿河明德隨內大臣德楞泰由徐家壩移師入楚八月敗
賊於竹山之紅坪九月克店子壩五年二月通江藍號股匪冉添
元等搶渡嘉陵江分擾南部鹽亭西充各縣境我兵由楚入川一
路追勦連克馬蹏岡黃茅嶺等處生擒線號僞先鋒陳得俸並賊

藍號賊目冉添恆三月進攻包家溝克之擒冉添元及僞總兵鮮其順並餘匪二百餘人四月東鄉白號賊張子聰竄新店子明德率馬隊由老鵝嘴擣賊巢賊驚潰奔銅埡口我兵奮力攻敗之戮僞元帥雷世旺於陣五月追勦藍號賊目冉添士等於汪家坪曹家坪賊潰走明德追躡四十餘里於江口斬級三百升協領八月藍號股匪李炳等據巴州陡坎子山梁明德奮勇先登擊走之捷聞下部議敘六年正月追賊入陝敗之於乾溝俘馘千餘賊遁帶兵跟追直趨野豬坪射斃襄陽白號股匪高二燧其眾二月進擊黃號賊首龍紹周於埽箕寨四月賊匪徐添德樊人傑潛渡漢江由鍾家坡截擊敗之六月徐逆向紫陽東竄我兵躡蹤抄截賊窮

蹙走仁河新灘爭渡船覆徐逆落水死八月由陝入楚敗賊於通
城之九道梁十月迎截大禾田逆賊擒青號股匪李尙文進攻紅
茶園殲賊首吳添珍僞元帥葛騰勝生擒田國柱等二十餘人七
年正月敗賊於蒲河二月由楚入川連攻柏林槽九盤寺馬鞍山
各有斬獲捷入下部議敘七月敗賊於煙墩壩八月搜捕餘匪於
天池壩白牛池白河口等處疊有殲擒九月三省漸次肅清凱撤
回旗十二年授墨爾根城副都統二十一年因病陳請休致 允
之二十四年卒子郭全官防禦道光六年隨征喀什噶爾陣亡自
有傳

有 國史館本傳

策楞

策楞佟佳氏滿洲正藍旗人乾隆三十二年三月緬甸酋匪恃駁糾眾入關騷擾邊境策楞由健銳營前鋒隨將軍雲貴總督明瑞往勅十一月由宛頂木邦進趨日小破賊寨渡打疊江過錫箔至蒲卡西賊伏兵突出擊敗之乘勝至蠻結四山環繞賊立六十六寨負嶠拒守我兵分路前進毀柵仰攻拔之賊棄寨竄斬級二千餘生擒三十四人奪獲軍械無算捷入得 旨嘉獎三十四年八月隨大學士經略傅恆進攻猛拱大頭目脫猛烏猛畏罪來降十月改攻猛養寨連破賊壘策楞均在事有功下部議敘十一月緬酋乞降凱撤歸伍三十七年授前鋒校三十八年六月金川不靖

隨參贊大臣色布騰巴爾珠爾前往勦辦八月由西路進攻連克
資里美美卡木蘭壩十月克復鄂什官寨十一月乘勝進克南山
梁拉約達什思巴爾扎覺木邦甲各碉寨收復僧格宗尋改攻路
頂宗明郭宗收復美諾奪礮三殲擒無算捷入下部議敘四十一
年金川平凱撤回旗四十四年升委前鋒侍衛四十六年補直隸
獨石口都司五十二年調靜海營都司五十五年授浙江處州鎮
標遊擊五十九年調提標遊擊嘉慶元年遷提標參將二年署紹
興協副將三年調撫標參將四年授紹興協副將五年擢貴州鎮
遠鎮總兵八年署貴州提督十七年三月入覲得旨策楞前
在軍營辦事奮勇見年已七十五歲著施恩賞給頭等侍衛加副

都統銜在大門上行走四月授正藍旗漢軍副都統十月管理健
銳營事務十八年署正藍旗護軍統領二十年劾參領甘運潔鞭
責馬甲請交部議處 諭曰甘運潔因馬甲佟澤濤匪言嬉謔加
以鞭責並無不合策楞疲軟不曉事體著傳旨申飭二十二年
命考驗左翼軍政先是正藍旗漢軍參領李履順人本平常曾經
奉 旨不准保薦是年軍政屆期該員改名順祥冀圖朦混策楞
率登薦牘未行檢舉經刑部侍郎成格查出據實劾奏得 旨策
楞年已老邁著以三品頂帶休致二十四年卒年八十二

右 國史館本傳

K320.49

331
大英欽定四庫全書

2

四庫全書
卷三百六

臣

--	--	--	--	--	--	--	--	--	--

169-972



21101000157975